



6

~~14-c~~

90



Bibliotheca  
Coll. Rom.  
et. Jesu

92.5.6

~~14-c~~ 90

A.  $\frac{R}{R}$





ANTONI MATTHÆI JC.  
ORATIONES.

*Quarum pleraque continent*  
Argumentum Juridicum.

*Accedit ejusdem*  
POËMA IN AVGVSTVM  
Edente

ANT. MATTHÆO A.F.A.N.

*Bibliotheca de Coll.*

*Novi* *Sex Sept*



ULTRAJECTI,  
Typis Theodori ab Ackersdijck & Gisberti à Zjyl,  
M. DC. LV.





NOBILISSIMO,  
AMPLISSIMOQUE SENAT-  
TUI INCLUTÆ URBIS  
RHENO-TRAJECTINÆ

HAS ORATIONES

V. CL.

ANTONII MATTHÆI

D. D. D.

FIL. EDITOR.



Estæ, ut par est, ius-  
sioni, VENERANDI  
PATRES, morem  
gerentes, Orationes  
parentis (heu quondam nostri)  
nunc in lucem edimus, vestro-  
que nomini inscribimus. Grato  
quippe animo agnoscimus, quan-

\* 2 tum



tum debeamus vestris in nos meritis, quibus magis obnoxios effecistis, quàm ut verbis gratias agere possimus. Ut autem amplius patefcat, quantopere optimus parens vestro quoque honori studuerit; nostri officii esse duximus, etiam ejusdem Poëma, in laudem Urbis & Academiae vestrae scriptum, evulgare. Quod ne operis seriem turbaret, ad calcem adjecimus. Orationes verò eo ordine disposuimus, quo à parente publicè habitas, temporum nobis ratio persuasit: & singulas quidem ab ipso jam ante publicatas, cum MS. contulimus, typothe-

pothetæ erratis , quæ irrepperant,  
sublatis ; reliquas verò in lucem  
damus , quales in arcula reman-  
sere. Non pauca fortassis in iis  
erunt, quæ reprehendant alii; sed  
quis nescit , omnibus ad omnia  
placere , supra hominem esse?  
Haut dubiè, si longior parenti vi-  
ta contigisset , alia prorsus facie,  
alio nitore , prodirent. Quod  
cum factorum iniquitas prohibue-  
rit , tantò vos impensius , Patres  
Reverendi, rogamus, ut opuscu-  
lum hoc postumum , quod ipsi-  
met in publicum evocastis, ab  
atro lividorum dente illæsum at-  
que intactum conservare, nosque

noſtraque omnia Ampliſſimi no-  
minis veſtri patrociniſio protege-  
re velitis. Dab. Trajecti ad Rhe-  
num, viii. Kal. Septemb. Anni  
M. DC. LV.

AMPL. VESTRAE

*Addiſſimus*

ANT. MATTHÆUS A.F.A.N.

# ORATIONUM

argumenta.

- I. *In illustris Gymnasii Vltraject. inaugurationem.* Pag. 1.
- II. *De Toga.* pag. 34.
- III. *De Institutionum utilitate.* pag. 77.
- IV. *Prefatio ad librum IX. Codicis.* pag. 93
- V. *De Annulo.* pag. 113.
- VI. *Prefatio ad Institutiones.* pag. 159.
- VII. *De Pileo.* Pag. 171.
- VIII. *In Simulatorem.* pag. 207.
- IX. *Pro lege Constantini M. De adult-*  
*ris.* pag. 241.
- X. *De modestia veterum Iurisconsulto-*  
*rum.* pag. 166.
- XI. *De abstinentia Iurisconsultorum.*  
pag. 292.
- XII. *In Carmelitam.* pag. 319.
- XIII. *Pro Carmelita.* pag. 345.
- XIV. *Pro*



ANTONII MATTHÆI  
O R A T I O I.

Habita in Illustris Gymnasii Ultraject.  
Inauguratione,

DE



*Iuris Civilis sapientia contra ejus  
obtrectatores.*

**Q**UOD precatus sum à Deo  
immortali, tum cum à de-  
legatis inclytæ hujus civi-  
tatis ad honestissimam ju-  
ris docendi functionem e-  
vocabar; uti ea res Sena-  
tui Pop. Q. Ultrajectino bene atque  
feliciter eveniret: idem precor ab eo-  
dem Deo immortalis hoc die, quo more  
institutoque literario auspicia novi mu-  
neris capienda mihi sunt. Neque repe-  
tere sæpius id votum pigebit; neque si  
repetiero, ut boni laudent metuum.  
Nam si illa solennis precatio eam in se  
oboritur A habet



habet vim & religionem, ut omiffâ ne minutarum quidem rerum proventus fperetur; quanto minus neglectâ maximarum rerum melfis fperanda eft? Et fi modicis quoque negotiis fortunandis crebrum dicimus Feliciter; quoties quantumque vobis, Senatores prudentiffimi, dicendum erit, inter initia rei tam pulchræ, tam præclaræ, ut vel invidia iudice æternitatis memoriam cum præclariffimis mereatur. Cum enim reliquorum mortalium, qui cum re potentiam conjunxerunt, ea plerumque libido fit, ut divitias quas honeftè habere poterant, aut luxu vexent, aut turpiter flagellent: veftra diverfa ratio eft, qui opes, quas fortuna vobis dedit, per gloriam poffidere, quam per ludibrium abuti mavultis. Cumque ea fit vulgi exiftimatio, Mufis atque Marti nullum effe commercium; filere leges inter arma, nec Themis audiri inter militum clamores: vos non commercium tantum, fed & conjunctionem, & neceffitudinem summam oftenditis; qui cum Deum colitis, tum in fide ejus atque tutela Deas effe vultis, ut conjuncta numina mutuis auxiliis juventur ornenturque: Dearum quies defenfione Martis: virtus Martis ftudiis Dearum. Qua in re credo

credo secuti estis, non tantum Fulvii illius Nobilioris vestigia, qui primus novem Camœnarum signa ex Ambracienfi oppido translata sub tutela Herculis consecravit: sed & multorum laudatissimorum principum exemplo provocati estis; qui ut haberent Rempubl. non solum armis decoratam, verum etiam sapientiæ studiis armatam, utriusque militiæ, tam sagatæ, quàm togatæ scholas aperuerunt. Illud autem præcipuum habetis, quod non modò conjunxistis cum sago togam, sed conjunxistis eo tempore, quo sagatos magis quam togatos Respub. flagitare videbatur. Hoc vobis fama imputat, nec laudis consortio nisi fœderatos dignatur; qui sæviante crudelissimi belli tempestate, inter armorum strepitus, & buccinarum cantus ita Marti operabantur, ut Astrææ quoque & Musis templa dedicarent. Hanc primi sibi gloriam Batavi peperere: dein Frisii: secuti Gelri; nec desperavere Trans-Isalani. Coronam studiis vestrum imponit Lyceum, cui recentibus auspiciis nascenti ea rerum incrementa precor, ut cum tempore inter novissima sit, fama & numero in primis habeatur. Annuat Deus immortalis precibus, & faxit uti Senatus mentes atque senten-

4 ANTON. MATTHÆI  
tiæ cum populi Ultrajectini voluntate  
semper consentiant; eaque res Senatui  
Pop. Q. Ultrajectino gloriam, Scho-  
læ quietem & tranquillitatem sempiter-  
nam adferat. Verum enimverò, quia  
video, præter solennes acclamationes  
illud quoque usu communi receptum  
esse, ut homines quibus docendi pro-  
vincia data est, de rebus ad eam perti-  
nentibus ante dicant quam doceant; ne  
ab eorum instituto descivisse videar, ab  
ominationibus ad argumentum transi-  
bo. In quo quidem sumendo, cum scruta-  
rer eorum vestigia, qui ante me ea-  
dem factitarunt, non unam omnibus  
rationem constituisse deprehendi. Qui-  
dam enim de rebus ad statum Rei-  
publ. pertinentibus differunt: alii in  
juris civilis laudes effunduntur: pleri-  
que de studio ejus rectè instituendo  
deliberant. Ego nihil præsentī institu-  
to convenientius facere me posse exi-  
stimavi, quam si civilem Romanorum  
sapientiam, cujus me professorem Se-  
natus esse voluit, à malevolorum ob-  
trectationibus vindicarem: non quod  
ingenium argumento par esse putarem;  
sed quod fides id à me flagitare videre-  
tur. Si enim oratores & advocati sui pu-  
tant officii, in causis capitalibus etiam  
alie-

alienissimos defendere: flagitium sit ingens, eam non defendere, cui fidem dederis; quaque defensa non tam laudem meruisse, quam culpa caruisse videre. Ante verò quam adversariis me comparem, vos A. O. rogo; primum quidem ut paventem insolentia loci animum meum serenitate vultus vestri erigere, dein aures vacuas, animosque æquos ad breve tempus commodare velit; ut depulsis vestro favore calumniis, facilius patere possit, solam Romanorum sapientiam dignam esse, cujus sacra in civitate sint. Atque initium dicendi facturus de dignitate hujus studii nihil præfabor: tametsi enim ad causam utilissimum, ad gloriam pulcherrimum foret, scientiam pulcherrimam dictis exæquare; tamen quia sentio me parem ad res dicendi vim adferre non posse, silere satius arbitror quàm pauca dicere. Verùm recto gradu ad eos accedam, qui novæ nescio cujus sapientiæ studiis mancipati, priscam illam, quam & antiquitatis veneratio, & Romani nominis majestas, & sua ipsius pulchritudo commendat, e medio sublatam cupiunt. Hi cum viderent in universum culpari non posse, quod tot argumentis, tantis auctoribus defenditur, particulas quasdam ejus vel-

licant, quibus avulsis aut fœdatis totum  
fœdari necesse sit. Ex partibus autem  
juris civilis quæ pro amplitudine ejus  
multæ sunt, cum alias miserè lacerant,  
tum illam quæ de testamentis est im-  
pensè vexant: tanquam sit & rationi, &  
utilitati inimica; perennis litium fons,  
& prodiga forensis improbitatis nutrix.  
Primùm quidem mirantur, quæ tanta  
fuerit Romanis legumlatoribus causa,  
cur testandi libertatem infinitam esse  
voluerint; cur necessitatis tantæ, ut pau-  
lo minus stulta quorumlibet judicia de  
rebus suis legibus æquarent: cum ra-  
tio naturalis dictare videatur, heredem  
defuncti esse debere, non quem male-  
fano testator voto concepisset; sed quem  
sanguinis proximitas ad gentis pecu-  
niam vocaret. Dein execrantur immen-  
sas illas scriptiones, & operosa volumi-  
na, de institutionibus & substitutioni-  
bus heredum, de jure adcrescendi, de  
conjunctionibus rerum & verborum,  
de quarta Falcidia, S<sup>to</sup>. Trebelliano &  
Pegasiano; quibus tanquam difficilli-  
mis nugis, & quadrifariam sectis pilis  
juventutem teri, ingenia vexari que-  
runtur. Rectius suis à majoribus provi-  
sum autumant, qui omnem istam in-  
cendii materiam & dissidiosam farragi-  
nem

nem uno ictu præciderint, cum testandi facultatem in totum sustulissent, & felici invento ac usu sanxissent, ut quisque lege familiam acceperit, eadem genti posterisque transmittat. Sentio hac in parte cujusmodi cum hominibus mihi res futura sit: nempe non ejusmodi solum, qui præter nocendi voluntatem in rem præsentem adferre nihil possunt, sed & iis, qui cum nocendi proposito literas & facundiam conjunxerunt; uti planè quemadmodum ille ad evertendam Remp. ita hi ad impugnanda testamenta sobrii accessisse videantur. Nec tamen congressum eorum abnuerim, quanquam impar facundia: nec metuum ut superior sim, tametsi & ætate, & usu inferior: quandoquidem non omnia in eloquentia sita sunt; est quædam tamen ita perspicua veritas, ut eam infirmare res nulla possit. Quid enim est, quod tantopere mirantur illam testandi libertatem, & æquatas legibus defunctorum voluntates? usque adeò aut ratione destituitur, aut exemplo perniciofa est? Profectò, nisi vehementer erro, nihil rationi magis consentaneum, nihil in publicum utilius. Siquidem hoc natura comparatum est, ut de iis rebus, quarum quisque jure gentium aut jure civili



li dominus factus est, statuere pro arbitrio quod lubet possit: ne si statuendi facultatem denegemus, non tam dominum quam usufructuarium faciamus. Atque hoc uti natura comparatum est, ita apud omnes, etiam eos qui testamenta damnant in confesso est, dominium nihil aliud esse, quam de re quod lubet statuendi potestatem: suę quemque rei esse moderatorem & arbitrum; nec culpam præstari nisi in aliena; nec rationem reddi, nisi sit fidei nostrę commissa. Dominus ergò ne adversariis quidem abnuentibus, statuere de re sua quod libet potest: Inter vivos tantùm, an & ultima voluntate? vivus valensque, an & moriturus? quid est, quod hac tandem de re vobis possit videri? Inter vivos credo dicent qui non animadvertunt, imperfectum futurum esse dominum, quod integra lege habere non licet: prægraue fore patrimonium cui hoc adjunctum odium est, ut denegata testandi facultate certa & immota lege proximis personis derelinquendum sit. Quantulum est enim inter vivos statuere posse, si non liceat idem ultima voluntate? Vivis neque curę, neque commodo est de rebus suis cernere, aut aliis mancipio bona dare: ne si dederint, ex uti fortunis ipsi sibi funus faciant,

&

& vivi videntesque exequias eant : cum non possit non ille mortuus videri, qui antequam vivere desierit, subsidia longioris vitæ sibi subtraxerit. At cum mortalitate jam defuncti sumus, cum unâ cum vita deposituri etiam exuvias omnes & fortunas sumus, tum si statuere quod lubet de rebus quisque suis potest, verè nostras, non usu tenus aut fructu fuisse confitebimur. Hoc tempus est quo dominus arguitur ! Hæc dies illa cujus arbitrio herus censetur ! qua si cernere cum libet non licet ; frustra licet, cum neque sanis libet, neque stultis expedit. Cur datur quod accipientibus in exitium vertit ? Cur negatur quod requirentibus salutis est ? Ea beneficii lex est, ut indigenti detur ; datumque juvet, non opprimat : Secus perdet nomen quod fructu caret ; aut intempestivè sumtum perniciem adfert sumentibus. Quid ? quod ex servitute trahit aliquid non posse statuere supremis tabulis ? neque plenæ libertatis argumentum est heres ille necessarius & inevitabilis ? Notum est cujusmodi olim Latinorum Junianorum & dedititiorum fortuna fuerit : qua lege testamenti factio denegata fuerit iis, qui nō justam & plenam consecuti forent ex jure Quiritium libertatem. Vivebant ut

A 5      liberi;



liberi; moriebantur ut servi: vivi res suas utcunque administrabant; mortui non quem tabulis probassent, sed quem lex dedisset heredem habebant. Haud multo pensior est eorum conditio qui testamenta damnant: Et hi ut liberi vivunt; propemodum ut servi moriuntur: superstites utcunque bona disponunt; morituri non iudicio successorem probant, sed legis arbitrio capiunt. Quod si rectè Justinianus Imperator utramque illam libertatem, & dedititiam & Junianam è civitate sustulit, voluitque eos quibus quoquo modo libertas obtigisset, ejus beneficio plenissimè frui: necesse est illud quoque rectè constitutum dicamus, ut qui dominium habet, plenissimo ejus jure fruatur; nec vivus tantùm valensque, sed & moriturus de rebus suis decernat. Est igitur hæc prima & summa ratio quæ pro testamentis stat, dominipotestas: cui si junxerimus alteram humanitatis & affectus, apparebit quam sit absurdum illud novæ sapientiæ placitum, quo morituris negatur, quæ viventibus conceditur alienandi facultas. Namque valentium decreta unicuique ferè domini argumentum defendit: morientium preces non solum domini vis tuetur; sed & invidiosa misericor-

ricordia ratio commendat. Hæc postulat liberam esse morituris statuendi de rebus suis potestatem. Hæc flagitat mortalium votis indulgeri, qui pro immortalitate quam se consequi posse confidunt, hac quasi immortalitatis specie & umbra delectantur, postquam aliud jam velle non possunt, licitum esse supremæ voluntatis stylum; nec impediri ultimum quod non redit arbitrium. Hoc divos se fieri credunt! Hoc qui caruere, propemodum sine solatio mori sibi visi sunt; cum inter humana non ultimum solatium sit mortis, illa post mortem voluntas. Itaque ergo quoties illas veterum formulas legimus; QUIA HEREDES, QUOS VOLUI MIHI CONTINGERE, HABERE NON POTUI, &c. QUONIAM SINISTRA FORTUNA CAJUM ET LUCIUM FILIOS MIHI ERIPUIT &c. quis nostrum non animo valde commovetur? quis non communis mortalitatis cogitatione & favet & miseretur? Est enim à natura multum nobis affectus erga morientes datum; quo fit, non tantum ut deficientium oculos cum fletu condamus, sed & mortuorum memoriam lamentis prosequamur. Ac licet nec Deos manes credimus, nec quid rerum mortales agant

ad mortuos referri scimus; nemo tamen  
quæ moriturus dixerit non meminisse,  
quæ mandaverit non exequi volet, nisi  
alienum ab omni humanitate & miseri-  
cordia sese profiteatur. Neque verò  
morituris solum favet hæc humanitatis  
ratio; sed iis quoque patrocinator, quos  
illi heredes supremo iudicio scripserint.  
Cum enim affectio animorum, ex qua  
testamenta sapientes nata credunt, uni-  
verso mortalium generi mutua sit: cum  
sit naturalis & ingenita nobis commen-  
datio, qua oportet hominem ab homine  
ob id ipsum quod homo est, tametsi pro-  
pinquus non est, non alienum videri:  
facile intelligimus culpandas non esse  
tabulas, quibus extraneus heres scrip-  
tus est: qui licet cognatus non est, tamen  
homo est, & communis humanitatis in-  
tuitu, non indignus hereditate videri  
debet. Quod si ad humanitatem acces-  
serint merita, & multis vitæ officiis qui  
propinquus non est anteverterit proxi-  
mos, quis culpet, non laudet tabulas,  
quibus primus amore & meritis antefer-  
tur ei, qui solo sanguine & nascendi for-  
te gloriatur? Quippe cum nasci fortui-  
tum sit, nec ultra æstimetur: electio  
& animi iudicium optimum quærat &  
inveniat: qui si longo usu multisque fi-  
dei

dei experimentis fuerit probatus, cur non proximus habeatur morituro, qui amicissimus erat viventi? Porro quanta in ea re utilitas, posse vel ultimo vitæ momento dignis & benè meritis condignam referre gratiam; quonisi grati simus, ingratos nos mori necesse sit? Quanta contra indignitas solos propinquos pro nostris, reliquos omnes pro alienis habendos? Et illis quidem etiam nullo suo merito relinquenda bona: his ne optimè quidem meritis heredis tribuendum nomen? Taceo quod industriam languescere, solcordiam intendi necesse sit, si lege detur, non testatoris arbitrio hæreditas. Quis enim in hoc tam brevi vitæ curriculo, tantis laboribus frangi? tot curis vigiliisque consumi? toties de bonis tanquam de vita dimicare volet? si cura futuri nobis interdicitur; si quibus regionibus vitæ spatium circumscriptum est, iisdem domini potestas terminatur; nec successorem habere licet eum, cui assem bonorum ex voto paravimus. Ex his omnibus manifestum est testandi institutum neque rectæ rationi repugnare, neque utilitati inimicum esse. Quid si ad rationem accedat gentium consensus, quantum ponderis

& momenti accessurum putamus? Huic enim consensui illud tributum est, ut quodcunque gentes usu exigente & humanis necessitatibus constituissent, id jus esset; nec minus sacrosanctum & inviolabile haberetur, ac si divina providentia constitutum, aut natura comparatum esset. Circumferamus igitur oculos, lustremus divisas orbe tota gentes, nonne major mortalium pars testamentis gaudent? & quamvis tantis terrarum spatiis disjuncti sint, tamen communi consensu probant supremam illam futuri curam? Ne barbaros moremur, eos solum intueamur, in quibus non modò fuit, sed à quibus etiam humanitas ad reliquos populos dimanavit. Nonne Græci, tam hi qui Europam, quàm isti qui Asiam incoluere, tametsi legibus, moribus, institutis plurimum inter se diffiderent, uno tamen animo pro testamentorum auctoritate certavere? Errat quisquis Romanorum inventum putat: etiam ante quam Roma esset, orbis consensu testamenta probabantur. Et ut rectè quidam ex sapientibus nostris opinantur, ante quam Mercurius Ægyptiis, Cadmus Græcis literas ostendissent, jam testamenta & heredes viva voce nuncupabantur? Quod si tempora in quæ

quæ nos duravimus examinare libet, præter barbaros multos inveniemus consensum Italiæ, Germaniæ, Hispaniæ, togatæ Galliæ, & totius propemodum orbis Christiani. Quibus conjuratis, quid est, quod adversarii opponere possunt? nisi ex veteribus Germanos: ex præsentibus aliquos Galliæ, paucos Belgii nostri populos, quibus sui magis animi sensus, quàm reliquarum gentium consensus placuit. Exiguum profectò diversæ sectæ firmamentum. Non enim si testamentis non usa est, aut ne nunc quidem utitur tanti orbis tantilla portio, idcirco putandum est, non esse ea juris gentium. Nam quemadmodum olim inventis à Cérère frugibus, inventi sunt qui, vel quod Deorum munera ignorarent, vel quod usu eorum non caperentur, glande malebant vesci: ita inventis testamentis, quid mirum si Germani usi non sunt? quorum usum aut ignorabant, aut non probabant; iis temporibus, quibus armis magis & fide, quàm humanitate & cultu ante reliquos mortales erant. Postquam cum armorum studio humanitatem & pacis artes conjunxerunt, mutata majorum duritie, plerique omnes suprema de rebus suis judicia probant. Quod si hodièque sunt aliqui,

qui, tam à testamentis alieni, ut eos neque ratio, neque utilitas, nec exempla à majorum institutis revocare potuerint; non tamen auctoritatem quam laudavimus ullo modo convellere possunt; cum testantibus faveat potior gentium nationumque pars; quarum conspiratio, ad constitutionem juris satis pollens potensque est: neque paucorum indiget, qui civilem magis & suam, quam communem humani generis utilitatem sequuntur. Quanquam si verum fateri libet, ipsi illi qui testamenta damnant, grande sententiæ nostræ documentum præbeant: Quæ enim damnant, tacentes & inviti laudant, cum partium usum retinent: cum legata atq; fideicommissa codicillis, qui testamenti pars sunt, relinquunt: aut cum naturaliratione unum & simplex esset omnium patrimonium, magno juris ludibrio duplex commenti sunt; alterum mobile, alterum immobile rerum: Et prædia quidem cum testantis arbitrio exemissent, de reliquis ratione victi, utilitate expugnati testari permiserunt. Verum repetunt illi quod ante dixerant, iniquum & indignum esse, ut legitimos quos sanguinis necessitudo ad successionem vocat, scripti heredes extranei excludant: æquum esse



esse ut qua quisq; lege familiam accepit, eadem ad posteros transmittat. Ut aliquid illis largiamur, concedant nobis vicissim necesse est, multo iniquius & indignius esse dominum in extremo vitæ constitutum, acerba invisi heredis cogitatione differri; nec posse præteritis ingratiss, incorrupto iudicio quærere dignissimum cui familiam tradat: cum nihil sit naturali rationi magis conveniens, quàm voluntatem domini rem suam in alium transferre volentis ratam haberi: Atque ut minus id iniquum videatur, cum majorum virtute bona parta sunt; nemo tamen negabit iniquissimum esse, quoties res non à majoribus relictæ, sed industria defuncti quæsitæ est. Fingamus enim gnævum è plebe hominem, cui natura nil melius quàm ingenium, pater præter libertatem nihil reliquerit; ingenium in quæstum contulisse, libertatem industriæ incitamentum habuisse; opes sibi parasse ingentes: Instare seni cognatos, orare, obsecrare, ne testamentum faciat: equum esse totum quod habet, in familia & gente permaneat. Illum contra: Sua nō gentis bona esse, suo sudore & labore parta; à se diætæ, pristinū, & horrea ædificata; suo impedio fundos & instructos & ornatos esse. Æquius esse, ut cum nihil re-



relictum, omnia parta; cum liberi nulli sint, propinqui ingrati, iudicio sibi heredem instituat, non legis arbitrio capiat. Hanc postulationem quis non aliquanto iustiores existimet? Quis non pronis auribus accipiat? Cui autem non exclamare libeat? Euge, Euge, senex! facile palmam habes: vincit tua fabula; victi cognati: quandoquidem & magis ex argumento agis, & versus meliores funditas. Quid ergo? si & hoc iniquum est, dominum non posse testamento heredem scribere; & illud indignum, extraneis scriptis cognatum præteriri; quid tandem dicemus? num secum natura diffidet? num ratio cum ratione pugnat? Minimè verò nam si recta lege componentur, non modò nulla dissensio, sed & maxima rationum consensio & convenientia parebit. Prima testati causa esto, pro qua summa ratio militat, ut domino statuere de re sua quod libet liceat. Secunda intestati, ut si dominus de re sua nihil statuerit, tùm ad eos ea devolvatur, quibus cognationis nomen patrocinetur. Nec tamen usque aded testati causa prima & antiqua nobis est, ut & stulta quorumlibet iudicia pro lege habeamus. Suus est apud nos sanguini honos; nec quisquam impunè aut liberos exheredaverit,

verit, aut parentes præterierit: consanguineos quoque turpibus personis anteferimus. Quod ad reliquos cognatos attinet, non jus nobis, sed conscientiae stimulus dicitur, uti ne bene convenientes postponentur iis, qui nec sanguine, uec ullis officiis aut meritis nos adsecuti sunt. Ut amicis & bene meritis potiores sint, aut eorum causa homini libero, & domino, & morituro testamenti factio adimatur, nulla ratio efficit: quin palam iniquum & injuriosum est. Siquidem rectè sapientes ita differuerunt: Leviori reprehensione propinquum quam amicum negligi; quia alterius præteritio iniquitatis, alterius diremtio etiam levitatis crimini subjecta sit: Sanctius atque potentius esse nascendi sorte amicitiae vinculum, quia possit & malus, & ingratus nasci: ingratus idem atque amicus esse possit nemo. Atquin difficilis, inquiunt, & valdè senticosa est illa de testamenti prudentia: ediscendæ diutius inhærendum est quàm Græci ad Trojam, aut Romani ad Vejos hæserunt. Ipsa illa nomina substitutiones, conjunctiones, Falcidia, Trebellianum, & hujusce farinae multa obscura valdè & salebrosa sunt; nec quicquam ex his sine magistro adsequi possumus, cum in sensum & com-

& communes notitias non cadant, nec communibus intelligentiis aut ratiocinatione percipiantur. Præclarum merclè iudicium! & fœno dignum acumen! Si quid difficile, id inutile; si quid arduum id noxium habendum: ac non potius cum sapientibus ita iudicandum; difficilia esse quæ pulchra: virtutem ipsam quæ tota pulcherrima est, difficillimam esse; nec ad eam eniti posse, quorum mens juxta ac corpus humi repit. Habet prudentia nostra quæ futores non capiunt: habet quæ lippos & tonfores latent; quibus elucidandis interpretæ necessarii. Jure suo habet, nec metuit culpari; cum non possit non tanquam pulcherrima superare plebejarum mentium captum & modum. Id ipsum autem, quod omninò superet, nemo queretur; nisi fortè cui cum vulgo mens est; cui dux vitæ non animus sed libido fuit, qua paulisper usus, ubi per focordiam vires, tempus diffluxere, sapientiæ difficultatem accusat, suam auctor culpam transfert ad negotia; neque animadvertit, artem ferè nullam esse, neque divinæ, neque humanæ rei, quæ non aliqua in cognoscendo difficultate gloriatur. Dialecticos & Physicos audiamus; nonne iis utuntur verbis, quæ nec Latium

tium, nec Græcia sine interprete intelligit? Nonne suo quodam more loquuntur Geometræ, Musici, Grammatici? Rhetores verò, tametsi artes eorum sunt totæ forenses atque populares, tamen quum vocabulis in dicendo quasi privatis utuntur & suis, quis intelligit, nisi qui in ipsorum Scholis sit exercitatus? Atque ut omittam has artes elegantes & ingenuas, ne opifices quidem artificia sua vulgatis produnt verbis: multis utuntur nobis incognitis, usitatis sibi. Quinetiam agricultura, quæ abhorret ab omni politiore elegantia, nihilominus eas res in quibus versatur, nominibus notat ab usu communi remotis. Hæc cum ita sint, nemo tamen sanæ mentis, cum in illorum hominum scholas venerit, præsumta judicandi licentia, audit obscura damnare, salebrosa execrari: Nec quisquam opifices ridet, aut villicis negotium facessit, cum de rebus suis suo quodam more loquentes audit. Si igitur fabris succenset nemo, si rhetores laudamus, philosophis plaudimus, tum cum in differendo quamlibet difficiles & perplexi sunt: cur J. C. <sup>is</sup>. irascimur, quod supra caput leges sint? quod intorta quædam & intricata disputent? Cur aliquid nescire



soleant Hujus rei argumenta si quæ-  
runt, fidem facient non tantum illi ipsi  
malè nobis objecti Satyrici, qui corrup-  
ti seculi mores, non sapientiæ crimina  
exagitant: sed & illæ provinciæ, qua-  
rum indigenæ diverso ab ultimis Ro-  
manorum ingenio sunt: qui licet testa-  
menta probant, rarissimas tamen au-  
diunt de suppressis aut adulteratis quere-  
las: nec quisquam principem præterire  
metuit, cum periculum ne mali quidem  
faceffant, nedum mediocres aut boni. Si  
igitur hominum objecta crimina sunt,  
cur rebus imputantur? Si alterius ævi  
labes, cur nostro aspergitur? ac non po-  
tius ipsi illi culpantur, qui rebus bonis in  
occasionem sceleris usi sunt? Quod si  
verò propter abusum usus quoque è me-  
dio tollendus est, tollamus eodem edi-  
cto codicillos, instrumenta dotalia, ra-  
tiones, chirographia, & hujusce generis  
alia: possunt enim supprimi; possunt ad-  
ulterari: potest liberalitas scribentis tur-  
pi officio provocari: irasci potest Cæsar,  
si nil sibi legatum senserit. Quid? aqua,  
& igne, & si quæ alia Dei immortalis  
munera sunt, nonne abuti mortales im-  
probi possunt; idcirco bonis quisquam  
his interdixerit? Quin maneat usus; tol-  
latur abusus: ne si secus fecerimus, non  
testa-

testamenti solum & codicillis; sed & igne, & aqua, & Sole, & cœlo, & ut verbo dicam, rebus divinis humanisque omnibus nobis carendum sit. Eant nunc adversarii nostri! rixentur cum seculo & moribus! conquirant æternæ urbis flagitia! proscindant conviciis utrumque ordinem & sexum! Captarit orborum testamenta Gargilianus. Meruerit noctibus hereditates Gillo. Irreperit in locupletum tabulas Crispinus. Extulerit nigros maritos Locusta. Provenerit hinc Mathonis lectica, & centum causidicorum patrimonia. Quæ fæx deliquerit Romuli, hæc sapientiæ crimina sint? Quod Virro, quod Dama, quod Gornus designarint, hoc tu non auctoribus sed rebus impingas? Istuc æquum tibi videtur? Sic recta ratio præcipit? Ita sapientes facere, ita differere solent? O mentes hominum perversas! O libidinem ingeniorum effrænatam & indomitam! Quid est, si non hæc calumnia est? Unum hoc (A. O.) argumentum cognoscite; cognoveritis in omnibus, non tam odio criminum ad accusandum, quam accusandi studio ad crimina descensum esse: ita homines odio & ambitione præcipites, dum nocere volunt, nihil pensi moderati-

B que



qui, tam à testamentis alieni, ut eos neque ratio, neque utilitas, nec exempla à majorum institutis revocare potuerint; non tamen auctoritatem quam laudavimus ullo modo convellere possunt; cum testantibus faveat potior gentium nationumque pars; quarum conspiratio, ad constitutionem juris satis pollens potensque est: neque paucorum indiget, qui civilem magis & suam, quam communem humani generis utilitatem sequuntur. Quanquam si verum fateri libet, ipsi illi qui testamenta damnant, grande sententiæ nostræ documentum præbeant: Quæ enim damnant, tacentes & inviti laudant, cum partium usum retinent: cum legata atq; fideicommissa codicillis, qui testamenti pars sunt, relinquunt: aut cum naturaliratione unum & simplex esset omnium patrimonium, magno juris ludibrio duplex commentum sunt; alterum mobile, alterum immobile rerum: Et prædia quidem cum testantis arbitrio exemissent, de reliquis ratione victi, utilitate expugnati testari permiserunt. Verum repetunt illud quod ante dixerant, iniquum & indignum esse, ut legitimos quos sanguinis necessitudo ad successionem vocat, scripti heredes extranei excludant; æquum esse

esse ut qua quisq; lege familiam accepit, eadem ad posteros transmittat. Ut aliquid illis largiamur, concedant nobis vicissim necesse est, multo iniquius & indignius esse dominum in extremo vitæ constitutum, acerba invisi heredis cogitatione differri; nec posse præteritis ingratiss, incorrupto iudicio quærere dignissimum cui familiam tradat: cum nihil sit naturali rationi magis conveniens, quam voluntatem domini rem suam in alium transferre volentis ratam haberi: Atque ut minus id iniquum videatur, cum maiorum virtute bona parta sunt; nemo tamen negabit iniquissimum esse, quoties res non à majoribus relictæ, sed industria defuncti quæsitæ est. Fingamus enim gnavum è plebe hominem, cui natura nil melius quàm ingenium, pater præter libertatem nihil reliquerit; ingenium in quæstum contulisse, libertatem industriæ incitamentum habuisse; opes sibi parasse ingentes: Instare seni cognatos, orare, obsecrare, ne testamentum faciat: equum esse totum quod habet, in familia & gente permaneat. Illum contra: Sua nō gentis bona esse, suo sudore & labore parta; à se diætæ, pristinū, & horrea ædificata; suo impedio fundos & instructos & ornatos esse. Equius esse, ut cum nihil re-



relictum, omnia parta; cum liberi nulli  
sint, propinqui ingrati, iudicio sibi he-  
redem instituat, non legis arbitrio ca-  
piat. Hanc postulationem quis non ali-  
quanto iustiores existimet? Quis non  
pronis auribus accipiat? Cui autem non  
exclamare libeat? Euge, Euge, senex!  
facile palmam habes: vincit tua fabula;  
victi cognati: quandoquidem & magis  
ex argumento agis, & versus meliores  
funditas. Quid ergo? si & hoc iniquum  
est, dominum non posse testamento hæ-  
redem scribere; & illud indignum, ex-  
traneis scriptis cognatum præteriri; quid  
tandem dicemus? num secum natura dis-  
fidet? num ratio cum ratione pugnat?  
Minimè verò nam si recta lege compo-  
nantur, non modò nulla dissensio, sed &  
maxima rationum consensio & conve-  
nientia parebit. Prima testati causa esto,  
pro qua summa ratio militat, ut domino  
statuere de re sua quod libet liceat. Se-  
cunda intestati, ut si dominus de re sua  
nihil statuerit, tùm ad eos ea devolvatur,  
quibus cognationis nomen patrocina-  
tur. Nec tamen usque adeò testati cau-  
sa prima & antiqua nobis est, ut & stulta  
quorumlibet iudicia pro lege habeamus.  
Suus est apud nos sanguini honos; nec  
quisquam impunè aut liberos exhereda-  
verit,

verit, aut parentes præterierit: consanguineos quoque turpibus personis anteferimus. Quod ad reliquos cognatos attinget, non jus nobis, sed conscientiae stimulus dictitat, uti ne bene convenientes postponentur iis, qui nec sanguine, uec ullis officiis aut meritis nos adsecuti sunt. Ut amicis & bene meritis potiores sint, aut eorum causa homini libero, & domino, & morituro testamenti factio adimatur, nulla ratio efficit: quin palam iniquum & injuriosum est. Siquidem rectè sapientes ita differuerunt: Leviore reprehensione propinquum quam amicum negligi; quia alterius præteritio iniquitatis, alterius diremtio etiam levitatis crimini subjecta sit: Sanctius atque potentius esse nascendi sorte amicitiae vinculum, quia possit & malus, & ingratus nasci: ingratus idem atque amicus esse possit nemo. Atquin difficilis, inquit, & valde senticosa est illa de testamenti prudentia: ediscendæ diutius inhærendum est quam Græci ad Trojam, aut Romani ad Vejos hæserunt. Ipsa illa nomina substitutiones, conjunctiones, Falcidia, Trebellianum, & hujusce farinae multa obscura valde & salebrosa sunt; nec quicquam ex his sine magistro adsequi possumus, cum in sensum & com-

& communes notitias non cadant, nec communibus intelligentiis aut ratiocinatione percipiantur. Præclarum merclè iudicium! & fœno dignum acumen! Si quid difficile, id inutile; si quid arduum id noxium habendum: ac non potius cum sapientibus ita iudicandum; difficilia esse quæ pulchra: virtutem ipsam quæ tota pulcherrima est, difficillimam esse; nec ad eam eniti posse, quorum mens iuxta ac corpus humi repit. Habet prudentia nostra quæ futores non capiunt: habet quæ lippos & tonfores latent; quibus elucidandis interpretes necessarius. Jure suo habet, nec metuit culpari; cum non possit non tanquam pulcherrima superare plebejarum mentium captum & modum. Id ipsum autem, quod omninò superet, nemo queretur; nisi fortè cui cum vulgo mens est; cui dux vitæ non animus sed libido fuit, qua paulisper usus, ubi per socordiam vires, tempus diffluxere, sapientiæ difficultatem accusat, suam auctor culpam transfert ad negotia; neque animadvertit, artem ferè nullam esse, neque divinæ, neque humanæ rei, quæ non aliqua in cognoscendo difficultate gloriatur. Dialecticos & Physicos audiamus; nonne iis utuntur verbis, quæ nec Latium

tium, nec Græcia sine interprete intelligit? Nonne suo quodam more loquuntur Geometræ, Musici, Grammatici? Rhetores verò, tametsi artes eorum sunt totæ forenses atque populares, tamen quum vocabulis in dicendo quasi privatis utuntur & suis, quis intelligit, nisi qui in ipsorum Scholis sit exercitatus? Atque ut omittam has artes elegantes & ingenuas, ne opifices quidem artificia sua vulgatis produnt verbis: multis utuntur nobis incognitis, usitatis sibi. Quinetiam agricultura, quæ abhorret ab omni politiore elegantia, nihilominus eas res in quibus versatur, nominibus notat ab usu communi remotis. Hæc cum ita sint, nemo tamen sanæ mentis, cum in illorum hominum scholas venerit, præsumta judicandi licentia, ausit obscura damnare, salebrosa execrari: Nec quisquam opifices ridet, aut villicis negotium facessit, cum de rebus suis suo quodam more loquentes audit. Si igitur fabris succenset nemo, si rhetores laudamus, philosophis plaudimus, tum cum in differendo quamlibet difficiles & perplexi sunt: cur J. C. <sup>is</sup>. irascimur, quod supra caput leges sint? quod intorta quædam & intricata disputent? Cur aliquid nescire



nescire pudet? Cur totum damnas, cuius particulæ quædam te fallunt? ac non potius magna sapientiæ opinione ita iudicas: Si præclara sunt quæ intelligimus, posse etiam illa præclara esse, quæ non intelligimus. Temeritas est damnare quod ignores, cum possit latere: contra laus ingens fateri quod nescias, si sit ejus rei docta ignorantia. Hæc secum perpendere debuerant, qui cruda adhuc juris Romani studia in publicum propellunt; dein plebis suffragiis in Deos relati, una cum fortuna animos ac superbiam sumunt, & quæcunque ad ipsorum gustum non sunt, ante damnant, quam cujusmodi ea sint perspexerint: Neque persuaderi sibi patiuntur, festinationem multos etiam bonos pessumdedisse; qui tardam cum securitate famam aspetnati, præmaturam cum dedecore consecuti sunt. Verum postquam hisce rationibus pervincere nequiverunt, ad extremum utilitate pugnant, & commodis superiores se fore confidunt. Sublatis, inquit, testamentis obviam ibitur fraudulentæ & insidiosæ orborum captationi, quam veteres Satyræ nunquam satis exagitasse sibi visæ sunt. Nemo suppressa aut supposita testamenta audiet. Nemo sceleris libidinisve præ-

mia

mia amplissimas hereditates videbit. Nec tyrannum quisquam metuet, ne silentium crimini imputet, aut maiestatem præteritione queratur minutam. Ut postremum hunc adversariorum impetum frangam, non est quod magnopere allaborem: manifestum est enim homines dum nimio nocendi studio transversi rapiuntur, non advertisse sapientibus animum; qui, quoties de honesto & utili proposita disputatio est, separari jubent hominum vitia ab iis quæ rerum sunt: commoda verò cum incommodis ita conferri præcipiunt, ut pensantis utrisque pareat, utrum res utilitatem probanda, an exitii metu damnanda sit. Horum vestigiis si institissent, facile animadvertissent, primùm quidem incommoda testamentorum si quæ sunt, collatis commodis ea ubertate pensari, ut ratio istorum haberi nulla possit. Dein illa ipsa quæ memorant captata, suppressa, supposita, rescissa testamentata, non prudentiæ civilis, sed hominum crimina esse; quos ad summa cæteroquin natos, insatiabilis honoris & pecuniarum cupiditas extimulabat: vitium ejusmodi, ut qui eo laborant, his nihil tam sanctum atque solenne sit, quod non comminuere atque violare soleant.



soleant. Hujus rei argumenta si quæ-  
runt, fidem facient non tantum illi ipsi  
malè nobis objecti Satyrici, qui corrup-  
ti seculi mores, non sapientiæ crimina  
exagitant: sed & illæ provinciæ, qua-  
rum indigenæ diverso ab ultimis Ro-  
manorum ingenio sunt: qui licet testa-  
menta probant, rarissimas tamen au-  
diunt de suppressis aut adulteratis quere-  
las: nec quisquam principem præterire  
metuit, cum periculum ne mali quidem  
faceffant, nedum mediocres aut boni. Si  
igitur hominum objecta crimina sunt,  
cur rebus imputantur? Si alterius ævi  
labes, cur nostro aspergitur? ac non po-  
tius ipsi illi culpantur, qui rebus bonis in  
occasionem sceleris usi sunt? Quod si  
verò propter abusum usus quoque è me-  
dio tollendus est, tollamus eodem edi-  
cto codicillos, instrumenta dotalia, ra-  
tiones, chirographia, & hujusce generis  
alia: possunt enim supprimi; possunt ad-  
ulterari: potest liberalitas scribentis tur-  
pi officio provocari: irasci potest Cæsar,  
si nil sibi legatum senferit. Quid? aqua,  
& igne, & si quæ alia Dei immortalis  
munera sunt, nonne abuti mortales im-  
probi possunt; idcirco bonis quisquam  
his interdixerit? Quin maneat usus; tol-  
latur abusus: ne si secus fecerimus, non  
testa-

testamentis solum & codicillis; sed & igne, & aqua, & Sole, & cœlo, & ut verbo dicam, rebus divinis humanisque omnibus nobis carendum sit. Eant nunc adversarii nostri! rixentur cum seculo & moribus! conquirant æternæ urbis flagitia! proscindant conviciis utrumque ordinem & sexum! Captarit orborum testamenta Gargilianus. Meruerit noctibus hereditates Gillo. Irrepserit in locupletum tabulas Crispinus. Extulerit nigros maritos Locusta. Provenerit hinc Mathonis lectica, & centum caufidicorum patrimonia. Quæ fæx deliquerit Romuli, hæc sapientiæ crimina sint? Quod Virro, quod Dama, quod Gornus designarint, hoc tu non auctoribus sed rebus impingas? Istuc æquum tibi videtur? Sic recta ratio præcipit? Ita sapientes facere, ita differere solent? O mentes hominum perversas! O libidinem ingeniorum effrænatam & indomitam! Quid est, si non hæc calumnia est? Unum hoc (A. O.) argumentum cognoscite; cognoveritis in omnibus, non tam odio criminum ad accusandum, quam accusandi studio ad crimina descensum esse: ita homines odio & ambitione præcipites, dum nocere volunt, nihil pensi moderati-

B que



que habent: melius, pejus; profit, ob-  
sit, nil vident nisi quod lubet. Itaque ne  
diutius aut cum hisce ingeniis confi-  
cter, aut patientia vestra abutar, tem-  
poris simul atque operæ compendium  
faciam, & quæ supersunt accusationis  
capita strictissimè percurram. Absur-  
dum est, inquiunt, quod juris vestri  
conditores scribunt, condemnatum ju-  
dicio publico ex quacunque causa fieri  
infamem: condemnatum judicio priva-  
to, tametsi ex eadem vel graviore causa  
non fieri infamem. Ostentare voluit jus  
nostrum non modò severitatis, sed e-  
tiam clementiæ documenta, cum ex ea-  
dem causa duplex judiciorum genus  
comparavit: privatum mitius: publi-  
cum gravius: quia in re peccati nihil est,  
laudis plurimum. Permittit jus vestrum  
circumscriptiones in pretio; quas vera  
non simulata philosophia damnat. Ali-  
ter enim leges; aliter philosophi tollunt  
astutias. Leges, quatenus manu rem  
tenere possunt: philosophi, quatenus ra-  
tione & intelligentia. Itaque quod ve-  
tare nequit, intactum relinquit sanctio;  
ne si vetare velit, commercia hominum  
dissipet & disturbet. Tolerat legislator  
concubinatum & meretricias conjun-  
ctiones. Nempè, laudem fortasse non  
meretur,

meretur, at veniam æquissimis precibus orat; dum satius existimat non tangere adulta & prævalida vitia; quam frustra tentatis remediis palàm facere, quibus flagitiis Quirites impares sint. Ita exagitanda sunt crimina, ne noceat Reip. nimia virtus, & antiquus rigor, cui in magno populo, in multis hominibus, re placida atque otiosa, victis hostibus plerumque pares non sumus. Jus vestrum nil nisi farrago legum est. Sic videtur insipientibus, qui non nisi corporis oculis utuntur. Si aciem animi intendas, invenies artem illam pulcherrimam, quam Cæsar quondam animo concepit; Cæsar expressit; Justinianus delineavit. Per tot annos statuere non potuistis, rem an litem, judicem an arbitrum, diem tertium an perendinum dici oporteret. Si statuere id existimas invenire non potuisse, cur tam diligenter erras? Sin convenire non potuisse, cur exprobras? Non enim convenire; vix invenire non potuisse probrum est. Invenisse quis neget? Non convenisse quis miretur? nisi fortè qui non animadvertit, quemadmodum in facilibus ab imperitis; ita in difficilibus à peritis sæpè discessionem fieri. Et fieri tamen à Jurisconsultis parcè; quorum discordiæ duarum solum; cum plu-

rimùm trium sectarum inveniuntur. Hæc sunt quæ jurisprudentiæ Romanæ obijciuntur crimina! Hæc ingentia illa flagitia, ob quæ aqua & igne illi interdictum cupiunt! Quæ cum sint tam facile confutata, quid superest A. O. nisi ut tabella vestra reæ salutem, accusatoribus pudorem adferat? Audiant solenne illud NON PROBASTIS, quicumque temerè in innocentis caput inscripserint. Habeamus pro re præjudicata illam disertissimi oratoris sententiam: Præter Romanum inconditum esse ac penè ridiculum omne jus civile: Quirites, quanto in bellis gerendis fortitudine? tanto in jure constituendo sapientia reliquos mortales anteisse. Nihil Lycurgi, nihil Draconis aut Solonis legislationes habent, quod cum hac nostra contendere possint: nedum novis hominibus quicquam suppetit, cujus causa paulo minus barbara suorum instituta excellentissimis Romanorum legibus anteferre debeant. Quid est enim, quod tam cupidè reprehendant? quod tanta vi oppugnant? cujus concussi laudem, eversi gloriam quærunt? Testamenta, & ultimæ moriturorum preces: res nimirum ejusmodi, quam uti civilis simul & naturalis ratio defendit, ita usus insignis & utilitas

litas commendat. Reliqua quoque quæ  
carpunt ejus generis, ut peccati in his  
aut nihil, aut parum sit; prudentiæ pluri-  
mum: adeò vel utilitate latent, vel ne-  
cessitate excusantur. Ac si qua in univer-  
so jure hujusmodi sunt, ut culpæ quam  
laudi propiora videantur, paucissima  
sunt & perpufilla; propter quæ pulcher-  
rima Dea non magis damnari, quam Ve-  
nus potest; in cujus sandalio qui erant  
nævi, cœlesti corporis fulgore & venu-  
state facile obumbrabantur. Et sanè cum  
adversarii nostri ex libris diffusissimis,  
tanto nocendi studio, tam pauca quæ  
culpent reperiunt; quantam rerum præ-  
stantissimarum multitudinem vel tacen-  
tes & inviti laudant? Cum tam levis &  
inepta cupidissimorum accusatorum cri-  
minatio est; quanta contra innocentissi-  
mæ sapientiæ integritas & pulchritudo  
erit? Fremant omnes licet, dicam liberè  
quod sentio: bibliothecas meherclè eo-  
rum omnes unus mihi videtur Institutio-  
num libellus & autoritatis pondere, & u-  
tilitatis ubertate lōgè superare: cui si quis  
prudentum responsa, & sacratissimas Cæ-  
sarum constitutiones junxerit; nec par-  
tem legitimæ scientiæ ullam desiderabit,  
nec in cognoscendo varietatem aut de-  
lectationē requireret. Si quem aliena studia

capiunt, plurima est in omni jure civili antiquitatis effigies, & prisca verborum vetustas. Sive quem ista præpotens & gloriosa philosophia delectat, dicam audacius, hosce habet fontes omnium disputationum suarum, qui jure civili & legibus continentur. Sive quis ipsam civilem sapientiam requirat, totam hanc bene descriptis omnibus civitatis utilitatibus & partibus libris nostris contineri videbit. Neque enim intra privatarum causarum limites consistit, tametsi hi ipsi satis ampli & spaciosi sunt: nec de tigno solum juncto, aut aqua pluvia arcenda, aut finibus regundis, & familia erciscunda sollicita est, uti pueriliter nonnulli garriunt: sed & statum ipsius civitatis tuetur; sacra, sacerdotes, magistratus, collegia constituit; belli pacisque jura condit: quibus de rebus amplissimis, quicunque multis retrò seculis præclari aliquid literis prodiderunt, ex nostris fontibus vel bona, vel mala fide habent. Denique justitia ipsa sicuti Hespero atque Lucifero pulchrior est; ita hæc sapientia, quæ illam universam sibi propositam habet pulcherrima est. Digna profectò cujus cognitio summo semper apud Romanos in honore esset; quam principes civitatis quasi heredium aut possessionem

nem suam magno studio excolerent. Digna quam barbarorum eruptionibus seputam Lotharius ab orco revocaret; quam omnes gentes paulo humaniores, etiam proculcatis fascibus ad usum & decas retinerent. Digna denique cui Senatus quoque ac Pop. Ultrajectinus æternam in urbe sua sedem destinaret; cuius interpretes publico auctoramento constitueret. Ac mihi quidem, Coss & Senatores civitatis amplissimi, ut antequam finiam pro me quoque pauca dicam, quoties in mentem venit præclara illa vestra voluntas, & pulcherrimum hoc institutum, non possum non vehementer gaudere; cum video non Deam modò, sed & mystas ejus jure civitatis vestræ honorari. Atque uti vehementer gaudeo, ita non minus opto Dei immortalis munere nunc vobis donari. Ælium aliquem, aut Scævolam, aut Sulpitium; id est, senem antiqua virtute & doctrina; cujus domus consilium, vox oraculum melioris juventutis sit; qui instar Pythii Apollinis publicarum privatarumque rerum certos ex incertis facere, atque hoc Astrææ sacrarium maxima nobilissimorum juvenum frequentia cotidie celebrare possit. Næ vos pulcherrimos præclaræ voluntatis vestræ

fructus consequeremini, illamque generosiores juvenutem, cujus bona pariter ac mala ad Rempubl. pertinent, iis præfidiis quibus illa gubernari vult instructam haberetis. Postquam me hominem nec annis gravem, nec usu satis firmatum ad difficilissimam hanc provinciam evocastis, non potest non animus inter spem metumque suspensus vehementer fluctuare. Sive enim vos vestramque civitatem intueor, ea magnitudo est, uti summa omnia postulet. Sive me meamque ætatem respicio, is profectus est, uti modica tantum exigi flagitet: Sive ipsum jus civile considero, fuit quidem id docere semper pulchrum in urbe; sed & arduum fuit, nec nisi nobilissimorum hominum munus: qui cum animum intendunt, seu rectè, seu perperam facere coeperunt, ita insigniter in utroque excellunt, ut nemo nostro loco natus adsequi possit. Veruntamen cum humanitatis vestræ recordor, quæ quæ modica mihi erant, ut magna suspexistis, labentem timore animum spes revocat, & quodammodo persuadet; eos qui in me ornando fuere faciles, in probandis studiis & laboribus futuros non difficiles. Hac, confidentia fretus, quo minus ingenio possum, subsidio mihi diligentiam

tiam comparabo quam si adhibuero, atque ad eam accesserit vestra æquanimitas, quæ præsidium sit nostræ tenuitati, non metuum, ne frustra speraverim. Adferet autem æquum animum, quicumque in eum inducere poterit, omnibus in bonis rebus conatum in laude, effectum in casu esse: Satis spectatam illius indolem, qui cum non possunt primi esse omnes in omni ætate, id sedulo cavet, ne suapte culpa inter postremos haberetur. Nec quisquam senectutem requirit, qui cogitaverit, displicuisse virtuti annales leges; nec soli canitudini comitem esse sapientiam: Denique non rugare frontem antequam nituerit, hos omnes quos senes admiramur, quondam juvenes fuisse, eumque qui nunc inter exempla est, olim exemplis se defendisse.





ANTONII MATTHÆI  
ORATIO II.  
DE  
T O G A,

Recitata IV. Maji M DC XXVII.

Cum GULIELMUS de GRUTER,  
J. U. D. *pronunciaretur.*



Uibus dicendi provincia  
fortè delata est, eos cum  
ad alia attentos, tum in-  
primis de argumento vi-  
demus esse sollicitos; ut sit  
tempori, loco, & personis  
quàm maximè accommodatum. Huic  
sollicitudini causam seculi sensus præ-  
buit, qui supra modum tener atque deli-  
catus est, & sæpè rectè dicta fastidit;  
quid futurum, si in optando themate de-  
clamator aberraverit? Me verò istoc me-  
tu liberat amplissimi Senatus prudentia,  
cujus in constituendis studiorum sacris,  
ea videtur fuisse ratio; non solum qua  
cupidæ juventuti satis esset ad discen-  
dum; sed & oratoribus ad declaman-  
dum.

dum. Tantus patrum erga Musas amor! tam rara munificentia fuit, ut vel uni dies illi, quos ordini nostro natales asperimus, inexhaustam dicturis materiem suppeditare possint. Ac licet aliqua jam ante facundis memorata sint ingeniis, quorum ea apud me existimatio atque auctoritas est, ut falli putem omnes, qui ad ipsorum labores aliquid adjicere se posse sperant: tamen non pauca in publico sunt relictæ; quæ cum hætenus nemo sua fecerit, occupantibus jure communi pateant necesse est. Ex his cum deliberarem, quid huic tempori atque loco potissimum quadraret, non longa habita consultatione insigne vestis occurrit, qua nos amplissimus ordo conspicuos esse voluit. Togam dixere Romani. Hujus bona pandere: hanc à Senatu donatam laudare decrevi. Decrevi autem eo cupidius, quod solennis hæc panegyris non alium in finem instituta sit, nisi ut juveni ornatissimo, qui adstat, à me diribitore præmium legitimi studii virilis detur; quemque palliatum duximus, togatus à nobis reducat. Adeste igitur omnes, quibus toga cordi est, & mihi de bonis ejus differenti, pronas aures, atque animos commodate: quibus sordet, tantisper sibilos &

screatum differte, dum sinu ejus & laciniiis penitus excussis, pro ronchis plausum, pro tussi grande sophos impertiatis.

Res memoratu dignas qui posteritati reliquerunt, iis Sylofontis quoque Samii amiculum visum, quod felici stylo famæ consecrarent. Ejus enim artis atque operis fuit, ut non oculos modo, sed & animum Darii in se convertit, curiosiusque contemplanti donatum, totam urbem insulamque Samiorum hostimentum tulerit. Haud paulo dignior ævo toga nostra, quæ non opere duntaxat, verum etiam antiquitate & usu commendatur: decoris autem, ac venerationis tantum habet, ut, quasi cœlo delapsa, non unius purpurati adfectum, sed omnium, quantum est hominum sapientiorum amores meruerit. Temporum quidem perversitas corporis cultum novitatis pretio metitur, autumantque stulti mortales eum speciosissimum habitum esse, qui quam nuperrimè ex diversa aliqua orbis regione fuerit allatus. Hinc demissitia ista femoralia se nobis approbant. Hinc pilei orbis tam grandis, quam non prætoris olim corona, cum ludos ederet. Hinc monstrosa collariorum spatia, queis statores altius succincti pro tunica, nautæ pro carbaso

uti

uti possint. Frustra coner singula exequi: sunt enim infinita, & loquacem Fabium delassant, qui cotidie nova indumentorum produnt nomina. Verum, longè ab his diversa est nostra ratio, qui sapientes secuti, eam demum amiciendi rationem judicamus optimam, quæ à sanctissimis priscorum institutis quàm minimùm declinat. Cur enim ætatis veneratio aliis quidem in rebus ad arguendum sit valida, ad commendationem cultus corporis nullum conferat momentum? Leges, mores, ritus gentium eos arbitramur optimos, quos scimus antiquissimos. Stemmata nobilissima, quæ vetustissima Vinum quo minus novum, eo magis generosum. Postremò auro, argento, signis, & plerisque rebus aliis anni pretium addunt, aut demunt. Vestem cur non eadem temporis prærogativa commendet, ut ea duntaxat honestissima habeatur, qua & antiquissimi retrò mortaliū, & rerum gestarum gloria maximè insignes usi sunt? Hanc si quæramus, togam fateamur necesse est: quam non nuper superba atque ventosa Hispania, non amans novitatis Gallia, sed utraque nobilior invenit Græcia. Sileant Poëtæ Jovis cunas! Sileant geminum Latonæ partum! Non hic Frontonis platani, ne-

que fabularum lectionibus dedicatæ columnæ sunt. Fidem à dicentibus optimam hæc, quæ cernimus, exigunt marmora. Græcia illa orbis delictum! Græcia humanitatis parens! Græcia artium omnium & disciplinarum magistratogam invenit. Nec omnium Græcorum ea laus, antiquissimi Pelasgi sibi vindicant. Hi repertam ante innumera secula ad Lydos transtulerunt. A Lydis ad Hetruscos: ab Hetruscis porrò ad Romanos pervenit. Romæ aliquamdiu pura solum in pretio: primus Tullus Hostilius, debellatis Hetruscis pictam quoque intulit. Atque ex eo ista quidem triumphantis cessit: illa promiscuè populo usurpata. Nec plebes modò, sed & eques: nec eques modò: sed & Senatus eodem cultu sibi placebant. Hi natales! hæc togæ incunabula memorantur! quorum splendorem quis non vel primo obtutu deprehendit, cum animadvertat, ab iis profectam populis, quos potior orbis pars Europa atque Asia habuit aut antiquissimos, aut sapientiæ & fortitudinis laude clarissimos? Quod si æra, catinos, & vasa priscorum fictilia, quæ fortè fortuna eruerit fossor aliquis, aut arator, dum glebas versat, tanto præstinamus pretio, ac tanquam gemmas

gemmas & chrysendeta aut flagellamus, aut ostentamus; quo nobis loco toga esse debet, quam non è squalenti terræ sinu effodimus, sed, de manibus nobilissimorum hominum accepimus? Illa frivola & vulgaris usus, jam tunc cùm fierent, sub artificum mareulis fordebant: postquam ruinis sepulta, diu inter cineres & retrimenta jacuerunt, vix robiginem ferunt, ac temporis injuria victa, propè inter moras & digitos tractantium disparent. Toga verò non strage infelicitis urbis oppressa, sed tenacissimis mortaliū animis impressa, adeò non sensit edacis vetustatis morsus, ut everso quoque imperio fuerit superstes. Temporis enim calculum subducantibus, ex quo Cimbrorum Teutonumque arma Romanis primùm visa, usque ad Gothorum in Italiam irruptionem, anni plus quingenti numerantur: tandiu Roma vicit, aut à Germanis victa est. Inde continuas perpeffa clades; primumque Alarico; dein Genserico; post hunc Totilæ; demùm Odoacro præda fuit. Nihil securum, nihil intactum ab injuria. Ne religio quidem, tametsi in barbaris quoque efficax, fatis validum ad arcendam vim præsidium: adeò fœdata passim, aut deleta tam sacra, quam profana. Jamque

que non Samnium in Samnio, sed Roma requirebatur Romæ. Nemo fasces, nemo secures amplius exhorruit. Jacuit inter favillas tristic incendii laurea, latus clavus, penula, lacernæ. Ac nec prætexta flammæ expers; quæque fortitudinis olim irritamentum, turbante fortuna barbari furoris ludibrium extitit. Togæ puræ idem dixisses fatum: verum hæc usque aded deleri ex animis hominum non potuit, ut elapsis ab ista tempestate annis circiter septingentis, quum Lotharius Saxo signum jurisprudentiæ Romanæ sustulisset, non reviviscere solum, sed & majore cum dignatione caput erigere visa sit. Ex eo enim tempore, non in usu promiscuo quarumlibet classium atque centuriarum habetur, sed propriam ex jure Quiritium illi sibi vindicant, quibus decursa studiorum arena, pro præmio laborum atque eruditionis auctoramento data fuerit. Neque verò quisquam miretur, urbi toties labefactatæ, toties direptæ, tanto temporum decursu potuisse togam superare; cum eæ hujus vestis dotes sint, ut non potuerit non gratum sui desiderium, & perpetem in animis hominum memoriam relinquere. Sive enim figuram spectes, sive pretium atque com-  
moda

moda expendas, ejusmodi sunt, ut nihil ex iis, quæ natura & sapientes requirunt, neglectum aut prætermisum videatur. Natura quem in vestiendo morem desideret, in condenda corporis nostri fabrica sollicitè expressit. Os enim sublime, ac reliqua membra, in quibus species est honesta, in aperto posuit: quæ autem ad necessitatem data, aspectum habent deformem, ea contexit atque abdidit. Hanc magistræ verecundiam sapientes secuti, ita præcipiunt: Neque proferenda, quæ tegi; neque tegenda, quæ proferri illa voluit. Mediocritatem sicut omnibus in rebus, ita in veste quoque optimam esse; si nec astricta, nec, laxa nimis aut fluida utamur: quoniam illud quidem barbarum atque deforme: hoc verò molle & effœminatum apparet. Postremò injici facile & expediri debere, ne festiântibus moræ sit, aut quas negotia flagitant horas, eas præposterum ornandi studium absumat. Quod si curioso oculo omnes omnium gentium atque nationum amictus perscrutemur, quæ præcipiunt, in aliis vix singula, in toga reperiemus universa. Primum demissa est, & ad talos propendens quæ vel sola laude, apud peritos rerum arbitros, censeretur poterat. Hæc enim res efficit, ut & lateant decentissimè, quæ



que aspectum parùm habent honestum, & universo corpori conciliat gratiam atque dignitatem. Convertit quidem in se hominum oculos purpuræ splendor: stupet ad fulgorem auri atque argenti uterque sexus: si tamen verum amamus, aliquanto simplicius veneramur vestem talarem. Quippe ita natura comparatum est, ut quo magis unum quidque fuerit, & continuum eo grandius quoque ac divinius esse videatur: dum intuentium oculos diutius detinet, & ad omnes dimensionum species suspensos moratur. At quæ stricta sunt & concisa, sicut multas in partes abeunt, ac tantum non evanescent: ita oberrantem temerè luminum aciem illicò dimittunt & humilitatis suæ sibi conscia, nec intuentibus considerandi curam, nec prætereuntibus venerandi legem imponunt. Honestum est, quod in viro suspicimus: cujus speciem longè maximam vestitus prolixus habet: quandoquidem ita factus est ut nihil inhonestè conspiciatur. Brevis contra habitus, quemadmodum facile castos oculos inest, ita difficulter virtutis opinionem tuetur. Ac ne quis existimet, honestatem quam laudamus persuasionem magis nostra, quàm veris rerum argumen-

gumentis constare, gravissimùm hujus rei documentum sacer codex suppeditabit. Cum enim protoplastus ille mortalis infelicissimi pomi esu, de summo beatitatis gradu dejectus, horrore coeli, ac nocturno frigore conficeretur, Deus immortalis formam & exemplar honesti amictus humano generi traditurus, non breves & lancinatas, sed prolixas è pellibus tunicas dedit, quibus recens detecta corporis turpitudine quàm decen- tissimè velaretur. Nec alio cultu primì illius, & verè aurei ævi homines con- spectos crediderim, tametsi jam texere, atque etiam acu pingere didicissent: tanta enim illis numinis constitit reve- rentia, ut nefas ducerent, ab iis declina- re, quæ auctori opt. max. scirent pla- cuisse. Argentea secula, quemadmo- dum primos mœchos viderunt, ita ve- stiendi modum paulatim ab honesto ad libidinis irritamenta deflexerunt. Tunc primùm mulier indomita nebulam in- duit lineam. Tunc adulter soleatus at- que pellucens ante alienum stetit cubi- le: juvitque cupidines prurientium nu- dalle aliquid turpiter, quod hætenus la- tuerat decorè. Sed reprimo me, ac ne videar honestatem togæ rationibus dun- taxat afferuisse, etiam ab experimentis  
lucem

lucem mutuabor. Quæ cum multa suppetunt, tum in primis illustre Romæ captum est, quæ tempestate Galli, cæsis ad Alliam Romanis, urbem occuparunt. Ingressi victores, nil nisi vastitatem & cædes adferre videbantur. Jamque sedebant in atrio domus quisque suæ senes, tanquam victimæ aris destinatæ, exigui cruoris reliquiis primam furentium iram expiaturi. Quis potuit sperare? talares togæ atque ornamenta triumphalia, tantum religionis injecere barbarorum animis, ut homines mori certos cedere non sustinerent. Ac securi vitæ, inter tela atque infesta agmina perduellibus suis superesse poterant, nisi quos prætextæ servaverant, eos fatalis ille M. Papirii scipio perdidisset. Quo verò tempore fortissimus Epirotarum rex Pyrrhus bellum Romanis fecit, quantum majestatis & in Senatu, & in uniuersa togata gente fuisse dicemus? Cineas cogitandi curam injicit: is pacis ineundæ causa à rege Romam legatus, quum re infecta reverteretur, interrogatusque esset, quid de hostium sede sentiret; urbem sibi templum visum, Senatum regum confessum respondit. Vicerat jam ingenti proelio Epirota, magnamque Italiæ partem impunè depopula-

pulatus, propè captum Capitolium à Prænestina arce prospiciebat, fractaque Quiritum vis, sed & periculosa dicendi libertas oratori videri poterat: tamen ea ipsa rerum facie tam augustus pop. Rom. habitus fuit, ut & peregrino, & hosti, & regio ministro majestatis confessionem extorqueret. Hæc hujusce generis exempla alia, quoties animum subeunt, subeunt autem sæpissimè non possum non mirari, atque ut verum fatear etiam stomachari, aded à priscorum gravitate descivisse præsentis ævi mortales, ut non ament tantùm subducta istac lace-  
ra vestimenta, sed & rideant, si quem viderint laciniis indulgentem. Interim pallia placent, interim saga: & placeant sanè, ne passim vulgetur togæ honor. Verùm cur indies ea substringunt? cur cotidie aliquid decidunt? Turpe dictu! vix nates jam tegunt, cum poplites quoque debuerint. Atque utinam ista pauci facerent, aut saltem boni non facerent: verùm tantum pravi mores invaluerunt, ut quemadmodum torrens aliquis obices & saxa; ita malorum conspiratio bonas mentes ruat. Timent hæc, quamlibet ineptè, tamen, ne si recto more vestiantur, crebrius audiant Poëte illud; Nil lascivius est

est Carisiano ! Saturnalibus ambulat togatus. Neque verò mea solius hæc querela est, ne quis forte clamitet, quantum è coelo Catonem decidisse, cujus nova sapientia seculo mores exprobet. Jam pridem questus est ea de re vir nobilis Augerius Gissenius Busbequii dominus, qui à Primo Ferdinando Cæsare Byzantium legatus, quum animadverteret, quantum decoris ac dignitatis longis Turcarum sagis inesset, libere quid de nostris sentiret exposuit. Turcæ, inquit, vestitu utuntur prolixo, & ferè ad talos demisso, qui ut est honestior, ita proceritatem illis conciliare videtur. Vestitus contra noster adeò curtus & brevis est, ut eas partes aperiat, quas natura latere voluit, eaque re parùm decorus. Huc accedit, quod nescio qua ratione demere aliquid de statura, & brevitatem addere videtur. Hactenus Busbequius: indignatione, credo, simul & pudore suffusus, cum inter istos sagatos, instar vulpis Æsopicæ deprensus esset; quæ mutilati corporis dedecus, in illo coetu, nec tegere honestè, nec excusare poterat. Et sanè, si nunc in medium progrediatur, ab hac quidem parte, non dicam Romulidarum, sed Othomannorum aliquis; ore neque squallido

squalido, neque delibuto; capillis non sordidis, nec tamen comtis: cui tunicæ ad poplites, versicolor sagum ad talos defluat: Ab istac verò parte suffiliat nostratum aliquis, qui vertice calamistrato scæminarum corymbia imitetur: cuius strictior vestitus singula membra exprimat: cui braccæ ad calceos, pallium vix infra cincturam descendat: quis aded corrupti erit iudicii, qui non longè honestiorem fateatur Turcam? Nunquam enim malis moribus id continget regnum, ut ea quæ à natura longiùs recedunt, tametsi passim, & ab omnibus fiant, rectè quoque fieri arbitremur. Quid autem? si porrò à Turcis ad Tartaros excurramus, nonne pudorem habere oportuit, nisi prorsus depuditum esset? Tartari, tametsi sævitia magis & immanitate, quàm virtute censeantur, tamen optimam ducem naturam secuti, prolixiora saga probant, nostrumque vestimenti morem usque aded damnant, ut cum in omnes bello captos promiscuè sæviant: tum exquisitis cruciatibus eos necent, quos brevior & scissa vestis notabiles fecerit: indignissimos judicantes vita, qui ea, per quæ vitam tuemur, succidunt. Atque hæc barbarorum de vestitu sententia quo rectior apparet, eo

eo manifestior nostra fit turpitudine. Cum enim solo naturæ instinctu moniti honestè vestiantur, valeantque apud eos boni mores potius, quàm bonæ leges, quæ nobis defensio reliqua, qui non modò à natura imbuti, sed & à sapientibus instituti sumus? Quis autem patronus, quis advocatus esse velit iis, apud quos pietas regnare debuit, si honestatis inopia laboratur? Turpe quidem per se vinci; turpius à barbaris; turpissimum omnium Christianos vinci à paganis. Quapropter laudet terram, ab aliis nominandam, à me intelligendam, quicumque volet; & quantumcunque volet: esto rax, dives, populosa, multisque magnis urbibus habitara. Adjiciantur & ista: custos legum, magistra civilis vitæ, nutrix humaniorum literarum. Neque repugno, neque obtrecto rectè dictis: quin cum aliis de causis celebrandam, tum privato nomine amandam censeo, quod eos purioris prudentiæ mystas tulerit, quorum præcipuæ in asserendo liberali manu jure, & profliganda barbarorum tyrannide partes extiterunt. Uno tamen argumento culpari magis, quàm laudari meretur; quod adeò incerta, adeò nulla vestiendi lege utitur nec contenta suos intra fines sæpius

pius personam mutasse ad nos quoque hanc recti moris labem transmittat. Et est quidem id eo magis in illa gente reprehendendum, quod domesticis quoque exemplis didicerint, quàm sit vestitus, quo gaudent, contumeliis & contemptui obnoxius. Quid enim Ludovico XI. contigisse memorat auctor florentissimus Philippus Cominæus? Ad fontem rapidum cum Henrico Castiliæ rege congressus, quod indutu uteretur brevi & inepto, ab Hispanis risus est; neglecti decoris hoc auferens præmium, ut excitatis hinc inde ludibriis, dubia amicitia discessum fuerit, cum ante inter utrumque stetisset firma atque constans. Sed quid ego Cominæum cito? quid Ludovicum in partes advoco? Non ea primum tempestate factum periculum est: ante multa secula Carolus ille, cui res gestæ Magni cognomen pepererunt, hanc suæ gentis in prava facilitatem perstrinxit. Cum enim videret Francos ante patrium cultum breviores Gallorum chlamydes habere, eorumque vitiis vincî, quorum arma vicerant; quemadmodum Augustus quondam Romanis palia, ita suis exprobravit sagula: En, inquit, Francos Galliarum domitores, gentemque sagatam! Quid profunt vobis

C

ista



ista pittacia? Cubantem non cooperiunt,  
 equitantem à ventis & pluviâ non de-  
 fendunt: secedens ad necessaria naturæ,  
 deficio congelatione tibiæ. Quid est  
 igitur, quod mentes vestras, quæ rectè  
 solebant stare, tam dementi ruina flexe-  
 rit? Hæc excellentissimi regis de fago  
 censura fuit: togæ quantum detulerit,  
 nemini obscurum esse potest, nisi qui ig-  
 norat, & usum frequenter, postquam  
 devictis Longobardis patricio cultu do-  
 natus esset: & imaginem ejus apud Hel-  
 veticos hodièque in monasterio S. Galli  
 togatam ostendi. Prudentia autem &  
 virtute cum tanta fuerit præditus, ut o-  
 mnes sui temporis principes facile vice-  
 rit, judicium quoque obtreptione ca-  
 riturum confido, mihi que sub clypeo e-  
 jus latenti, invidiam dictorum non esse  
 pertimescendam. Diutius tamen fortas-  
 se quam par erat huic orationis parti im-  
 moror, dum liberius indulgeo dolori.  
 Itaque ne querulus videar, vela vertam,  
 atque ad alias togæ dotes transibo. Lon-  
 gitudinem proximo gradu laxitas exci-  
 pit, quæ quemadmodum usu illi suppar,  
 ita ad commendationem totius æquas  
 ferè vires habet. Nam & ad tegendum  
 corpus confert plurimum, & sinu decen-  
 ter collecto honesti speciem mirificè ad-  
 auget.

auget. Dignitatis autem, siquidem Pop. Rom. iudicio standum est, aliquanto plus finis, quam syrma habet. Quippe seu moribus id receptum, seu legibus fuerit constitutum, ita sanè Romæ observabatur, ut longas quidem & talaris togas, tam minorum, quàm majorum gentium Quirites gestarent: laxis soli potentiores uterentur. Planèque pro opibus & fortuna togas; maximam latitudinem intra sex ulnas stetisse legimus. Ac licet veteribus nulli finis, perquam breves post illos fuerunt, brachiumque eorum, sicut Græcorum, veste continebatur; rectè tamen hæc vetustatis parsimonia successu temporum emendata est. Docebat enim præceptor usus, & inconcinnam esse arctiorem togam, & gestus orantium causas impedire. Nec finium duntaxat cura habita, sed & reliquæ figuræ. Rotundam enim, & aptè cæsam exigunt, qui peritiores hujus rei cluent: adeò quidem, ut summus dicendi magister Quintilianus, cum de habitu perfecti oratoris differeret, vetuerit alia dicentem pro rostris, aut in basilicis conspici. Movebat haud dubiè, quod honestius tegeret, atque ita quidem, ut non tergum magis, quam pectus tectum

ctum dici posset: aliter autem multis modis fiebat enormis. Hæc omnia, quæ dixi, nostræ togæ inesse mihi videntur. Est ea rotunda: est aptè cæsa: est intra modum lata. Sinuatur autem ita decenter, ut nec nimia laxitas molle aliquid, nec arctior commissura turpe quiddam, & barbarum præ se ferat. Qua parte apparet, quo loco à Mecœnatibus nostris habiti simus: utrum in quatuordecim duntaxat, an vel in ipsa orchestra spectare nos voluerint. Quantulum enim deest ad sex ulnas? Quid desideres ad cultum patricii, nisi fortè latum clavum? Est hominum genus, qui se omnium rerum primos esse volunt, tametsi imi subselli viri sint: hi contemnere Mulas solent, nec cuiquam magis, quam cerdonibus literati sordent. Nam, quemadmodum in vita nihil præter curta æra mirantur; ita virtutem quoque ac sapientiam infra numos licentur. Horum animos pariter atque opes juxta spernamus, & nobilissimi ordinis conscientia contenti, omnes uno æstimemus asse. Minime enim obscurum est, eodem SC<sup>to</sup> quo hæc nobis toga data est, etiam locum inter honoratos factum, ac longè supra vulgus collocatos esse. Quis dubitet? cum serico quoque suffultam  
videa-

videamus: materiâ tanti olim pretii, ut metallorum nobilissima æquaverit; singulæque serici, totidem auri libris expenderentur. Quæ causa fuit, ob quam privatis usu vestis holoveræ interdiceretur, & cultum bombycinum solus princeps sibi, suisque palatinis indulgeret. Nunc, hominum fidem! quod eventum est? Capite census imperari non potest, ne lanam fastidiant: rus ea, atque in ergastula relegatur: nisi qui holosericatus est, vix ut honestus agnoscitur. Quid autem reliquum iis, qui ad gubernacula Reip. sedent? qui summis honoribus atque imperiis funguntur; hos qua vestis nota à popello disparabimus? Equidem, nisi provida futurorum natura ori horum virorum, & toti corpori infudisset majestatem: nisi ex vultu, atque ex oculis emicarent scintillæ quædam, virtutis & magnæ fortunæ indices; laterent ignoti, sportulasque petentibus mulio aliquis cocco fulgens, aut parasitaster ostro cubans anteferretur. Quid enim superest Corvino & Liciniis, postquam Crispinus tyrias lacernas invasit? Quo cultu Cæsar se jactet, cum Gnato Serum vellera terat? Aliter vestitos fuisse comperimus illustres heroas, qui

hanc nobis libertatem perpererunt: quorum moribus spretis, cum tanto sumtu aut calemus, aut ventilamur, quid facimus aliud, nisi quod pelles illis suas exprobremus? Nimia istæc licentia est, quam ex fortuna vulgus sibi sumit: qui postquam crebris in Indiam navigationibus opes crevere, virtutis insignia numis æstimat, omnesque dignitatum gradus commiscet atque confundit. Quamquam, qui d opes crevisse dico, paucorum ista seu miseria, seu felicitas est, quorum potentia jam penè gravis & suspecta libertati. Reliqui, laboramus ambitiosa paupertate; ultra vires patrimonii habitus nostri nitor est; magisque inopiam, quàm improbitatem fateri pudet. Res sanè animadvertenda; quandoquidem nullum vitium iis continetur finibus, quibus ortum est; nimisque maturè à rectis ad prava; à pravis in præcipitia ruimus. Interea dum medicina paratur malo, sui cuique libido vestiendi finem dabit: nos, uti dixi, iudicio Senatus acquiescamus; in cuius suffragiis plus ponderis atque rectæ rationis, quàm in opinione plebis est. Unum restat, quod impensè excusandum mihi video, quamobrem amplissimo confessori placuerit pullatos nos esse, cum Romanorum togas

gas albas fuisse legamus. Atque albedo quidem, præterquam quod aperti animi, & ingenui pectoris signum esset, etiam rebus lætis accomodatus color visus est. Candidi erant prospera urbis fortuna Quirites. Sic populus convivium inibat. Sic uterque ordo in theatro sedebat. Sic in curia sententiæ: ad Deorum pulvinaria preces dicebantur. In campo autem non aliis imperia & honores dati, nisi qui togæ albedinem adjecto cretæ candore intendissent. Lugentium insignia pullæ vestes; quique capitalium criminum accusabantur, sordidi atque atrati ad iudicum pedes procumbebant. Quid, quod ad religionem & sacra pertinere colores autumant? Divinus Plato, cujus unius auctoritas instar omnium pollet, cum Reip. suæ sacra legibus latis constitueret, colorem album præcipuè Deo decorum existimavit; tum in cæteris, tum maximè in textili: tincta verò abesse iussit, nisi à bellicis insignibus. Cum hac viri sapientissimi lege vetustas consentire videtur; quæ Dianæ cervos, Jovis, atque Solis equos niveos finxit; columbas Veneris niveas. Hostiis quoque non nisi candidis Jovi, & Diis superis. Diti, atque Diis inferis fieri voluit nigris. Quid dicam? aut quid non dicam?

Hoc unum ad felicitatem deesse nobis querar, quod pullatos voluerit Senatus esse? Absit ut institutum culpam; res ipsa, & seculum, in quod nati sumus, factum laudant. Veteres, quemadmodum naturam ducem secuti, multa præclara tradiderunt, quæ mirari, quàm imitari proclivius sit: ita cum de sacris & religione disputant, radiis æternæ lucis destituti cœcutiunt, & monstrosis opinionibus quod reliquum est de ingenito lumine prorsus extinguunt? Inde factum, ut coloribus quoque sacra censerent; album Diis adprimè gratum & convenientem existimantes. Nos immortali magistro docti, & æterno sapientiæ fonte tincti, certi sumus ad religionem nihil attinere colores. Seu ater, seu albus is fuerit, dum ne pectus atris liveat vitiorum maculis, perinde adversus Deum gratus acceptusque est. Animus est, quem numen spectat: quem si candidum geras, facilius verbo pacem ejus exoraveris, quàm impius aliquis, qui Hecatomben facit. Quod si nulla in sacris coloris habenda ratio, atrum longè convenientiorem facientibus judico. Nam si criminum rei atrati iudicis animum ad misericordiam flectebant: nonne nos, qui sumus gravissimorum criminum, atque æterni exitii

exitii rei, decet vel maximè pullatos ad aras Dei immortalis accedere? Quid, quod ipsi illi qui nobis objicuntur, gentiles ea in re parum sibi constiterunt? Nam si albus color Deos decebat, cur Plutum aliquanto minus decuit, quam Jovem? Cur Apollo corvo gaudet, cum Veneri placeant columbæ? Cur aquila Jovi sacra est, pavo Junoni, noctua Minervæ? Nonne hæc placitorum inconstantia aguit, nulla id quod opponitur niti ratione? In civili autem vita, cum sequior potissimum sexus candorem amet, nonne dixeris virilem magis esse nigrorem? In primis cum & ipsa rerum natura corpori scemineo albedinem dederit: viros autem plerunq; fuscus magis, quam candidos esse voluerit. Quod quidem naturæ decretum ita palam in omnium oculos incurrit, ut ne mollissimos quidem bipedum fefellerit: qui licet galbanos haberent mores, fuscus tamen amabant colores; & bæticati potius atque leucopheati, quam candidati, aut amethystini incedere gaudebant. Quare nemo culpet Senatus institutum: constant omnia, quæ toga habet, certa ratione. Nihil redundans, nihil otiosum; nec quidquam quod à superstitione profectum possit videri. Postquam ergo togæ nostræ fi-



guram & colorem asseruimus, de usu quoque, ac utilitate verba faciamus. Est autem ita ingens & varius hujus vestis usus, ut propemodum nec qua incipiendum, nec qua desinendum sit parte prospiciam. Modò diximus, nullam esse, quæ tam honestè corpus tegat: nunc adjiciamus, nullam esse, quæ tam facilè in humeros injici, tam facile rejici queat. Cingi potest, qui sinum volet: succingi, qui expeditus iter facere. Qui gravi incessu delectatur, ad talos demittet: ad poplites, qui concitato. Si æstus vexet, rejecta: sin contra frigus urat, adducta tebeabit. Ab imbre, à grandine, à nivibus penula rectius defendet. Nec tegere modò, sed & ornare virum potest; si tamen viri est ornari. Munditiæ enim, & speculum, & acus scæminarum propria sunt: his gaudent & gloriantur: in nostro sexu magis nimia cura, quam negligentia reprehenditur; & quo quisque horridior eo plus veri viri habet. Attamen, si quis maris quoque hominis ornatus est, eum honestissimum, minimique & temporis, & impendii reor, quem toga nobis confert. Mulieres dum molliuntur, dum comuntur, dum de singulis capillis in consilium eunt, annus est: vir puncto temporis injecta toga, tametsi ne-

sineque pexus neque calamistratus est,  
 sic tamen satis procedet ornatus. Non  
 enim Hortensium imitatur, qui ad spe-  
 culum se intuens anxia cura togam cor-  
 porific applicabat, ut rugas non forte,  
 sed industria locatas artifex nodus ad-  
 stringeret, & sinus ex composito deflu-  
 ens lateris modum ambiret: Nimia ist-  
 hæc, & inepta sollicitudo est; quàm me-  
 tus quoque ridiculus comitatur. Quibus  
 enim tam tristis amiciendi lex posita est,  
 hos necesse est & ventum, tanquam  
 grande malum; & cubitum vicini, tan-  
 quam anguem in herba formidare. Hæc  
 formosorum Spanii, & Prisci, & Cotili  
 infelicitas est; qui quoties ex tonsoris  
 sententia ornati procedunt, cum subitas  
 tempestates, tum occurrentium umbo-  
 nes tam miserè timent, quam non Sa-  
 bella cretata nimbum, cerussata solem  
 timuit. Atilium potius intuetur gravis  
 vir, aut L. Quintium qui ab agris, & o-  
 pere rustri ad imperia evocati, toga è  
 proximo tugurio depromta, raptim &  
 viriliter cincti sunt. Nec cuiquam de  
 injuriis diem dixere quod occurrens in  
 angustiis offenso fortuito structuram si-  
 bi destruxisset: nec capital putavere,  
 quod in humero suo locum ruga mutas-  
 set. Nempè, hi timerent, ne non ad spe-

60 ANTON. MATTHÆI  
culum compositi parum honesti viderentur? Hi Creticum aliquem, aut Crispinum, aut alterius generis Cincinnatos sibi prælatos dolerent? Naturam consulebant, qua iudice nemo non vir spadone formosior erit: neque tam averia unquam à recto ratio, ut villico venustiorrem credamus ciniflonem. Libido quos juvat, ii cultu sexum mentiantur, & exciso quod usquam virile est, suæ lenocinentur formæ. Nos, non quæ lævia & nitida; sed quæ dura & fortia, ea quoque viro decora judicabimus. Nec quisquam censebit, pelle hædina speciosum fieri, quod si nasceretur monstrum erat; nisi idem naturæ ante, tanquam gigas aliquis Deo bellum indixerit. Porro, quanti hæc æstimabimus quod aliæ quidem vestes aliarum indigeant adjumento, toga vero sibi sufficiens vel sola honestè tegat? Mirum id alicui; forsan & absurdum videri possit; sed fidem faciunt veteres illi Romani, quos æstate sub toga, solo campestri cinctos fuisse accepimus. Nec trans tyberinis duntaxat ambulatoribus id factitatum, aut fornicis & popinarum inquilinis, apud quos levis plerunque pudoris jactura est; sed & summis in Rep. viris. Quamobrem eum morem ex antiqua consuetudine homo virtuti  
simili-

illimus Cato repetiit, quem eodem bitu jus dixisse ferunt. Quin etiam candidati olim absque tunicis ambiebant, rejecta toga, vulnera quæ pro Rep. acceperant, facilius populo probarent. faciunt omnes, qui tribus prenſant, quam tres meticulosa, quàm faciunt, quaque & quam sollicita cupiditas honorum. Omnia non modò quæ reprehendi palam; sed etiam quæ obscure cogitari possunt, expavescunt. Ea tamen tempeſtate qui in campo petebant, aded non timuere, ne id vitio verteretur, ut contra summæ laudi ducerent. Quid, quod non pace solum, sed & bello togæ usus ingens? Non enim corporis celeritate, nec lacertorum robore res magnæ geruntur; sed consilio, & auctoritate, & sententiis, quibus vel maximè togati valent. Nec quisquam otiosos dixerit, quod aliis in campo præliantibus, ipsi in curia sententias dicant. Quasi verò gubernator navis otiosus sit, quod, dum alii malos scandunt, alii per foros curſitant, alii sentinam exhauriunt, ipse clavum manu tenens, sedeat in puppi quietus. Quasi olim Q. Fabius Maximus, L. Æmilius Paulus, & cæteri senes, Fabricii, Curii, Coruncanii, Claudii, Catones nihil egerint, quum non bella gererent, sed

quomodo gerenda essent senatui præscriberent. Illud fanè palam est, maxima & difficillima bella à togatis gesta; nec impedimento fuisse lacinias, quo minus aut eminus hasta, aut cominus gladio decernerent; aut sublatis in capita scutis castra hostium expugnarent. Neque verò levia ea prælia quisquam existimet, quæ Quirites cum bellicosissimis Latii populis circa cunas quasi suas committere. Eadem Latino arma, eadem castrorum disciplina idem in pugnando ardor fuit. Vicit nihilominus Romanus bello, & invictum ad commendationem vestis talæris argumentum attulit. Quid, quod clypei loco toga pugnaturis esse possit? Hoc quidem satis scio Corbulo ridebit, & Cupennius, & si qui alii ex genere varicosorum sunt: tamen Scipionis Nasicæ factum verum demonstrat. Is civitate seditiosis Tib. Gracchi actionibus in summum discrimen adducta, circumdata lævo brachio togæ lacinia in tribunal irruit, remque publicam ab exitio præsentissimo liberavit. Egregium profectò facinus, & ad omnem posteritatem memorandum; adversus Tribunum plebis, cujus caput sacrosactum, cum legibus, tum ingentibus catervis, & totius Italiæ frequentia subnixum erat, attonitæ

tonitæ urbi ducem fuisse togatum: hunc optimates, hunc equitum, hunc intactam perniciosis consiliis plebis partem secutos: hujus illa die depulsam à cervicibus Pop. Rom. servitutem: quæ nisi depulsa fuisset, homines sagati, qui tum in Hispania rem gerebant, non erant habituri, ubi de Numantinis triumpharent. Quid, quod præsidium adversus vim, atque injurias magistratuum adferre toga possit? Ponamus in eum nos incidisse Proconsulem aut Prætorem, qui cum fasces Pop. Rom. beneficio acceperit, iisdem contra salutem potius, quam pro salute civium utatur. Postquam nudari tergum, atque ad palum deligari jusserit; cum jam virgæ explicantur, securis imminet, serum erit Valeriam recitare. Cum ille dixerit, L I C T O R L E G E A G E, longum erit Porcias Semproniasque memorare. Compendium intercessionis fiet, fortiter clamando, T O G A T U S S U M! C I V I S R O M A N U S S U M! Nec in orbe duntaxat nostro, sed & in ultimis terris, atquè inter barbaros, vox illa, atquè imploratio opem feret. Tanta enim togæ amplitudo, tanta togati nominis dignitas, ut hoc tanquam propugnaculo, vel in media Scytharum solitudine, atque ad rupes

Cau-

Caucaſeas tuti eſſe poſſimus. Quid, quod tam in morte, quam in vita ingens togæ prærogativa eſt? Honeſtiſſimè decedere exiſtimantur, qui adverſis vulneribus conſecti, in ſago atque armis occumbunt. Verum non minus honeſtum eſt eorum fatum, qui togati cadunt; niſi dixeris omnes illos ignotis mortibus functos, quos non in campo, ſed in foro: non in acie, ſed in curia, & deorum templis proſtratos videris. Summum certè Imp. C. Julium Cæſarem proſtigatis feliciter tot bellis, ſubactoque orbe terrarum, in toga mori voluiſſe credibile eſt. Nam nec detectas infidias cavit; & irruentibus conjuratis, ut honeſtius caderet, capite obvoluto ſinum ad ima crura deduxit. Quid, quod lenius atque communius mortem togati ferunt? Cùm enim quietè, purè, atque eleganter ætatem agant, præmium eos hoc comitatur, ut & levis ſenectus, & placidus ex hac vita exceſſus ſit. Feſſi annis milites plerunque juventæ robur requirunt, emortuosque lacertos ſpectant ſimul, & deplorant. Togatos, ſi qua Medea recoquere velit, ut cum Æſone repuerascent aut inter edentulos vagiant, valdè recuſent; nec velint decurſo jam vitæ ſpatio, à canis ad cunas reverti. Ita geſtiunt videre

dere diem illum, quo ex hac turba & col-  
lutione discedant, & in illud animorum  
concilium cœtumque proficiscantur.  
Profectos, utros major gloria consequā-  
tur, sagatos, an togatos haud pronum ju-  
dicatu est. Nam & bello res magnas ge-  
rere præclarum est; & pacis artibus pol-  
lere, inprimis arduum atque difficile.  
Nec promptè dixeris, quo tempore Sci-  
pio Africanus in excidenda Numantia  
reip. profuit, an minus profuerit P. Nas-  
ica, quum rogatus seditiosum hominem  
Tib. Gracchum interemit Nec facile  
constitueris, quum Catilina excidium  
patriæ minaretur, alterque consulum e-  
xercitum conjuratorum acie sterneret,  
alter celeri consilio diligentiaque auda-  
cissimorum hominum manibus arma  
excuteret, orator, an bellator plus præ-  
stiterit? Volgus quidem præclarius exi-  
stimat, aliquot hostium millia prælio fu-  
disse, ovantemque in urbem ingredi: no-  
stro tamen judicio longè difficilior, at-  
que adeò præclarius quoque est domi  
civem regere, quàm foris hostem fe-  
rire. Multi enim bello cum enituissent,  
pace obsoleverunt, quamque militiæ  
quæsierant gloriam; eam togatarum  
artium rudes in foro perdiderunt. E-  
xemplo Cæso Fabius esse potest, qui  
cum



cum Veientes equitatu immisso fugasset, nonne bello præclarus haberi potuit? Atquin Romam propè inglorius rediit; quia hostem vincere sciebat, civem imperio regere non poterat. Quid, Primi Antonii sub Vespasiano, nonne militaris scientia ingens fuit? quippe cuius opera Vitellius & pugnacissime Germaniarum legiones victæ fuerint. Destituit tamen gloria gestas res, nec par virtuti nomen fuit; quia togatæ prudentiæ rudis, nec gratiam Cæsaris in palatio, nec populi studia in foro demereri valuit. Quis porrò nescit, fortissimum virum, belloque optimum Maximinum Thracem fuisse? hunc tamen aded non amavit bona fama, ut barbarie magis quàm virtute notus sit: quia dux potius fortis, quàm bonus Imperator erat, quidque inter civem & hostem esset ignorabat. Nihil nunc dicam de aliis, qui numero perquam multi, ac propè infiniti sunt; sed eo ipso minus clari, quod militares eorum laudes domestica aliqua infamia obscurarit. Quod si eorum animi in pace ita, uti in bello valuissent, æquabilius & constantius eorum res & nomen se habuissent. Etenim armis gloria paratur, non retinetur: parta sudore bellico togæ bonis roboranda est: quan-

quandoquidem non semper bella, sed & pax est in Rep. præliorumque finis aut fœdus, aut victoria. Utriusque temporis bona malaque qui rectè composuerit, ejus facile fama perennabit: Non ignoravit id M. Porcius Cato, cujus Livii monumentis virtus celebrata est, qui vim animi ingeniique ita intendit, ut non solum militarem, sed omnes publicæ privatæque rei artes calleret. In bello fortissimus, multisque insignibus clarus pugnis. Idem posteaquam ad magnos honores pervenit, summus imperator. Idem in pace, si jus consuleres, peritissimus: si causa oranda esset, eloquentissimus. Ad summos honores alios scientia juris, alios eloquentia, alios fortitudo extulit: huic ingenium ita ad omnia versatile fuit, ut ad id unum natum dices, quod ageret. Quæ res effecit, ut non tantum dum viveret omnes patricios plebeiosque nobilissimarum familiarum ante iret, sed post mortem quoque longè supra illos fama sit. Julium Cæsarem autem ad illud rerum & gloriæ fastigium, non tam militaris vittus, quam togatæ artes provexerunt, quas ita hauserat, ut inimici quoque faterentur, solum Cæsarem sobrium ad Remp. occupandam accessisse. Nec dissimulavit ipse,

se, quibus potissimum subsidii niteretur, quum L. Sullæ fortissimo duci ad perpetuam dictaturam literas defuisse diceret. Cæsaris nomen, simul & gloriæ hæreditatem Augustus adiit, qui partum à patre imperium togata prudentia ita firmavit, ut nec cives Romani tædio præsentis Reip. veterem mallent; nec provinciæ uni magis, quàm pluribus parere abnuerent. Non Lepidus armis exutus, non Sextus classe superatus, non Antonius bello victus, tantum ad principatum momentum attulere, quantum domi comitas, & erga cives mansuetudo. Qui huic successerunt principes, multi quidem viri fortes habiti: pauci tamen pacis virtutibus clari, plurium bellicas laudes facile inumbrarunt. Inter hos T. Vespasianus eminet, qui civili prudentia adeptus est, ut amor Pop. Rom. & deliciæ orbis terrarum appellaretur. Nec vivum duntaxat & sentientem, sed mortuum quoque hic generis humani affectus prosecutus est; iisdemque lachrymis, quibus domestica funera singuli, publicas exequias cohonestarunt universi. Trajanum quoque, principem laudatissimum, celebrant non tam bella, quæ multa & magna confecit, quàm togati mores, &

& comiter habiti Senatus atque Pop. Romanus. Cum enim unum ex omnibus; nec minus civem, quam civibus præesse se meminisset; tanta pietate, abstinentia, mansuetudine imperium gessit, ut & castus, & sanctus, & optimus, & Diis simillimus princeps audiret. Taceo Nervam: taceo Hadrianum & Antoninos. Alexander Severus in medium procedat: quanta togæ gloria! quantus togatorum amor! qui nihil magnæ rei, nullum pacis jurisve negotium gerere sustinuit, nisi togatis ante in consilium adhibitis: quos cum multos coluit, tum imprimis Ulpianum parentis loco habuit. Ac ne militaribus quidem comitiis quenquam ducem aut tribunum rogavit, nisi qui cum armorum scientia literas conjunxisset. Togatos verò non amavit solum, quod eorum consiliis feliciter Remp. gereret, sed & timuit, ne quid sinistra de se literarum monumentis commendarent. Quantum alienus ab eorum socordia, qui præsentis potentiæ fiducia sequentis ævi memoriam spernunt; nec persuaderi sibi patiuntur, facilius flagitia fieri, quàm conscientiam eorum aboleri: Puniri quidem ingenia posse; sed punitis auctoritatem gliscere, tyrannique secures ipsi dedecus, doctis gloriam immorta-

mortalem peperisse. Verum enim verò, ne his quidem exemplis diutius immorabor, sed altiore jam voce loquar, & quemadmodum demonstravi sagum absque toga vix inclarescere; aut certè claritatem armis partam retinere non posse; ita nunc contra docebo, togæ ad acquirendum gloriam sago nihil opus esse. Neque longis utar ambagibus; nam & fatigatos auditorum animos reor; & jam suapte sponte ad finem anhelat oratio. Unus M. Tullius ad id probandum nobis sufficiet. Homo Arpinas, novus, ignobilis, qua tandem via ad illud famæ culmen ascendit? quibus artibus ita emerfit, ut nominis claritudine Galbas, Gracchos, Crassosque omnes superarit? Non manu, sed ingenio: non armis, sed toga bonus erat: ita patuit ad summos honores aditus; quemque paulo ante rhetorem, eum mox consulem vidit Roma: & illo quidem tempore, quo corruptissima erant comitia. Ad Remp. alii libidinem & cupiditatem, alii odium & furorem adferebant, eandemque perdere, quam gerere malebant. Orator cum amentiam ratione, libidinem pudore, audaciam consilio vicisset, ita patriæ rem gessit, ut pater ejus unus sui temporis haberi potuerit. Nec stante duntaxat

Rep.

*Rep.* ingentes togæ fructus percepit, sed lapsante quoq; auream messem meruit. Etenim virtutis, & vitæ benè actæ conscientia tanto pectus ejus munivit robore, ut toga tanquam muro æheneo tectus, nec inimicorum calumniis frangi, nec Reip. ruina potuerit opprimi. Operæ pretium est, qua constantia & fortitudine aut insultantes adversarios dejecerit, aut iniquissimam civitatis fortunam tulerit, ipsiusmet potius, quàm meis repetere verbis; quandoquidem animam civis laudatissimi exprimere non potest, nisi qui eloquentissimus idem fuerit. Cum C. Sallustius, longa majorum serie tumens, generis ei obscuritatem exprobraret, calumniosissimam inimicissimi hominis linguam ita compresfit. Ego meis majoribus virtute mea præluxi, ut si prius noti non fuerint, à me initium capiant memoriæ suæ. Noli mihi antiquos viros objectare: fatius est me meis rebus gestis florere, quàm majorum opinione niti; & ita vivere, ut ego sim posteris meis nobilitatis initium, & virtutis exemplum. Cum Appius Pulcher invidiosa criminatione objectaret, quod novus homo decedenti sibi de provincia obviam non processisset, hujusmodi usus exaggeratione: Appius Lentulo,

tulo, Lentulus Appio processit obviam: Cicero Appio noluit? iusta indignatione motus orator, hominem inani nobilitatis opinione inflatum ita corripuit: Quæso, etiamne tu has ineptias? ullam Appietatem aut Lentulitatem valere apud me plus, quàm ornamenta virtutis existimas? Cum ea consecutus nondum eram, quæ sunt hominum opinionibus amplissima, tamen ista vestra nomina nunquam sum admiratus: viros eos, qui ea nobis reliquissent magnos arbitrabar. Postea verò, quàm ita & accepi, & gessi maxima imperia, ut mihi nihil neque ad honorem, neque ad gloriam acquirendum putarem, superiorem quidem nunquam, sed parem vobis me speravi esse factum. Rursus cum à plerisque principibus eo nomine invaderetur quod armis togam anteferens, se Confortunatam Romam exclamasset, eam conscientia rectè dictorum fiduciam ei dedit, ut non modo non extimuerit carminis invidiam, sed & gloriosè defenderit. Ut alios, inquit, omittam, nobis remp. gubernantibus, nonne togæ arma cessere? Quæ res gesta est unquam in bello tanta, quis triumphus conferendus? licet enim Marce fili sapud te gloriari, ad quem & hereditas hujus gloriæ & fa-

& factorum imitatio pertinet. Mihi quidem certè vir abundans bellicis laudibus Cn. Pompejus, multis audientibus, hoc tribuit, ut diceret, frustra se tertium triumphum deportaturum fuisse, nisi meo in Remp. beneficio ubi triumpharet esset habiturus. Postremò, cum principum ambitione, partiumque studiis jam per-dita esset Roma, & plerisque ex publico naufragio ne tabula quidem, aut truncus superesset cui adniterentur, Arpinas noster tam grande togæ solatium sensit, ut ne cogitaret quidem, quam dignitatem, quos honores, quem vitæ statum amisisset, sed memoria rerum pro Rep. gestarum se oblectaret. Nec timuit de Cæsare atque Pompejo scribere: Horum ego summorum Imperatorum non modò res gestas non antepono meis, sed ne fortunam quidem ipsam, qua illi florentissima, nos duriori conflictati videmur. Quis enim potest aut deserta per se patria, aut oppressa beatus esse? & si rectè diximus, nihil esse bonum, nisi quod honestum: nihil malum, nisi quod turpe sit: certè uterque istorum est miserrimus, quibus semper patriæ salus & dignitas posterior sua dominatione & domesticis commodis fuit. Ego verò præclara conscientia sustentor, cum cogito me de rep.

D

aut



aut meruisse optimè cum potuerim, aut  
certè nunquam nisi divine cogitasse. O  
præclara togæ bona! O vim vestis talaris  
divinam & incredibilem! Perdiderant  
alii dignitatem, alii opes: utrisque mor-  
te gravior servitus ante oculos: quapro-  
pter tanquam manci atque abscissa dex-  
tera inutiles aut in exilium ibant, aut vi-  
ctoris clementiam respectabant. Arpi-  
natis animus togatis virtutibus obfirma-  
tus, aded non expavit fortunæ trucem  
vultum, satis ut ostenderet, eripi bonis  
remp. posse, se sibi non posse. Parum in  
Hispania, parum in Africa, parum in  
Thessalia & campis, Philippicis actum  
fuit: manet invictum hominis togati pe-  
ctus; aciliusque Cæsari Pompejum vince-  
re, quàm oratori felicitatem extorquere.  
Ne M. quidè Antonii mucro quicquam  
profecit, cum Romæ loquentis caput  
abstulit, & ætati senili paucos, qui supe-  
rerant, annos intercepit: famam enim,  
rerumque gestarum celebritatem non  
abstulit, sed auxit. Vivit, vivetque per  
omnium seculorum memoriam, dum-  
que hoc divina providentia factum na-  
turæ corpus manebit incolume, orato-  
rem posteritatis laudes, triumvirum di-  
ræ sequentur. Tam solida togæ gloria!  
ita robustum nomen! aded valida felici-  
tas

tas est ! ut nec furca , nec ignes , nec gladii quicquam in eam juris usurpent. Nihil delicatorem cathedræ , nihil Palatini præla habent , quod cum hac contendant. Rara caligarum fama ; brevis sagi felicitas est. Quid autem pallia quid pittacia nostra habent , quod togæ opponant ? Toga , si originem requirimus , est antiquissima : si auctores , sunt nobilissimi. Quod si usum & commoda exigimus constant longè maxima : si ad res gestas adspicimus , fulgent toto orbe clarissime. Hæc obscuro genere prognato natalium fordes absterfit. Hæc novo homini curiam aperuit. Hæc rhetorem ad amplissimos honores provexit : nomen ejus orbi , famam astris æquavit. Quid restat igitur , studiosi juvenes , vos enim extrema orationis parte alloquor , quod , inquam , restat , aliud , nisi ut togam ambabus , quod ajunt , ulnis amplectamini ? Si benè de vobis , auguror , ita nati estis , ut vel pace vobis , vel bello inclarescendum sit : utrumlibet genus sectantibus , grande ad felicitatem toga momentum adferet. Si quis lenem hanc & pacatam vitæ rationem expetit , togatus deget lenissimam. Sin asperam illam & castrensem maluerit , conjuncta cum sago toga facilius enitescet. Quid enim pulchrius ? quid

admirabilius, quam robur cum pruden-  
 tia, fortitudo cum iustitia, victoria cum  
 clementia, imperium cum comitate fe-  
 lici foedere innexæ atque illigatæ? Quid  
 autem divinius, quàm laureæ literas, ar-  
 mis eloquentiam, castrorum disciplinæ  
 sapientiam indefessa animi contentione  
 adjunxisse? Non alia profectò lege cla-  
 rum nomen duces amat: aut si amat,  
 communis amoris adfectus est, ac tan-  
 quam herba solstitialis repentè oritur, ci-  
 tò occidit. Est aliquid amplius, quod  
 genium famæ, ævum viris donat; nec  
 soli se sago facile imputat immortalitas.  
 Toga nostra? toga illa? illa toga certissi-  
 ma gloriæ parandæ regula est: qua tan-  
 quam felici compendio ad astra itur: cu-  
 jus decus rogo superat, & commendatio  
 innumeris seculis canescit. Hanc vobis  
 unicè unicam commendo. In hac si spes,  
 opesque vestras collocaveritis, non ti-  
 mebo, ne aut laudes meas experimen-  
 tum, aut vota vestra eventus fefellisse vi-  
 deatur.

ANTO.

ANTONII MATTHÆI  
O R A T I O III.  
D E  
I N S T I T U T I O N U M  
U T I L I T A T E .

Recitata Pridie Kal. Novemb.  
Anni 1637.



Uanquam A. O. in dicen-  
do parum possum, locus-  
que præsens magis inter-  
pretem, quam oratorem  
desiderat: imperare tamen  
animo nequeo, quin de In-  
stitutionum laudibus pauca dicam. Non  
quidem gravi illo & copioso dicendi ge-  
nere, quo homines eloquentes uti so-  
lent, sed istoc humili atque leni, quod  
à docentis consuetudine non multum  
recedat. Neque deterrebit ab hoc ar-  
gumento, quod arrogantes homines ja-  
ctitant: nimis id vulgatum esse, atque à  
multis multifariam tractatum: in sce-  
nam qui descendit novo more, ab eo no-

vum aliquid inventum afferri debere. His enim breviter respondeo, plus apud me auctoritatis habere sapientum rationem, quam stultorum opinionem: itaque existimare, nunquam ad satietatem dici posse de rebus, quæ orationis fastidium utilitatis ubertate compensant. Quod, si quisquam in juris peritorum thecis codex est, qui fructu & commodis censendus videatur, non alius profectò quam Institutionum libellus est: quam jure meritoque alii comtissimum alii elegantissimum, alii aureum libellum appellant. Non solum enim communi elementorum utilitate defenditur. Sed & propriis nominibus multis commendatur. Via, ut scribit optimus dicendi magister, opus est incipientibus plana, & cum ad ingrediendum, tum ad demonstrandum expedita. Hanc munit ad universam Jurisprudentiam præsens libellus, non multis rubricis ob oculos ponens totius legitimæ scientiæ fundamenta. Nec rudem adhuc & infirmum animum studiosi multitudine rerum ac varietate onerat. Hoc enim qui faciunt, duorum alterum efficiunt; aut desertorem studiorum, aut serius perducunt ad id, ad quod leviori via ductus maturius pervenire potuisset. Ac licet prima cujusque disciplinæ rudimenta

menta ornatum non defiderent, doceri contenta, idemque patiantur quod mechanicorum opera, quorum fundamenta latent, fastigia spectantur: tamen Institutiones hæ non prorsus ab ostentatione sunt sepositæ: ornatu certe honesto & rebus ipsis conveniente gloriantur. Ex tersissimis enim antiquorum Institutionibus; præcipue ex nitidissimis Gaji tam Institutionum, quam aureorum, sive rerum cotidianarum libris, nec non aliis veterum prudentum commentariis composita sunt. Et id quidem iussu invictissimi Imperatoris Justiniani per tres viros illustres, Tribonianum, Theophilum, & Dorotheum: quorum omnium solertiam, & in rebus tractandis studium atque fidem, multis jam ante argumentis princeps cognoverat. Quare illud effectum est, ut liceret studiosis juris prima legum cunabula non ab antiquis fabulis repetere, sed ab imperiali splendore imbuerè. Antea enim Iuris periti, ut viderentur altius callere jura, circumstantibus discipulis Trebatium loquebantur, & Cascellium cum Ofilio; nec non Alfenum, & Auruncorum Sicanorumque leges jam diu ignotas, cum Evandri matre abhinc seculis obrutas multis. Postquam auspiciis Justiniani In-

stitutiones composita sunt, tam aures quam animi juventutis nihil inutile, nihilque perperam positum, sed quod in ipsis rerum obtinet argumentis acceperunt. Verum enimverò, etsi multis nominibus commendari hic libellus potest, mihi tamen in animo non est, singulas commendationis partes operosius exequi, ne rerum copia obruat dicentis infirmitatem. Duobus argumentis in præsentiarum contentus ero; quorum alterum ab ordine, alterum à locis singularibus mutuabimur. Ordo res in rebus humanis pulcherrima, non potest non magnum ad laudes hujus libelli adferre momentum. Quemadmodum enim in area domum, in foro cives, in campo acciem; ita in gymnasio literas laudat ordo. Orbis ipse & universi fabrica, hanc quam cernimus pulchritudinem ab ordine habet: quem vel solum cum intuerentur olim gentiles, in densissimis rerum divinarum tenebris numen deprehenderunt. Tanti certe ab omnibus doctis estimatur ordo, ut vel præcipuum apud eos eruditionis argumentum sit, rerum de quibus dicendum est in ordinem optima collatio. Indocti autem tanquam forices confusionis indicio se produnt, cui fere semper obscuritas conjuncta est: quo autem quisque



quisque obscurior, eo etiam deterior sapientibus habetur. Quid mirum ergo, ab ordine potissimum nos libelli nostri commendationem derivare? Quæ quidem eo major erit, quo rectior & accuratior in hoc, quam in aliis juris civilis libris dispositio cernitur. Quid enim Pandectæ, quid Codex habent, quo se Institutionibus anteferant, nisi copiam rerum, legumque varietatem? Ordo autem qui potest esse magnus in illis libris, qui compositi sunt ad normam & filum perpetui edicti, cum ipsius edicti nullus certus & rationi consentaneus fuerit ordo? Quoties disjunguntur, quæ conjungi, conjunguntur, quæ disjungi debuerant? Quam sæpe ridendos se præbent interpretes quamlibet callidi & exercitati, dum librorum titulorumque seriem atque connexionem monstrare satagunt? Absunt longissimè ab artis præceptis; qui res diversissimas arte conjunctas in his libris autumant. Ars illa, quæ ordinis mater atque præceptrix est, eas disciplinas, quarum scopus non contemplatio, sed actio est, ita tradit jubet, ut ante omnia præcipiatur finis: à fine ad objecta, ab objectis ad media fiat transitio. Ipsa autem media, quæ finis nos compotes faciunt, ita vult disponi, ut à facilioribus ad difficiliora, à



primis ad postrema, a mediis ad infima recto tramite progrediamur. Has artis regulas Imperator non in Digestis, non in Codice, sed in Institutionibus observavit. Etenim, ne non tam juris, quam litigandi vias tradidisse diceretur, altè, & ut oportet, à capite exorsus, finem præfixit amplissimam illam & perfectâ virtutem, quam justitiam appellamus. Planè ut neq; ex Prætoris edicto, neq; ex XII. tabulis, sed penitus ex intima Philosophia juris disciplinam hausisse videatur. Fini objectum adjecit, quod si universum quæramus, respublica est: sin partes, personæ, res, & actiones. Media, per quæ finem adipiscimur, sunt jura & leges, tum naturales, tum gentium, tum propriæ cujusque civitatis. Ab objectis desumuntur nobilissimæ illæ divisiones, quarum altera jus universum in publicum & privatum tribuit: altera privatum vel circa personas, vel circa res, vel circa actiones versari docet. Porro jus personarum tribus quasi capitibus constat, libertate, civitate, & familiâ. Tractatus de rebus partim rerum divisiones, partim modos acquirendi dominia, partim obligationes rerum causa inventas exponit. Tertia vero de actionibus pars, & formulas quibus persequimur quod nobis debetur,

tur, & accusationes, & judicia ipsa eorumque processum comprehendit. Hæc universi operis partitio : hæc summa legitimæ scientiæ capita sunt : quibus ab Imperatore breviter & perspicuè propositis, apparet eum jus civile, quod diffusissimum est, in parvum quendam angustumque locum naturæ atque artis conclusisse. Laudatur Aristoteles & optimo quidem jure quod universa, quæ in rerum natura sunt, quæ non philosophantibus infinita videntur, in duo genera dispescuerit, in substantiam nimirum & accidens. Non minori merito laudandus Justinianus, quod universam veterem prudentiam, quæ vaga & infinita putabatur & constabat libris bis mille, versuum seu §. tricies centenis millibus, in ordinem redactam, paucis libellis sub obtutum posuerit. Nihil simile, ut diximus, in Digestis & Codice cernitur. Nam neque personarum jura, neque acquirendi dominii modi, neque obligationes ex contractibus & delictis descendentes, neque actiones continua serie, suoque omnes loco, sed variis libris sparsa, longoque intervallo disjuncta proponuntur. Ut merito quam laudem nobilissimus interpret Pandectis arrogare conatus est, eam nos Institutionibus ad-

scribamus: cohærere nimirum, digestaque esse omnia arte mirabili: Nec tam Triboniani, quam Gaii, Florentini, Marciani, aliorumque veterum prudentium ingenio, quorum ille vestigia secutus est: Qui autem aliam desiderant, vel comminiscuntur artem, illos ineptissimos & imperitissimos esse; ac neque quid ars sit, scire, neque artem Institutionum, aut principia juris ulla percepisse unquam. Mihi quidem, quoties lego, summum illum dictatorem C. Julium Cæsarem de jure civili in artem redigendo cogitasse, divinare libet, eum si per fata licuisset, non aliam nobis artem, nisi ipsam illam, quam in Institutionibus cernimus daturum fuisse. Certè M. Tullius in libro de legibus primo, eum ordinem, quem Prætores in edictis sequebantur non obscure improbavit; videturque ejusmodi aliquod opus exegisse, cujusmodi post Alexandri ætas, quæ optimorum Jurisconsultorum feracissima fuit, dedit. Quapropter insuper habendi nobis sunt hac parte illi interpretes, qui post pulcherrimos Institut. libellos juris civilis artem componere, id est, post Homerum Trojam, post Maronem Latium canere voluerunt. Ex his Johannes Apellus est, teste Mynsingero non incelebris Jurisconsultus.

nec

nec non popularis noster Nicolaus Vigelius, adhæc Thomas Freigius; quorum primus de methodo juris civilis differens, primam de personis partem turpiter abscidit: Secundus regulis innumeris & exceptionibus: Tertius partitionibus nescio quibus universam prudentiam infelici conatu includere conati sunt. Plus hac in re prestitisse videri poterat vir undequaque doctissimus Joh. Bodinus, in ea tabula, quam universi juris distributionem esse voluit: sed præterquam quod ea tabula non est juris Romani peculiaris, cujus artem quærimus, sunt in ea non pauca, quæ doctis necessariò displicent. Hermannus quoque Vultejus popularis & præceptor noster, in eo libro, quem jurisprudentiam Romanam nuncupat, non parum contulisse judicandus est, nec tamen effugere potuit, quo minus in superiorem gregem referatur: quia in multis ab aurea Instit. methodo recessit: multas divisiones, multa vocabula ac loquendi figuras excogitavit, juri nostro prorsus incognitas. Qua re patet ab eo peccatum adversus philosophorù præcepta, qui insolens in quaq; arte verbù tanquam scopulum vitari jubent, nec quicquam innovari permittūt, nisi ubi vel evidēs utilitas, vel penuria lingue id exprefferit. Omnes

hos superasse facundissimi viri Fr. Con-  
nanus, Hugo Donellus videntur, iis com-  
mentariis, quos in jus civile edidere: sed  
præterquam quod præclaro operi Con-  
nani ultima manus deest; Donellus au-  
tem diffusus nimis: interdum etiam ver-  
bosus magis quam eloquens est, uterque  
a recta juris tradendi via aliquoties aber-  
ravit. Et si igitur viri hi doctissimi fuere,  
tamen quantum ad dispositionem atti-  
net, saniores fuisse illi videntur, quos  
Institutionum libellus ab istoc scribendi  
genere aut prorsus deterruit, aut ne lon-  
gius inde recederent, adegit. Inter quos  
emicuit superiore seculo eruditissimus  
IC. ac non solum de jure, sed & de uni-  
versa rep. literaria optimè meritus Fr.  
Hotomannus, qui cum partitiones juris  
scriberet, vix sibi indulgit ab eo ordine,  
quem Justinianus in Institutionibus ob-  
servat vel latum ungem discedere. No-  
stra quoque ætate vir absque controver-  
sia doctissimus magnique ac subacti ju-  
dicii, uno duntaxat nomine culpandus  
quod patriæ irasci sibi permiserit, Hugo  
Grotius, cum manuducere Batavos ad  
jurisprudentiam vellet, eodem prorsus  
clivo usus est, nisi quod suis quæque lo-  
cis ex patrio jure inferferit. Nempe  
sciebant viri prudentissimi condita esse  
omnia

omnia in Instit. ordine & arte tanta, quantam vix ullus hodie nobis conficere potest, aut poterit unquam. Definitio num & divisionum elegantissimarum plena omnia: juris veteris a novo separationem perspicuam: veteris sermone purissimo veterum : novi sermone Triboniani recenti : Cum quibus omnibus qui vel paria, nedum majora se facere posse speret, cum & frustra esse, & ridendi materiam aliis præbere. Verum satis de methodo: transeamus ad loca singularia. Singularia appello, quæ vix in aliis invenias, nostris alienisve autoribus. Quæ quidem enumerare, eo facilius erit, quod ea jam ante observavit, adnotavitque lumen & decus juris nostri Jacobus Cujacius. Hujusmodi est locus ille tit. de iis per quos ag. poss. quo docemur lege Hostilia cautum fuisse, ut furti agere liceret eorum nomine, qui apud hostes sunt, aut reip. causa absunt, qui ve in eorum in cuius tutela sunt. Hujusmodi est inventorum codicillorum historia, non alibi tradita nisi tit. Inst. de codicill. Et quod relatum est tit. de noxal. act. Servum noxæ deditum, si damnum sarcierit ei, cui deditus est, quæ sita pecunia, prætoris auxilio invito domino manumitti. Unde præterea discimus, cur placuerit actionem furti manifesti,

festi, cum prætoria sit, perpetuam esse, nisi ex tit. Inst. de perp. & temp. act? Unde cognoscimus furem manifestum non solum eum esse, qui ἐν αὐτοφώρῳ deprehenditur, sed & qui cum re furtivâ conspiciatur, antequam quo destinavit perferat, nisi ex tit. Inst. de furt.? Unde commodius percipimus difficillimam actionum divisionem, quâ tribuuntur in actiones bonæ fidei, stricti juris & arbitrarias, nisi ex tit. Inst. de action. Unde denique calculum actionum bonæ fidei inire nobis liceret, nisi is in eodem Inst. capite foret expressus. Taceo orationem D. Pertinacis tit. Inst. Quib. mod. test. infirm. Taceo que de fiduciariis tutoribus traduntur tit. Inst. de fiduc. tutel. Taceo tria testameentorum genera, calatis comitiis, in procinctu, & per æs & libram, quæ solus Inst. tit. de testam. ord. enumerat. Adhuc non pauca alia de jure antiquo, etsi non prorsus necessaria, utilia tamen, & cognitu valde jucunda. Quarum omnium rerum cogitatione interpretes moti certatim in excolendas Inst. incubuerunt, non solum infimi, medioxumique, sed & summi in eo ordine viri. Ex veteribus enim præter Accursium quem Cujacius optimum interpretem, & Latinis Græcisq; omnibus facile præferendum judicat, in easdem

com-



commentatus est nobilissimus consultus Azo, quem Baldus ob ingenii acumen, & docēdi dexteritatem vas electionis cognominavit: qui cum Bononiæ, ubi tum temporis decē millia studiosorum erant, jus interpretaretur, tanto concursu auditus est, ut reliquorum doctorum auditoria prope vacua ac deserta despicerentur. Ipse quoque Baldus, cujus tam læta fuit fama, ut existimatum sit, neminem scivisse, quod hunc latuerit, ad explicandas Institutiones animum adjecit. Ex recentioribus vero viri incomparabiles & æternitate famæ dignissimi, *Emilius Ferretus, Eguinarius Baro, Jacobus Cujacius, Franciscus Hotomannus*, turpe sibi non putarunt etiam ea ætate, quæ majora flagitare videbatur, elementa civilia tractasse, quandoquidem sciebant, sicut absque radicibus & stirpe arbores; ita absque Institutionib. civilem scientiam succrescere non posse. Quæ omnia cum ita ut dixi, se habeant, quid vobis faciendum studiosi juris ornatissimi, qui prima spatia ingredimini; nonne librum hunc, quem & accuratissimus ordo, & loci singulares, & ingeniosissimorum hominum commentaria exornavere, diurna nocturnaque manu vos versare decet. Nec secreto duntaxat, silentique studio tractan-



tractandus, sed & publicè diligenter audiendus. Stratoclem Atheniensem legimus, nec non alios ejus collegas rētores, quoties ad forum irent joco jactare solitos, ire se ad messem auream. Horum exemplo ego quoque vos ad auream messem & vellus illud Colchicum voco, Institutiones nimirum juris Civilis, quibus qui imbuti non sunt iis ne aspicere quidem honestè forum licet: quin e vestigio ogganniri possit, quod Scævola Sulpitio, Turpe esse causas oranti, jus in quo versatur ignorare. Invasit sanè pleraque Academies, nostræque nunc primulum obrepit morbus ille, ut negligentius publicæ lectiones audiantur. Cujus rei tot causæ esse offunt, quot ingeniorum diversitates. Alii enim sese amant, dumque *αὐτοδιδάκτοι* videri volunt, pudet magistro operam dare. Hos non attingo: verissimè enim de illis parasitus Comicus dixisse videtur, Nullam esse juventutis spem, ubi sese amare occœperit. Ingens certe periculum illis imminet, ne idem patiantur, quod de Angelo Politiano fertur. Vir literatissimus, ingenio, doctrinæque multimodæ confusus spernebat jurium doctores, gloriabaturque se suo pte Marte glossæ juris civilis vel

vel ipsum Accursium superare posse. Non tulit jactantiam hominis cæteroquin doctissimi Marianus Socinus, atque improvisa interrogatione aggressus petiit, ut edissereret, quis esset in jure ius hæres. Turbatus & primo congressu prostratus obmutuit. Alii nimis patulas aures semidoctis præbent, qui clamitant, adolescentes in Scholis stultissimos fieri, quod nihil ex iis quæ in usu sunt, audiant. His ego viri in foro æque atque in schola clari Eguinarii Baronis iudicium oppono, qui tradit, Nihil in jure civili extare, quod non aliquando ad usum fori & iuriorum traduci possit. Imperiti autem vocem esse: Hic titulus nihil ad farinam: cum plerumque vim atque potestatem tituli ignorent, qui ita dictitant. Institutionibus certè adeò id convitium fieri nequit, ut ipsi illi qui forum duntaxat sequendum judicant, iis tamen se carere non posse fateantur. Quamobrem & non solum Latina, sed vernacula cujusque gentis lingua leguntur. In hac certè urbe non desunt advocati exercitati qui Inst. beneficio primam forensis contentio- nis pugnam feliciter se depugnasse gloriantur. Verum præter superiores plerique privatis collegiis contenti, publicas lectiones supervacaneas judicant. Qui  
quidem

quidem ignorare mihi videntur, publicè  
quam privatim accuratius omnia, atque  
limatius tradi, ab iis qui officio suo re-  
ctè fungi, nec gratis congiariis frui vo-  
lunt. Domi tyrones: publicè etiam adul-  
tos institui: Domi operam ad quæstum,  
foris ad famam dirigi. Illic discentium  
stultitiæ: hic sapientiæ regulis accom-  
modari vocem. In illis festinationem, in  
his tardam maturitatem laudari. Piscato-  
res illic esse, qui ne sine spe prædæ mo-  
rentur in scopulo, eam hamis imponant  
escam, quam scierint appetituros pisci-  
culos: Hic professores, qui non jucun-  
dis sed potius salubribus cibis pascant di-  
scipulorum ingenia, nec salutis duntaxat,  
ut medici, sed virium etiam & coloris  
rationem habeant ut aliptæ. Postremo  
docere olim non posse, qui docentes  
non audierit: nec inter exempla futu-  
rum, qui ad exempla aliorum se nūquam  
composuerit. His de causis, qui frui votis  
volet, nec spes suas ambitioni donare,  
doctorem publicum diligenter audiat,  
cogitetque optimum quemque magi-  
strum frequentia delectari, ac majori se  
theatro dignum putare: minores vero ex  
conscientia suæ infirmitatis hærere in  
occulto; & officio fungi quodammodo  
pædagogorum non indignari. Quod si-  
quis

quis est, quem hæ sapientum sententiæ minus moveant, excitetur saltem ad illud Imperatoris nostri classicum, in quo finio. Summa itaque ope & alacri studio has leges nostras accipite, & vosmetipsos sic eruditos ostendite, ut spes vos pulcherrima foveat, toto legitimo opere perfecto posse etiam nostram Remp. in partibus vobis credendis gubernari.

ANTONII MATTHÆI

O R A T I O IV.

S I V E

Præfatio recitata vi. Novemb.

M DC XXXVIII.

*Cum auspicaretur lib. IX. Codicis.*

**G**Ajus (A. O.) legum antiquarum interpretationem facturum, ab urbis initiis auspicandum sibi putavit: eo, quod animadverteret præfationes istas, quibus rem ab ovo repetimus, & libentius nos ad lectionem propositæ materiæ invitare, & cum  
ed

ed venerimus, evidentiorē præstare intellectum. Hujus excellentissimi viri vestigiis inhærens, pauca præfari volui, quam interpretationem, nobilissimi libri Codicis aggrederer. Ea autem in præfatione, non tam vulgi & lucri petarum auribus, quam sapientum animis me dedam. Scio gratissimam esse in vulgus orationem, quæ de quæstione & opimo cujusque materiæ proventu habetur. Nullius enim hætenus oratoris flosculi, nullius arculæ & myrothecia tantum in permovendis auditorum animis potuerunt, quantum valuit nuda, ac vix Latina Alexandri narratio, qui ad rubr. Dig. de vulg. & pup. subst. ex ore Raphaelis Cumanii retulit. Baldum ex sola substitutionum materia, lucratum fuisse respondendo, plus quam quindecim millia ducatorum. Nec ignoro prurire aures manusque iis, qui legunt Andreæ Barbatiam, ex uno consilio, quo respondit fratrum filios in stirpes succedere, plus triginta ducatos emunxisse. Ludovicum vero Romanum, uno responso, quo reum lege Cornelia defenderat, cappam, ut ipsius barbarismo utar, sericeam abstulisse. Incendit etiam Jasonis Mayni splendor, qui à Ludovico xi. Francorum rege opimi castri donatione, ad ju-

ris professionem invitatus est. Exstimu-  
 lant Johannis Imberti verba, qui in  
 Inst. Forens. testatur, ex menstuis diur-  
 nis, quin & horariis usuris forensium  
 formularum, plerosque in Galliis lati-  
 fundia pretiosissima sibi comparasse, o-  
 pibusque congestis claritatem generis  
 tradidisse posteris, ac eos tanquam in  
 generosas familias inseruisse: Prorsus  
 ad exemplum Gn. Flavii, Scribæ, & li-  
 bertini generis, qui cum compositas ab  
 Appio Claudio actiones populo tradi-  
 disset, & Trib. pl. & Senator, & ædilis  
 curulis factus est. Verum, absit à no-  
 bis procul, ut jurisprudentiam rem san-  
 ctissimam numario pretio æstimemus!  
 Absit, ut eam expetamus non quia ho-  
 nestæ est, & tota pulcherrima, sed quia  
 causidicis patrimonia novasque lecticas  
 parit. Non corporis oculis, sed mentis  
 acie contemplanda est; nec computan-  
 dum, quid singulis annis referat, sed fru-  
 ctus ex animo nostro, & ipsius pulchri-  
 tudine æstimandi sunt: quod si feceri-  
 mus, etiam sine spe prædæ, mirabiles sui  
 amores excitabit. Magnus nobis Caroli  
 Molinæi spiritus sumendus est; qui  
 quanquam fateretur, ingrata sibi fuisse  
 studia sua, redactumque ad angustiam  
 rei familiaris despiciatui se esse novis ho-  
 mini-

minibus atque ambitiosis non dubitavit  
tamen magno pectoris robore tum con-  
sulentibus tum discentibus oracula dare,  
Scriptisque in ævum duraturis nominis  
sui famam posteritati commendare. Qua-  
re omisso proletario isto sermone, qui  
cerdonibus magis, quam sapientiæ stu-  
diosis convenit, audientiam à juventute  
ita me impetraturum confido, si tum de  
Codice, cujus partem nobilissimam de  
criminibus publicis privatisque expo-  
nendam, tum de ipsius materiæ amplitu-  
dine, atque utilitate pauca præmiserò.  
Atque codicis quidem commune ante  
nomen, jure quodam excellentiæ, quam  
ἡγορν Græci vocant, præsens Justiniani  
codex proprium sibi vindicavit. Est e-  
nim præstantissimus juris liber; seu ma-  
teriam spectare velis, quæ magna sui par-  
te ex utilissimis & tritis in foro constitu-  
tionibus constat; nec non jus sacrum in  
Instit. ac Dig. prætermissum continet:  
sive causam ac autorem requiras, quia  
singulæ leges in hoc opus relatæ ab Im-  
periali Majestate profectæ sunt. Gloria-  
tæ sunt olim Athenæ Solone, Sparta Ly-  
curgo, Locri Zaleuco, Roma Decem-  
viris, alii aliis legumlatoribus: Potiori  
jure meritoque nos magno Justiniano  
gloriamur legumlatore, qui Remp. &  
armis



is decoravit, & legibus ita armavit,  
 inter paucissimos, qui utrumque tem-  
 & bellorum & pacis rectè compo-  
 runt, vel primus numerari queat. An-  
 ipsum magno in pretio codex Grego-  
 nus fuit: fuit & Hermogenianus &  
 theodosianus, sed omnibus palmam  
 æripit codex Justiniani. Gregorianus  
 enim eas duntaxat venditabat constitu-  
 ones, quæ erant ab Adriano ad Vale-  
 ianum & Gallienum usque promulgate:  
 Hermogenianus constitutiones Claudii,  
 Aureliani, Probi, Cari, Carini, Diocletia-  
 ni & Maximiani: Theodosianus rescripta  
 Constantini Magni & sequentium impe-  
 ratorum, usque ad ipsum Theodosium:  
 Justiniani vero codex, non has, non illas,  
 non istas duntaxat, sed ex tribus ante di-  
 ctis codicibus, nec non ex novellis post  
 Theodosium editis, constitutiones ad  
 ipsum temporis selectissimas. Hoc am-  
 plius, cum Gregorianus, Hermogenia-  
 nus, & Theodosianus, multa similia, mul-  
 ta contraria invicem continerent rescri-  
 pta, gloriosissimus Imperator Justinia-  
 nus, felici mutationis compendio, quan-  
 tum fieri potuit, e suo accuravit tolli  
 contraria, similia, supervacua omnia.  
 Iamque satisfecerat aliis, cum sibi non-  
 dum satisfecisset, pronique studii cer-  
 E tissimo



tissimo indicie, propè supra vires nissus, post digesta in unum corpus immensa veteris prudentiæ volumina, codicem istum suum sub incudem revocavit, editumque iterum, codicem repetitæ prælectionis nuncupari voluit. Sciunt omnes, quæ sit secundarum cogitationum felicitas? quam non obnoxium sit invidiæ & maledicentiæ iterati laboris opus? Quicquid calamus, quicquid lingua admirabile habent, ad cumulum laudis perducitur industriæ alacri spiritu, & verso sæpe stylo. Quis igitur dubitet repetita prælectione, quantum accesserit huic codici laudis & pretii incrementum? Cui non constat Imp. multas quæ erant in priore editione limasse, multas detraxisse, multas addidisse, cum suas, tum alienas constitutiones. Inter quas, tanquam stellæ quædam lucidissimæ emicant decisiones illæ, quæ vel Lampadio & Oreste Coss. vel post eorum consulatum sunt publicatæ, quibus jus vetus controversum, multisque ambiguitatibus innodatum, ita deciditur, ita explicatur, ut Hydræ alicujus elisa capita, nodosque Gordios solutos jure dixeris. Nec sustinuit id dissimulare ipse Imperator; dum in const. de nov. cod. fac. maximum hoc opus, & ad sustentatio-

tem Reip. pertinens appellavit; eo  
 id per id immensa litium prolixitas  
 rit refecata. Sed nec interpretes ab-  
 ant, qui cum septem Pandectarum  
 res, totidem sphaeris & planetis com-  
 rasset, codicem his sublimiorem, o-  
 anæ sphaeræ, innumeris stellis radianti  
 similantes, in libros duodecim, tan-  
 am signa totidem Zodiaci distinctum  
 iixerunt. Popilium quidem Macrinum,  
 efert Jul. Capitol. in ejus vita, statuisse  
 omnia rescripta veterum principum tol-  
 ere, ut jure non rescriptis ageretur. Ne-  
 fas enim esse dicebat, leges videri, Com-  
 modi, & Caracallæ, & hominum impe-  
 ritorum voluntates, cum Trajanus nun-  
 quam libellis respondisset, ne ad alias  
 causas facta præferrentur, quæ ad gra-  
 tiam composita erant. Hunc Macrini de  
 rescriptis sensum, tametsi dicatur fuisse  
 vir in jure non incallidus, quis tamen  
 laudet? quis calculo suo comprobare au-  
 sit? Est, fateor, sua veteri prudentiæ laus,  
 & responsis JC<sup>orum</sup> reverentia: nec sine  
 causa vetustas appellatione juris condi-  
 torum atque auctorum eos cohonestavit:  
 quis tamen neget multa constitutioni-  
 bus principum in melius mutata? Nam  
 ex JC<sup>is</sup>, qui maximi sunt nominis, præ-  
 cipuæque dignationis, ii prisci juris anxie

nimis, & superstitiosè reverentes fuerunt; de multis, tanquam stante adhuc Rep. locuti. Imperatores vero constitutiones suas, non tam seculo Decemviorum, aut Q. Mutii, Coruncaniive, quam foro, & suis temporibus accommodarunt. Taceo, quàm fuerint illi in multis verbosi! quot, & quantæ in eorum scriptis repertæ dissensiones! Paulus Ulpiano, Juliano Celsus, Labeoni Capito, Proculo Cassius quam vixerint amici. Profectò eo usque contradictionibus crebris rem redegerant, ut destructa auctoritate sua, incertam & vagam fuerint nobis relicturi jurisprudentiam, nisi istæ digladiationes saluberrimis principum rescriptis fuissent sublatae. Neque vero Commodus & Caracalla nobis objiciantur, monstra hominum nulla virtute redempta. Commodi enim constitutio relata est in hunc Codicem nulla, Caracallæ etsi aliquot extent; non tamen Bassiano potius, quàm Justiniano nostro accepto ferendæ sunt: quì ea in seligendo curâ atque prudentia usus est, ut cum ratio constitutionis recta appareret, frustra existimaret auctorem incusari. Non enim, ut sapientes præcipiunt, quis, sed quid constituerit, videndum: cum possint à tyrannis quoque bonæ ferri leges, prudentium viro-

rum si utantur consilio. Quemadmo-  
 Tiberium Capitonis, Caracallam Pa-  
 ani, Heliogabalum Ulpiani, Maximi-  
 Modestini opera usos legimus. Quorū  
 tis bonisq; constitutionibus, si quis u-  
 lum non esse putaverit, perinde meo  
 cio desipit, ac si quis neget, lavandum  
 optimis Neronis thermis, quod pes-  
 is fuerit, qui eas extruxit Imperator.  
 siderasse hoc mihi videtur sapiētissimi  
 decem viri, qui exactis regibus, exole-  
 te rogatione tribunitia, cum popu-  
 lincerti juris pertæsus, jus summum in  
 tate, & legū ferendarum potestatem  
 edisset, sine odio & invidia multa in  
 decim tabulas regum placita retule-  
 , quod animadverterunt ex usu reip.  
 , ea sanctè & inviolabiliter custodiri.  
 quisquā propterea extitit, qui ausus  
 it dodecadelti istius pretio atque di-  
 ati detrectare; quin summis à viro sa-  
 ntissimo pariter atque eloquentissimo  
 llio in cælum laudibus fertur, qui bi-  
 thecis omnium philosophorum eas  
 las non timuit anteferre. Quis igitur  
 icem hunc nostrum jure culpet, quod  
 r titulos constitutionum reperiantur  
 fiani, Maximini, Gallieni, Juliani,  
 entiniani nomina? Reperiebantur  
 em in tribus anterioribus codicibus,

nec tamen obstiterunt, quo minus & clarissimus Visigothorum rex Alaricus, cum videret Romanos, quos bello subegerat, in reliquis quidem rebus obsequio promptos, sed invitos admodum Gothico jure uti, ex innumeris juris civilis libris, codicem potissimum constitutionum imperatoriarum eis præscriberet, secundum quem lites eorum deciderentur. Sed nec obesse potuerunt invisa illa tyrannorum nomina, quo minus in celeberrimis quibusque Academiis, publico auctoramento professor aliquis constitueretur, qui hunc, de quo verba facimus, Codicem Justinianum plenius, splendidiusque interpretaretur. Ipse Justinianus, quid hac de re sentiret, constitutio de rat. & meth. jur. doc. ad antecessores scripta prodit, qua mandat, ut antecessores juris, quinto demum anno legitimi studii codicem juventuti prælegant, quo perspecto diligenter, nihil eis civilis scientiæ defuturum promittit. Eoque anno & ἀεὶ λυγρὸς nuncupari studiosos voluit, eo, quod in solvendis ambiguitatibus λυγρὸς superarent, & quasi in procinctu starent, mox interpretaturi ipsi, responsurique de jure consultoribus. Et vero Imperatoris in docendo voluntatem secuti, præstantissimi quique doctrina

a & ingenio viri, non solum è sug-  
 codicem hunc secundè copiose  
 interpretati sunt, sed & scriptis in  
 ævum duraturis, alii totum, alii li-  
 selectos, alii rubricas illustraverunt.  
 ic numero post veteres & Accursia-  
 merito suo, honorisque gratia à no-  
 ominantur ex Italis vir incompara-  
 Andreas Alciatus: Ex Gallis vir sum-  
 phannes Corasius, Hugo Donellus,  
 ciscus Duarenus, Franciscus Hoto-  
 nus: Ex Germanis Belgisque Johan-  
 Srichardus, Hubertus Giphanius,  
 us Gilkenius, Diodorus Tuldenus,  
 um labores, nisi augurium me fallit,  
 nitati fama destinavit. Omnium ta-  
 lucubrationes, etiam eorum, qui  
 commentaria scripsere, viri excel-  
 issimi Jacobi Cujacii indefessa con-  
 io supergressa est, cujus aureum pa-  
 lorum opus apud sapientes tanta in-  
 miratione est: ut in reliquis quidem  
 otis alios: in paratitlis codicis etiam  
 sum superasse visus sit. Hotomannus  
 e, quanquam æmulus illi, ac prope  
 nicus, tamen sine invidia ac simplici-  
 adversarii vires æstimans, tanti id o-  
 fecit, ut filium Johannem Hotoman-  
 n peregre in studia profecturum, cum  
 vidis Psalmis, paratitla ejus perpetud

in itinere circumferre jufferit. Neq; vero Academici solum, sed & forensis turba in pretio atq; in deliciis hunc Justiniani codicem habet. Ufu enim atq; experientia magistra didicerunt, ad locos juris atque capita invenienda longè reliquis libris codicem aptiorem esse. Unde non solum privatim plerique juris promtuaria juxta codicis seriem sibi concinnant: sed & publice hujus præclara ediderunt specimina viri præstantissimi Antonius Faber & Paulus Christinæus, qui decisiones supremorum tribunalium, non temerè & fortuito confusas, sed juxta ordinem codicis diligenter & accurate digestas ediderunt. Verum, pro ratione præsentis instituti, satis de codice dixisse mihi videor, admonet festinans hora, ut & de libro, quem cum bono Deo interpretandum suscepi, aliquid adjiciam. Qui quidem numero nonus est, sed pondere atq; utilitate primus, aut certè à primo secundus. Quapropter ad recitationum frequentiam, etiam atq; etiam vos, (A. O.) invito: quandoquidem vestra maximè interest, hanc materiam penitus cognitam & perspectam habere. Omnes enim, qui hic sedetis, quique fidentes aures civilis scientiæ rivulis imbui cupitis, olim aut causas oraturi, aut judicaturi, aut jus interpretaturi estis. Quartum



genus eorum, qui rerum tractatu  
 statim, nihil aliud in vita sint acturi, in  
 hoc vestro repertum iri, vix atque  
 ex quidem mihi persuaderi patior  
 iam legitimæ sapientiæ finis non  
 emplatior, sed actio est; neque privi-  
 a sacratissimis principibus indulta iis  
 petunt, qui in umbra studia sua edu-  
 , sed qui transferunt ad aliquem pu-  
 m usum. Quaque autem vorsum vi-  
 genii intenderitis, seu forum pla-  
 , seu cathedra arrideat, nequaquam  
 ta processus erit, nisi etiam publi-  
 m privatorumque criminum accu-  
 nes atque leges ad unguem teneatis.  
 le antecessoribus, qui facundo ore,  
 noq; studio cupidæ legum juventuti  
 unt, nihil nunc dicam. Nemo enim  
 or negabit, ne antecessoris quidem  
 ine dignum esse, qui nō hanc quoq;  
 iminibus partem copiosè feliciterq;  
 nere queat. Nam si totū non est, cui  
 arva desunt, quis antistitem legitimi  
 i eū dixerit, qui nō optimā ejus partē  
 teri possit. Et si histrionibus turpe est  
 tremo actu corruere: nonne turpif-  
 m legum professori ad conspectum  
 um, atque in ipso accusationis limi-  
 oncidisse? Quod verò ad patronos  
 arum attinet, lucellum fateor, non



contemnendum, & Saturnalia plus satis fructuosa, civiles actiones eis reddunt, nec quisquā questus est, quod parum gratę sibi fuerint, aut stillicidiorum formulę, aut ambiguę & perplexę de substitutionibus atque fideicommissis controversię, verè tamen rem putantibus major glorię seges, & crescendi uberius materia ex accusationibus quam actionibus nascitur. Nam & defendere, & agere reum juxta gloriosum est, nec gratius Deo holocaustum, quam aut innocentem sævitię eripuisse, aut nocentem justo supplicio mactasse. Viri quidem boni defendere, quam accusare malunt, quia jam olim temporum injuria, atque principum crudelitas infame fecit delatorum nomen: non tamen ita id horrebit civis bonus, ut nullo neque publico, neque privato duci possit officio, ut aliquem ad reddendam vitę rationem vocet. Nam & leges ipsę nihil valent, nisi idonea auctoris voce munitę: & si poenas scelerum expetere fas non est, prope est, ut scelera ipsa permissa videantur. Quis tam horruit id nomen, quam horruerint olim Romani? Cum quadruplatores isti, & deforme delatorum agmen albo reti aliena piscarentur bona: semper tamen, ut Cicero autor exceptione major testatur,

hæc causa plurimum valuit: semper ratio accusandi fuit honestissima, sociis, pro salute provinciæ, pro eorum nationum commodis inimici suscipere, ad periculum accedere, omnem, studium laborem interponere. Nimium, ut inquit ille, si probabilis est ista causa, qui injurias suas persequuntur, qua in re dolori suo non Recipere modis serviunt; quanto illa causa estior, quæ non solum probabilis videtur, sed etiam grata esse debet, nulla prius accepta injuria, sociorum atque eorum dolore commoveri. Sanè dum adesse debere, ut ne sæpius, nisi Recipere causa, accusemus, libenter facimus. Duri enim hominis, vel potius vicini esse videtur, periculum capitis inter multis: cum id sit tum ipsi periculosum, tum etiam fordidum ad famam, committere ut accusator nominetur. Maximè autem & gloria paratur, gratia defensionibus, eoque major, quando accidit, ut ei subveniatur, qui alicujus opibus circumveniri solet. Quod si cui non in advocatorum, sed in ipsis iudicum subselliis sedes contigerit, huic verò non minus, sed quanto magis necessarium est, hunc criminibus librum nocturna diurna-

que manu versare. Etenim iudicis est semper in causis verum sequi : patroni nonnunquam verisimile, etiamsi minus sit verum defendere : quamobrem, Stoicorum gravissimo Panætio teste, & consuetudo fert, & humanitas patitur, ut eloquentiâ, quæ à natura ad salutem & conservationem hominum data est, interdum nocens defendatur; verum ut iudicis imperitia & nocens & convictus elabatur, id vero nec ratio patitur, & prorsus turpe atque perfidiosum est. Quis autem verum semper sequi poterit, quis cavere rectè, ne aut fontes eripiantur, aut infontes opprimantur, nisi qui leges publicorum iudiciorum in numerato habet? Qui cum fedrit, cogitet, non his iudiciis de fortunis duntaxat, & re familiari agi; cujus aut levis iactura est, aut quam, qui male pronuntiant, sarcire facile per in factum actionem possunt : sed de fama, de capite, de vita hominis, quæ semel ablata restitui non possit; de qua nulla consultatio satis longa videri debeat. Qui cum iudicandi causa tabellam sumserit, in memoria habeat, de quo cognoscat, qua lege reus citetur, quæ res in quæstione versetur : quibus iudiciis ad tormenta, quot quibusve testibus ad condemnationem opus sit : ne lites omnes forte di-  
rimen-

endas censeat, aut reum innocen-  
 suam, duello, aut ferro candenti,  
 aqua ferventi docere jubeat. Qui  
 nato crimine, examussim sciat, quæ  
 ra, quibus delictis irroganda: ne scu-  
 dignum, horribili flagello sectetur,  
 gladio ferendum, salvis numis exu-  
 jubeat. Ne ob aprum venabulo tra-  
 am pastorem cruci suffigat, quod L.  
 nitium Siciliae prætorem fecisse le-  
 us. Ne ob coturnicem jugulatam  
 quam mortalium de malo navis fu-  
 idat, quod in Erotem Ægypti procu-  
 rem statuisset Augustum comperi-  
 s. Ne ob vas crystallinum fractum  
 cinem murænis objiciat, quod jus-  
 to dixisset Vedium Pollionem acce-  
 us. Ne quod Scythis placuit scyphi  
 ei furtum capite puniat, aut quod  
 imis multorum moribus, adulterium  
 Denique ejusmodi esse judex debet,  
 & causam cujusque delicti expende-  
 rit: proposito, an impetu: impetu  
 casu aliquid admissum sit, & per illud  
 lianum, Cui bono, autorem crimi-  
 feliciter deprehendere. Et personam,  
 aliter ex iisdem flagitiis puniat, liberos  
 et servos: aliter minores, aliter maio-  
 res, aliter mares, aliter foeminas. Et lo-  
 n, ut sciat eadem flagitia in quibusdam

provinciis levius, in aliis gravius esse punienda: multum theatrum, multum concionem, multum prætoris conspectum facere ad exaggerandum scelus. Et qualitatem atque quantitatem, qua disparet furem à peculatore; furem à sacrilego; furem ab abigeo; furem parvum à magno; ne hunc in gemmis atque in auro, illum in nervo & compedibus ætatem agere sinat. Sexcenta hujus generis sunt, quæ perpendere ante judex debet, quam ad ultimam de capite hominis pronunciationem descendat: in quæ quilibet hujus imperiti sunt toties impingant necesse est, quoties in alicujus crimen fuerit inscriptum. Accursius quidem glossographus noster iudicibus imperitis quodam loco suadet, ut imitentur imperitos equites, qui conscii sibi tyrocinii sui atque infirmitatis, fellam manibus apprehendere solent, ne à quadrupede ferociore excutiantur; eodem modo & illi verbis legum innitantur, & rubricas mordicus apprehendant, ne dum inter jus & æquitatem inspicere volunt, turpiter labantur, atque hominibus exercitatis risum præbeant. Verùm huic ejus consilio, qui & imperitus & præsentis materiæ rudis est, qui poterit obtemperare, cum id ipsum, quid leges jubeant, ignoret.

ret. Quapropter nihil perniciosius  
 Reip. quam sedere hujus farinae ho-  
 mines in consilio, qui securi, nihilque  
 habentes, aut innocentes oppri-  
 unt, aut nocentes absolvunt, aut cum  
 munus peccare volunt, tanquam pe-  
 Senatores, pedibus in aliorum sen-  
 sas eunt. Contra remedium hoc est  
 ita ac prope desperata Reip. præ-  
 stissimum; judiciis corruptis ac conta-  
 ctis paucorum vitio ac turpitudine,  
 omnes ad legum defensionem judicio-  
 que auctoritatem accedere quam  
 justissimos, quam integerrimos, quam  
 virtuosissimos. Atque hæc omnia, quæ  
 his nunc perstrinxi, quæque ab ho-  
 mine aliquo eloquente, si otium suppe-  
 rit, longè gravius, atque copiosius dici-  
 rant, cum ita se habeant, ut nemo  
 græ frontis inficiari audeat, Vos, A.  
 qui non vobis tantum, sed vel in pri-  
 Reip. nati estis, summo studio ad-  
 hor, ut hanc juris civilis partem, qua  
 de fortunis solum, sed & fama & vi-  
 minum agitur: quæ bonis præsidio,  
 est terrori est; quæ pestes Reip. Grac-  
 , Catilinas, Carbones, Sullas, Satur-  
 nis, bonis, libertati, cervicibus nostris  
 imminentes avertimus: quæ patronis  
 em, & facundiæ præmia, lictores  
 atque

atque fasces; iudicibus virtutum pulcher-  
rimarum severitatis, clementiæ, forti-  
tudinis, magnanimitatis gloriam parit:  
hanc, inquam, juris civilis partem, libro  
codicis nono egregio artificio depictam  
atque descriptam unice vobis commen-  
do. Quam si diligenter excolueritis: ad-  
hæc, si in consilio habueritis religionem,  
æquitatem, fidem: libidinem autem, o-  
dium, invidiam, cupiditatesque omnes  
amoveritis: postremò si maximi æsti-  
maveritis conscientiam vestram, quæ  
Deo immortalis data à nobis divelli ne-  
quit, eaque optimorum consiliorum at-  
que factorum in omni ætate testis erit,  
sine ullo metu, & summâ cum honestate  
in republica vivetis.

---



ANTONII MATTHÆI  
RATIO V.  
DE  
NUNULO,

Recitata ix. Kal. Mart. Anni  
M DC XXXIX.

SEGERO UYTENBOGARDO,  
*omnes in Vtroque iure honores conferret.*

**V**etus verumque sapientiæ  
effatum est: Nihil in summo  
diu posse consistere: ubi ad  
fastigium claritatis quidque  
pervenerit, ægrè sustineri;  
dein ire cessim; postremò  
dederante, quam descendat. Docu-  
ito cum alia multa, tum, ne longius  
imus, vel jus civile esse poterit, cujus  
nitio, donec Roma viris & virtute  
t, summo in honore fuit, atque à  
cipibus civitatis in possessione re-  
a. Postquam cum fortuna Quiritum  
i quoque mores decoxerunt, ut o-  
es dignitatis gradus, sic hujus scien-  
splendor deletus est. Tunc à patri-  
ciis



ciis ad plebem, à plebe ad blattas cimi-  
cesque migravit. Cum quibus diu lucta-  
tum, simul atque salutare sydus in Hetru-  
ria affulsit, primulum respirare, subinde  
eniti, postremò antiquum dignitatis cul-  
men sperare occœpit. Verum, ut solent  
actutum vices rerum mutari; ita præ-  
senti quoque tempestate paulatim retrò  
sublabitur, atque à nobilibus adolescen-  
tibus contempta, propè ad lippos & ton-  
fores relegatur. Cujus rei causas inve-  
stiganti, multæ quidem occurrunt, sed,  
meo judicio, haut minimi censenda mo-  
menti, quod aut præmia rei pulcherri-  
mæ condigna non dentur, aut magnitu-  
dinem eorum quæ dantur, juvenus ig-  
noret. Hæc me ratio impulit, ut cum  
omninò in hoc amplissimo confessu de-  
clamandum esset, de anulo ejusque præ-  
rogativis verba facere voluerim. Nam  
cum ante togæ bona quantum in me  
fuit, oratione illustraverim, nunc si ad  
togam accesserit anuli fulgor, futurum  
spero, ut majore impetu studiorum præ-  
mia juvenus petat, nec transferat inge-  
nii vim ad rerum turpium certamen,  
quas magno jam honore uberique quæ-  
stu apud vulgus vigere videt. Quanquam  
verò plurima, penè dixerim infinita  
sunt, quæ de anulo gestiunt memorari,  
tamen

ne vel obruam auditores, vel ob-  
 pse argumentorum multitudine,  
 nem omnem ita partiar, ut præci-  
 uidem contentio cum auditoribus  
 sit: quæ verò supersunt, ea cum ad-  
 candidato loquar. Contendam au-  
 illud imprimis, ut temporum per-  
 as, & instructa ad omne nefas secu-  
 ntia, promiscuum fecerint anuli u-  
 non eo tamen minus studiosæ ju-  
 ti expetendum esse, quod antiquis  
 bus, & rectæ rationis instituto, non  
 irtute excellentibus fuerit tributus.  
 e hujus rei gratia, postquam animi  
 iique vires, quamlibet modicas in-  
 , consensum quendam gentium  
 hendisse mihi videor, quæ cum  
 modò amplissimis terrarum spatiis  
 ivisæ, sed & jure atque legibus im-  
 um disparatæ, in eo tamen linguis  
 isque conspiraverunt, virtutis hoc  
 fideique symbolum; quo civem or-  
 fas non sit, nisi virtute idem atque  
 ante reliquos cives emereret. Ne-  
 erò ab uno duntaxat, alterove se-  
 id repeti, sed penitus ab ultima an-  
 tate potest arcessi. Errat enim op-  
 s severioris Minervæ magister Pli-  
 , dum levi conjecturâ ductus, anu-  
 lio Argivisque inferiorem putavit,  
 ed

cò quod pater ille Poëtarum, delectos Heroas, condendis rebus pretiosioribus, non cera, sed intorto nodo usos memoret. Quid plenius? quid apertius? cum facer codex nos doceat, multis ante Trojam seculis vetustissimis mortalium Assyriis, Hebræis, Ægyptiisque usurpatum, magisque inventorem, quam inventionem ea tempestate latuisse. Quam causam fuisse Græcis opinor, cur fictis fabulis auctorem hujus gestaminis Promethea facerent: Ut enim alia omnia, quorum inventor propter antiquitatem ignoratur, ad aliquem deorum, semideorumve: ita hujus quoque rei laudem fabularis historia à vero ad figmenta transtulit. Prima verò anuli mentio illo celestis oraculi capite fit, quo ardentis loceri scelus, cù infelici nuru commissum narratur. Turpi quidem commento audax mulier rei pulcherrimæ usum ad incestu convertit, quique nubentium pronubus esse solet, stupri sequester anulus extitit: sed tamen eo ipso, quo procax foemina, pignora poscens, vel in primis anulum flagitavit, intelligimus, jam tunc maximum hoc & sacrosanctum fidei adimplendæ vinculum fuisse. Nec fidei duntaxat datæ symbolum, sed & dignitatis atque existimationis argumentum. Nam potentissimus

illa ætate Ægypti rex, cum ob re-  
 celestis confilii arcana, & averfam à  
 lo totius septennii famem, Jose-  
 phum divinæ voluntatis interpretem,  
 illi regni vicarium creare vellet,  
 alia regiæ dignitatis insignia, etiam  
 in digito suo detractum ei donavit.  
 e quoque, penes quos summa orbis  
 Assyrios stetit, tanti fecerunt hoc  
 ornamentum, ut anulum nisi re-  
 unere ferre nemini licuerit; cuique  
 augusta liberalitate oblatus, is eo  
 in cohortem regionum amicorum  
 scriptus existimabatur. Quamobrem  
 Cyrus rex, cum Mardocheum Judai-  
 entis virum, ob detectam adversus se  
 eum cubiculariorum conjurationem,  
 numerum purpuratorum cooptare  
 t, anuli traditione, tanquam pecu-  
 ordinis istius gestamine, id fecisse  
 ur. Apud Carthagenenses verò, flo-  
 ribus Pœnorum opibus, tanti æstimat  
 r aureorum anulorum jus, ut fortitu-  
 s bellicæ id esse præmium voluerint,  
 que numero expeditionum militibus  
 singulos donarent: Nec quisquam  
 , qui istam sanguinis mercedem as-  
 iaretur, aut minus à Rep. datum sibi  
 ret, quod post gravissima militiæ di-  
 nina, laboris atque vulnerum hosti-  
 mentum

mentum vix totam auri unciam caperet. Non enim pecuniarum magnitudine, sed virtutis testimonio præmia metiebantur, & magis quid, quàm quantum sibi esset tributum, cogitabant. Romanis hac parte non ab similes, qui civitatis conscientia contenti, non eas solùm coronas expetivere, quas ex auro factas imperator illis donabat, qui primi aut castra hostium introiissent, aut murum superassent, aut in navem hostilem armati transiliissent; verùm etiam myrteam, quæ ovans, & quernam, quæ servator civis; postremò gramineam, quæ liberator obsessæ urbis gaudebant. Porro, non apud cultas duntaxat gentes anulus in pretio, sed apud barbaras quoque in honore fuit. Atque aliis quidem aurei, aliis ærei, sunt & quibus ferrei placuerunt. Ut enim Europam præteream, atque illam non hominum duntaxat, sed & humanitatis parentem Asiam, est in extremis Africæ finibus, ultra Atlantem & cœli columnas Guineæ regnum, tantum ab elegantiori cultu remotum, quantum Oceano ab Europæis Asiaticisque seclusum. Cujus incolæ etsi auro, ebore, rebusque aliis, quarum affluentiam cupidum vulgus divitias vocat, abundant, virtutis tamen insignia stanno potius, ære, atque ferro

ex-

imunt. Matronas quippe nobilio-  
 plebe non aurum, non ebur, non  
 cæ ancillarumque greges, sed fer-  
 in crure anulus discriminat. In eo  
 nostris consentientes, fidei, virtu-  
 & dignitatis insigne anulum esse; di-  
 in isto, quod cum plerisque populis  
 illi species nobilissima probaretur,  
 mam ipsi maluerint. Rectius Catfi-  
 es, quibus anulum ferreum gesta-  
 on decus, sed probrum fuit, eo quod  
 llorum & servitutis notam præfer-  
 leretur. Quamobrem & à fortissi-  
 uoque sumebatur, tanquam cædis  
 is atque vulnerum auctoramen-  
 quo exauctorari fas non erat, nisi  
 alicujus perduellis ipse se absolvif-  
 Atque hac quidem parte animad-  
 Martium hunc populum, quamvis  
 adhuc literarum, & aure crassa fa-  
 n, non longè tamen à Græcorum  
 ne abfuisse, qui cum agnoscerent  
 o vinculorum modum, poenæ cau-  
 um ferreum Promethei gestatum  
 ntur. Promethea enim, cum pro-  
 nem, cava ferula è cœlo surrep-  
 iratus Jupiter rupi Caucasæ alli-  
 Hercules Jove indulgente libera-  
 tamen lege dicta, ut in memo-  
 inculorum anulum gestaret fer-  
 reum,

reum cui saxi fragmentum esset inclusum. Nec prorsus alieni à Græcorum sensu Romani, quibus in luctu, & funeribus, aut Republica malè gesta, depositis aureis, ferreos digitis indidisse solenne fuit. Prisci Quirites, fateor, ante quam spoliis Asiæ Macedoniæque ditati essent, & infesta virtuti signa Syracusis venissent, anulorum libidinem in ferro habere: ejusdemque materiæ arrhabonem sponsi sponis dono dare consueverant: verum magnæ id veterum paupertatis atque continentiae argumentum fuit. Nam tum temporis, cum patella argentea Fabricii corneo pediculo sustineretur; cum ligneo catillo cœnaret Curius, cum Cato pellibus hœdinis lectos sterneret; cum panem aratro quærerent Regulus & Cincinnatus; cum sexdecim Æliis una domuncula, unus in agro Veiente fundus sufficeret: cum Valerius Publicola, & Agrippa Menenius censu ne quidem ad exequiarum impensam sufficerent; tanta auri penuria Romæ fuit, ut si solum, qui legatione functi erant, aureos anulos dono acceptos in publico gestarent; omnes autem intra domum ferreis uterentur. Ac licet Plinius, cujus seculo patrimoniorum modus in immensum excreverat, testetur sua quoque ætate anulum

n ferreum, eumque sinè gemma,  
 æ mitti solere; tamen id ex disci-  
 severioris ævi retentum; nec sinè  
 vetustatis reverentiam, etiam au-  
 opibus, inter jugales imprimis va-  
 , intellectu proclive est. Neque e-  
 solo ferro legitimis verbis pactam  
 rabat sponsus; sed postquam stipu-  
 ne ultrò citròque facta, anulum au-  
 n dedisset, ferreum mittebat do-  
 n, ut eo signo admoneretur socia di-  
 humanique juris futura, domus præ-  
 è curam custodiamque sibi injungi,  
 que intra parietes aut dominos falle-  
 ut furibus prodesse possent, ea omnia  
 cita diligentia sibi esse obsignanda.  
 us rei conjecturam! vel ex aureis  
 rtulliani scriptis capere licet; qui,  
 n questus esset, nullum inter matro-  
 atque prostibulas! de habitu! disci-  
 n relictum ita porrò in mores & tem-  
 a invehitur: *Circa fœminas etiam illa*  
*orum instituta ceciderunt. quæ modestia,*  
*et sobrietati patrocinabantur, quum aurum*  
*illa nosset, præter unico digito, quem spon-*  
*oppignerasset pronubo anulo.* Isidorus au-  
 m, quum dixisset, fœminas non usas  
 ulis, nisi quos virgini sponsus miserat,  
 iam binos aureos in digitis habuisse.  
 statum reliquit. Verùm redeo unde di-

F

gressus



gressus sum : Etiam barbaris gentibus anulum in pretio fuisse , ne iterum mare Atlanticum, & Herculis columnas transire nobis necesse sit , vel soli Germaniæ magnæ populi indicio sunt : apud quos cum feuda eorumque investituræ valerent , etiam ante quam humanitatis cultum induissent , anuli prærogativa plurimum valuit. Non solum enim hasta , & gladio, sed & anulo vasallos suos investiebant , ut hoc auctorati sacramento scirent, & quid beneficii à domino sibi esset collatum , & quam contra fidelitatem patrono clientes deberent. Nempè qua pace , qua bello caput ejus sacrosanctum habere : ita suspicere , ita tueri , ut tua quoque fortia facta gloriæ ejus assignes : ut in aciem non sequi , crimen ; deferuisse , æternum opprobrium putes. Neque verò minora duntaxat feuda, sed & majora, quæ regalia Longobardicarum consuetudinum interpretes vocant, regna denique tota & imperia hoc signo tradita fuisse legimus. Regem enim Romanorum Tritermius scribit per gladium armillas, sceptrum , coroniam , globum, anulum & purpuram inaugurari. Sacerdotia quoque regalia , quos episcopatus & abbatias nuncupant , olim vel per anulum & virgam conferri solitum Sigebertus

bertus prodidit: nunquam profectò proditurus, nisi præter sceptrum, coronam, & gladium, anulus quoque grande ad dignitatem argumentum adferret. Feci libenter, A. O. ut hoc loco Germani in partes venirent, in primis Catti; quorum aut pars, aut soboles Batavi Heflique sumus. Sed quanquam sacrata optimo cuique majorum memòria est, præcipuus tamen nobis sermo de Romanorum institutis erit: non solum quod armis atque sapientia reliquos mortales prætergressi sint, sed vel in primis, quod nunc de præmio Romanæ jurisprudentiæ nobis disceptatio sit. Apud hos igitur, quos dico, rerum totiusque propè orbis dominos, anulus aureus eo in honore fuit, ut ordinem equestrem à promiscua multitudine segregaret, essetque commune equitum cum patribus conscriptis gestamen. Postquam licentia temporum usus eviluit, inque ordinis utriusque ornamenta petulans plebes invasit, illud tamen diutissimè ex bonis moribus retentum, ut anulus ingenuos à libertinis discerneret: nec cuiquam etiam indepta libertate aureum ferre licuit, nisi id jus, porrecto libello, à principe impetrasset. Justinianus demum Cæsar, inclinatis jam imperii viribus, tanto omnes anteriores principes huma-

nitare superaturus, quanto plerisque ipse virtute inferior erat, jus aureorum anulorum manu missis nullo discrimine concessit. Quam rectè, & loci, & temporis alterius est: vereor tamen ut quemadmodum alia multa, ita hoc quoque honestius, quam licètius fecisse videatur. Porro licet plerisque in rebus plus militibus, quam paganis vetustas indulserit, discrimen tamen non domi, solum, sed & militiæ observatum. Primores enim militum, aut qui re magna & æstimatione erant; tribuni, præfecti, centuriones, decuriones, qui ve à prætore ob rem fortiter gestam hoc jure donati erant, anulos aureos gestabant; reliqui ferreos. Nimirum ut disceret gregarius miles, conspecto in com-militonum digitis auro, gloria virtutem stimulante, & præclara eorum facta æmulari. Primus Septimius Severus, quod hætenus virorum fortium ornamentum fuerat, omnibus caligatis promiscuè concessit; cujus tamen placitum susque deque habendum censeo; quandoquidem constat, multa ambiciosius exercitui largitum, eo quod absque SCto, à militibus imperator salutatus, non nisi militum præsidio imperium retinere se posse speraret. Equestris igitur ordinis insignæ & gestamen cum anulo aureus fuerit,

fuerit, agite, quo honore, quave dignatione ordo ipse claruerit, expendamus. Multis hoc indiciis colligere possumus. Nam & origo antiquissima est, & post patres, ex reliquo civium numero honestissimi quique, ac virtute maxime conspicui in istas turmas adsciscebantur. Idem enim, qui urbis conditor Romulus, cum populum in curias triginta, tribus tres divisisset: totidem equitum centurias, eodem quo tribus nomine insignitas conscripsit. Ramnenses ab ipso: ab Tito Tatio Titientes appellati: Lucerum, ut Romanæ historiæ scriptor ait, nominis & originis causa incerta est. Postquam Romulum Dii cœlo vindicassent, desiissent etiam in terris agere sanctus Numa, Tullus Hostilius, & Ancus Marcius, qui hos excepit Tarquinius Priscus, cum equitem maxime suis viribus deesse cerneret, numero ab Romulo instituto alterum tantum adjecit, ut mille trecenti celeres in tribus centuriis essent. Tarquinium Servius Tullius secutus est: is distributo in classes centuriasq; populo, equitum ex primoribus civitatis centurias duodecim conscripsit. Sex item alias è tribus à Romulo institutis, sub iisdem, quibus inauguratæ erant, nominibus fecit, ut essent in universum in civitate

solis equitibus, aut mixtim equitibus senatoribusque fuerint concedita, eaque purissima pars civitatis habereur, quis de fide, virtute, dignitate equestris ordinis amplius dubitare aufit? Quis nescit, homines qui ad legum defensionem, iudiciorumque auctoritatem accedunt, quantum sella supra vulgi coronam eminent, tantum & integritate, diligentiaque extare debere, ut possint, quem oderint absolvere, quem diligant condemnare: ut habeant in consilio legem, religionem, æquitatem, fidem: utique omnibus in rebus conscientiam suam, tinquam mille testes reveantur. Sed hæc quidem equestris ordinis decora domi nata: videamus foris & militiæ quanta fuerit obtenta gloria. Res profectò ab equitibus præclare gestas reperiemus multas: nam & primi prælium inibant, & ultimi confecto prælio excedebant, nec exequo duntaxat, sed etsi natura loci flagitaret, collato pede pugnabant. Possem hic memorare quas acies jam inclinatæ equester ordo restituerit; quoties dimissis equis pedites ipsi conflixerint, maximasque perduellium copias ad interuersionem ceciderint, nisi res longius ab incepto me revocaret. Gravissimum sanè veritatis indicium hostis confessio perhibetur:

betur: neque enim fatetur, nisi cum res ipsa clamat: nec laudat, nisi supra obtre-  
ctationem virtus sit. Sufficiens ergò nobis ad probandum quod volumus, ea, quæ hostis Pop. Rom. Perseus Macedonum rex de laudibus hujus ordinis differuit. Is inter initia belli prælio equestri victor, cum exercitum summo discrimini firmare vellet, non majus orationis pondus invenit, quàm quod prospera ei pugna subministrabat. Præjudicatum, inquit, belli eventum habetis: meliorem partem hostium, equitatum Romanum, quo invictos se esse gloriantur, fudistis. Equites enim illis principes juventutis, equites seminarium senatus: inde lectos in patrum numerum consules, inde imperatores creant. Horum spolia paulò ante divisimus inter vos. Quod si acie decernere volent, eundem pugna pedestris eventum expectate, qui equitum in certamine fuit. Huc usque Perseus. Illud haut prætereundum duco, constituisse huic ordini dignitatem, non solum libertate Pop. Rom. salva, verum etiam à Cæsari-  
bus jam oppressa: adeò quidem ut Augustus ipse orbis dominus, cum de elocanda filia deliberaret, de equitibus quoque nonnullis cogitaverit, Sejanusque eques Romanus ad matrimonium Liviae,



reum cui saxi fragmentum esset inclusum. Nec prorsus alieni à Græcorum sensu Romani, quibus in luctu, & funeribus, aut Republica malè gesta, depositis aureis, ferreos digitis indidisse solenne fuit. Prisci Quirites, fateor, ante quam spoliis Asiæ Macedoniæque ditati essent, & infesta virtuti signa Syracusis venissent, anulorum libidinem in ferro habere: ejusdemque materiæ arrhabonem sponsi sponsis dono dare consueverant: verum magnæ id veterum paupertatis atque continentiæ argumentum fuit. Nam tum temporis, cum patella argentea Fabricii corneo pediculo sustineretur; cum ligneo catillo cœnaret Curius, cum Cato pellibus hœdinis lectos sterneret; cum panem aratro quærerent Regulus & Cincinnatus; cum sexdecim Æliis una domuncula, unus in agro Veiente fundus sufficeret: cum Valerius Publicola, & Agrippa Menenius censu ne quidem ad exequiarum impensam sufficerent; tanta auri penuria Romæ fuit, ut ii solum, qui legatione functi erant, aureos anulos dono acceptos in publico gestarent; omnes autem intra domum ferreis uterentur. Ac licet Plinius, cujus seculo patrimoniorum modus in immensum excreverat, testetur sua quoque ætate anulum

um ferrum, eumque sinè gemma,  
 sæ mitti solere; tamen id ex disci-  
 a severioris ævi retentum; nec sinè  
 a vetustatis reverentiam, etiam au-  
 opibus, inter jugales imprimis va-  
 e, intellectu proclive est. Neque e-  
 solo ferro legitimis verbis pactam  
 rabat sponsus; sed postquam stipu-  
 ne ultrò citròque facta, anulum au-  
 a dedisset, ferreum mittebat do-  
 , ut eo signo admoneretur socia di-  
 humanique juris futura, domus præ-  
 curam custodiamque sibi injungi,  
 que intra parietes aut dominos falle-  
 t furibus prodesse possent, ea omnia  
 ita diligentia sibi esse obsignanda  
 s rei conjecturam! vel ex aureis  
 illiani scriptis capere licet; qui,  
 questus esset, nullum inter matro-  
 tque prostibulas! de habitu! disci-  
 relictum ita porrò in mores & tem-  
 nvehitur: *Circa foeminas etiam illa*  
*in instituta ceciderunt. qua modestia,*  
*brietati patrocinebantur, quum aurum*  
*posset, præter unico digito, quem spon-*  
*generasset pronubo anulo.* Isidorus au-  
 quum dixisset, foeminas non usas  
 , nisi quos virgini sponsus miserat,  
 binos aureos in digitis habuisse.  
 um reliquit. Verùm redeo unde di-



gressus sum : Etiam barbaris gentibus anulum in pretio fuisse , ne iterum mare Atlanticum, & Herculis columnas transire nobis necesse sit , vel soli Germaniæ magnæ populi indicio sunt : apud quos cum feuda eorumque investituræ valerent , etiam ante quam humanitatis cultum induissent , anuli prærogativa plurimum valuit. Non solum enim hasta, & gladio, sed & anulo vassallos suos investiebant , ut hoc auctorati sacramento scirent , & quid beneficii à domino sibi esset collatum , & quam contra fidelitatem patrono clientes deberent. Nempe qua pace , qua bello caput ejus sacrosanctum habere : ita suspicere , ita tueri , ut tua quoque fortia facta gloriæ ejus assignes : ut in aciem non sequi , crimen ; deferuisse , æternum opprobrium putes. Neque verò minora duntaxat feuda, sed & majora , quæ regalia Longobardicarum consuetudinum interpretes vocant , regna denique tota & imperia hoc signo tradita fuisse legimus. Regem enim Romanorum Triterius scribit per gladium armillas, sceptrum , coroniam , globum, anulum & purpuram inaugurari. Sacerdotia quoque regalia , quos episcopatus & abbatias nuncupant , olim vel per anulum & virgam conferri solitum Sigebertus

ertus prodidit: nunquam profectò pro-  
 iturus, nisi præter sceptrum, coronam,  
 & gladium, anulus quoque grande ad di-  
 nitatem argumentum adferret. Feci li-  
 enter, A. O. ut hoc loco Germani in  
 partes venirent, in primis Catti; quorum  
 ut pars, aut soboles Batavi Hesseque su-  
 nus. Sed quanquam sacrata optimo cui-  
 que majorum memòria est, præcipuus  
 amen nobis sermo de Romanorum in-  
 titutis erit: non solum quod armis atque  
 sapientia reliquos mortales prætergressi  
 ut, sed vel in primis, quod nunc de præ-  
 nio Romanæ jurisprudentiæ nobis dis-  
 ceptatio sit. Apud hos igitur, quos dico,  
 erum totiusque propè orbis dominos,  
 anulus aureus eo in honore fuit, ut ordi-  
 nem equestrem à promiscua multitudine  
 segregaret, essetque commune equiti-  
 cum patribus conscriptis gestamen. Post-  
 quam licentia temporum usus eviluit,  
 inque ordinis utriusque ornamenta pe-  
 tulans plebes invasit, illud tamen diutis-  
 simè ex bonis moribus retentum, ut anu-  
 lus ingenuos à libertinis discerneret: nec  
 cuiquam etiam indepta libertate aureum  
 ferre licuit, nisi id jus, porrecto libello, à  
 principe impetrasset. Justinianus demum  
 Cæsar, inclinatis jam imperii viribus,  
 tanto omnes anteriores principes huma-

nitate superaturus, quanto plerisque ipse virtute inferior erat, jus aureorum anulorum manumissis nullo discrimine concessit. Quàm rectè, & loci, & temporis alterius est: vereor tamen ut quemadmodum alia multa, ita hoc quoq; honestius, quàm licètius fecisse videatur. Porro licet plerisque in rebus plus militibus, quàm paganis vetustas indulserit, discrimen tamen non domi; solum, sed & militiæ observatum. Primores enim militum, aut qui re magna & æstimatione erant; tribuni, præfecti, centuriones, decuriones, qui vè à prætore ob rem fortiter gestam hoc jure donati erant, anulos aureos gestabant; reliqui ferreos. Nimirum ut disceret gregarius miles, conspecto in comilitonum digitis auro, gloria virtutem stimulante, & præclara eorum facta æmulari. Primus Septimius Severus, quod hætenus virorum fortium ornamentum fuerat, omnibus caligatis promiscuè concessit; cujus tamen placitum susque deque habendum censeo; quandoquidem constat, multa ambitiosius exercitui largitum, eo quod absque SC<sup>to</sup>, à militibus imperator salutatus, non nisi militum præsidio imperium retinere se posse speraret. Equestris igitur ordinis insigne & gestamen cum anulo aureus fuerit,

erit, agite, quo honore, quave dignatione ordo ipse claruerit, expendamus. Multis hoc indiciis colligere possumus. Jam & origo antiquissima est, & post patres, ex reliquo civium numero honestissimi quique, ac virtute maxime conpiciui in istas turmas adsciscebantur. Item enim, qui urbis conditor Romulus, cum populum in curias triginta, tribus res divisisset: totidem equitum centurias, eodem quo tribus nomine insignias conscripsit. Ramnenses ab ipso: ab Tito Tatius Titenses appellati: Lucum, ut Romanæ historiæ scriptor ait, nominis & originis causa incerta est. Postquam Romulum Diu cœlo vindicasset, desissent etiam in terris agere sanctus Numa, Tullus Hostilius, & Ancus Marcius, qui hos excepit Tarquinius Priscus, cum equitem maximè suis viribus deesse cerneret, numero ab Romulo instituto alterum tantum adiecit, ut mille trecenti celeres in tribus centuriis essent. Tarquinium Servius Tullius secutus est: is distributo in classes centuriasq; populo, equitum ex primoribus civitatis centurias duodecim conscripsit. Sex item alias è tribus à Romulo institutis, sub iisdem, quibus inauguratæ erant, nominibus fecit, ut essent in universum in civitate

centuriæ decem & octo. His ad equos emendos dena millia æris ex publico data. Dein honos additus: non enim (ut ab Romulo traditum cæteri servaverant reges) viritim suffragium, eadem vi, eodemque jure promiscuè omnibus datum sed gradus facti, ut neque exclusus quisquam suffragio videretur, & vis omnis penes primores civitatis esset. Equites enim vocabantur primi: inde octoginta primæ classis centuriæ: ibi si variaret, quod rarò incidebat, secunda classis suffragia inibat: nec ferè unquam infra ita descensum, ut ad infimos perveniretur. Et quia subinde eveniebat, ut imminuto patrum numero Senatus à Censoribus supplendus esset, ex primoribus equestri ordinis supplebatur. Qua re quantum dignitatis lectis accederet, neminem ignorare arbitror, qui modò cognoverit, quæ quantaque fuerint publici illius orbis terræ consilii ornamenta. Locus, auctoritas, domi splendor, apud exterarum nationum nomen & gratia, toga prætexta, sella curulis, insignia, fasces, exercitus, imperia, provinciæ denique totæ, & reges vectigales. Quantum verò auctoritatis atque potentiæ huic ordini adcrevisse putabimus, postquam venales patrum sententiæ, captæque ob rem judicandam

am pecuniæ effecissent, ut litibus terminandis equites federent, quibus in abfelliisante federant senatores? Nam tum ad C. Gracchi usque tempora judiciorum vis omnis atque potestas penes aticlavios fuisset, rogatione tribunitia ad solos angusticlavios translata: Q. autem Servilii Cœpionis, nec non M. Plautii Silvini lege utrique ordini communicata est. Post hos ut infensus, ita invisus populo Sylla, solis quidem Senatoribus judicia restituit; verum paucis ab ejus morte interjectis annis L. Aurelius Cotta, Cn. Pompejus, & ille Marianarum partium acerrimus vindex C. Julius Cæsar dictator, Senatoribus equitibusque tabellas judiciarias ex æquo dedere, ut purissima pars civitatis judicaret. Nec sine causa hoc de calculo toties & certatum, & variatum: nervi enim & artus cujusque ordinis in judicandi munere consistunt. Quippe, penes quod membrum civitatis judiciorum summa consistit, ut de Italicis, de civibus Romanis, & Senatoribus ipsis sententiam ferre possit, ut alios multa, alios ignominia, alios exilio damnare; is ordo quæsi dominus vitæ fortunarumque omnium constituitur, ipsosque aded Senatores subjecisse sibi videri potest. Igitur judicia cum aut

folis equitibus, aut mixtim equitibus senatoribusque fuerint concedita, eaque purissima pars civitatis haberetur, quis de fide, virtute, dignitate equestris ordinis amplius dubitare aufit? Quis nescit, homines qui ad legum defensionem, iudiciorumque auctoritatem accedunt, quantum sella supra vulgi coronam eminent, tantum & integritate, diligentiaque extare debere, ut possint, quem oderint absolvere, quem diligant condemnare: ut habeant in consilio legem, religionem, æquitatem, fidem: utique omnibus in rebus conscientiam suam, tanquam mille testes revereantur. Sed hæc quidem equestris ordinis decora domi nata: videamus foris & militiæ quanta fuerit obtenta gloria. Res profectò ab equitibus præclare gestas reperiemus multas: nam & primi prælium inibant, & ultimi confecto prælio excedebant, nec exequo duntaxat, sed etsi natura loci flagitaret, collato pede pugnabant. Possem hic memorare quas acies jam inclinatus equester ordo restituerit; quoties dimissis equis pedites ipsi conflixerint, maximasque perduellium copias ad internecionem ceciderint, nisi res longius ab incepto me revocaret. Gravissimum sanè veritatis indicium hostis confessio perhibetur.



etur: neque enim fatetur, nisi cum res  
 fa clamat: nec laudat, nisi supra obtre-  
 ationem virtus sit. Sufficiens ergo no-  
 s ad probandum quod volumus, ea, quæ  
 ostis Pop. Rom. Perseus Macedonum  
 ex de laudibus hujus ordinis differuit.  
 inter initia belli prælio equestri victor,  
 um exercitum summo discrimini firma-  
 e vellet, non majus orationis pondus  
 venit, quàm quod prospera ei pugna  
 ministrabat. Præjudicatum, inquit,  
 elli eventum habetis: meliorem partem  
 ostium, equitatum Romanum, quo in-  
 ictos se esse glorientur, fudistis. Equites  
 nim illis principes juventutis, equites  
 eminarium senatus: inde lectos in pa-  
 rum numerum consules, inde impera-  
 ores creant. Horum spolia paulò ante  
 divisimus inter vos. Quod si acie decer-  
 nere volent, eundem pugna pedestris e-  
 ventum expectate, qui equitum in certa-  
 mine fuit. Huc usque Perseus. Illud haut  
 prætereundum duco, constitisse huic or-  
 dini dignitatem, non solum libertate  
 Pop. Rom. salva, verum etiam à Cæsari-  
 bus jam oppressa: adeò quidem ut Au-  
 gustus ipse orbis dominus, cum de elo-  
 canda filia deliberaret, de equitibus quo-  
 que nonnullis cogitaverit, Sejanusque e-  
 ques Romanus ad matrimonium Liviæ,



Druso quondam nuptæ, Tiberiique nep-  
tis aspirare ausus fuerit. Quin etiam sub  
Augustis provincias quasdam non nisi fi-  
dei equitum concreditas accepimus  
veluti Cappadociam, Ægyptum, Ale-  
xandriam; in quas missi vel præfides, vel  
legati Cæsaris, vel præfecti augustales;  
nonnunquam etiam fratres principum  
nuncupabantur, ut ex constitutionum  
ad eos directarum subscriptionibus ap-  
paret. Atque hîc quidem & alias gentes  
non paucas laudare possem, apud quas  
equester ordo inter primos, aut certè  
primo proximus fuit: Cretenses enim e-  
quitum classem & vetustate, & dignitate  
longè præcipuam in grandi pretio ha-  
buerunt: Apud Achæos equitum turmæ  
eximio semper honore præcelluerunt:  
Athenienses verò, cum viderent quàm  
esset hic ordo Reip. necessarius, idque  
etiam experti essent in prælio Maratho-  
nio (ridebantur enim à Medis, quod pau-  
ci numero, & nullo equitum ac sagitta-  
riorum robore septi, tantum animorum  
atque audaciæ sumfissent, ut secum æquo  
Marte signa conferre non dubitarent)  
auctis opibus, magnaue de Xerxe relata  
victoria, trecentos primum equites, non  
multis post annis mille ac ducentos in-  
stituerunt, quibus stipendium ad emen-  
dum

um ornandumque equum ex ærario  
 olveretur. Verum ne in immensum ex-  
 rescat oratio, Romanorum iudicio con-  
 enti sumus, quorum jure cum utamur,  
 tiam dignitatis persuasio in animis no-  
 tris plurimum valere debet. Quorsum  
 utem ea omnia, quæ de existimatione  
 & commodis equitum Romanorum ha-  
 tenus diximus? Nempe ut intelligat ju-  
 ventus magnitudinem ejus premii, quod  
 ex auctoritate illustrium ordinum, Aca-  
 demia pro emenso legitimi studii cursu  
 argitur. Cum enim anulus aureus eque-  
 stris ordinis fuerit gestamen, illud neces-  
 sariò consequitur, eos qui anulo donan-  
 tur, eo ipso, aut in equitum cuneos con-  
 scribi, aut certè equitibus ita æquari, ut  
 chlamyde toga nihilo inferior possit vi-  
 deri. Audax, dices, & periculosa colle-  
 ctio, quæque sine gravi nobilitatis offen-  
 sione minimè possit defendi. Ego verò  
 ab equis animis veniam facile me obten-  
 turum spero; iniquorum stomachos, qui  
 nisi quod ipsi sapiunt, id omne insipidum  
 putant, nihil moror. Veniam autem res  
 ipsa flagitat: non enim cum equitibus  
 Romanis comparo juvenes anulo aureo  
 donatos, etiam nobilitatis claustra effrin-  
 gere conor: quanquam ne hoc quidem  
 sine exemplo facerem; multi enim ante

me jurisperiti forti manu, masculoque stylo asseruerunt, nobilem esse, quem academia doctoris insignibus ornarit. Verum in hunc disputationis campum mihi excurrere non libet: illud solum volo, ut ut nobilis non sit, nec ullas majorum ceras ostendere possit juvenis auro donatus, equestris tamen ordinis & dignitatis virum esse. Nobilitas enim natalibus, & majorum imperiis atque ornamentis censetur: eques tunica angusticlava, equo publico, aureoque anulo æstimatur. Nec idem qui Romæ patricius, continuo nobilis: nec contra quisquis plebejus, is idem ignobilis habebatur, cum plebejorum quoque nobilium veteres non uno loco mentionem injecerint. Quod si inepta nostra ratio est, ineptissima necesse est eorum fuerit, qui literarum & sapientiæ studia equestri militiæ non æquarunt solum, sed & antetulunt. Nam Ægyptii, cum omnes regni incolas distribuissent in tres classes, primam divinæ humanæque sapientiæ mystis, secundam militibus, tertiam operariis assignarunt. Indi verò cum septem ordines civium fecissent, vel inter primos collocavere philosophos, quos hodieque Brachmanos appellant. Galli quoque veteres supremo loco Druydas, id

deſt ſacrorum ac iudiciorum principes,  
 medio equites, infimo plebem cenſue-  
 unt. Quid multis; unico argumento,  
 eoque non è vetuſtis annalibus, ſed re-  
 centiori memoria repetito abſolvere  
 rem poterimus. Rigidiffimos nobilitatis  
 exactores Germanos comperimus, apud  
 quos pernicioſiſſimo more, ut poliſtor  
 Codinus iudicat, generis excellentia al-  
 tiſſimè repetitur. Nam cum olim Del-  
 phis, Xanthiis, Ilienſibus, Lyciis, Cap-  
 padocibus mater: cum hodiè Polonis  
 pater, Gallis Belgique avus, Allobro-  
 gibus avus paternus maternusque ſuffi-  
 ciant, hi atavorum atavos, utriusque  
 ſexus, pari nobilitate ad connubia jun-  
 genda conquirunt. Doctores tamen ju-  
 ris, reliquarumque diſciplinarum quo lo-  
 co habuerint, inde patet, quod non unis  
 imperii comitiis, ſumtuariis legibus latis,  
 quantum ad veſtitum, anulos, ac tor-  
 quem attinet, eos nobilibus penè æqua-  
 verint; equitibus certè ita aperte compa-  
 rent, ut inficiari nemo poſſit. Separant  
 enim & ipſi equeſtrem dignitatem à no-  
 bilitate, eique, qui ad majorum imagi-  
 nes etiam equitis, vel doctoris codicil-  
 los adjecerit, plus licere volunt, quam  
 illi, qui ſolis majorum ceris gloriatur, ac  
 totus totus, quantuſcunque, eſt.

*Nil nisi Cecropides, truncoque simillimus*

*Hermæ.*

Testantur id imperii constitutiones, anno supra millesimum quingentesimo, comitiis Augustanis, imperante Primo Maximiliano promulgatæ: quibus vetatur nobilis vestes auro, margaritisve intextas gestare, nisi idem equestri militia, aut doctorum insignibus sit ornatus. Ea-que constitutio cum sæpius repetita, tum novissimè anno millesimo quingentesimo quadragésimo octavo, comitiis Francofurti habitis, à Carolo Quinto Cæsare confirmata est. Cum igitur illi, quos rigidissimos diximus esse nobilitatis æstimatores, tantum literis deferant ut in æquilibrio doctores equitesque collocent, quis dubitet amplius, equestris ordinis viros, aut certè equitibus dignitate pares esse? Et sanè, si cui non rebus ab aliis præjudicatis stare, sed rationibus certare lubet, qui digniores anulo aureo & equestri dignitate, quam qui aut contemplatione rerum divinarum humanarumque mentem occupant; aut civili studio dediti leges, quibus resp. quid dico resp. quibus universa societas humana continetur, tractant; aut morbos pallidasque mortes ab humano genere avertunt? Augustus certè imperator id agnovit, qui cum

um abjectus prope ac comploratus, o-  
 era & arte Musæ medici restitutus esset,  
 non ipsi solum, cui vitam imputabat, sed  
 omnibus, qui vel facerent, vel in poste-  
 um facturi essent medicinam, jus anuli  
 urei largitus est. Verum, aliarum scien-  
 tiarum decus à suo cujusque antistite fa-  
 rundius atque copiosius adstrui poterit:  
 nihi decretum in præsentiarum de illis  
 solum agere, qui jus civile tractant & le-  
 ges. Hi autem universi in tria genera di-  
 pesci queunt: nam aut judicant, aut le-  
 ges interpretantur, aut litigatorum cau-  
 sas orant. Judicantium ordinem in om-  
 ni Rep. longè honestissimum esse, quip-  
 pe, in quorum manu vita fortunæque ci-  
 vium positæ, quorumque munere anti-  
 quitus reges ipsi atque principes functi  
 sint, nemo negat. Ponè hos esse qui do-  
 cent, facundoque ore quid æquum, quid  
 iniquum, qui honestorum turpiumque  
 fines, quæ discrimina, edisserunt, quis  
 sustineat inficiari? Quis non equo publi-  
 co dignos judicet, quorum scientia, ut  
 Imperator Fridericus ait, totus illumina-  
 tur mundus, & ad obediendum Deo at-  
 que principi vita subditorum informa-  
 tur? qui amore legitimæ scientiæ exules  
 facti, de divitibus pauperes, semetipsos  
 exinaniant, multisque vitæ periculis  
 expo-

exponunt, id unice agentes, ut jus in civitate sanctè æquabiliterque custodiat-  
 tur? Quod autem ad illos attinet, qui cau-  
 sas orant, suffragatur his nobilissima im-  
 peratorum Leonis & Anthemii consti-  
 tutio, qua rescripserunt; advocatos, qui  
 dirimunt ambigua fata causarum, suæ-  
 que defensionis viribus, in rebus sæpe  
 publicis & privatis lapsa erigunt, fati-  
 gata reparant, non minus providere hu-  
 mano generi, quam si præliis atque vul-  
 neribus patriam parentesque salvarent.  
 Nec, enim, inquiunt, eos solos imperio  
 nostro militare credimus, qui gladiis,  
 clypeis, & thoracibus nituntur, sed etiam  
 advocatos: militant namque causarum  
 patroni, qui gloriosæ vocis confisi mu-  
 nimine laborantium spem, vitam, ac po-  
 steros defendunt. Utrisque verò tam  
 docentibus, quàm perorantibus suffra-  
 gatur judicium Athalarici Gothorum  
 regis, barbari quidem illius, minimè ta-  
 men barbarum, cum apud Cassiodorum  
 ita differit. Doctrina ornat generosum:  
 quin etiam ex obscuro nobilem facit. Ar-  
 ma & reliquæ gentes habent: sola repe-  
 ritur eloquentia, quæ Romanorum do-  
 minis obsecundat. Hinc oratorum pug-  
 na juris civilis classicum canit: Hinc  
 cunctos procures nobilissima disertitu-  
 do



o commendat. Verùm enim verò, vi-  
 eor hîc mihi nescio quos oggannientes  
 udire, homines credo ad medium Ja-  
 um sedentes, qui nil nisi Idus, tristesque  
 ebitoribus Kalendas colunt; qui ante  
 alli cantum pueris suis, vixdum infan-  
 lam egressis occinunt vulgatum illud;  
 O cives, cives! & quæ sequuntur: hos,  
 nquam, oggannientes audire videor:  
 on literarum & sapientiæ præmium a-  
 ulum esse, sed opibus & censu eque-  
 trem dignitatem constare. Cautum es-  
 e lege Roscia theatri, ut ne in quatuor-  
 decim sedeat, nisi qui festertia quadrin-  
 genta in bonis habet: id est: ut pater ele-  
 gantiarum Budæus computat, decem  
 millia coronatorum. Ipsum Servium Tul-  
 um, quo tempore sancta adhuc Roma  
 erat, purasque ab avaritiæ sordibus ad  
 coelum manus tendebat, in distribuendis  
 classibus centuriisque civium Romano-  
 rum censum spectasse. Quin etiam Solo-  
 nem virum sapientissimum, ex ære, & o-  
 pibus ad imperia cives admoveri voluisse.  
 Hoc amplius Carthaginensium legibus  
 cautum, ut locupletissimus quisq; ad ho-  
 nores vocaretur. Apud Indos Remp. à  
 ditissimis temperatam: eosdem aut judi-  
 cia reddidisse, aut reddentibus assedisse.  
 Apud Chalcidenses verò tantam peculii  
 habitam



138 ANTON. MATTHÆI  
habitam rationem ; ut qui essent bene  
nummati ob hanc solam causam equitum  
titulis insignirentur. Hæc atque his simi-  
lia, quæ illi tanquam digitos suos in nu-  
merato habent, etiam tacitos objectare  
nobis credo: Quibus ne cessisse videamur,  
neve silentium nostrum suæ imputent vi-  
ctoriæ, pauca reponenda censeo. Nem-  
pe, spectasse quidem Servium Tullium  
in distribuendis civium ordinibus cen-  
sum, non tamen solum censum, sed &  
mores, & vitæ honestatem. Adhæc cen-  
sum spectasse, non tam quod censos ma-  
gna æris vi dignissimos honestissimosque  
judicaret, quam quod difficile esset, inter  
tot humanos errores, cives virtute & vi-  
tæ honestate discernere, cum sub specie &  
schemate virorum proborum, sæpe ob-  
scœni balatrones lateant, Curiosque fo-  
ris simulent, qui domi bacchas & Flora-  
lia agitant. Vita enim hominum nil nisi  
scena est: in qua sicut alii regis, alii du-  
cum, alii deorum, alii scœminarum illu-  
strum personas sustinent, omnes tamen  
servi vilesque tragœdi sunt: ita in civita-  
te alii quidem viros fortes, alii conti-  
nentes, alii sanctos simulant, cum sint in-  
terim ignavi, impuri, vultu denique cul-  
tuque magis, quam animo boni. Quare  
Tullius satius existimavit censum spe-  
ctari,

tari, eo, quod in oculos incurrat : virtus  
iisi animi acie, qua paucissimi valent,  
erni nequeat : minus rempub. seditioni-  
us obnoxiam fore, si illi anteponantur,  
uorum propter possessiones & pignora  
maximè interest, nullam fieri rerum mu-  
ationem : plebs autem infima, egens &  
nquies spem omnem fortunarum sua-  
um in convulsione civitatis habere pu-  
atur ; nec quicquam tam turpe posse co-  
gitari, quod non cum pretio videatur  
honestum. Postremò id ipsum, ut qui  
censu pollebant, aliis potiores haberen-  
tur ad comitia magis & suffragiorum jus,  
quam honores atque imperia pertinuisse  
arbitror. Ejusque rei videor mihi testem  
citare posse omni exceptione majorem  
Valerium, qui libro quarto dictorum fa-  
ctorumque memorabilium ita scribit :

*Animi bonis dignitatis aestimatio cunctis in re-  
bus ponderabatur. Hac imperia concilabant ;  
hac jungebant adfinitates : hac in foro, in cu-  
ria, hac intra privatos parietes plurimum po-  
terant. Patria enim unusquisque, non suam rem  
augere properabat, pauperque in divite, quàm  
dives in paupere imperio versari malebat. At-  
que huic tam praclaro proposito illa merces red-  
debatur, quod nihil eorum, quæ virtuti de-  
bentur, emere pecunia licebat, inopiaque illu-  
strium virorum publicè succurrebatur. Hæc*  
nus

nus Valerius. Quod autem ad legem Rosciam attinet, est sanè perquam ridiculum, ne dicam putidum ac pudendum, quenquam ea se velle defendere, cum omnibus bonis displicuerit, vanissimusque rogationis auctor innumeris Satyricorum convitiis infamatus atque proscriptus sit. Quid enim iniquius, quàm dignitatem quæstu, ordinem peculio, nobilitatem opibus metiri, cum sæpius aut furtis, aut rapinis, aut tyrannorum effusa in deterrimum quemq; largitione, aut fortunæ culpa & dentur & eripiantur: bonæ autem mentis, fato nescio quo, individuis plerunque comes sit paupertas? Quid absurdius, quàm carnifices quidem, etsi sint locupletissimi, vilissimos tamen haberi: peculatores verò, parricidas, ac flagitiis omnibus inquinatos homines, quibus opes affluunt, claros ac equestri nobilitate dignos judicari? Quid porro turpius, quam Lectio, Oceanoque veniente, lenonum quidem, lanistarumque pueros census fiducia immobiles sedere; excitari autem Pallantas & Licinios, quorum res bello civili attrita est: nec sustinere in equestribus spectare nobilissimi oratoris Hortensii nepotes, quod domus eorum pudendam ad egestatem redacta sit, cum non suo, sed fortunæ vitio

io decoxissent? Quid denique pernicio-  
 us Reip. quàm numos honori, inopiam  
 nobro haberi? Cum enim natura omni-  
 us mortalibus quædam ambitio sit in-  
 nata, honoremque non industrii magis,  
 quàm inertes sibi expetant, necessariò fit,  
 ut opum quoque cupido animos stimu-  
 et, per quas honores & imperia adipisci  
 esse possent. Hinc sexcentorum sce-  
 rerum causæ: ut enim nulla calamitas so-  
 la, ita nec vitium ullum solum cernitur;  
 priorique malo hæc adjuncta pestis est, ut  
 quisquis fieri dives vult, & citò velit fieri.  
 itaque omnis impatiens moræ, aut ferro  
 grassatur, aut venena miscet, aut noctibus  
 testamenta meretur: adeòq; properat a-  
 varus, ut nec de spoliis prostantis pupilli,  
 nec de vita prioris agnati, nec de gula  
 decrepiti parentis triumphare exhorres-  
 cat. Quid ergò superest Roscio, quo se ja-  
 ctare possit; quin antiquata ejus rogatio-  
 ne, auctorem quoque ipsum æternis infam-  
 iæ notis proscindimus? Nec Athenæ,  
 aut Carthago, aut Indi nobis objiciantur;  
 nam præterquam quod sua illis constitit  
 ratio, non quid apud eos factum sit sed quid  
 fieri oportuerit, considerandum. Quanto  
 rectius, quàm illi, judicarunt homines sa-  
 pientissimi Veneti, qui cum viderent fre-  
 quenter evenire, ut sordide fecis homines  
 mon-

142 ANTON. MATTHÆI  
monstrosas sibi comparent facultates  
contra nutare plerunque ac ruere splen-  
didiorum tecta, seu adversis tempestati-  
bus, seu studio magnificentiæ, seu ne-  
glecta præ amore sapientiæ rei familiaris  
cura; jura civitatis suæ generis potius no-  
bilitate, quam opum magnitudine, ut  
vir illustris Caspar Contarenius testatur,  
cenferi voluerunt. Quanto etiam rectius  
olim divinus Plato, qui, licet opes non  
contemnendas possideret, adhæc ab an-  
tiquissima patritiorum stirpe, atque ab  
ipso Solone Athenarum legistatore ma-  
ternum genus duceret, veræ tamen no-  
bilitatis decus in virtute positum judica-  
vit, & eos, qui rerum gerendarum usu ac  
prudencia cæteris præstabant, ad impe-  
ria evectos voluit, nulla stirpis ac diviti-  
rum habitatione? Verùm altius fortas-  
sè, quam par erat, contentionis ardor  
me provexit, dum omnibus modis stu-  
diosæ juventuti approbare nitor, quo in  
pretio, quave existimatione anulus de-  
beat haberi: nunc quia satis id demon-  
strasse mihi videor, ad adstantem candi-  
datum me convertam, ei reliquam ora-  
tionis partem imputabo: imputabo ta-  
men ita, ut quæcunque monita atque  
præcepta dederò, eorum fructum juven-  
tus quoque, si frugi esse velit, percipere  
queat.

queat. Te igitur, præstantissime candi-  
 date rogo, ut quoniam vita, virtute, stu-  
 diis promeruiſti publicè à nobis anulo  
 donari, antequam is à me tradatur, at-  
 tentis auribus accipere, memorique pe-  
 ctoris clauſtro condere velis, & cujus ge-  
 neris ſit ille quem donamus, & quemad-  
 modum donato uti te deceat. Principiò  
 ex auro, metallo omnium puriſſimo, no-  
 biliſſimoque factus eſt; ut eo ipſo non  
 ſolum nativæ ingenuitatis, ſed & adveni-  
 tiæ honoris admoneretur. Sicut enim in-  
 ter metalla omnia aurum rutilo fulgore  
 emicat: ita haut fruſtra placitum, auro  
 potiſſimum donari illos, qui virtutis at-  
 que eruditionis jure, tanquam ſydera  
 quædam lucidiſſima alios anteirent. Lu-  
 ctus & funeſtorum caſuum inſigne fer-  
 rum eſt; nec obſcurum vinculorum at-  
 que ſervitutis argumentum: Quis igitur  
 ferreo potius, quam aureo anulo donan-  
 dum te exiſtimet; cum non ſolum homo  
 liber, ſed & ingenuus; non ſolum inge-  
 nuus, ſed eques Romanus futurus ſis?  
 Neque hic dies luctus, ſed publicæ penè  
 lætitiæ eſt. Gaudent parentes, in hanc  
 uſque diem ſe vitam extendiſſe, qua ſibi  
 filium alterum ob virtutem coronatum  
 videre liceat. Gaudet Academia, fru-  
 ctumque non exiguum laborum ſentire  
 ſe au-

se autumat, cum juvenem tam ritè productum videt, quem ob merita atque eruditionem, absque ulla decreti infamia, ornare liceat. Gaudet tota civitas (neque enim temerè est tam frequens populi concursus atque acclamatio) eo nunc civem se auctam, qui certo virtutis doctrinæque testimonio subnixus, secure in partem curarum publicarum assumi queat. Porro auro inserta gemma est, ut vel ex ipso lapidis jubare dignitatis apicem metireris. Sed hic tamen monendus, ut ne nimium pretio tibi placeas, neve ambitione turgens animum opibus tradas: Erit enim cum aliis id grave tum tibi periculosum, si vulgi rumor, si conviviorum circulatorumque fabula anulus tuus esse cœperit. Quantam olim invidiam Chrysogono a thepsa fundo emta concivit? Quantam Asinio Gallo mensa citrea decies HS? Atque ne longius à proposito discedamus, quanta olim in infamia anulus ille navali auctione venditus, qui Cæpioni atque Druso inimicitiarum, Pop. Romano socialis belli causam præbuit? Habet aliquid periculi omne nimium atque etiam in utensilibus, quicquid auream supergreditur mediocritatem, oneri, potius, quam usui exuberat. Igitur ex ipsis opulentioribus illi potissimum ut

cati.



cati callidique laudantur, quibus ad argumentum modestiæ obtenditur color paupertatis: qui nullo strepitu, modico cultu, dissimulatis facultatibus agunt, & divitias magnas administrant sine ostentatione. Experimur enim ea interdum tempora, eos principes, sub quibus hæc sola sit innocentiae ratio, non habuisse quod placeat tyranno. Verrem, donec Siciliam cum imperio rexit, multis honestis de digito detraxisse anulos legimus, quoties aut gemmæ fulgor, aut pretium sculpturae avari prætoris animum incenderat. Nonio verò senatori etiam exilii atque mortis causa anulus extitit. Cum enim gemmam haberet viginti millibus sestertiis taxatam, tametsi imperium affectanti temnendus magis, quam timendus esset, pretio tamen cupiditatem incitante, ab Antonio triumviro proscriptus est. Id verò Deus immortalis prohibeat, ut eum quisquam tibi detrahat, quem Academia ob virtutem donat, aut exitio tibi sit, qui in discrimine salutis esse debet. Est aliquis inter parum & nimium modus: & sicut quod citra contemptui, quod ultra invidiæ patet; ita media via tutissimè grassari licet. Multi etiam mortales, quorum pectus sacra auri fames vexat, auro per fas & nefas inhiant;

G gem-



gemmas per dedecora & flagitia quæ-  
runt; nec quisquam eorum sibi turpe pu-  
tat, quod cuiquam fructuosum fuisse ani-  
madvertit. Vident enim eos esse mo-  
res, id seculum, ut unde habeas, roget  
nemo: an habeas, & quantum habeas,  
& habere necesse, clament omnes. Tu  
verò L. Pisonem Frugi imitare, cui  
dum armis exercetur, cum anulus fortè  
fractus atque comminutus esset, alium-  
que sibi fieri vellet, aurificem in foro Cor-  
dubæ vocari, appensoque palàm auro,  
hominem juxta tribunal sellam pone-  
re, anulumque omnibus inspectantibus  
sibi facere iussit. Cum enim filius esset L.  
Pisonis, qui primus legem de pecuniis  
repetundis tulerat, hoc pacto universæ  
Hispaniæ constare voluit, unde prætori  
anulus conflaretur. Quantum verò ad  
sculpturam attinet, fuit olim, & est ho-  
dièque magna hominum cura, & super-  
stitiosa diligentia circa characterem, &  
effingendam signis imaginem. Prout e-  
nim vel ambitio, vel libido quemque ex-  
timulat, ita etiam sigillari utitur: Quos  
fortitudinis laus titillat, aut Martem, aut  
clypeos, aut leonem, & victrices orbis  
aquilas volunt. Quos incesta Venus tor-  
ret, hi aut concha maris, aut nudo Cupi-  
dine, aut amica veste pruriunt. Quibus  
omnis.

omnis in poculis, omnis in comessationibus voluptas, Comum Deum, hederam, racemos, & gravem Sileni cantharum flagitant. Quos ceræ, & nobilitatis gloria vexant, regem aliquem generis sui auctorem, aut heroum vultus, & clarorum virorum imagines præferunt. Sapientiæ verò sectatores hæresum suarum magistros in tabulis, in poculis, in anulis venerabantur. Nec defuere, qui suamet ipsi imagine impensè sibi placerent. Hinc Amphitryonis anulus cum quadrigis solem exorientem; Neronis, a Sporo donatus, Proserpinæ raptum; Scipionis, patris sui superioris Africani imaginem: Sullæ, traditionem Jugurthæ à Boccho rege factam extulit. Pompeji autem signum leo gladium gestans, Augusti, sphynx primùm, dein Alexander Magnus, Meccœnatis rana, Plinii quadrigæ, militis gloriosi clypeatus elephantum disjiciens machæra. Satis profectò plerique aut impiè, aut ineptè. Præterquam enim quod Atejus Capito, juris pontificii inprimis peritus, nefas olim censuit deorum formas anulis insculpi: rectius longè, atque piè magis Clemens Alexandrimus docuit, à Christianis non idolorum facies, non enssem non arcum, neque pocula; multo minus amafios

vel amicas investes, vel Bacchi cantharum; sed columdam, piscem, navim quæ celeri cursu à vento feratur, vel lyram musicam, qua usus est Polycrates, vel ancoram nauticam Seleuci regis effingi cœlo debere. Hujus tu viri sapientissimi præcepto paruisse videris, qui non quidem navim, non ancoram, fluctus tamen & ventos in gemma exhibere voluisti. Signum profectò ejusmodi, quod tum ad genuinam pietatem, tum ad civilem sapientiam non leve momentum possit conferre. Eos enim, qui vero pietatis studio ardent, commune facit; omnem propè vitam inter procellas sibi degendam: Per casus varios, per mille rerum discrimina ad salutis portum enitendum esse. Etenim, quandiu in terris militat sanctorum cœtus, tandiu & adversis fluctibus agitari necesse est. Quæ tamen Numinis erga genus humanum benignitas, etsi percellitur, nunquam obruitur. Concutere quidem venti possunt: evertere neque flatus ullus, neque tempestas potest. Quos verò reip. cura occupat, his indicio erit: populum mare, seditiones procellam, virtutem civium & concordiam portum esse: Quem si recto cursu tenere nequeant, mutata velificatione tempestati obsequendum.

Adhæc,

Adhæc, ut mare sua natura tranquillum, ventorum turbine exæstuat: ita populum sua sponte quietum, hominum seditionum vocibus, tanquam violenta tempestate concitari. Sed redeo rursus è diverticulo in viam. Romanorum, de quibus loquebamur, delicias, non in cælatura duntaxat, sed & numero anulorumprehendimus. Erant enim, qui ita digitos suos onerarent, ut falsè festivissimus poetarum dixerit, dactyliothecam eos non habere. Erant, qui uno in articulo Jaspides, Adamantas, Smaragdos, Sardonychas portarent. Erant, qui non contenti uno anulorum genere, ad solis cursum eosdem mutarent, alios æstivos, alios hyemales nuncupantes: quorum illi levioris, hi gravioris ponderis erant. Heliogabalum verò, portentosa luxuriæ principem, etiam singulis diebus variasse anulos legimus. Horum tu nequitias & profusam libidinem risu atque cavillis; aut si mavis diris absolve. Quid enim mollius, quid effœminatius, quam non solum pro anni intemperie vestem mutare, captis per hyemem endromide, per æstatem multitiis, verum etiam de auri gemmarumque pondere queri velle? Quid porro ineptius, quid stultius, quàm ita instrui.

ut quo plura pararis, eo pluribus indigeas, atque instar Midæ alicujus aut Tantalii in ipsa copia inops sis. Usque adeo ne miserum digito nudo incedere, ut non miserius sudantibus articulis aurum ventilare? Infirmittatis id signum egere; contra sapientiæ, habere satis. Ut enim philosophus firmat; Diis amici atque proximi sapientes: Decorum autem hominumque ea maximè re dissimilitudo apparet, quod nihil illi ad usum sui requirant. Igitur & mortalium immortalibus similiores ii, quibus quàm minimis sit opus. Hæc cum Senatus Academicus considerasset, non anulis, sed anulo te donare voluit, qui usus compendio in brumam æquè atque æstatem tibi superet. Quem quidem neque in auriculis, neque in articulis, sed imo digito gestare debes: illud enim mulierum; hoc virorum est. Cæterum dextra an sinistra geras, non anxie, neque diu deliberandum puto: sinistra tamen quam dextra malim. Veteres enim anulos, in primis nuptiales, læva gestasse legimus, ut cum una ætatem agere decrevissent, anulus quoque fidei sequester in ætatem duraret. Tuus anulus, quantum abest ut nuptialis videri non possit, cum ab Astræa tibi virgine mittatur, ut fidei quam à te accepit arrha sit?

fit? Hunc ergo, ut æternum extet spon-  
sionis monumentum, ita custodire de-  
bes, ut nec rubigo exedat, nec usu aut  
exercitiis comminuatur. Sed nec valdè  
sollicitum esse velim, utrum indici, an  
medio, an magis ei, qui minimo prox-  
imus est, anulum inferas. Græcos quidem  
& Romanos minimo proximum orna-  
se legimus: verum ex errore & fabulis  
nata consuetudo fuit. Credebant enim  
nervum quendam tenuissimum ab eo di-  
gito ad cor hominis pergere ac pervenire:  
propterea non incitum esse, eum potissi-  
mum tali honore dignari, qui continens,  
& quasi connexus cum principatu cordis  
videretur. Hæc opinio, seu Græcos, seu  
Ægyptios, apud quos corporum huma-  
norum sectiones olim viguere, auctores  
habeat, jam pridem à medicis derisa est,  
qui licet indefessa mentis oculorumque  
indagine etiam venas lacteas, veteribus  
prorsus incognitas, reperisse se putent,  
nullum tamen ejusmodi nervum hæte-  
nus observare potuerunt. Postquam ve-  
rò digito anulum inferueris, quemad-  
modum eo uti debeas expendendum est.  
Apollonius Thyaneus anulos, ab Jarcha  
dono datos, habuisse instar numinis dici-  
tur, ita ut singulis diebus per vices varia-  
tis, maximorum secretorum particeps

fieret. Fuit autem Jarcha princeps eorum, qui apud Indos sapientes dicebantur: is anulos septem, totidem stelarum nomine insignitos, Apollonio dono dederat: quorum beneficio avum Jarchæ centum triginta annos vixisse: ipsum Apollonium centesimum excedentem annum, juventæ nitorem prætulisse ferunt. Præterea Gygen, regium in Lydia pastorem, anulum habuisse Plato narrat, cujus palam cum converterat ad palmam, à nullo videbatur, ipse videbat omnia: idem quum in lucem anulum inverterat, ab omnibus videbatur. Hujus opportunitate usus reginæ stuprum intulit, regem Lydiæ dominum suum interemit, quos obstare arbitrabatur sustulit; cumque in tantis facinoribus nemo eum videre posset, repentè anuli beneficio rex Lydiæ ortus est. Adhæc de Eudamo quodam professione philosopho traditur (si tamen philosophus præstigiator) quod anulos solitus sit conficere, quorum vis esset mira, ac pene incredibilis, adversus venena, ac serpentium morsus, adversus fascinationem, atque ipsa etiam dæmonia. Quemadmodum autem conficerentur, ex eodem grege sapiens, quem Thebit nuncupant, scriptum reliquit. Docet enim ad effectus miros syderalem



deralem scientiam adhibendam, captataque stellæ virtute accipi lapidem, herbamque stellæ subjectam; mox & anulum conflare, sive aureum velis, sive argenteum, cui lapillum indas herba supposita. Id verò potissimum fieri præcipit, stellam luna subeunte aut spectante aspectu trino, vel sextili; stella verò cæli medium percurrente, aut in ascensu constituta. Hæc, quæ protuli, utrum dæmonum præstigiis, an occulta cœli influenza, & plantarum virtute fieri possint, hoc quidem tempore in medium relinquenda censeo: Nam & syderum atque herbarum vires ingentes esse fateor: nec tamen persuaderi mihi patior, plantis quibusdam gemmæ suppositis, aut vitam extendi, aut secreta cognosci, aut dæmonas fugari, aut oculis & aspectui adstantium quenquam subduci posse. Utcunque sit, seu vera seu falsa memorentur: sive item superis, sive inferis adscribere ea libuerit, absit à te, candidate, ut anuli ope cujusquam arcana rimeris, ut tanquam conscius turpium secretorum magnos amicos aut timeas, aut terreas. Neque tanti tibi vita sit, etiamsi in sexcentimum annum producere eam possis, ut inter meliores natus, ad deteriores durare velis. Quin potius in baratrum ante



te penetra, quam crescentem cum annis orbis impietatem sufferas. Vixisse satius est, quam vivere, si inter improbos senilis spiritus trahendus sit. Atque etiam si Gygis anulum adeptus, regno Lydiæ, aut si quod aliud opulentia celebrius fecit, potiri possis, absit ut reginæ stuprum offeras, aut regem contra jus fasque obtrunces. Honesti viris bonis, non occulta probantur: nec plus sibi licere putant, cum impunè possunt, quàm cum formido poenæ peccare vetat. Itaque si nemo deprehensurus, nemo ne ariolaturus quidem sit, quum in scelus divitiarum, potentia, libidinis causa iturus es, si idjudici delatoribusque futurum sit semper ignotum; nihil tamen avarè, nihil incontinen- ter, nihil injustè aut libidinosè feceris. Neque surdus, neque cœcus Deus est, ac licet sæpe lenta, nunquam tamen vana ira est. Conscientiam memineris ab numine tibi datam, quam si habueris in omni vita optimorum dictorum factorumque testem, sine metu, summâ cum honestate vives. Illud quoque, & vel præcipuè monendus es, ut sicut vitæ longioris spem in herba collocare non debes, ita nec brevioris finem in gemmâ quæsisse velis. Hannibal, cum metueret ne à rege Bithyno Romanis dederetur, hausto,

hausto, quod in anulo gerebat, veneno  
 periit: Periit & Demosthenes, dum mor-  
 tem occupare satius putat, quam Mace-  
 donum probra & contumelias perpeti:  
 abstulitque cum summum oratorem illa  
 sanguine taurino tincta pala; tum sum-  
 mum ducem ille cladis Cannensis, &  
 tanti cruoris vindex anulus. Horum tu,  
 quamlibet excellentium virorum fata,  
 non solum fugere, sed & quantum potes  
 odisse atque execrari debes. Enimverò,  
 tam miserum est hostium potiri, ut non  
 præstet vel in robusto carcere enecari,  
 vel unco carnificis ad scalas gemonias  
 trahi, quàm suimet ipsius hostem fieri?  
 Quis nescit, animam in corpore, tan-  
 quam in præsidio collocatam esse, unde  
 nisi jussu imperatoris non liceat excede-  
 re? Si igitur capital est, militem statio-  
 nem deseruisse, quanto gravius, animam  
 ante tempus præsidio emigrasse? Si sce-  
 lus est, civem hosti tradere: quanto ille  
 omnium scelestissimus, qui jugulare,  
 quam clementiam victoris experiri ma-  
 luit? Verùm huic præcepto non diu im-  
 morabor; quoniam non cum barbaro  
 mihi res est, sed cum homine Christiano;  
 quem ita & imbutum, & institutum ar-  
 bitror, ut animus ejus ad solam tanti faci-  
 noris cogitationem exhorrescat. Quare

ad forum properabo, & Libonis puteal;  
 in quod si fortè, Candidate, Themis te  
 propulerit, ut patrona voce opem feras  
 clientibus, aut vitam reorum salutaritute  
 facundia, ne quid ibi cupidè, ne quid  
 petulanter, ne quid flagitiosè admiseris;  
 nec usum anuli ab honesto ad turpem  
 quæstum transtuleris. Romæ temporum  
 perversi mores eorum perduxerant, ut  
 nullus orator absq; facie grandioris cen-  
 sus placeret, visque persuadendi non tam  
 penes eloquentiam, quàm cultum comi-  
 tesque dicentis esset. Igitur litigator pa-  
 tronum quærens, non in voce illud ca-  
 norum, in gestu decorum, in verbis per-  
 spicuum, in sententiis argutum, sed in di-  
 gitis aurum atq; gemmas spectabat: num  
 octo servi, decem comites, togati ante-  
 ambulones, atq; à tergo sella curulis esset.  
 Quapropter coactus Paulus, cum proprio  
 non posset, conducto anulo causas agere:  
 tantumque cura valuit & ars lucri, ut pes-  
 simus causidicorum Crispinus, tanto Cos-  
 so Basiloque facundior haberetur, quan-  
 to in speciem locupletior erat. Hodie, etsi  
 non tam fertilis advocatorum seges est,  
 ut lecticam inde, atque fervorum ante-  
 ambulonumque greges parent, tamen &  
 anuli grandes, & vestis holoserica, du-  
 ctusque ad pedes vernula eos celebrant.

Usque

Uſque adeo præſenti quoque tempeſtate vulgus indoctum ſtupet ad conſpectum auri & gemmarum, raramque in tenui panno facundiam eſſe putat. Quæ quanquam vides, cave tamen plebis arbitrio veſtiaris, aut quæſtum anulo magis habituque, quam verâ virtute facias. Rem enim ſtrenui juxta ignaviq; ſibi exoptant: Sed illi rectâ graſſantur via: hi quia facundiâ non poſſunt, cultu vultuque populo imponunt, & oratores viſi ſunt. Ac licet antevertant ſæpe doctos, tamen illa temporis prærogativa pauliſper durat, nec ulla unquam ſtultorum regna perennare potuerunt. Vera gloria, quia radices agit, in ævum propagatur: longèq; præſtat ab hac vel poſt fata reſpici, cum jam odium, æmulatio, atque invidia quieſcunt, quam inter vivos inani duntaxat gloriæ umbrâ paſci. Poſtremò in eam, luxuriam dicam an infaniam? quanquam luxuria omnis infania eſt, Romanos prolapſos didicimus, ut anulum lictoris vice haberent, qui populum obſtanti ſummoſceret. Cujus rei cauſa & uniones geſtabant; nec ſingulos ſingulis, ſed exercitatis oneri ferendo auribus binos jungebant, & inſuper alios binos ſuperponebant. Ita perditione portatu voluptatem ex gemmis, venerationem ex unionibus quæſſere,


158 ANTON. MATTHÆI  
collisu videlicet margaritarum & sono  
gaudentes quem crotalia dixere. Affecta-  
runtq; idem & pauperes, sonum illum li-  
ctoris instar esse dictitantes, quo exaudito  
populus, etiam qua confertissimus esset  
de via sibi decederet. Horum furorem etsi  
sint, qui hodieque imitentur, integraque  
patrimonia, aut in digitis, aut in auricu-  
lis portent, ut nudo capite à populo salu-  
tentur, atque in conviviiis, in theatris, in  
concione, in omni denique re atque loco  
omnium primi habeantur: tu tamen, or-  
natissime candidate, nunquam æmulatus  
fueris. Signandi, non ambiendi causa  
vir rotundus anulum habet, mavultque  
plebi ignotus vivere, quam inani rumore  
per urbem differri. Quippe aura popula-  
ris ab initio læta, sine luctuosa esse solet;  
brevesque & infausti populi amores.  
Quid igitur? Ne existimatio vanis quæsi-  
ta ad extremum in ludibrium vertat, tu  
obsequio erga parentes, meritis erga pa-  
triam, pietate erga Deum id age, effi-  
ce; ut non solum populus de via tibi de-  
cedat, sed etsi fortè seditio fuerit com-  
mota, atque ignobile vulgus sævire cœ-  
perit, cum jam saxa volant, & subse-  
liorum fragmina, cum furor ministrat  
tela: tum si te conspexerint, ut conscien-  
tia virtutis atque innocentiae tuæ per-  
culsi

culsi fileant, pronisque auribus, tanquam alterum Menenium de concordia civitatis verba facientem, audiant. His præceptis, si tu, juvenusque quæ adstat, parueritis, dignos anulo, dignos auro, etiam Catone & Cassio iudice; aut si quis alius Livii Drusique rigidior est, extitisse vos fatebimur.

## ANTONII MATTHÆI O R A T I O VI. S I V E

Præfatio recitata die iv. Novembris  
Anni 'M. DC. XXXIX.

*Cum auspicaretur Institutiones Iuris.*

 **U**t in longinquas terras proficisci cogitant, hi hominem aliquem viæ, regionumque gnarum requirere solent, quo duce, atque ductore, vitatis ambagibus, crebrisque itinerum anfractibus, compendium laboriosæ peregrinationis facere possint. Eadem votorum summa, A. O. vobis quoque futura erat, qui in latissimos Juris Romani fines excursuri estis, nisi prævenisset sollicitudinem vestram



stram Imp. Justinianus, cujus augusto munere tam breve, tam felix itineris compendium vobis obtigit, ut qui eo utuntur, sine ulla nausea atque defatigatione, ad optatam studii civilis metam facile deducantur. Priscis seculis legitimæ sapientiæ operam daturi, à legibus Decemviralibus auspicabantur: quas memoriæ mandare, tanquam carmen necessarium, solenne fuit. Cujus rei testis est locupletissimus Cicero, qui in libris de legibus scribit, se puerum jurisprudentiam didicisse, factò initio à duodecim tabulis, quod in iis fontes omnis jûris, cum publici, tum privati contineri dicerentur. His an paulo feliciores sumus, nati in ea tempora, quibus studium hoc amplissimum, non ab antiquis fabulis, sed ab imperiali voce auspicemur: id est, ab Institutionum libello, tam facili, tam comto, ut qui diversum iter ingredi, velit, is anfractum recto præferre videatur? Etsi verò via hæc brevis, atque plana habetur, tamen ut magna est ingeniorum varietas, ita varii quoq; seu docentium, seu discentiû processus; dum quidam festinatione præcipientes quasi per hippodromum decurrunt, alii pedetentim incedentes minutissima quæque diverticula curiosè perreptant. Sunt enim qui Institutiones desultoriè explicant, paraphra-

raphrasin potius verborum, quam interpretationem rerum in medium adferentes, sunt contra, qui easdem diffusis atque prolixis cōmentariis onerant verius, quā ornant. Pessimi illi, qui ne integras quidem Institutiones enarrant, sed paragraphos duntaxat aliquos sibi sumunt, in quibus explanandis, & ætatem suam, & auditorum ingenia deterunt. quacunq; occasione alienissimas materias alieno pertractantes loco, ut aliquanto diutius in iis hæreant, quā Græci ad Trojam. In quorum numero illos quoque censendos judico, qui in tanta bonorum auctorum copia, tot eruditissimorum virorum commentariis publicè prostantibus, auditores ineptissimis suis dictatis ita urgent, atque opprimunt, ut quinto legitimi studii anno dupondii adhuc videri possint, quos jam *λὺτος* aut *πλεονέκτης* esse decuerat. Nugaciores profectò sycophanta comico, qui nomen sibi tam longum jactabat, ut si ante lucem occiperetur à primis syllabis, concubium noctis fore diceret, priusquam ad postremas perveniretur. Horum enim commentaria tam prolixa, operæ dictandi adeò tardæ, ut si à rubrica occœperis Kalendis Januariis, vix ad finem pervenire possis pridie Kalendarum anni, non dicam sequentis, sed quinti,



ti, fextive. Ab his omnibus, qui aut præcipiti, festinatione res utiles & cognitu necessarias transfiliunt, aut in inutilibus difficiles habent nugas, aut utilia quidem, sed confusè, & alieno tradunt loco, profiteor me abesse, abfuturum esse quàm longissimè. Inprimis vero eos averfor, qui non contenti supervacua tradidisse, etiam plaustra doctorum congrunt, quorum nominibus laudatis firmare se posse sperant ea, quæ neque legum robore, neque rationum pondere nituntur. Quod si quis fortè roget, quam ergo docendi discendive juris methodum arbitrer optimam, is breve hoc responsum sibi à me habeto: Optimam esse, qua multi retrò excellentes ingenio atq; doctrina viri usi sunt, qui obsoleta modicè, cotidiana copiosè, universa tradiderunt purè, deterfa barbarie, purgatisque male feriatorum superstitionibus. Hanc ego viam, quantum per ingenii mediocritatem licebit, in enarrandis Institutionibus juris, studiosæ juventuti præire decrevi: Eâdem ut subsequantur, quicunque jacturam temporis atq; olei facere nolunt, feriò adhortor. Inprimis cupidos juris civilis scientiæ moneo, ut legibus potius ipsis, & verbis Jurisconsultorum immorentur, quam interpretum chartis impallescant.

Ex

Ex ea enim re multiplex ad eos emolumentum redundabit: nam & compendiosior hæc est proficiendi ratio; & fortior arguendi, si legum potius capita, quam doctorum titulos laudare noverint. Adhæc legibus ipsis innutriti purè latinèque loqui discent, nec idem eis usu veniet, quod barbaris accidere videmus, qui sicut ex ungue leones, ita ex oratione ita manifestè deprehenduntur, ut interpretes quidem inspexisse, in libris vero juris prorsus hospites, atque peregrini esse censeantur. Qui diversum iter aut discendo, aut docendo secuti sunt, eos perstringam non tam meis, quàm virorum quorundam doctissimorum verbis, quorum auctoritatem apud teneros tyronum animos longe majorem futuram spero. In eos igitur, qui rerum incuriosi circa verba duntaxat occupantur, surgat præstantissimus JC<sup>us</sup> Fr. Duarenus, qui in oratione inaugurali, qua virum facundissimum Hugonem Donellum in numerum antecessorum Bituricensium cooptavit, ita differuit: Nequaquam dignos munere judicandi contendimus, qui verba quædam Latina, paulo quàm cæteri commodius interpretantur, vel qui historiam aliquam, aut scriptoris antiqui sententiam, ad id, quod interpretandum

tandum susceperunt, bellè detorquent: sed qui eo pervenerunt assiduâ meditatione, studio, contentione, ut vim potestatemque legum teneant, ut omnem JC. doctrinam non devorasse modò, sed & in succum & sanguinem convertisse videantur. Contra in eos, qui verborum delectum nullum habent, humaniorisque literaturæ contemptores cluent, prodeat subtilissimus JC. Antonius Faber, in præfatione Codicis sui ad Senatum Sabaudie ita scribens. Incredibilis planè, lugendaque seculi hujus infelicitas, quæ apud plerasque gentes eos solos pro magnis JC. habet, qui non minus barbariem, quam legum peritiam profiteantur. Elegantiores vero scriptores, quos tam multos hæc ætas tulit, non nisi pro Grammaticis: quasi vero clarissima illa jurisprudentiæ lumina & numina, Ulpianus, Paulus, Scævola, Pomponius, Julianus, Papinianus, quos toties nomino, Grammatici tantum fuerint, JCti verò, si barbaris istis credamus, nullo modo. Utrosque verò, tam hos, quam illos egregiè perstringit Phrysiorù consultissimus Viglius Zuichemus, in epistola nuncupatoria de testamentis ad Gerhardum Mulertium: Illos, inquit, non multum moror, qui nihil, nisi quod ipsi faciunt, rectum putant. inter

ter quos quidam, si semel Accursium aut Bartolum laudaveris, confestim totum librum abjiciunt: haud meherclè intelligentes, quantum ad veram jurisprudentiam autores illi, quantumvis barbari conferant. Demus enim eos linguarum & bonarum literarum rudes atque imperitos fuisse (quanquam id seculi magis ipsius, quam suo vitio accidit) in rebus tamen civilibus, judicialibusque controversis mirè exercitati, experti atque docti fuerunt. At isti contemptores, quantumvis eximiè in literis eruditi, quid queso adferunt, quo nos in jure civili instruant? Consule de urbana vel rustica servitute, de testamenti jure, de familia erciscunda, vel de qua obligationis perplexa specie, quid illi tandem ad interrogata respondebunt? referent fortassis nobis, quid sit stillicidium, aut unde dicatur, vel quid erciscundi vocabulum apud veteres significarit, at hic dicet Ulpianus, *ἡ δὲ τῆς ἀπὸ τοῦ ὕδατος ὁμιλίας*. Qui sanè non minus castigandi mihi videntur, cum jurisprudentiæ studiosi, atque etiam magistri & doctores videri volunt, quàm ab Cicerone oratores quidam ridentur ac reprehenduntur, qui nulla juris peritia instructi patronos se profitebantur, civiumque causas, quæ in juris disputatione plerunq;

con-

consistunt, defendendas temerè ac impudenter suscipiebant. Illorum itaque iudicium & reprehensionem adeò non moror, ut nec temeritatem nec errorem dissimulare hic possim. Ac utinam illi Alciati & Zazii doctissimorum virorum, pluriumque aliorum exemplo, rerum ipsarum cognoscendarum studio ita tandem afficerentur, ut harum gratia barbariem interpretum vel contemnere vel devorare possent. Alii rursus ita moribus ipsis rebus adhærent, ut nullum verborum ornatum vel splendorem admittant, cum tamen veteres Jurisperiti non eo tantum nomine laudentur, quod legum peritia valdè excelluerint, verum etiam, quod literarum & linguarum exacta scientia disciplinæ huic non dignitatem tantum admirabilemque maiestatem, verum etiam ingentem gratiam conciliaverint. Accedit præterea ex orationis puritate proprietateque rebus per se obscuris & intricatis incredibile lumen. Et hodie non ad exponendum solum, verum etiam ad intelligendum plurimum confert juris civilis studio politioris literaturæ peritiam adiunxisse. Unde fit, ut veteres illi barbari non modò in interpretando incerta ferè vagentur ratione, vixque ea, quæ senserint, expri-

exprimere possint : sed pleraque etiam intelligere atque assequi nequiverint, ea maximè destituti facultate, qua veteres I Cui in juris interpretatione tantopere aduti fuerunt. Quod utinam tandem hi intelligerent, qui literas non aliter ac hostes ab juris commercio rejiciunt, ac (si Diis placet) inveterato quodam animi vitio, quicquid aliquo humanioris literaturæ colore tinctum est, miro fastu aspernantur. Quorum quidem contemptum adeò nos vicissim floccifacimus, ut ab illis propè vituperari malimus, quàm probari: cæterisque nos magis placituros putemus, si istis displicuerimus. Hactenus Viglius. Porro in eos, qui neque finem, neque modum ullum commentandi faciunt, producimus virum nunquam satis laudatum Jac. Cujacium, libro XI. Observationum cap. xxxvi i i. ita differentem: Ex libris juris civilis, quibus solis nos uti Justinianus voluit in respondendo, litigando, judicando, libello Institutionum neque comitior, neque faciliior ullus est, quive interpretem desideret minus: ut planè illorum videatur esse otium ignobile, qui cum libellum longissimis onerant commentariis, quod positum est in una cognitione in infinita dispartientes, quo scilicet plura scire videantur,

tur, ut illis quidem videtur, nostro iudicio, ostentatione vana, quo cæteris nihil scire videantur. Nam quæ scientia hæc est, quæ modum non habet ullum? quæ fines suos egreditur? quæ tota deerat à præceptis suis, & summo illo præsertim, nec à Justiniano prætermisso, ut incipientibus jura tradantur levi ac simplici via, ne difficultate institutionis tam numerosæ ab hoc studio deterreantur. Hucusque Cujacius. Quinimio dictandi studio se efferunt, his inter Hispaniæ IC<sup>tos</sup> excellentis iudicii virorum Fr. Sarmientum opponimus, qui libro selectarum interpretationum VIII. ita in dictatores detonat: Veros legum sensus extrahere disces, si in ipsis, ut opus est diu noctuque verferis, omissis repertoriis & inutilibus chartaphasiis, quæ etiam felicia ingenia infelicissima reddunt, arte ignorantiae inventa, quasi opus esset ignorantiam magno cum labore addiscere. Miror quid sibi velint, qui anxie dictata excipiunt, cum tot sint typis excusa excellentissimorum doctorum scripta, quæ minori pretio emuntur, & maiore utilitate leguntur. Si omnia, quæ typis sunt excusa, legisses, & tempus superesset, posses his næniis id perdere; sed cum vita sit brevis, ars vero longa (ut inquit



quit ille) quærere in quo supervacuo labores, & saxum quod volvas Sisyphi, extrema dementia est. Certè sicut libri improbatæ lectionis publicè comburi solent, ita hæc dictata deberent publicè comburi: quinimò dictatores ipsi exilio essent multandi, sicut de Protagora ejusque libris Atheniensium decreto factum Cicero refert. Nam hi dictatorum libri magis quam magicæ incantationes juvenes dementant. Postremò eorû insaniam qui nomenclatorum officio quam interpretum defungi malunt, totique sunt in citandis doctoribus, & concinnandis cõmunibus opinionibus, multi viri docti redarguerunt, ex quibus paucos laudasse sufficiet. Joannis Parladorii de eo genere lib. II. rer. cotid. cap. ult. hæc sunt verba: Possem & alios sexcentos ad eam sententiam allegare auctores, sed, ut alibi diximus, nimiam allegationum turbam non tam laudi, quam vitio dant, cum viri docti omnes, tum Panormitanus in proœmio decretalium. Et meritò, nam si animadvertis, omnis orationis splendor ea deflorescit: ut omittam, in tam, brevi vitæ spatio importunum esse supervacuis tere-re tempus. Pluribus eosdè intestatur magnû Germaniæ lumen Ud. Zasius 2. sing. resp. 1. Nec te moveat lector, quod me

H

in



in Doctoribus allegandis non involvo, ut nunc hunc, nunc illum citem, quemadmodum novitii leguleji, folia inaniter occupantes, facere assueverunt, ostentationem magis quam utilitatem considerantes: solent enim majores suos carpere, si vel minimum verbum ex aliis dixerint, eosque non citaverint: quasi pulchrum sit, si & intus, & intergo plena sint omnia Bartolorum Bald. Imol. Raph. Paul. Jas. Alex. Salic. aliorumque id genus Dd. Nam si eos ad omne verbum citari necesse sit, quis erit aliquando finis, cum Dd. super Dd. magno ingeniorum proventu crescant. Misera certe superstitio, imò nugosa vanitas! Mea sic est constituta ratio, ut quod mihi videatur dicam measque assertiones textibus roborem, & si quando doctorem taxavero, ejus errores recenscam civiliter: siquid ex aliis scripsero, cum opus est, autorem non taceam: Sin vero asseram, quæ alii ante me asseruerunt, non ad omne verbum eos adveham, ad id enim adstrictus esse ne utiquam volo, ut curem quid alii dixerint, sed quid ex veritate dici possit. Et profectò si nostri leguleji, qui ante nos fuerunt, idem fecissent, innumeræ opinionum myriades quæ communes esse dicuntur, & tamen falsæ sunt, essent intermissee.

ANTO-

ANTONII MATTHÆI  
O R A T I O VII.

DE

P I L E O,

Recitata VIII. Non. April. M. DC. XLI.

*Cum Iuvenes Doctissimos,*

D. NICOLAUM HAMEL,

D. JOANNEM NELLESTEIN,

*Summis in Vtroque Iure honoribus*

*ornaret.*

**P**Eracto ambitu, initisque  
suffragiis, cum cernerem  
jam tertium in hoc amplif-  
simo confessu verba mihi  
facienda esse, quibus ad-  
stantes candidatos virtutis  
atque eruditionis insignibus augerem,  
fateor equidem de argumento me dubi-  
tasse; ne si fortè post togam anulumque  
de pileo siluisssem, silentium pro despera-  
tione haberetur: Sin dixissem, institoris  
magis quàm oratoris more id fecisse vi-  
derer. Quanquam enim non desunt re-  
rum & rationum pondera, quibus pileo

H 2

quoque

quoque decus haut leve vindicare queat, tamen cum olim deterrimus quisque hoc tanquam torri atque face civilium bellorum incendia excitaverint, verendum erat, ne aspectum ejus, ut tristem & ominosum, non ferrent illi, qui contra improborum conatus pro republica concurrere atque congregari solent. Verum pressius rem putanti, consultissimum tandem visum est sapientes imitari; qui sine fastidio, sine formidine, undecunque honestè licet, inde utilitatem percipiunt, atque etiam ex malorum consuetudine sibi sumunt, quæ perversè ab illis facta, alio modo si fiant, ad recti honestique vocabula transferri queant. Itaque ut homines turbulenti, seu præsentis fortunæ tædio, seu legum poenarumque metu refractis ergastulis, ad pileum servitia vocabant: ita nos juventutem ad idem signum, sed alia mente & scopo vocabimus: planè ut appareat, non factum in culpa, sed modum faciendi in crimine poni; nec idem censendum, quod à duobus pluribusve fit, si qui id faciunt autores, secta diversi disparatique noscantur. Illi pessima fide speciosum libertatis nomen suæ præponebant libidini: nos fide optima libidini juventutis opponemus bona libertatis. Jactabant illi, se afflictissi-

mi

mi cuiusque suscepisse causam, ut exules injuria pulsos in patriam restituerent, & viris fortibus grave servitutis jugum demerent. Tempus venisse ejus præmii, cujus causa nemo bonus mortem oppetere dubitasset. Dimicarent modò signis collatis, ac patenti campo. Suam cuique libertatem in manu esse, quam toties, ac nec quicquam ab ingratis dominis expectassent. Nos contra, modestissimi cuiusque suscipientes causam, ut deterso ignaviæ situ, dempta barbari nominis ignominia, peregrinos Latio, Latinos civitate, cives equestri dignitate, honoremus, non ad vim & gladios, sed ad pugilares, & stylum, & sapientiæ pluteos juventutem adhortabimur. Suam cuique togam in manu esse, audeant modo ac dimicent, puro & patenti auditorio, nec largitionibus aut gratiæ accepto ferant anulum, quem virtute & sudoribus sibi met ipsi parare possint. Enimverò, inspectis veterum annalibus, cum bella à fugitivis pro libertate gesta recenserent, partim stupore animus hæsit, partim indignatione commotus est. Quippe, animadvertēbam tam gravem plerisq; servitutem habitam, tamque dulce nomen libertatis, ut simul atque Eunus ille, Syrus, Athenio Cilius, Spartacus Thrax pileum, non dicam

proposuissent, sed ostendissent, justos exercitus, atque Romanis viribus pares conflare potuerint. Animi verò calamitatem qua vitiiis atque mentis erroribus turpissimè servitur, tam leviter atque communiter à juventute ferri, ut semel iterumque pileo à nobis proposito, non dicam exercitus, non legio, sed ne cohors quidem integra conscribi potuerit. Centuria est, quæ nomen dedit, & in ea ipsa tam rari antesignani fuere, vix ut quinquennio toto de curia coronari potuerit. Atqui si verum fateri libet, longe turpius est hoc animi, quam illud fortunæ mancipium, longèque deformius à vitiiis vinci, quam in acie hostili victoris clementia servari. Illud quippe jugum multi etiam fortes & strenui fortiuntur, dum aut virtutem in prælio fortuna non æquat, aut à prædonibus plagiariisve suppressi dominio alieno præter meritum subjiciuntur. Huic autem invitus nemo, sed volens quisque addicitur, qui licet ex matre libera natus, ita tamen à natura ingenioque paratus est, ut cupiditati & affectibus, tanquam vilissimus aliquis furcifer collum torquendum præbeat. Nihil illud foedi, nihil probrosi habet: quin si incertas rerum humanarum vices spectemus, communem dixeris & vernis & inge-

ingenuis ærumnam: quippe, cum in utroque tantundem liceat fortunæ. Tam Titium Stichus videre servum potest, quam nunc Stichus Titium videt liberum. Nescit nimirum Mævius, dum Damam excruciat, qua etate Hecuba servire cœperit, qua Croesus, qua Solon, qua Plato capite fuerint minuti. Posse aded cuivis contingere, quod cuiquam potest, cum sine discrimine omnes à calvo ad calvum rapiat fortuna. Animi verò servitus, qua alius libidinis, alius avaritiæ, alius ambitionis laqueo cervicem inferunt, aded non est communis, ut nihil de ea cœca diva, sed propria cujusque voluntas decernat. Quo autem deformius est servire sponte, quàm necessitate, eo magis quoque culpandi, quibus affectus, quam quibus herus imperat. Potest interim virtute liber esse, cui casus servitutem imposuit; potest in ista servitium suppliciorum varietate sapientiæ sibi laudem parare. Quid enim obfuit, quo minus Phædon ille Elidensis ex cohorte Socratica, Menippus, Pompylus Mys, Perseus, Epictetus, cum servi necessitate essent, animo tamen liberi, atque sapientiæ studiis dediti Diis immortalibus chari haberentur? Toto genere deterior est ejus conditio qui vitiis servit. Etenim, cui

affectus imperat, cui cupiditas est pædagogus, quem crapula collocat in soporem, qui non excitatur nisi ad fritillum, quem pestes juventutis luxuria atque libido tanquam nervi in eculeo distendunt, qui liber videri potest, aut quem admodum inter sapientes nomen mereri, cum ita ab animo servus sit, ut non solum non effectu, sed ne cogitatione quidem ad illa libertatis bona penetrare possit? Postremò cur tantopere fastidiamus jugum illud, quod casus cuique non voluntas imponit? Quare libertatis causa ad litus & arma conclamemus, cum liberaliter servientes vel ultimum domini elogium, vel vindicta prætoris manu mittat, ærum namque servitutis levet propinqua spes libertatis? At quos libidini mancipavit desidia, quos errorum tenebris oppressit stulta ignorantia, his propè æterna lege serviendum est: nullæ tabulæ, nullus census, festuca nulla est, qua manumitti queant. Quo constantius obsequium, eo arctior indies famulandi necessitas; frustra que speres ex heræ liberalitate, quod non nisi per contumaciam, atque exuta parendi consuetudine obtinere possis. Veniat assertor aliquis & ter quaterve clamitando vindicet hominem in libertatem: næ illi os hera occludet, ac longè



longè altiore voce intonans, Hunc ego hominem, inquiet, meum esse ajo ex jure Quiritium, meo quippe ære æneaque libra emptum. Quapropter cum genere universo deterior sit animi quam fortune servitus, cum nihil ferè præsidii in aliorum liberali manu, nulla spes in prætoris vindicta, si non ipse qui asserendus est, in libertatem proclamet: quid causæ esse dicemus, quam obrem plerique, pravis cupidinibus capti, ad inertiam & voluptates corporis venum dentur, quibus paulisper usi, ubi perniciofa libido ætatis flexu constiterit, naturam accusent, atque difficultatis patrocinia suæ prætexant segnitiei? Nam cum vel sago, vel toga inclarescere possint, latitare malunt in tabernis, ubi pro codice capiant calicem, pro jure fumum, pro rubrica vulnus. Ubi imponat aliquis in manum pro cestu cantharum, pro galea scaphium, pro insigni sit corolla plectilis, pro hasta talus, pro equo lectus detur, pro scuto accubet scortum. Quotusquisque est, qui mentem magnis applicat, aut postquam applicuerit, antiqua lege vult proficere, ut nec censum alea, nec mentis vim vino decoquat: nec in convivii cantor, in theatris plausor, in circo sponzor sedeat; sed perdius atque pernox sapientiæ studiis



impalliscens, exactè polleat regulam frugalitatis? Unde tanta seculi labes? Quid ita tot curvæ in orbe mentes? Fatone, & nascendi sorte id contigisse dicemus, an culpa penes ipsos est, quorum pectus desideria veterno oppressum non ardet, sed oscitat ad conspectum virtutis? Multa mihi scrutanti, multa volventi animo, inter primas causas prava educatio visa est. Neque enim obscurum, parentes liberorum suorum mores ipsos perdere. Solvunt infantiam statim deliciis, mollique ista disciplina, quam nunc indulgentiam vocamus, nervos omnes & mentis & corporis frangunt. Scilicet adultus virtutem voluptati anteponet, qui in purpuris repositus, cujus gulam prius quam mores instruximus, qui antequam prima verba exprimeret, jam rhombum, jam turdos & ficedulas noverat. In lectica crevit; cum terram attingeret, è manibus utrinque sustinentium pependit. Gaudebamus cum quid lascivius garriret. Verba ne Sybaritidis quidem concedenda deliciis; risu & osculis excepimus. Nostros amores, nostras concubinas vidit. Cum convivia obscœnis canticis perstreperent, cum pudenda dictu spectarentur, tum facta ex turpibus consuetudo, deinde natura: didicitque hæc miser, antequam sciret

sciret vitia esse. Inter ejusmodi malorum  
 illecebras educti, non magis profectò  
 sapere possunt, quàm benè olere, qui in  
 fornice ætatem triverunt. Fingamus ta-  
 men pudicos parentum mores, domum  
 luxui & libidini impenetrabilem; nil  
 dictu visuve foedum superasse limina:  
 quotusquisque est, qui pudicitiae severi-  
 tatem adjunxerit? qui magistro veteris  
 disciplinæ puerum tradere sustineat, sub  
 quo exacta laborum regula custodiatur?  
 Spes nostras ambitione donamus, dum-  
 que ad vota properatur, cruda adhuc stu-  
 dia in forum propellimus, & sapientiæ  
 titulos, quibus nihil augustius, pueris in-  
 duimus adhuc nascentibus. Ipsa quoque  
 juvenus, si quando relictis nucibus, vir-  
 tuti atque sapientiæ animum intendere  
 coepit, quam præcipiti festinatione ruit,  
 dum nunc pares, nunc superiores, po-  
 stremò suamet ipsa spem & expecta-  
 tionem transire satagit. Quod si pateretur  
 laborum gradus fieri, ut in quo se vellet  
 jactare, id diu medicaretur, jam illa gran-  
 dis & superba prætexta adipisceretur ali-  
 quod præsumptionis suæ pondus. Nunc  
 bullati in scholis ludunt, togati ridentur  
 in foro, & quod utroque turpius est, quod  
 quisquis perperam didicit, in senectute  
 confiteri non vult. Neque nulla hac

in re est antecessorum culpa, qui dum lucello inhiant, aut inanem gloriolam aucupantur, tyrones vix dum lectos rude donant : utque ex ludo suo, tanquam ex equo Trojano, multi pileati prodiisse videantur, dignos atque indignos juxta manumittere non dubitant. Quibus quidem idem usu venire videmus quod oratoribus nonnullis, qui dum toto foro volitant, atque à causa ad causam eunt, pro inertie vituperatione quam aspernantur, assequuntur etiam illam quam magis fugiunt, tarditatis atque perfidia. Illorum fanè levius peccatum, quos non tam avaritia, aut ambitio, quam sportularum tenuitas ad id impellit. Ut enim plerisque aliis rebus à priscis vincimur ; ita liberalitate quoque & magnificentia ad vetera nomina non assurgimus : cumque paucissimi Meccœnates sint, omnes tamen qui profitentur, Marones esse jubent. Minam qui numerat, non hostimentum laboris, sed beneficium dare se autumat. Talentum qui pendit, haut jam nostri vir seculi, sed antiquæ munificentia magister audit. Hæc invidenda felicitas ; quam rex imputat ; in circulis vulgus queritur : nec animadvertunt, plus voci & lateribus suis debere præcones, longèque majorem constare reditum

tum fordidae alicujus mercis negotiatoribus, quam divinae atque humanae sapientiae mystis. Mirumne ergo uti nonnunquam doctos foro? servire rei atque temporis? Inprimis cum non omnes eo corporis robore nati sint, quo Cleanthes, ut diem studiis, noctem aquis hauriendis extrahere possint: neque rursus ea fyderum scientia praediti, qua Thales Milesius, ut praevisa olearum sterilitate, oleum omne uno pretio avertere queant. Sed nec tam versatile quibusvis ingenium, quale fuit Eleo Hippiae, ut non solum omnes artes ingenuas & liberales animo complecti, sed anulum quem digito gerant, pallium quo amiciantur, soccos quibus induantur, suamet ipsi manu conficere sibi possint. Sic satis difficile atque arduum est in studiis aliquid facere, etiam cum solis Musis atque Minervae te dederis, ut iniquissimus sit, quisquis à philosopho fullonem quoque atque textorem agitat. Cum igitur tam multae sint fundi literarii calamitates, quae spem futurae neffis in herba necant, votorumque conatos damnari non sinunt, quid tandem faciendum, ut non solum vernans aetas aeta segete virescat, sed & adultum robur prima Cereris copia flavescat? Quantum idem plurimum refert, quibus

rebus atque studiis à teneris imbuamur, prima atque summa parentum cura esse debet, ut ne vim atque impetum ætatis, suapte sponte ad honesta tendentis, assentatione solvant, sed lege censoria, & antiquis moribus contineant. Tum ipsa juvenus laborum gradus pati debet: ac quod vult profiteri, id diu audire, multum ruminari, premere, versare denique in omnes partes. Frustra enim speramus inanibus suppliciis, aut per ambitum & largitionis compendia in illud honoris culmen nos evasuros, cujus calles atque saxa fas non est, nisi improbo sudore per rumpere. Gnavis ut omnia prospere cedunt, ita sapientiæ quoque iter provenit: si deliciis atque ignaviæ te mancipaveris, necquicquam opem Dei immortalis implores; iratus inertibus infestusque sedet. Industria una virtus est, cujus impigro spiritu studiorum cursus incitatur, per quam literarum gloria accenditur; cujus fido sinu cunctæ disciplinæ receptæ nutriuntur. Postremò, si quid animo, si quid manu, si quid lingua egregium atque excellens habetur, id ad fastigium laudis industriæ subsidio perductum est. Ipsa verò, quanquam pulcherrima virtus cluet, tamen duramento sui confirmatur, maximumque perficiendi operis adjumen-

jumentum, tenaci proposito occupatæ  
 inhærere materiæ. Non enim coepisse fa-  
 tis; etsi hoc quoque magnum, ac penè  
 plusquam dimidium facti censetur: nec  
 tutum aut remos inhibere, aut carbasa  
 substringere, quam ventis secundis, re-  
 migioque intento ad optatum laborum  
 portum perveneris. Quam ridiculum, si  
 carceribus emissus, tanquam quadrigis  
 cum Scorpo Incitatoque certaturus, in  
 medio circo deficiat: aut eductus ludo,  
 tanquam sinè missione pugnaturus, post  
 unum alterumve ictum in arena concidat?  
 Non effundit impiger animus uno  
 imoctu vires universas, ut instar volati-  
 lium quorundam amisso aculeo statim  
 torpeat. sed & ad sequentes conatus in-  
 fractus manet: adeò ut supra vires niti,  
 quam viribus ex facili uti malit; nec tan-  
 tum quod potest præstare, sed & plusquam  
 potest audere. Socratem legimus, tanta  
 præditum patientia, tanto animi in tol-  
 lerandis laboribus robore, ut steterit sæ-  
 pe pertinaci statu, a summo lucis ortu, ad  
 solem alterum orientem, inconnivens,  
 immobilis, iisdem in vestigiis, & ore at-  
 que oculis eundem in locum directis co-  
 gitabundus, tanquam quodam secessu  
 mentis & animi factò à corpore. Cujus  
 contentionis atque fortitudinis tam  
 grande

grande pretium tulit, ut sapientissimus mortalium Apollinis oraculo iudicatus sit: Sapientiæ enim pulchritudinem, quam vulgus corporeis oculis cernere nequit, mentis acie ille perviderat: qua accensus, nihil existimavit tam arduum, ad quod non alacer impetus & solers industria penetrare possent. O utinam cum tanto viro, si non majora, saltem paria facere liceret; nec admiratio duntaxat insignis patientiæ, sed & contentionis ardor animis nostris subiret. Optimum enim mortalibus illud virtutum certamen, quo ingenia aluntur; atque admiratio ista, qua ad imitandum accendimur: cum natura ita comparatum sit, ut quod summo studio petatum est, ascendat in summum, facileque in primis consistat, qui transiri eos posse confidit. Sed si philosophi gloria minus nos stimulat, nec inviti cedimus illis, quibus jam olim livor cessit; saltem statuarum artifices pudorem nobis incutiant: ex quorum numero Lysippum accepimus tam profundi studii, tam contentæ accurationis fuisse, ut statuæ unius lineamentis inherenter, paupertas ante quam mors extinxerit. Ad hujus profecto industriam non accessisse sapientiæ studiosos & indignum, & turpe est. Quid enim habet tornus ad calamum?

quid

quid marmor ad literas? postremò, quid  
 cultus de saxo ducti, ad divinam illam at-  
 que admirabilem sapientiæ pulchritudi-  
 nem. Patiemur ergò, ut plus solertiæ o-  
 fificum pueris inesse videatur, qui artifi-  
 ciosa magistrorum opera tanta diligentia  
 nitantur, ut superent sæpe, quos æqua-  
 vix posse crediderant: nos verò, qui  
 sapientiæ amorem profitemur, ita mol-  
 es ab animo residesque erimus, ut stu-  
 dium cum spe abjiciamus, nec sequi veli-  
 mus, quos assequi nos posse diffidimus?  
 pudeat aliquid triumpho dignum, quis-  
 vis inter triumphales censerì concupis-  
 cit: non enim virtus nisi audentes juvat,  
 utraque titulos victoris exoptat, qui  
 contendisse, nedum vicisse non sustinet.  
 erum, in ipsa illa contentione quam  
 studamus, illud diligenter cavendum, ne  
 nimis invidia exardescat, aut calumniis  
 quales detineat: hoc enim qui facit, nec  
 se rectam virtutis semitâ tenere potest,  
 concertatores iniqua obtrectatione ad-  
 er tardiores efficit. Igitur quemadmodû  
 adium currenti, quantum possis eniten-  
 tem ut vincas; supplantare eum qui cum  
 rtes, aut manu depellere nullo modo  
 et: sic in virtutis atq; studiorum cursu,  
 is quisque intendere vires quam ma-  
 ne debet; at poplites præcedentis  
 furtim



MATTHE  
vero profum  
Nec certum  
am, quam ne  
sse contende  
urpe sit vinc  
grande victi  
amur, non in  
o, nec huius  
er deferend  
atque mag  
ana & in  
ibus comm  
juventutis  
ris supplant  
aximum, ut  
us præscrip  
tionem ad  
ua, quid que  
us cogitan  
sedent, in pe  
endere, ut  
nautarum  
ta in scopu  
umque inces  
aufragio res  
o deficere n  
nim certus  
animi impe  
tum non di  
nandi co

O R A T I O VII. 189

tores, sed ab ipso præmio fortitudinis fo-  
menta fumenda; ut quem nervi jam de-  
stituunt, cui genua labant, eum brachii  
spes atque cogitatio in certaminis gra-  
dum reponat. Ac sicut olim quadrigis  
emissis; certi homines ad id in circo dis-  
positi, aquam aspergebant: ita vos, si  
quem pileo honoratum in publico con-  
spexeritis, pileum aquam existimetis, cu-  
jus rore respersi, novo impetu, iteratis-  
que nixibus ad metam laborum grasse-  
mini. Nihil enim tam efficax in animis  
bonorum quam præmium, omnesque ad  
ad labores accendimur gloria. Nec illi  
solum, quos amor honesti extimulat, sed  
& isti, qui virtutis incuriosi, quandam  
utilitatem sectantur. Mirmilonem in  
Cæsaris ludo fuisse comperimus, quem  
spes pilei atque rudis ita inflammaverat,  
ut de rariobus munerum editionibus  
conquerens, identidem ingeminaret il-  
lud: Heu, quam bella perit ætas! Quam  
vereor, ut multi ex isto vestro coetu sint,  
quibus aut pugna cordi sit, aut bellæ istius  
ætatis decursus in damno computetur.  
Fallit plerosque vivendi spatium, quod  
perbreve homini à natura datum, ut  
speciem longi præberet in plures partes  
divisum est: quarum prima pueritia,  
secunda juvenus, tertia senectus nuncu-  
patur.

patur. Hinc fit, ut dum vires finunt, ætasque germinat, perinde ac si tria Nestoris secula, aut Tithoni ævum quisque victurus sit, pauci commissiones optent: pauciores facta potestate dimicare sustineant; mirmillonis autem animo ac viribus insurgat nemo. Verum, sumne ego ineptus, qui mirmillonem hic adduco? quasi non pro pileo integri gladiatorum atque fugitivorum exercitus conflixerint: qui sane documento sunt, pro præmio pugnare non tam arduum promptis, quam terribile ignavis esse. Quid terribilius olim, quid periculosius, quam sustulisse oculos adversus Romanos? Tanta illis castrorum disciplina, tantus militiæ usus, tam crebra in armis exercitia atque decursus, ut cum à Gallis multitudine, à Germanis corporum proceritate, ab Hispanis robore, à Grecis artibus, ab Afris calliditate atque copiis superarentur, prope universas has gentes & nationes, sola militaris scientiæ laude subjugarint. Adversus Martium tamen hunc populum acerrimosque toto orbe bellatores, non tollere duntaxat oculos, sed & justa acie, cruentisque præliis decertare Spartacus sustinuit. Gladiator iste effracto Lentuli ludo non plus XL. ejusdem fortunæ viros eduxerat. quantula manus adle-

ad legiones? quam pudenda turba ad cohortes? Retia scilicet, & fuscinas suas horrentibus Romanorum oppositura pilis? Non ea Spartaco vœcordia, ut maiores ludo quam Latio vires esse crederet: alia illi mens, nec vana auxiliorum fiducia: servis ad pileum vocatis, decem & amplius virorum millia cœgit. Hac manu primum circa Vesuvium montem Clodii Glabri prætoris castra cepit. Dein auctis viribus ad modum justî exercitus, in Apennino consulares legiones **Ben-**tuli, magno animo, magnaue vi cecidit; apud Mutinam C. Cassii castra delevit. Vix tandem, ac totis imperii viribus commotis nomen Romanum Licinius Crassus asseruit: à quo victi fugitivi, cum circa Brutium angulum obsiderentur, eruptione facta, dignam viris obiere mortem. Spartacus ipse, in primo fortissimè dimicans, quasi Imperator occisus est. Quod si fugitivis & gladiatoribus is animus, ea in præliis pertinacia fuit, ut & castra prætorum ceperint, & consulares exercitus fuderint; postremò obsessi virorum fortium mortem oppetere potius, quàm in hostium manus incidere voluerint: quid nobis faciendum, qui sanè neque fugitivi, neque gladiatores sumus? Quis animorum ardor, quanta in præliando con-

constantia esse debet? Profectò eo major, quo minus in nos licet incertæ bellorum fortunæ. Quid enim in animum juris victor habet? Quid gladius aut tortor tyranni? Verberet ille, secet, urat victos: stat firmum atque immobile viri sapientis pectus, citiusque oculos ei & vitam, quam, quæ carior est oculis & vita, virtutem extorseris. At enim cujusmodi tandem id præmium fuit, quod tanto cruore, tam obstinato corporis atque mentis ausu fugitivi sibi petendum censuerunt? Pileus, pileus inquam, victoriæ pretium fuit: quem quoniam insignæ libertatis Quiritibus esse placuerat, tanti optimus quisque ac pessimus æstimavere, ut sine eo nec vita, nec quæ in vita charissima, grata aut jucunda videri possent. Hæc causa est, ob quam istud servulorum recens manumissorum tegumentum, non puduerit interdum summos principes, & victorem orbis populum gestare. Prusias enim Bithyniæ rex victo Mithridate pileatus Romam venit, gratiasque agens Senatui, ob fractas potentissimi hostis opes, non oratione duntaxat, sed & habitu libertum se populi Romani professus est. Ipsi quoque Quirites, quanquam terræ marisque jam potentes, tamen hoc capitis gestamen dedignati

gnati non sunt. Non solum enim Saturnalibus pileata Roma fuit, quando æquo jure cum heris suis servi censebantur: verum etiam Nerone oppresso plebs pileata per urbem discurret, ut ipso cultu testaretur, recuperata postliminio libertatis jura, postquam cecidisset ille, qui ingenuitatem suppliciis & metu deterere potius, quàm libertate & amore retinere studuerat. Brutus quoque Cæsare in curia trucidato, sub pilei figura duobus pugionibus cincti, percuti numisma jussit; documento futurum, quantum respublica conjuratis deberet, quorum opera & periculis è gravi servitute esset emancipata. Cujus factum laudabili exemplo Belgæ foederati secuti, postquam excusso intolerando Hispanorum jugo, vi manumque ipsi se in libertatem vindicassent, ut restitutæ reipublicæ testimonia in ævum duratura extarent, sub eodem signo numos flari feriri jusserunt. Quæ omnia, quanquam per se satis magnifica sunt, meo tamen judicio ad commendationem longè majus ac magnificentius illud, quod unus quandoque pileus, agræ, & afflictæ, ac penè depositæ reipublicæ subvenerit. Etenim Cannensi prælio attritis viribus, exhausta juventute, cum tantum non desperarent de rerum summa

patres,

patres, ad pileum, tanquam ad asylum & sacram anchoram confugerunt. Jam Tarentum, jam Arpos, jam Capuam habebat Hannibal, jam ad urbem Romam admoturus exercitum videbatur: cum Dictator creatus M. Junius octo millia juvenum validissimorum ex servitiis armavit, atque spe pilei injecta tantis in hostem iris animisque eduxit, ut nulli globi tam firmi, nullæ acies tam confertæ viderentur, quas non virtute perumpere se posse sperarent. Nec fefellit eventus reipublicæ vota; quæ adeò forti, adeò fideli servorum opera tempore suo necessario usa est, penè ut pileus servasse urbem videri possit, quam temerariæ Coss. Sempronii, Flamini, atque Varonis purpuræ perdiderant. Hoc sanè eximium decus, & in omne ævum duratura gloria, triumphasse in Italia de Pœnis pileum, de quibus prætextæ in eam diem ne ovare quidem contigerat. Enimverò, quiesse jam pileus poterat, tantisque rebus gestis parto decore superstes frui: verum, non constitit intra hos celebritatis terminos, transgressusque vulgata nominis spatia, etiam in excelsum honoris culmen erupit: cumque hactenus libertatis duntaxat indicium fuisset, subinde dignitatis quoque & existi-

ma-

mationis argumentum haberi cœpit. Quo autem tempore, quibusve auctoribus primulum eruperit, etsi in obscuro latet, tamen ut est interdum curiosa magis quam diligens vestigantium sollicitudo, ad veteres Gothos referri posse putavi: apud quos, si Jornandi fides, ita antiquitus fuerat institutum, ut pileum ferre non nisi nobilitate conspicuis, aut sapientiæ laude inclutis liceret. Nec censu duntaxat ante comatos pileati habiti; sed & funestis imperii temporibus, cum extincta regia stirpe, de successore comitia calarentur, suffragiis procerum ex pileato ordine tanti fastigii heres deligebatur. Ea denique animos Gothorum opinio, is pilei infederat respectus, ut potentissimus eorum rex Decebalus, qui Domitianum Cæsarem pene vectigalem habuit, pacemque qua prece, qua pretio vendidit, cum prima ad Trajanum legatione capillatos misisset, nec efficax pro votis officium fuisset fides, secunda vice pileatos legaverit; sperans, quod coma non impetrasset, id veneratione sui pileum obtenturum. Postquam verò vastatis Thraciis atque Illyrico Italiam ingressi Gothi sunt, credibile videbatur, una cum lingua & moribus, pilei quoque venerationem ab iis fuisse propagatam. Eo amplius cum

Gothorum olim in Cimbrica Chersoneso vicini Anglosaxones fuerint, illud quoque tanquam verisimile blandiebatur, venerationis istius reliquias in Britaniam ab Anglis illatas, ubi hodieque discriminis inter comatos & pileatos vestigium non leve relictum est. Verum etsi blandiri hæc conjectura visa, eblandiri tamen animi ad sensum non potuit; quandoquidem videbam, jam diu stylo doctorum virorum confossum esse illum Jordanis errorem, quo Dacos cum Gothis tam turpiter confundit, quam si aut Ararim cum Tigri, aut Istrum cum Ibero commisceret. Utcunque sit, cujusve cunque hoc sit gentis aut nationis institutum, illud sanè perspicuè demonstrari potest, & inesse pileo huic nostro dignitatis venerationem, & non finè causa ut inesset placuisse. Etenim ille pileus, quem Roma quondam, cum lustrum conderetur, raso capite servis imponebat, quanquam libertatis rei inæstimabilis index esset; tamen si Athenæo credimus, nec figura satis concinnus, nec pretio materiæ commendabilis fuit: quippe è villis ovium crassioribus malè confusus. At noster pileus, præterquam quod forma commendatur, etiam materiæ bonitate præcellit. Non enim è villis, ut ille, sed



sed vellere constat serico: quod, si pretium spectes, auro contra vetustas æstimat: sin usum, non nisi viris illustribus atque dignitate excellentibus leges Romanæ concedunt. Quarum sententiam Germani subsecuti, constitutionibus imperii cum sericeas vestes in universum plebeis interdixerunt, tum nominatim pileum quoque hunc, quem beretum ipsi vocant, nobilitate duntaxat, aut sapientiæ titulo decoratis permiserunt. Ac licet sumptuariæ leges, qua veteres Romanorum, qua novæ Germanorum, partim oblivione deletæ, partim contemptu abolitæ sint, pileo tamen huic nostro integrum & illibatum decus hodièque constat, dum despicit eos, qui ante sapiëntiam despexerant, indoctorumque capita fastidiosè transfiliens, non nisi doctorum vertices tegere atque ornare sustinet. Contemferit hunc fortè Protogenes aliquis, riserint Diphilus atque Erimanthus: stat contra tota eruditorum natio, pileumque suspiciunt, quicumque doctrinam amant: quorum existimatio atque auctoritas plus apud bonos ponderis, quam sexcenti cerdonum cachinni habent. Nosne moveat cimex Pantilius, potius, quam sapientissimi mortalium Veneti, qui apicem istum, quem ducalem propterea

terea appellitant, non nisi imperatori exercitus, perinde ac paludamentum gestare concedunt? Nos penſi habeamus, quid Fannius atq; Demetrius garriant potius, quam quid ſentiat facunda Gallia, quæ pileum hunc noſtrum honeſtiſſimo iudicantium ordini proprium atque peculiarem dicavit? Porro quis caſu, non conſilio, quis forte non ratione factum autemet, ut indicem dignitatis pileum eſſe voluerint, quicumque tandem & ubicunque ſint iſtius inventi auctores? Nam ſi ſervis pileus dabatur, cum cenſum inter cives profeſſi, illa fortunæ ſervitute liberabantur: quanto magis illi pileo donandi, quos ex deterrima animi ſervitute virtus atque induſtria manu miſerunt. Et ſi, qui liberaliter domino ſervierant, ob id ipſum libertatis inſignia pro præmio conſequebantur: quanto magis hoc ſignum illis tribuendum, qui non vilibus miniſteriis detriti, ſed liberali doctrina atque ſapientiæ ſtudiis imbuti ſunt? In primis, cum hi cauſam conſilio ſemper probent: illi niſi lex Ælia Sentia obſtaret, dominuſque xx. annis minor eſſet, & ſine cauſæ cognitione manumitterentur. Præterea ſi in illa humanitatis parente Aſſyria, urbe Hierapoli, ſimulacro barbati Apollinis calathus aureus impoſi-

impositus est, quod calathus iste surgens in altum, monstraret ætheris summam, unde Solis creditur esse substantia: quid de pileo hoc nostro sentiendum, qui etsi leviter affurgit, ambitu tamen rotundo, non ætherem modo, sed & universum terrarum orbem adumbrat? Nunquid aliis ille donandus, quam sapientiæ studiosis, qui corpore remoti, mente coelos adeunt, ac sicut pileus verticem, ita ipsi naturam ingenio ambiunt & complectuntur? Adeste igitur animis, juvenes, quotquot adestis corporibus; atque ad præmium hoc nostrum omni ope, omnique conatu contendite. Non ego struthiorum ova vobis propono, ex quibus singulis in æquas partes dissectis, extremos hominum Garamantes binos sibi pileos confecisse accepimus. Sed nec ad Hesiodi pileum vos voco, qui cum fratri Persæ præcepta daret, spissum & benè elaboratum parare jussit, ne si forte subitam tempestatem agris immisisset Diespiter, multo nimbo aures arantis & capilli madefacti stillarent. Nihil iste ad nostrum sensum, qui necessitati duntaxat servit: ad illum vos voco, qui libertatis quoque virtutis & eruditionis argumentum habetur. Munus quidē caput adversus coeli injurias: sed

habet id commune cum penula & petasone. Probat idem libertatis jura, quibus nihil in vita jucundius: verum & hoc, quanquam satis grave, & ad persuadendum efficax esse debet, participat tamen pileus ille villosus manumissorum. At quod legitimæ scientiæ, quod dignitatis insigne sit: hoc totum, quantumcunque est, totum, inquam, pileus noster sibi vindicat, nec laudis istius æmulum aut consortem patitur. Ad quem dum velis remisque enitimini, nihil vos Platonis auctoritas in cursu moretur: qui quanquam humanæ sapientiæ princeps cluet, nulla tamen ratione civibus suis pilei usu interdixit, quod falsò putaret, capitis virtutem a natura nobis datam, peregrini tegumentis corrumpi: Sed nec illis vaciæ præbendæ aures, qui Æthiopes nobis objiciunt: quos, quia caput nudi sub dio agunt, ita Solis radiis adversus plagas indurari jactant, vix ut gladiis impactis & securibus ossa cedant: Persarum contra, quod tiaris operiantur, tam infirma capita, ut levi ictu, ac propè lapilli jactu perfringi atq; perforari possint. Perinde enim hi arguunt, ac si necesse foret extrema linea tendere, nec inter prærupta & depressa, medius aliquis atque tutissimus trames daretur. Quod si  
alii

aliis in rebus mediocritas optima, cur  
 non hac quoque parte probemus illud,  
 Ne quid nimis; ut nec semper tecti, nec  
 semper nudi degamus: quandoquidem  
 illud quidem solutius, hoc verò prædu-  
 rum atque agreste videtur? Postremò,  
 dum galeæ cristæque patiens caput fit,  
 nec aures doleant ad tubarum clango-  
 rem, quid opus metamorphosi? quid fili-  
 ceis militibus? non hostium ista, sed pue-  
 rorum terriculamenta sunt, quoscunque  
 Perseus objecta Gorgone in scopulos  
 converterit. Quid, quod adversus subit-  
 os casus, & improvisam mortem neces-  
 sarium sæpè tegumentum est? Res pro-  
 fectò memoranda, cum eventus novi-  
 tate, tum exempli profectu, ut doceamur  
 quid periculi sit, sinè pileo se cœlo crede-  
 re. Æschylus ille fortioris tragœdiæ pa-  
 rens, urbis Siculæ menibus, in qua mo-  
 rabatur egressus, aprico in loco, sine ullo  
 capitis tegumento refederat. Jamque se-  
 curus fati, fortè grandes cothurnos, &  
 graves tyrannorum exitus, digna deni-  
 que trago nomina sibi fingeat. Quis po-  
 tuit sperare? aquila testudinem ferens,  
 cum calva senis saxi splendorem menti-  
 retur, capiti ejus, perinde atque lapidi  
 prædam illisit, ut fractæ carne vescere-  
 tur: quo ictu vir innocentissimus, sed hoc

uno incautus, quod sinè pileo prodiisset, extinctus est. Erat nunc Plato, atque lege lata pileum è civitate sua exterminet: cognitum experimento est, potuisse senis optimi vitam produci, si quod hactenus nulla lex vetuerat, pileo apricaturus caput muniisset. Quid, quod non munit tantum adversus subita, sed & calvitii pudorem pileustegit, nec ullum deformitatis istius honestius velamentum, quàm apex ob virtutem & eruditionem donatus? Cæsarem legimus, quod impatientius comæ damnum ferret, ex omnibus honoribus è Senatu decretis, non alium aut cupidius acceptasse, aut libentius usurpasse, quam jus perpetuæ laureæ: nulla enim coma, nullum corymbion tam elegans atque ornatum esse potest, quàm serpens per tempora virtutis honor. Hujus summi imperatoris exemplum imitari vos decet, ut dum corpus, annique laborum patientes sunt, aut lauream militiæ, aut pileum domi vobis paretis, ne si comam istam & delibutam cæsariem rapaces anni deprædati fuerint, cæperitque area esse, ubi nunc cincinnorum fimbriæ sunt, dicteriis obnoxii sitis, atque scommatis quæ in calvos jaciuntur; nec minus venerabilis senectus vestra sit, quàm virens atque formosa juvenus fuit.

Falli-



Fallitur quisquis sperat, empto decore tutum se adversus dicaces fore: non enim in calvos duntaxat, sed & in comatos Poetæ stylum stringunt. Ridebit alius caput calceatum, alius aures lana alligatas: alius exclamabit: Calvo turpius est nihil comato! alius deficientis hinc & inde capilli reliquias intuens: Vites censeo porticum Philippi, Si te viderit Hercules, peristi. Parandum igitur ejusmodi præsidium, quod non solum boni ultro laudent, sed & petulantes si velint, vituperare non possint. Est autem nihil omnino, quod à contemtu magis vindicet, quam honor virtute partus: per quem etiam obscuri homines clari exinde & nobilitatis potentes habentur. Ac licet vetus nobilitas impensè novitati invidere soleat, frangit tamen in excellenti probitate livoris genuinum, dumque fragili robiginosos dentes nec quicquam illidere parat, à solida virtute repulsa atque prostrata concidit. Quanta curiam de Cn. Flavio indignatio pervasit, cū libertini filius, ob communicatas populo legis actiones, ex scriba Tribunus plebis, & Senator, & ædilis curulis factus esset; non solum enim annulos & phaleras nobilium plerique posuerunt sed & cū ad collegam ægrū visendi causa fortè venisset, ex patriciis adolescentibus,

qui ibi affidebant, nemo venienti assurrexit. Tulit graviter vir cum meritorum fiducia fortis, tum contemptæ dignitatis ultor callidus, fellamque suam curulem adferri sibi iussit: qua occupata, anxios invidia honoris sui inimicos despexit, pulcherrimumque tanquam de victis hostibus triumphum egit. Quod factum, uti generosæ fiduciæ plenum, ita sapientiæ studiosis imitandum quis duxerit, ut si quando processui honorum suorum invideri senserint, pileum sibi, & togam anulumque adferri jubeant; quibus ornati pudorem incutiant universis, qui non perspectam virtutem, sed auditam nobilitatem, & fumosas atavorum imagines in medium adferre solent. Verum, non est sapientis adversus superbiam pari certare contumacia, cavendumque diligenter, ne dum dignitatis minutæ vindices agimus, pro modestia tumor, pro fiducia ferocia nobis obrepatur. Habet enim hoc incommodi nova fortuna, ut novas quoque spes adferat iis, quibus incremento aliquo arrisit, dediscantque naturam, quicunque ambitioni se dediderunt. Itaque pro industria primùm negligentia eis succedit: dein superbia: postremò luxus, ejusque gnata inopia interficit. Adversus hanc

pestem



pestem nullum præsentius remedium,  
quam modestia: neque enim à periculo  
longius absunt, quàm qui ita securi hono-  
rum sunt, ut tamen se ipsi summittant  
fortunæ. Sedeat igitur, sedeat sanè verti-  
ci apex iste, quem Themis ob virtutem  
donat: sed non ita fixus atque immobilis,  
ut Terminus quondam, qui nec Jovi ipsi  
voluit concedere. Quid enim superbius,  
quid inhumanius, quàm salutantibus vi-  
cem non rependere, ac tecto capite,  
clauso labello vix oculis & aspectu præ-  
tereuntes dignari? Quorum reverentia si  
nihil nos movet, saltem pericula aliena  
detertere debent: neque enim omni  
metu fastus expers, inulti semper mori-  
untur, quos alto supercilio contemnimus.  
Documento legatus quidam, ad nefan-  
dum Moschorum tyrannum Basilium,  
cui pileus intempestivè sumtus exitii, &  
quidem crudelissimi causa fuit. Peractis  
ille mandatis, seu errore ductus, seu am-  
bitione impulsus, texerat fortè injussus  
caput. Exarsit illicò ira tyrannus, totoque  
ex ore atque oculis ultionem spirans,  
cum expectarent omnes, quo tandem  
progressurus, aut quidnam acturus esset;  
repente marculum & clavos adferri im-  
perat. Attonitis sævitix ministris quid  
sibi vellet, & jam crucem, aut si quid cru-

& superbiam quandoque periclitati fuerimus, plus pileus obfuisse, quam profuisse videri possit. Qua propter vos, juvenes præstantissimi, etiam atque etiam exhortor, ut si aurea illa libertas, quam animi esse diximus, si dignitas vitæ, si nominis claritudo, qua supra vulgus assurgimus, vobis curæ cordique est; ad pileum hunc nostrum omni quidem ope contendatis: verum ubi perveneritis, ita parato fruamini, ut ne pileo mores, sed pileus moribus cessisse videatur. Ut enim quantælibet opes, si non ostentes, perfacile sinè damno habentur: ita honores quoque, nisi insolescas, haud difficulter sinè exitio geruntur. Rarò invidetur iis, quorum vis non timetur: at qui modum in voluntate habent, & titulos in occasione licentiæ cujusdam computant, hi omnium ordinum atque ætatum odia incurrere solent. Quorum vestigia ne sequamini, ante oculos vobis ponite plurimorū naufragia, quos arroganti felicitate longius provectos, improvisus odiorum turbo perculit. Cogitate, quæso, quā fit instabilis, quā fluxa fide fortuna: cui nō satis est turbasse sæpius spes rationesq; nostras, nisi easdē prorsus conturbaverit. Pro calculis enim mortales habet, qui ut in abaco ratiocinatoris modò chalcū, modò ta-

206 ANT. MATTH. ORAT. VII.  
lentum valent: ita homines pro lubitu for-  
tunæ, modò beati, modò miseri & cala-  
mitosi existunt. Utriusquè tamen fortis  
arbitri atque dispensatores sapientes clu-  
ent, qui nec adversus blandientem incau-  
ti, nec adversus instantem feroces sunt.  
Horum vestigia si æquo gradu, paribus-  
que spatiis subsequi volueritis, inter cli-  
vum Capitolinum & summænianos for-  
nices iter perniciæ ac periculis vacuum  
experiemini.



ANTO-

# ANTONII MATTHÆI O R A T I O VIII.

I N

## SIMULATOREM.

Recitata VI. Id. Febr. M. DC. XLII.

*Cum Iuvenes Præstantissimos,*  
CORNELIUM de BEER,  
THEDORUM à MERKERCK,  
GERARDUM SNOECK,

*Summis in Vtroque Iure honoribus  
ornaret.*



Uanquam in omnibus cau-  
sis plurimum eloquentia  
potest, maxima tamen vis  
atque admiratio in iudiciis  
elucescit; cum aut meritas  
de nocente poenas expeti-  
mus, aut innocentium famam, fortunas,  
vitam, contra improborum calumnias  
defendimus. Ac licet tueri reos, quàm  
facere vir bonus malit; propterea, quod  
non modò sordidum, sed & periculo-  
sum sit, committere ut quadruplator no-  
mineris: non tamen ita munus accusandi  
horre debet, quin patrię amore victus,  
publi-

publicam salutem ante rumores vulgi collocet. Etenim delatoris nomen etsi nunquam ferè bonum fuerit, nisi sub malo principe; semper tamen in rectè constitutis civitatibus hæc ratio accusandi summopere probata est, non tam privata cupiditate accensum, quàm publico periculo impulsum rostra conscendere; pro patria, pro sociis, pro salute provinciae verba facere; operam, studium, laborem in peragendis hominibus scelertis interponere. Hunc morem, siquidem ex prisca consuetudine repetere nobis liceret, nusquam credo forent, qui nunc passim peculatu, perjuriis, vi, venenoque in civitate grassantur. Sed quoniam optare magis, quàm sperare licet, Valerium illum Licinianum imitabimur; qui cum exul de senatore, rhetor de oratore factus esset, in discipulorum corona, quoniam pro rostris non licebat, de fortuna præfationibus se vindicabat: itidem nos, quoniam foro excludimur, atque à tribunali virga lictoris summovet, quod proximum est, quodque solum licet, in Academia reos faciemus. In qua, ne iudex quæstioni desit, vestra, A. O. cognitio erit: apud vos, tanquam apud iudices forte ductos reum hodiè faciam, non Similem illum, virum fortissimum, qui multis

tis

tis rebus præclarè gestis in agello suo innocentèr consenuit: sed hominem facerrimum Simulatorem, qui præter multas peccandi causas, quas natura ei suppeditat, ita per omnes scelerum vias grassatus est, ut vix ulla lex publicorum privatorumve judiciorum nominari queat, quam non ille sæpius perruperit atque violarit. De quo Resp. tota si una voce queri posset, ita diceret: Quicquid pudicitiae atque probitatis mihi domi, quicquid fidei in foro, pietatis in templis superfuit, id omne unus abstulit Simulator: quo nomine non, ut Sicularum quondam, sestertium millies, sed jus civitatis ab eo repeto, publicæque scelus in solas terras deportandum censeo. Si universa, ut dixi, Resp. queri posset, hoc stylo uteretur: quoniam id non potest, actorem harum rerum idoneum sibi dari postulat. Quem quidem utinam ex iis nactus foret, qui eloquentia atque auctoritate valent: ad nos quoniam deventum est, dabimus operam, ut si hominem minus facundum, saltem constantem atque fidelem nactus videatur. Tergiversandi sanè locus nullus relictus est, cum longè sit satius, vel minus idoneo postulante hominem flagitiosissimè legibus interrogari, quàm pati diutius, ut sine accusatoris metu leges civitatis

210 ANTON. MATTHÆI  
tis per vim ambitumque pessundet. Sed  
quia gravissimorum criminum reum a-  
cturus sum, ne ea supra veri fidem vul-  
gus putet; utpote, cui inepta credulitate  
fermè persuasum sit, virum bonum esse,  
quisquis vultum bonum habet: antequam  
ad crimina descendamus, vitam rei ante-  
actam paucis commemorabimus. Ita e-  
nim fiet, ut ubi & infeliciter natum, &  
flagitiosè institutum audiverimus, illud  
quoque intelligamus, quàm non incre-  
dibile sit, paulatim ex improbo turpissi-  
mum factum esse. Igitur, ut ab ovo quod  
ajunt, ordiamur, nemo est qui nesciat,  
primam virtutis & probitatis spem esse,  
benè gigni. Sicut enim artus & robor,  
ita virtutem parentum partus referunt;  
nec magis ex improbo integer nasci,  
quàm imbellis dama taurum, aut timida  
columba ferocem aquilam dare potest.  
Quod si quisquam est, cui infeliciter gi-  
gni contigit, is profectò Simulator est.  
Apud perfidos Pœnos, patre Hannone  
Perjuro, matre Callidia Blanda satus:  
quibus, cum majores nihil præter logos,  
natura nihil melius quam linguam reli-  
quissent, linguam in quæstum contule-  
re, logis usi sunt, ut occultius fallerent.  
Nam cum viderent, anceps plerunque  
honesti utilisque discrimen, & esse utri-  
usque



usque confinia quædam, ex quibus facile alterum in alterius speciem transire posset: callido commento honestum quidem laudare, uti sequi institerunt, ut & cum hoc sequerentur, illius tamen sectatores apparerent. Qua fraude cum simplicioribus imposuissent, non solum ad opes non spernendas, verum etiam plebis suffragiis ad honores invidendos pervenerunt. Nullum illis piaculare malum, nisi aut fructus dispareret, aut spes fallendi decollaret. Quod si latere se posse putarent, nec falso in aliena testamenta irrepere, nec specie tutelæ pupillorum rationes distrahere, nec invocato numine de sorte pejerare religio fuit. Ode- rant enim sapientem, qui sibi non sa- peret. linguam autem quærendæ, non per- dendæ rei causa sibi datam rebantur. His parentibus prognatus Simulator, atque ab eisdem nova sapientia imbutus, dum sibi magnificum putat, quod illis fuerat lucrosus, altius etiam atque ma- jores insurgere, privatoque patrimonio non contentus, de summa reip. cogitare coepit. Cujus ut pollens potensque fie- ret, non tam virtute, quam ambitu labo- randum sibi duxit. Virtutis enim semi- tam longam esse inaudierat, asperam, at- que difficilem; in qua superanda plerique defi-



deficerent ante, quam ad metam laborum pervenissent. Ambitus contra breve atque expeditum iter, quo facile proveherentur in altum, qui non tam factis, quam verbis, non virtute, sed ostentatione virtutis auram popularem captare norunt. Non illos prudentes censendos, qui rectorum & turpium discrimina tenent; sed qui populi naturam & modos temperandi callent, ut seu in foro causa peroranda, seu in curia sententia dicenda, seu in campo incerta comitiorum alea tentanda, in omni re atque loco sint vulgi favor & suffragia parata. Nec metuendum, ne in ipsa simulatione tanquam in flagitio deprehendamus: paucos enim prudentia honesta ab deterioribus discernere; plures specie virtutis habituque moveri. Postremò ita in animum induxerat Simulator suum; nihili esse hominem in Rep. nisi faver & versipellis sit; ut & bonis bonus, & malis malus fieri, & utcunque res est, ita mores animumque mutare queat. His ille monitis præmunitus, cum ad honores grandibus gradibus festinaret, nihil prius, neque antiquius habuit, quam ut neglecta sterili virtutum vitiorumque contentione, ambitus leges ad unguem nosset. Parum enim existimabat candidatum se pro-

*profiteri, nisi & in appellando blandus, & in conveniendo assiduus, & in largiendo benignus visus esset. Itaq; quod primum ambientium blandimentum habetur, nomenclaturam didicit, ut seu matutinū ave portandū, seu occurrentium aliquis prensandus esset, suo quemque nomine salutare posset. Sed quoniam difficile erat, in magno populo singulos nosse, non dubitavit nomenclatorem ad latus ducere, qui obviorum titulos, tanquam ferenarius aliquis tela subministraret. Nec tamen in omnibus salutandis tantundem studii atque operæ ponebat: noverat enim, universarum ferè tribuum eam esse conditionem, ut pauci in iis & factiosi dominarentur: reliqui aut pedibus in istorum irent sententiam, aut si hiscere contra vellent, numero tamen punctorum vincerentur. Quare si quando Simulus ei & Crito occurrerent, cives quidem boni & innocentes, sed qui ob id ipsum minus apud cerdones possent, neglectim salutabantur. Sin Marius aliquis, aut Carbo vel éloginquo apparuisset, ibi noméclator ille, hætenus securus, domino securo latus ferire, monere. Hoc age, here! hic Sentius, ille Saturninus est, qui plurimū in Scaptia tribu valet: Hic Glaucia ex cuius ore pendet Pöblica: Iste verò Icilius, qui familiā*  
*ducit*

cit in Velina. Non est, quod Titium & Sejum moremur: Bulbus in comitiis dominatur: In sua potestate Gutta & Stale-nus ebur habent. Tu, si sapis, probos & pusillos viros non floccifeceris! Digna res visa, in qua mancipio liber, seruo be-rus pareret: Itaque haut secus ac iussus, composita in adulantis speciem fronte, quam poterat blandissime Deos suos sa-lutabat. Utque non vultum duntaxat, sed & manus, pedesque orationi com-modaret, sic manibus, sic pedibus argu-tabatur, tantum basiorum, tot popyma-ta, tam crebros amplexus dabat, penè ut mimus è candidato factus videretur. A-sopum & Roscium, ludicræ artis peritif-simos viros, Hortensio agente in coro-na frequenter adstitisse legimus; non tam quod eloquentia ejus caperentur, quam ut foro petitos gestus, ad scenam trans-ferrent. O miseram diligentiam, & si bo-nas horas æstimes, penè infructuosam. Compendium laboris factum oportuit, Simulatorem spectando: quicquid in vo-ce blandum, in corporis motu decens est, ejus thesaurum inexhaustum possidet Si-mulator. Gallia morum civilitate nulli cedit: jamque à multis magno sumtu per-agratur, ut quemadmodum veteres A-thenis, ita nostri Lutetiæ humani-tatem

tatem imbuant. Næ illi nesciunt, quanto impendio quantas nugas agant! Simulatorem sectentur; is Galliam universam domi habet. Euge! quam comiter salutat! quam blandèprehendit manum! ut amicè complectitur! Credas amatoris esse oscula! ita ex vultu quoque & oculis elucet affectus! Ubi, es Pub. Scipio Nafica, qui adolescens ædilitatem curulem cum peteres, duratam rustico opere civis manum odorare non sustinuisti? Quanto te sapientior Simulator; qui non solum callos civium, sed & stigmata vibicesque servorum deosculari sustinet. Non ille cultis largiri, non delicatis supparasitari recusat: Ehem noster Geta! quid fit? quid agitur? Servum te maximi pretii! O quam Stiche servis liberaliter! Ita libertas lepida te amet! Heus Syrisce, accede propius, ut tibi demulceam caput. Postremò vix quicquam aberat, quin è fornice quoque sapientiam peteret, atque amatoris instar ancillis in aures promitteret, ut se libenter viderent, quum ad heros earum viferet. Quicquamne potuit fieri demissius? quicquam abjectius? ferri tamen ineptiæ poterant, nisi ex adulate divisor factus, tribuum suffragia pretio sollicitasset. Qua in re non solum occultus, sed & ita largus fuit, vix

ut

ut credi posset, fordibus partas opes, quæ tam liberaliter erogarentur. Non ille sportulam, non centum misellos quadrantes, sed rectas coenas dubiasque præbuit. Pauperis est turdum mittere, aut ficedulam: nec multum spei in boletis: ventrem saginant placentæ, non loculos. Magnis reus noster sestertiis pugnat: quibus qui pugnant, iis nihil inexpugnabile esse didicit. Ac quanquam in omni vita id solum honestum, quod utile, putat: nunquam tamen dubitavit opes simulatione quæsitæ, alia simulatione non tam profundere, quam viscatis muneribus inter tribules dividere: quippe, qui probè nosset, sapientis esse pecuniam negligere in loco: majore cum dote lucra quædam ad herum redire, quàm olim ab eodem abierint. Interea nec occultis calumniis competitores differre, nec minis ab ambitu detertere cessabat; quosque virtute depulso oportuit, eos fictis criminibus infamare non erubuit. Prorsus enim pro oraculo & foliis Sibyllæ venerabatur illud sycophantarum; Calumniare audacter: semper aliquid hæret. Neque defuit fortuna tam maligno hominis consilio: calatis enim comitiis, cum plebs suffragia iniret, tametsi & Lælii sapientes, & Scipiones magnanimi, & fortis Cæsar,

&

& invicta Catonis virtus in civitate essent; omnium prope tribuum suffragiis & statuta ei delata est: tantusque plebis concursus atque gratulatio fuit, ut humeris multitudinis domum reportari videretur, qui pedes in campum processerat. Audistis, iudices, quibus artibus honores adeptus sit; ambitu nimirum, & corruptis per adstipulatores tribuum suffragiis; quod quanquam vel solum grave crimen est, tamen quoniam ad alia longè graviora propero, gratiam homini legis Juliae non invito faciam. Audiamus, quemadmodum honores gesserit. Postquam compos votorum factus est, ne repente deprehenderetur turpissimus, quam hactenus graphicè finxerat, sustinuit aliquandiu personam: mox ubi confirmatum sibi imperium vidit, qua non scelerum licentia in Rep. grassatus est? quod uspiam tam pudèdum nefas, ad cuius cogitationem ille cohorrerit? Grande flagitium incestus est: infame adulterium: nec minus sceleris in peculatu. quid dicam de sacrilegiis? quid de veneficio? quibus omnibus licet tu, Simulator, totus contaminatus atque coopertus sis, tamen reum te nunc non faciam: non quod infra animadversionem iudiciorum sint; sed quod ludus jocusque præ

K                      illis,

illis, quæ tu in universa Rep. peras.  
 Quare nec illud dicam, quot testamen-  
 suppresseris, quantum numorum dele-  
 raveris, quot homines liberos verbera-  
 veris ad necem: Hoc dico; quicquid co-  
 dium, populationum, incendiorum ab  
 quot retro seculis factum est: si quæ ur-  
 bes everse, provinciæ exhaustæ, natio-  
 nes deletæ, id omne te auctore, tua op-  
 consilioque factum esse. Atque hoc tu  
 dico, ita tabulis, testibus, argumentis  
 comprobaturum me spero, ut aut he-  
 reus, judices, damnandus vobis sit, aut  
 judicia posthac in Academia nulla fore  
 ra sint. Equidem omnes ferè accusato-  
 res Serviliam legem laudant, quæ legi-  
 eis CXX. hominibus testimonium de-  
 nuntiare licebat, cum in pecuniariis cau-  
 sis non inviti sed voluntarii testes surge-  
 rent. Nos etsi latorem laudamus, bene-  
 ficio tamen legis nequaquam utemur  
 præterquam enim quod voluntarii tes-  
 tes undique plurimi se offerunt, & qua-  
 si occurrunt: etiam totæ provinciæ ad  
 dicendum testimonium paratæ adstant.  
 Quas quidem & interrogandas ut lubet  
 dabo: age si quid potestis; aut tu, aut pa-  
 tronus tuus: non invidebo laudem illam  
 oratoris: Benè testem interrogavit. Cal-  
 lidè accessit. Reprehendit. Quo noluit  
 adduxit.

adduxit. Convicit, & elinguem reddidit. Surgit in te testis Italia, quam tu cædibus, incendiis, direptionibus exhaustam, intoleranda servitute oppressam, vinctam tenes. Surgit in te testis Gallia, quam tu totos xxx. annos bellis civilibus ita afflixisti, ut nulla civitas tam munita, nullus angulus tam remotus fuerit, in quo non sævitiae & crudelitatis tuæ vestigia impressa cernerentur. Surgit in te testis Belgica, in qua tu multis annis tanta immanitate atque libidine bacchatus es, ut nisi liberator Arausione, tanquam sydus salutare affulisset, jam pridem ne vestigium quidem veteris fortunæ extaret. Surgit denique in te testis Germania, cui tu, cum florentissimam attingisses, tantas totos jam xx. annos clades intulisti, ut populosissimæ civitates ad solitudinem, nobilissimi sanguinis principes ad servitia redacti videantur. Atque hæc præterquam quod totæ provinciae loquantur, partim tabulis publicis, quarum fides testibus potior habetur, partim tuamet confessione constare possunt. Versantur inter manus hominum acta orbis diurna; sunt annales, sunt historiarum monumenta complura: nulla propè pagina est, quæ non tuum aliquod scelus loquatur. Quæ cum aut ius-



fu tuo vulgata , aut permissu compofita  
 fint ; & ab iis quidem , quos vel caufa , &  
 partium ftudium , vel facrorum commu-  
 nio tibi conjunxerant ; non eft , quod de  
 fide fcribentium queraris. Tanta enim  
 confidentia tua fuit , tam validè tibi blan-  
 ditus es , ut quæ nos crimini damus , ex  
 iis immortalitatem fperare aufus fis. Ita-  
 que & fœvitix tuæ miniftri , cum pro-  
 vincias quibus cum imperio præerant  
 vexarent , adeò non timuerunt Juliam  
 repetundarum legem , ut etiam fcelera  
 fua non incertis nominibus in rationes  
 referrent. Ea denique nonnullorum vœ-  
 cordia , is furor fuit , ut pro furca & cruce  
 quam meruerant , ftatuas ex ære , & arcus  
 triumphales fibi fponderent. Horum te-  
 ftimonia , Simulator , quæ in re aliena le-  
 via forent , in tua caufa , quoniam contra  
 te funt , graviffima effe debent. Quicquid  
 eorum luxuries in flagitiis , crudelitas in  
 fuppliciis , avaritia in rapinis geffit , id  
 omne te auctore gellum eft. Tu caput  
 & confilium : illi manum duntaxat faci-  
 noribus commodarunt. Tu enim Eryn-  
 nis illa , quæ palatia regum obfidere , quæ  
 ad aures imperantium excubare foles :  
 quas fimul atque peftilenti fpiritu tuo af-  
 flaveris , actum eft illicet de fortunis no-  
 ftris : vapulat libertas gentium ; mœret  
 pax

pax publica orbis terrarum. Tum autem ærarium, hæctenus silens & quietum, te moliente effringitur; fiscique regii per scelera exhausti, per alia scelera suppleantur; nec jam templum illud Saturni, sed spoliarium civium, & cruentarum prædarum sævum receptaculum habetur. Prodeat in medium opulentissimus omnium, quotquot orbis Christianus numerat regum: profiteatur quantum auri, dum obscœnum illum rictum tuum explere conatur, incassum profuderit: quid reliqui conturbante rationali fecerit. Quinquies mille, quingentas nonaginta quatuor auri myriadas perdidisse se conquestus est: nec alium vexatarum opum superesse fructum, præter regnum Lusitanum. Tu hic breviculus flagitia loquitur: à te, Simulator, rationes expensi flagitat. Rogo quis ille gurgēs, quæ tanta vorago, cui explendæ Crassi Croësique divitiæ pares non fuerint? Nunquid tuum illi pectus gurgēs, tuæ cupiditatis oceanus fuere? te auctore dum suos premit, alienos opprimit, incerto bellorum æstu in Syrtes & brevia abreptus, tantam fortunarum suarum jacturam fecit, ut ex montibus aureis ne lateres quidem aut lapilli pauci restarent. Non solum enim innume-

ris legionibus, immenso commeatu opus erat, ut armis opprimeres, quos fraude non poteras: sed & plurimi transfugas conducendi, multis percussoribus stipendia menstrua & alimenta annua præstanda, ut fraude tolleres, qui arma armis propulsabant. Ita quippe res rationesque tibi subductæ sunt, ut nihil prorsus interesse existimes, dolus an virtus in hoste superet, dum cadant illi, quibus iudicatum est, vitam potius bello impendere, quam libertatem à majoribus acceptam per ignaviam amittere. Jam quæ illustrior, quæ magis ingenua confessio, quam tituli tui, & sesquipedalia illa nomina? quæ quoties tam diligenter exigis, tam sollicitè nobis præscribis, ut propè causa cadendum sit ei, qui peccarit syllaba; subeat tandem aliquando recordatio facinorum tuorum: quibus artibus, quam fraudulenter in aliena invaseris, quot urbes, quot regna per vim occupaveris. Confecere procuratores tui tabulas diligentissimè: quæ res hanc utilitatem habet, ut nihil neque adjectum, neque deductum patrimonio possit latere. Quare, si qua est innocentiæ tibi fiducia, ede si potes, quas terras hereditate creveris, quantum pro legato, pro donato, pro dote teneas: faxy plura prædonis more possessa, quam

quàm legitimo jure capta deprehendantur. Nec satis tibi fuit homines innocentes laribus avitis evertere, nisi eosdem fortunis omnibus spoliatos, novissimè lanistis tuis in arena jugulandos objecisses. Ac ne materia sæviandi quandoque deesset, confecto hoste, ex civibus perduelles fecisti. Eum in finem genus hominum publico exitio repertum, delatores in civitate aluisti: quos, dum antiquata saluberrima Memmia rogatione, majores spes quam metus ostentas, ut innocentissimo cuique periculum facerent invitasti. Quis postea aut lætus uxorem ducere, aut securus liberos tollere potuit? tali seculo, quo non solum foecunditati pretium nullum, sed & graviora patribus, quam orbis supplicia metuebantur. Nemo filiis fragilitatis humanæ vices horruit, sed inter insanabiles morbos Simulatoris fraudes numerabantur: cui nemo tam innocens, quin singulari & unico majestatis crimine circumventus, miseram sævientis voluptatem unco atque ignibus expiaret. Hæc autem omnia, quæ dixi, si injuria provocatus magnitudinis defendendæ causa fecisses, aut sociis suppetias laturus in bellum non tua volûntate, sed necessitate incidisses, non tamen culpa careres: omnem quippe vin-

dictæ modum nimia suppliciorum diritate supergressus. Nunc cum ultro, & nulla plerunque noxa laceffitus, tantum fortunarum atque cruoris hauseris; dic aliquem saltem, dic, Simulator, scelerum tuorum colorem! Quanquam enim ex injuria insanis, nunquam tamen ita apertus fuisti, quin cum ratione insanire videri velles. Justa, inquis, arma sunt, quæ pro religione capiuntur: nec gratior victima Deo mactari potest, quam homo hæretica pravitate imbutus. Enimverò, nullo modo ferri potest, religionis studium criminibus suis ab eo præferri, cui ne mica quidem veræ religionis est: cui pro Deo venter, pro pietate ambitio, pro religione cupiditas est atque libido: cui nihil honestum, nisi quod utile; nihil sanctum, nisi quod expedit regno. Quæro enim abs te, Simulator, cum religionis prætextu Hispani insidiarentur Galliæ, quam maximè immensæ suæ cupiditati obstare rebantur, atque tu, ut soles, secretiori regum consilio te miscuisses, dederisne fidem iis, quibus imminebas? qua fronte quam dederas, violaris? Usque adeò publicæ quietis intererat homines diris devotos quoquo modo perire, ut vel prætextu fidei in exitium præcipitarent? Cautum erat eorum securitati

tati pluribus edictis; quæ aut facta non oportuit; aut cum facta essent, violata. Tuo contra consilio & facta sunt, & spregentium jure per summum scelus violata. Nam cum vel ratio naturalis deliberanti in aurem ganniret; grave esse fidem fallere: timendum ne fide rupta nullum supersit vinculum ad continendum genus humanum satis validum: efficacius tamen apud te oraculum ex Iberia allatum fuit; cum caneret Trophonius ille, quo trunculentior vix orcus habet; stultitiam magnam esse, aqua falsa aspergi, ut apuas & ranunculos capias: plurius esse salmonem unum, quam sexcentos gobios. Hujus tu crudeli & sanguinario præcepto obtemperaturus, cum piscinas Gallicas nec quicquam populatorus esses, ut rhombos caperes, florem nobilitatis sub specie nuptialis sacri Lutetiam contraxisti: ibi spectaculum illud, quo nullum magis infame atque horrendum secula viderunt, tanquam munerator edidisti. Tune religionem, tune pietatem obtendere audes, qui cum nuptias pollicereris, gladiatores dedisti? Inter pocula atque epulas, ubi libare Deo dapes, ubi benè precari mos est, ad conspectum gynæcei procacis, mactasti humanas victimas, & cruore Salico re-

sperfisti menſas hospitales. Non exhor-  
 ruiſſe te, ſi non coeli vim, terræque fa-  
 mam, at certè ipſam illam noctem, fa-  
 cesque illas nuptiales? non limen cubicu-  
 li? non cubile regium? O perfidiam homi-  
 nis incredibilem, atque omni ævo inau-  
 ditam! Credamus jam vera eſſe, quæ  
 Poëtę fabulantur; fuiſſe olim in Pelopon-  
 neſo Lycaonem quendam Arcadiæ ty-  
 rannum, qui quod contra fidem dextræ-  
 que pignus hoſpites ſuos noctu jugulare  
 ſoleret, à Jove in lupum converſus ſit.  
 Quid enim abhorrens à vero fabula habet,  
 cum non in Arcadia ſolùm, ſed & in me-  
 dia Galli homo homini ſit lupus? Exem-  
 plum omne amentię atque crudelitatis  
 exceſſiſſe Thermus quondam viſus eſt,  
 cum decem liberos homines contra jus  
 fasque necaſſet: quem cum M. Cato accu-  
 ſaret, concitato orationis impetu ita in  
 reum invectus eſt. Succidias humanas fa-  
 cis. tantam trucidationem facis. decem  
 funera facis. decem capita libera interfi-  
 cis. decem hominibus vitam eripis, indi-  
 cta cauſa, injudicatis, indemnatis: O ſan-  
 cte Cato! tune decem cædes trucida-  
 tionem facis? tibi decem capita trages  
 ſunt? quid dicturus, ſi in Simulatorem in-  
 ſcripiſſes? Non ille decem homines, non  
 decem hominum millia, ſed univerſas  
 penè

penè nationes excidit, injudicatas, in  
 demnatas. Unicum illud ferale munus  
 triginta hominum millia Galliæ abstulit:  
 quantum ergò cruentus ille mucro totis,  
 quibus defæviit, triginta annis? Sileat  
 jam vetustas Ser. Galbæ perfidiam, qui  
 cum Lusitaniæ præesset, trium civitatum  
 convocato populo, tanquam de commo-  
 dis ejus acturus, septem millia, in quibus  
 flos juventutis consistebat, electa & armis  
 exuta, partim trucidavit, partim vendi-  
 dit. Nihil Thermus, nihil Galba ad Si-  
 mulatorem! latrunculi, non imperatores  
 sunt, quicunque cæsos & spolia numerare  
 possunt. At enim, quam denique gra-  
 tiam hero retulit, cujus armis latè Sequa-  
 nam Rhodanumque sanguine civium in-  
 nocentium tinxerat? nonne laudibus in  
 cælum extollere? res ejus gestas Herculis  
 laboribus anteferre? Ille quippe pauca  
 monstra ægrè domuerat: hic innumeras  
 hydras uno prope spiritu eliserat. Verùm,  
 ut infida est omnis scelerum societas, ita  
 postquam rex cædium satur à vi atque ab  
 armis abhorrere cœpit, verso in furorem  
 animo, deferuisse henoticorum causam  
 commentus est: eoque odii, invidiæ, con-  
 temtus nomen illud, quod Francis hæc-  
 tenus sacrosanctum & inviolabile fuerat,  
 adduxit, ut infima plebs, quæ laudibus ante



in cœlum tulerant, ejus viventis imaginem, è Capitolio avulsam, per totam civitatem unco traxerint: mox sub hasta injuriosè vendiderint, clamante improbissimo quoque pro præcone: Licitatur regem carnifex quinque assibus, ad restim sibi emendam. Inunc, Simulator! religionem obtende sceleribus tuis: qui tam religiosus es, ut ne ei quidem peperceris, qui ex rege penè cucullatus factus erat. Tibi sacra curæ sunt? tibi fides & Dei delubra? Spectate, judices, os hominis, nisi impudentissimus bipedum omnium est. Diis ille, Deabusque suis imputat eum cruorem, quem non pietatis, sed securitatis suæ causa profudit. Eo quippe crudelitas ejus evaserat, ut mores mutare non posset, nec pateret ad meliora regressus. Cædes cædibus, rapinæ rapinis contegendæ erant, ut in possessione potentiæ omnibus jam suspectæ atque invisæ manere posset. O miserabilem illum, cui malo esse necesse erat: veruntamen miserabilem sibi, non vobis judices: nefas enim misereri tyranni, qui tantum cruoris, tam avidè, tam immisericorditer haurire non extimuit. Atque utinam intra cædes & sanguinem stetisset ejus crudelitas, nec seculi quoque mores pessimus disciplinæ corrupisset magister. Res est profectò

profectò animadvertenda, & quæ ascensum posteritatis vix sit habitura. Quæ ille tempestate in Gallia non vi magis quam fraudibus grassatus est, tam fluxa, tam sublesta fides fuit, ut anno magno Clementis VIII. decem & amplius hominum millia falsi crimen sacerdotibus suis confessi sint. Tunc sanè experimentis cognitum est, quantum in utramque partem possit regnantium vita, in quam tanquam in speculum intueri subjecti solent. Ut enim boni principes felicius exemplo, quam imperio regunt: ita ubi imperium à bonis ad malos pervenit, pessimos, qui his placere volent, effici necesse est. Eja, detur jam Simulator præfectus moribus! audiat magister veteris disciplinæ! nã ille brevi pestilenti seminio suo ita civitatem obferet, ut pro bonis moribus scelerum ubique & flagitiorum messis maxima futura sit! Verum satis diu hæsimus in Gallia: transeamus nunc, iudices, in Germaniam: in qua quemadmodum reus magnum Augusti nomen tutatus sit, operæ pretium est cognoscere. Adductus ad aram, qua nec Samothracum delubra, nec Lugdunensium aræ plus numinis atque terroris habent, præeunte Pontifice, conceptis verbis dejeravit, non solum

lum terras imperii, nationes, oppida, jura, uti optima maxima erant, ita successoribus se restitutum, sed & si quid ab aliis non jure possessum, captum, avulsum; postremò, si qua actio, petitio, persecutio esset, ea ne reip. deperirent, diligenter annisurum. Quid tum postea? perinde ac si lingua jurasset, mentem injuratam gereret, non solum religionem sacramenti impiè contempsit, sed quod omnium gravissimum, quos tuendos ornandosque suscepit, cum iis pro servitute bellum gessit. Atque ut ne æquitas causæ armis deesse videretur, desertos majorum ritus, & conculcata summi Pontificis jura questus est. Hoc quoque cum sine periculo non posset, ut dissolveret, quos eadem sentientes pietas conjunxerat, in rebelles se ducere dictavit. Itaque divisis principum studiis, impares viribus subacti duo; ac ne alter quidem armis devictus, sed veteratoria verbi unius cavillatione deceptus. Ducti postea diu, tanquam fercula in triumpho: nec cessisset spe sua Cæsar, nisi ab eodem, à quo ante adjutus, contraria simulatione dejectus fuisset. In Belgio autem nostro, quanta ejus fuerit intemperies, quam crudelis, simulatio, quid referam? Sedent, judices, in vestris subselliis, qui per ætatem meminisse possunt,

sunt, quemadmodum majores sui hujus scelere, aut in exilium acti, aut ferro mactati sint. Nec quisquam vel in provincia tam hospes, vel in historia tam peregrinus est, quin fando acceperit, quanta Troponii illius sævitia simul & superbia fuerit; qui successore accepto è provincia decedens, octodecim millia hominum, præter eos quos justæ acies abstulerant, carnificis manu necata gloriatus est. Tot animas, cum sub hæreticorum elogio ad orcum mitteret, centesimam vicesimamque suam urgebat: cum religionis causam obtenderet, libertati & privilegiis provinciarum insidiabatur. Sperans scilicet, tam facile subigi posse viros ad libertatem natos, quàm facile ab Hispanis inermes Indi subacti, cum milite non causa meliores Oceanum transissent. Ex quo arma armis opposuimus, vinci que posse constitit, qui invictos se gloriabantur: quid non Simulator molitus est, ut discingeret, quos intolerandæ servitutis metus cinxerat? quibus technis, quantis, quamque fallacibus promissis concordiam publicam labefactare conatus est? Jam diu laqueo cervicem præbuissemus, nisi fraudum gnaris pro credulitate diffidentia subiisset. Inde tracto præter opinionem diutius bello, ut impensas ejus alio bello sarciret, in Germa-

maniam reversus est, ubi dissidentes armis principes, & intestina populorum odia, quanto acriora, tanto majores ei spes fecerant. Quis fando enumerare valet, quas ibi clades fecerit, quot arces; quot oppida solo æquaverit? Regiones armis, equis, viris potentissimæ mutuis lanienis ita attritæ & exhaustæ sunt, ut externis ægrè sustententur auxiliis, quæ præsidio exteris esse solebant. Verum, omnium seculorum immanitatem exsuperat tyrannis illa, quam novus orbis expertus est. Immenso Oceanus diviserat à nobis ipsa rerum natura populos; barbaros quidem, nulla tamen re Simulatori obnoxios, nisi quod haberent aurum: Cujus fulgor simul atque oculos plusquam lynceos vel leviter præstrinxisset, atque ad nares vulturis in rupe hiantis uncti cadaveris odor advolasse visus esset, ut cupiditas aliena invadendi lateret, religionis ansam arripuit, Romamque profectus, prope tertiam orbis partem tanquam provinciam assignari sibi petiit. Annuit sanctissimus pater supplici: quid enim negat ille, quoties non de suo roga-  
tur? Itaque classibus armatis in eum quem dixi orbem profectus, ut immensam auri  
argentique sitim pietatis specie tectam expleret, ô coelum! ô terra! ô maria! quantam ibi trucidationem fecit? quot nationes

nes ad internecionem delevit? Non jam de septem millibus, non de triginta millibus querimur: innumeras hominum myriadas partim ferro, partim latumiis, partim margaritarum piscatu confecit: quique tractus terrarum populosissimi ante fuerant, ad solitudinem hujus succidiis redacti sunt. E hodum Simulator, responde quod rogo, si tanto religionis studio ducbaris, cur ferro excidisti, quos verbo salutari imbutos oportuit? Si ea, quam simulas, sacrorum tibi, cura cur in metallum damnaſti, quos metalli contemptum docere debuisti? Quid autem, si sacer rudens & apostolorum horiæ te delectabant, cur ad hamum & conchas dedisti, quos pisces hominum factos decuerat? Penè centum ac quinquaginta anni sunt, ex quo Argonautæ tui in Colchidem illam profecti sunt? Cur litora duntaxat legerrunt? cur montes argenti venis nobiles? Solæne aurei velleris oves cælesti doctrina dignæ: indigni contra quibus pro argento ferrum, pro purpura pelles, pro jaspide filices natura dedit? An magis columbis rete tendis; non accipitri, neque milvio, qui nocere possunt? quoniam in illis fructus est, in his opera luditur? Quid igitur planius, quam aurum te non animas sectari? cujus ita avidus es, ut raro  
justior

justior belli causa; hostesque judicentur, non qui Cyclopum insulas & infames Cilicum scopulos, sed qui Picorum montes habitant. At enim, quæ est defensionis tuæ impudentia, etiam regno necessarios dolos dicis: nec posse imperare eum, qui nescit simulare. Fidem quidem & promissorum constantiam laudandam: ipsius tamen fidei legem ac normam salutem esse regnantis. Quid ais, homo omnium quantum est impurissime? an quia religionem cum ambitione confundisti, tanto facilius prudentiam cum perfidia commiscere te posse sperasti? Usque adeo ficulneus tibi Jupiter est, ut perjuriam tua utilitate regni rependi putares? Frustra ergo natura, frustra gentium consensus dictavit, grave esse fidem fallere: nam si id cum incommodo tuo conjunctum sit, servasse fidem longè tibi gravius crimen, quàm fregisse. Equidem Stoicum te hætenus putavi, cum ista caperata fronte tua: nunc intus & in cute Epicureum video, qui summum bonum non virtute, sed commodis tuis metiris: itaque existimas, aut Deos humana non curare, aut si quando oculos in terras demiserint, & facta mortalium inter curas suas numeraverint, catholicum mentientem longè eisdem gratiorem esse, quàm hære-

hæreticum vera dicentem. At vide, quos tu viros, quæ historiæ lumina hac nova sapientia condemnes. Tuo iudicio stultus fuit Attilius ille Regulus, qui ad certam mortem, & exquisitissimos cruciatus proficisci, quam fidem Pœnis datam, violare maluit. Te censore superstitiosus Alexander ille, cui totius orbis consensu Magni cognomen delatum est: qui turpe sibi duxit Persas noctu vincere; ne victoriam tenebris potius, quam virtuti deberet: tantum abfuit, ut perfidiæ licet fructuosæ quicquam deferendum iudicaret. Te iudice pueri veteres illi Achæi, qui dolum, quo tu erga socios uti soles, ita averfabantur, ut ne hostes quidem per fraudem vellent vincere; atque etiam inter ipsos conveniret, ne telis occultis, aut missilibus è longinquo jactis alter in alterum uterentur. Ne priusci quidem Romani ultra prætextatos fuisse tibi videntur; qui gravissimum hostem Pyrrhum, ac penè victorem, veneno tollere non sustinuerunt: non quod non Romæ expediret, fortissimum Æacidarum quoquo modo tolli: sed quod gloriose mori, quam turpiter vincere malent. Hi omnes tuo iudicio fungi, blennones, bardis: bulla non sceptro digni: quidum fidei fideliter ancillantur, publicæ salutis



salutis prodigi, ac penè proditores extiterint. Scilicet, hoc restabat ad salutem imperii, ut curator imperitis adolescentulis daretur Simulator! nihil de summa reipublicæ princeps, nihil Senatus decernat, extra quam si fundus atque auctor! factus fuerit porcus Epicuri. Ille consilium, ille oraculum civitatis esto: nisi quod ratum Pœno punior habuerit, id omnes, ut incestum & inauspicatum damnanto. O scelus! o labes! Tunc, curatorem, tu iudicem atque arbitrum reipublicæ te dari postules? At quonam modo rem civitatis salvam fore speremus, cum nihil civium, omnia tua causa facias? Quis locus apud te in sanctiendis foederibus formulæ illi fiduciæ; Inter bonos benè agier? quis enim bonus? qui omnia libidine atque cupiditatibus suis metitur; Qua tibi ratione placebit Jovem lapidem jurare. cum existimes Jovem iratum esse nemini posse? Tene aram odes Simulator, magnumq; Deorum jusjurandum dejura; Si sciens fallo, tum me Diespiter! Quid postea? Cedo sponsonem & arbitrum, nisi vi metuque hoc extortum sit: nisi dolo malo instipulatus sis: nisi etiam dum minor sis annis viginti quinque. Ubi omnia defecerint, nemo, inquis, Pontifex meo perjurio esto: non perdendæ, sed servandæ rei causa

causa jusjurandum conditum est. Ita nullam sanctam religionis formula, quam non tu præscriptione aliqua possis infirmare. Verum enimverò, satis jam verborum fluxisse videtur; atque etiam distædet cum istoc diutius loqui: tot tantæque ejus flagitia sunt, ut si omnia & singula oratione persequi velim, nox ante oppressura sit, quam ad finem accusationis pervenire possim. Quare vela contrahens ad vos, judices, me convertito: vestram fidem, religionem, æquitatem appello: jurati sedetis, ut de homine nocentissimo pronuntietis; quemque optimus quisque sordidatum videre diu ac necquicquam concupivit, is tandem aliquando divino munere in judicium adductus est. Nunc specimen specitur, nunc certamen cernitur; utrum vobis unius nebulonis gratia, an universæ Reip. salus potior sit. Magnum onus, fateor, & periculosum suscepistis: veruntamen dignum, in quo omnes corporis ingeniique nervos contendatis: ne si reum elabi siveritis, universi judicantium ordines unius improbitate & audacia victi dicantur. Est autem eo diligentius vobis enitendum ne elabatur, quo ille in corrumpendis judiciis exercitior est. Scit nihil esse

esse tam sanctum, quod non violari, nihil tam munitum, quod non expugnari pecunia possit. Itaque non obscurè præ se fert, iis esse metuenda judicia, qui quod ipsis solis satis esset, furripuissent: se tantum rapuisse, ut id multis iudicibus satis esse possit. Præter has argenteas lachrymas, veras etiam flere doctus est. Novit enim, quantum L. Pisoni ambitiosus imber: quantum A. Gabinio filius Sifenna humi prostratus: quantum Ser. Galbæ parvuli liberi populo ostentati profuerint. Adversus has stellionis artes, iudices, integritate, fide vigilantia opus est, cavendumque diligenter, ne quem divinitus suffragiis vestris subjectum gaudemus, eum intempestiva subselliorum misericordia poenæ subducatur. Quanquam enim in iudice clementia magis, quam rigor laudetur: ita tamen existimare debetis; non clementis, sed crudelis esse iudicis, unius perditæ vitæ multorum salutis præferre. Videtis, quanta sit hominis pervicacia: quam insatiabilis furentis crudelitas. Invasit hinc Italiam; inde Germaniam: vehementior incubuit Galliæ: mox Belgio: quid multis? ne quid uspiam conquiesceret, novissimè transit in Britanniam. Atque utinam furoris ibi finem faciat, & opprimatur ante, quam opprimat. Cæterum tanta homi-

nis

nis velocitas est, tam improvise impetus, ut qui nunc toto orbe semotus videtur, nisi etiam atque etiam caverimus, momento temporis supra cervices nostras constiturus sit. Videtis, quam perniciosus idem sit exemplo: quem non angulum orbis secta viri velut contagio pervaserit. Nulla ferè societas est, nullum collegium, in quo non sint qui sibi licere putent, quod Simulatori fuit incremento. Itaque passim in aulis jam Tigellini, in templis Ecebolii, in Academiis Zoili: militiae Thraiones, domi Saturiones atque Peniculi dominantur. Vestra parafiti obfident limina. Stat religiosus adulter ante thalamum: sollicitant mœchi custodis fidem. Radunt æra, tingunt numos, signant testamenta falsarii. Non frater cum fratre, non conjux cum conjuge vivit sine mendacio. Postremò præmia virorum fortium invadunt nunc præficæ: quosque virgis cædi decuerat, iis fasces præferuntur. Talem tantamque pestem ut terris avertatis, tempore suo necessario rogat resp. quæ quamquam ita de vobis meruit, ut velle debeatis, quæ jusserit, nunc tamen supplex orat, obsecrat, ut si se salvam velitis, tabulas vestras, non infami, sed legitima cera impletas in urnam mittatis, eademque litera reo exitium, sibi salutem adferat.

Quod

Quod si existimaveritis, stultum esse reg-  
 norum multorum potentem damnare  
 velle, qui ubivis habiturus receptum; sal-  
 tem è civitate, ex ædibus, postremo ex  
 animis vestris scelus exterminate. Ita-  
 nim fiet, ut cum pudicitiam penatibus,  
 candorem collegiis, integritatem curiæ,  
 pietatem templis restitueritis: aurea illa  
 fides, quam Simulator per summum sce-  
 lus exegit, ad nos postliminio revertatur:  
 quantum que mæroris ex abitu conce-  
 pimus, tantum contra voluptatis ex redi-  
 tu ejus nos percepisse sentiamus.



ANTONII MATTHÆI<sup>241</sup>  
O R A T I O IX.


PRO

LEGE CONSTAN-  
TINI M. DE ADULTERIS.

Recitata Idibus. Febr. M. DC. XLIV.

Cum JACOBO LIEFTINCK

*Summos Iuris utriusque ho-  
nores conferret.*

 I quæ rectè atque utiliter in  
publicum constituta sunt,  
ea pro æternis servarentur,  
haut dubiè & minor juris  
contemptus, & major pec-  
candi formido in civitate  
esset. Timetur enim lex, quæ surda est,  
& inexorabilis, nec se rescindi minuive  
patitur: at quæ in suffragia populum mit-  
tit, aut principis placito refigi non indig-  
natur, à maleficiis impios haut quaquam  
deterruerit. Multa hoc exempla palam  
faciunt; sed in primis Constantini M. re-  
scriptum docere potest. Sanctissima lex,  
stolæ matronalis unica custos, & violatæ  
pudicitiae acerrima vindex, sacrilegos a-  
L                      lienā-

lienarum nuptiarum gladio feriri iusserat  
 Non dignitas, non sexus à supplicio im-  
 munis: omnes enim mortales magni prin-  
 cipis edictum alligarat. Cujus reverentia  
 quamdiu valuit, severa steterunt matrimo-  
 nia, & formidatus protervis publicæ que-  
 stionis iudex. Postquam nequior Justi-  
 niani constitutio irrepsit, qua amicum fi-  
 bi sexum horrore mortis solvit; tunc pri-  
 mulum Christiana natio de magnitudine  
 flagitii ambigere coepit: dein exolescen-  
 te poenarum metu, in omnem libidinis  
 licentiam effusa est: Nec Græciæ dun-  
 taxat ea calamitas fuit, aut intra Thraciæ  
 fines stetit; sed Hellesponto egressa, ex-  
 trema Germaniæ Galliæque litora per-  
 vâsit. Quæ me res movit, ut cum omni-  
 nò in hoc amplissimo confesso verba faci-  
 enda sint, non Cincias rogationes, aut  
 Calpurnia scita, nec creberrimam illam  
 discordiarum facem agrarias leges; sed  
 saluberrimam Constantini M. de adulte-  
 ris sanctionem suaturus surrexerim. Ete-  
 nim adversus alias quidem injurias satis  
 provisum legibus: Sola prope lecti inju-  
 ria est, quam poenæ levitate dissimulari,  
 omnes bonæ atque pudicæ mentes que-  
 runtur. At cujusmodi injuria? Scelestâ  
 profectò, & nefaria; quæque uno nomi-  
 ne multa simul flagitia complexa videat-  
 tur.

tur. Quod enim sanctius in rebus humanis vinculum matrimonio? Quæ fides tam cupida firmatur dextra, tot signa, tantos auctores habet, quam conjugalis? Auctore Deo immortali, auspice ecclesia, signatoribus parentibus atque amicis, faustis ominibus populi, vir foeminaque conveniunt in eundem thorum. Una mens omnibus, unum idemque contrahentibus votum; ut quemadmodum natura monet, ratio dicat, jus flagitat, castè atque concorditer ætatem unâ agant. Nihil extra maritum uxor; nihil extra uxorem quæsierit maritus. Quicquid in vita honestæ atque concessæ voluptatis est, id unius conjugis gremio clausum atque obsignatum putetur. Hæc auspicia, hanc votorum summam, neque anguis per impluvium illabens, neque ater canis in ædes irrumpens, sed quovis cane impudentior mœchus turbat; cui nullus in civitate tam castus thorus est, quem non illecebris suis expugnare se posse speret. Vadit effrenis audacia ad cubicula maritorum, & limina pudicitiae consecrata sacrilego furore molitur. Non pudor, non legis metus, non numinis horror retinere ruentem possunt. Perfringit atque prosternit omnia libidinis protelo. Vincit pudorem cupiditas, ra-



tionem vecordia, timorem audacia. Dignum profectò scelus, quod non solum acris Poëtarum manus stylo confodiat, sed & legislator ingenti cruciatus terrore circundet. Nam si improbus atque injurius judicatur, qui cum jus eundi non haberet, per fundum alterius septum iter fecit: quanto improbius judicandus ille, qui ruptis pudoris repagulis in alienum cubile irrupit? Si petulans atque protervus est, qui stillicidium suum invito domino in alienas ædes, aut aream immisit; quanto petulantior qui recentes lasciviæ notas alieno thoro impressit? Postremò, si cruce dignus, qui aut furtum fecit, aut merces supposuit, aut numos vultu principis signatos rasit: quo tandem supplicio eum dignum judicabimus, qui patrifam. partum adulterinum subjecit, lectumque genialem ipsius numinis caractere signatum incestu Veneris fordibus polluit? Gladius, gladius, inquam, hominem nefarium atq; sceleratum manere debet: non virgæ, non carcer, non infamia supplicii satis. Anima eripienda mœcho est, qui quæ anima chariora sunt, ea nefando scelere inquinat atque incestat. Quid, quod non ad singulos duntaxat ex stupro calamitas, sed ad rempublicam quoque magna turpitudinis portio pervenit? Infelix civitas in  
qua

qua mœchi grassantur: siue pariat adultera, siue non pariat, vulnus accipit. Nam si conceptum abigere timor coëgerit, Rempublicam cive orbari necesse est: sin enixum tollere audacia præsumserit, censer inter tribules sinè pudore non poterit. Jam necessitudines, & familiarum dignitas, & patrimoniorum successio, qui consistere in civitate pollutis nuptiis possunt? Quo modo aut ordo edictorum in dandis bonorum possessionibus procedere, aut populi scita in deferendis imperiis obtinere possunt, nisi sui cuique liberi, & illæsa conjugia, intactæque ab omni labe familiæ permaneant? Num parva res videtur, Equitios Gracchis, Didymos Scauris, Herophilos Mariis supponi? Calcas cum Claudiis, Pannicos cum Liciniis apud Centum viros de fortunis contendere? irrepere in Lamiarum ceras Lygdos, Damas, Gyrthas, Nomentanos? Omnia hæc ejusmodi sunt, ut vel invitis fatendum sit, nullum majus civitatis dedecus esse, quàm vagos concubitus, contaminata cubilia, & incertos civium natales. Non agri sterilitas, non cœli inclementia, non ædificiorum ruinæ tam aspectu deformem faciunt. Quicquid vitii est quod urbes infames & inglorias reddit, id omne superat incerta matrum parti-

tudo. Apud Athenienses in probro olim habitum, si quis altero parente cive, altero peregrino natus esset; itaque contumeliæ causa hybrida appellabatur. Quod si peregrinitas in probro, quam solum jus civile spernit, quanto majus opprobrium mœchia, quam non solum civitatis instituta, sed & naturæ leges averfantur. Et enim, ex peregrino civem facile adoptio facit: nec poenituit Romam Julios Alba, Coruncanios Camerio, Porcios Thusculo adscitos: Balbos ex Hispania, nec minus insignes viros ex Gallia Narbonensi translatos. At summissos ex villa Mauros, ex culina Carpos, ex fornice Crotos & Sarmentos, quis tam potens legislator est, qui inter cives censere absque infamia publica possit? Et hoc tamen totum, quantumcunque est, seu damnum, seu dedecus reipublicæ circa recens natos est: viros verò quot & quantos adulterorum infidiis periisse putabimus. Novissima mœchis matrimonii voluptas esse solet: quo ut potiantur, non dubitant maritum aut toxico tollere, aut diris defigere. Si neque carmina quicquam, neque boleti profecerint, Clytemnestræ animos & audaciam fument, incautosque conjuges securi ferient. Sunt quas ne mariti quidem cruor satiat, sed ut pluribus victi-

mis

mis Venerem placent, liberorum quoque vitam adulteris donant, quasque far-repuro & precibus oportuerat, sanguine & veneno nuptias auspicantur. Itaque si usquam verum quòd vulgo dicitur; nullam calamitatem solam esse; in matrimonio id verissimum est: nam & lecti injuria per se sola, supra quam dici potest, acerbitate exuberat, & agmen multorum malorum secum trahit. Quod intuentes, credo, prisci illi Lacedæmonii, cum adversus eos quos vehementer oderant, gravissima execratione uti vellent, inter reliqua domus exitia imprecabantur, ut uxores ipsorum adulteris delectarentur. Nec minor in mœchos cæterorum Græcorum indignatio fuit. Primùm enim pleræque civitates deprehensos in turpitudine impunè necari permiserunt: indignum quippe judicabant; cædis causam ab eo dici, qui interpellatos amores, pudorem cubiculi, spem liberorum expugnatam, occulto illo & inenarrabili æstu ultus esset. Tum autem Thuriorum lex alios quàm adulteros, in comædiis nominatim proscindi vetuit; quasi hæc una labe publica nota & infamibus punctis esset vindicanda. Apud Athenienses adulteræ ornamentis omnibus spoliatae ingressu templorum arcebantur: si contra

fecissent, penè tanquam sacræ omnium injuriis ita exponebantur, ut excēpta morte, nihil non in eas liceret. Severius Locrenses & Crotoniatæ: quorum illi mœchis utrumque oculum erui: hi vivos ultricibus flammis cremari jusserunt. Cum enim uxoris pudicitia viro bono & oculis & vita carior sit, utrisq; rebus privari debet ille, per quem quod longè charissimum est, amisimus. Quod si relicta Græcia in dissitas orbis partes proficiscamur, non minori severitate in adulteros animadversum reperiemus. Apud Parthos ut Justinus scribit, nulla delicta adulterio gravius vindicabantur. Apud Lydos & Arabes similiter non sicarii magis quam mœchi capitis damnati. Nec multo leniores Ægyptii, qui mille plagis adulterum, narium truncatione adulteram mulctabant, ut qua parte corporis maxime placuisset, ea scœdior atque deformior appareret. Apud Germanos veteres poena præsens & maritis permissa. Accisis crinibus, nudatam, coram propinquis expellebat domo maritus, ac per omnem vicum verbere agebat. Subinde, cum ne sic quidem poena flagitio par esse videretur, Gothi, Longobardi, Vandalī, morte mœchos plecti: Burgundiones raro severitatis exemplo, etiam eam

quæ

quæ finè causa virum deseruisset, cœno-  
mersam necari voluerunt. Atque hic  
cum barbarorum in vindicandis adulte-  
riis sensus fuerit, quid Christianos legum-  
latores sciscere æquum fuit? Cum ea inju-  
riæ magnitudo, tanta deformitas sit, ut sin-  
gulis dividia, universis damno atque de-  
decori habeatur: nonne rectè Constan-  
tinus ultimum supplicium hominibus sa-  
crilegis irrogari iussit? Quisquis enim ma-  
trimonia in civitate tueri vult, huic non  
solum ab injuria, sed etiam à suspicione  
injuriæ sunt defendenda. Nam cæteris in  
rebus cum venit calamitas, tum detri-  
mentum accipitur: at in matrimonio non  
solum adventus mali, sed etiam suspicio  
ipsa facit calamitatem. Quam, qua tan-  
dem diligentia, quibus custodiis sepi vi-  
tare poterimus, nisi lex judicem armet,  
& secures peccantium cervicibus im-  
mineant. Miserum maritum, quem sub-  
fessor matrimonii dormire non finit! cui  
in sinu jacens uxor, tanquam hostis in-  
tra muros pertimescenda! Tectus ad-  
versus aliorum insidias esse potest: u-  
xorem verò qui cavere potest; quam e-  
tiam si cavere velit, officium conjugis læ-  
sisse videbitur. At postquam securitas  
nuptiis Constantini M. beneficio parta  
est, tum credo exclamare libuit maritis:

Jo magne princeps, victor & triumphator semper auguste! Nunc demum uxorem ducere, nunc dulces heredes tollere juvat! Te custode secura domus gaudet, timet concussorem lectus conjugalis! Tua sanctio maculosum nefas domuit: censentur tandem prolesimili puerperæ. Præbent gladio cervicem adulteri, majoremque doloris quam voluptatis vim ostentat cupidis licitor armatus. Quid contra Flavius noster Justinianus? Quicquamne sollicitudini tanti principis adjicere potuit? Magna ratio, si pro gladio crucem, pro securi ferarum laniatus substituit: si aut ereptum accusandi jus populo reddidit, aut sublato quinquennio perpetuam inscribendi facultatem iudulfit. Nihil ille horum: nihil aut ausus, aut potuit. Quid ergo? Durior ei lex in foeminas visa est: itaque virorum quidem cervices carnificis mucroni subjectas reliquit: at foeminas virgis cæsas in monasterium detrudi præcepit. Quid hic primum, quid postremum conquerar? Minuta virorum jura, & subjectum stolis togarum decus? An magis audaciam legislatoris, qui spretis sacrae pagine minis, quas vox divina morte plecti voluit, eis vitam intempestiva clemencie laude concessit? Equidem, cum dotium privilegia,

& ta-

& tacitas mulierum hypothecas, atq; alia hujusmodi rei uxoriæ præsidia audimus, nemo nostrum est, qui animo valdè commovetur: hætenus enim succurrere fragilitati licet quatenus id finè publica injuria atque dedecore fieri potest: at cum in capitali scelere deprehensis ultimum supplicium remittitur, quis tam remisso, aut communi animo est, ut id ferendum putet? Esto: transtulerit in Flavium lege regia omne jus suum populus; legibusque solutus suo arbitrato album ille figat, atque refigat. Quis divina lege principem solvit? Quis regnum extra naturæ fines collocavit? aut sceptrum præscripto rectæ rationis subduxit? Lex divina adulteros morte plecti jubet, tam fœminas, quàm mares. Dividit sententiam Flavius: viros mori, fœminas virgis cæsas monasterio includi imperat. Quid hoc aliud, quàm in cœlum spuere? Neque enim solos Hebræos obligant interdicta, quæ pudicitiam tuentur; sed omni ævo, omnibusque gentibus, quæ aut sunt, aut fuere, aut futuræ sunt, interminantur. Itaque antequam leges in tabulas incisæ essent, urbes florentissimæ Sodoma atque Gomorrha igne cœlitus immisso conflagrarunt: Antequam horrendum ex æthere classicum cecinisset, Pharaoni



Ægyptio, & Abimelecho Palæstino, ob interceptam Abrahami conjugem, capitis periculum denuntiatur legimus. Nec mitior in nulum Iudas extitit, dum stupro gravidam flammis destinat, quamvis filio Sela sperata magis, quam legitimis nuptiis pacta esset. Sichemitæ quoque ob raptum Dinæ ad internecionem cæsi: everfa Troja, potensque illud Asiæ regnum adulterio Helenæ concidit: tametsi enim tabulæ sacræ neque ad Priamum neque ad Chamorem pervenissent, ipsa tamen naturæ lege tenebantur. Quis Tarquiniorum regnum evertit? Quis Decemviros omni imperio atque potestate spoliavit? nonne intemperans Sextilibido, & indomiti Claudii oculi? quum alter Lucretiæ pudicitiam extorsisset: alter, ut Virginia potiretur, vindicias contra libertatem dedisset. Jam in populo Israëlitico, quantis cladibus vindicata nuptiarum sacra, cum unius Levitæ uxore, stupris nocturnis exanimata, hominum viginti quinque millium strage parentatum legimus, excisa penè radicitus tota Benjamitarum tribu. Cum Davidem regno pulsum: Absolomum cum exercitu inter lustra ferarum deletum: nonne præsens numen, certamque è cælo vindictam intuemur?

Seq. uo-

Sequioribus seculis, quanti Hispaniæ Africæque constitit Roderici regis scelus, cum Mauris ultoribus in Hispanias effusis, intra unius biennii spatium, septingenta hominum millia variis præliis concisa sunt. Tunc corrui illustre Gothorum in Hispania sceptrum, bellicosæque gentis afflictas reliquias inaccessi Asturiæ montes ægre contra vim hostilem tutati sunt. Sexcenta hujusmodi proferri possunt testimonia; ex quibus planum fit, non esse leve scelus pudicitiae claustra vellere, alienæ matrifam. stuprum offerre. Scelus est ingens, & tantum, quantum animo vix ipsi concipere possumus. Quapropter, cum & crimen sua natura gravissimum sit, & magnis motibus in re publica causam præbeat; quid tandem est, quod Justinianum impulit, ut mœcharum cervices ultimæ necessitati subduceret. Enimverò, si hæc Theodoræ conjugis culpa est, quæ sexum egressa solium mariti cathedris suis penè subjecerat: si ut viri nonnulli pii atque graves autumant, Episcoporum hæc ambitio fuit, qui pravo imitandi servatoris studio, adulteras necari non sustinebant: factum est ab eis valdè nequiter. Quamquam enim ita fragilis & infirmus sexus est, ut nec præsentia intelligere, nec in-

stantia cavere rectè possit: ea tamen infirmitati adjuncta malitia est, ut nisi atrocibus edictis cohibeatur, nihil sani aut moderati à muliere sperandum sit. Absit dictis invidia! non ego Sabinarum laudi, aut Sulpitiarum gloriæ quicquam detractum velim: fidem orationi non solum cotidiana experientia facit, verum etiam multi magni & graves autores adstipulantur. Omnium eorum qui de republica & legibus scripsere, haut dubiè princeps Plato est: is adèd non indulgendum foeminis censuit, ut quo impotentiores animi sunt, ediligentius legum laqueis constringendas judicaret: non enim rem muliebrem si neglecta fuerit, rerum humanarum dimidium, sed plusquam duplum videri. Proximus huic civilis sapientiæ laude Aristoteles, non solum in humano genere, verum etiam in omnibus animantibus, quæ sexus foeminei sunt, ea proterva magis & malefica esse testatur: idèdque nimiam in mulieres indulgentiam multarum calamitatum reipublicæ causam esse. Apud Romanos M. ille Cato, impotentem naturam, & indomitum animal foeminam vocat; quæ, nisi frænos à legislatore acceperit, modum licentiæ suapte sponte non sit factura. Severus Cæcina non solum imbecillum

cillum & laboribus imparem sexum; sed  
 filicentia adfit, sævum, ambitiosum,  
 potestatis avidum: quoties repetunda-  
 rum aliqui arguerentur, plura uxoribus  
 objectari, his statim deterrimum quem-  
 que provincialium adhærescere; per-  
 vicacibus magis & impotentibus mulie-  
 rum quam maritorum iussis. Quid Sa-  
 tyricos memorem? quid comicos & tra-  
 gicos? Omnes uno ore, timidam in  
 rebus honestis, audacem in turpibus  
 mulierem prædicant: quippe, quæ e-  
 tiam deprehensa iram & animos ab ipso  
 flagitio sumat. Atque hæc quidem in u-  
 niversum de sexu virorum sapientium  
 existimatio fuit: ut ad mœchas transea-  
 mus, ita veteres judicabant: nullam  
 esse adulteram, quæ non eadem sit ve-  
 nefica: & contra nullam veneficam im-  
 puditiæ labe carere. Cujus rei causam  
 hanc reddebant, quod necesse sit eam,  
 quæ suum corpus addixerit turpissimæ  
 cupiditati, formidare multos: virum ni-  
 mirum, parentes, cæteros, ad quos videt  
 dedecoris infamiam pertinere. Quos au-  
 tem tantopere formidet, eos necesse est,  
 ut quoquo modo veneficio petat: quo-  
 niam nulla honesta ratio potest retinere  
 eam quam cupiditas facit præcipitem,  
 libido audacem, scelus anxiam atque  
 solli-

256 ANTON. MATTHÆI  
sollicitam. Et contra, veneficii damna-  
tam impudicam quoque necessario exi-  
stimabant; quoniam nulla ad veneficium  
facilius causa impellit, quàm turpis amor,  
& intemperans Veneris desiderium.  
Tanta enim corporis atque inquilini a-  
nimi necessitudo est, ut cujus animus  
mulieris est corruptus, ejus corpus ca-  
stum non putarint. Hæc ut dixi, vete-  
rum de mœchis existimatio fuit: quam,  
non est quod quis suspicetur à rhetori-  
bus profectam, dum veri speciem oratio  
quærit, aut inani argumentorum tumore  
fallere religionem judicantis conatur.  
Non rhetores isti, sed viri fuere in re-  
bus gerendis totam ætatem exerciti: qui-  
bus ipse fori usus, & cotidiana judican-  
di fors existimationis istius magister fuit.  
Itaque quæcunque ab eis hujusce gene-  
ris profecta sunt, foliis Sibyllæ certiora  
judicabimus. Quod si annales etiam in-  
spicere, aut acta orbis diurna excutere li-  
buerit, omnia ad vivum historicorum ef-  
ficax diligentia nobis referet. Non jam  
Niobes superbiam in scenam produce-  
mus: non Medææ aut Circes veneficia:  
nec Danai quinquaginta filias totidem  
maritorum cæde cruentas ex Græcia e-  
vocabimus: sola nobis Roma testium &  
monumentorum satis suppetere potest.

Quam

Quam cum curioso oculo perlustramus, quis non audaciam mulierum in perpetrando flagitiis singularem agnoscat, ubi uno anno M. Claudio Marcello & T. Valerio Coss. matronas ad centum septuaginta veneficii damnatas legerit? Ubinefanda Bacchanaliorum sacra, in quibus nihil facinoris, nihil flagitii prætermisum, mixta foëminarum virorumque stupra, dedecoris impatientes pro victimis immolati, ex muliebri audacia tanquam fonte promanasse reperit. Ubi ex proscriptis Vettium Salassum ab uxore proditum; Posthumium Albinum Consulem à Publicia; Claudium Afellum à Licinia sua veneno necatos cognoverit. Ubi Pontiam Vectii Bolani conjugem, ut securius adultero nuberet, duorum filiorum cæde contaminatam: Saffiam incestis generi nuptiis pollutam: Pompejam in ipso Bonæ Deæ sacrario Clodio substratam aspexerit. Parva nimis loquimur: etiam Divis parati mœchi sunt: etiam Jovis nectaru betam timet; & quanquam tonet, intrat tamen Augusta cellam lupanaris. Quis Caligulæ mentem eripuit? Quis Claudium & Britannicum veneno sustulit? Qua fraude deliciæ Populi Romani Germanicus atque Drusus periere? Nonne

Nonne perfidia muliebris eos ad orcum demisit? Tanta enim sexus impotentis audacia est, ut nulla natio sit, quæ non aut regem, aut virum aliquem illustrem muliebri fraude interceptum lugeat. Lugent Lydi Candaulem suum, Lacedæmonii Agamemnonem: Drancæ Spitamenum: Byzantii Romanum. Atque ut ad nostrum quoque cælum transeamus, Chilpericos Franci, Alboinos Longobardi, Henricos Germani, Ingemaros, Sueones, Eduardos Angli, Stuartos Scotti cum lachrymis & planctu requirunt: quos omnes uxorum perfidia regno pariter & luce spoliatos accepimus. Quid multis? unicam Liviam Drusi cognoris, omnes in eodem ludo doctas dejerabis. In hujus enim ingenio, pestis illa Cæsarum & Juliæ domus Sejanus, conceptam de orbis imperio spem atque fiduciam collocandam censuit. Cuncta tentanti, inquit civilis sapientiæ magister, promptissimum visum ad Liviam convertere. Hanc ut amore incensus adulterio pellicit, primi-que flagitii potitus, ad conjugii spem, consortium regni, & necem mariti invitat. Illa non admiratur audaciam, non impudentiam execratur, non denique dubios consiliorum exitus, & Deum sceleris ultorem formidat. Quoque magis  
 stupeas,



stupeas, cui avunculus Augustus, focer  
Tiberius, ex Druso liberi & gloria, spem  
incertam parricidio redimit, maritum-  
que optimè de se meritum adulteri cru-  
delitati jugulandum tradit: planè ut ap-  
pareat, nullum tantum nefas esse, quod  
amissa pudicitia furens foemina abnuat.

O nefandam Veneris cupidinem. O im-  
probos atque incestos amores! Quis cre-  
dat, fuisse aliquam humana specie vultu-  
que, quæ in tantum immanitate bestias  
superaret, ut pro quibus mori ipsam de-  
cuerat, eis mortem accelerarit? Non fa-  
stidit tigris comparem; nec vitam ponere  
pro foetu recusat. Sola reperta est mu-  
lier tigride peior, quæ quoties adultero  
libuit, aut conceptum visceribus foetum  
ejecit, aut natos & maritum veneno  
strangulat. Eat nunc minister Flavii Tri-  
bonianus! occinat nobis illud suum: Quis  
mulierum non misereatur? Confugiat  
ad sexus infirmitatem, & consilii lubri-  
cum: nemo vetat, nec prohibet: dum mo-  
do vicissim fateatur, tantam fragilitati ad-  
iunctam audaciam esse, ut nisi poenæ ma-  
gnitudine à flagitiis deterreatur, nihil sit  
aliud, quod impetum furentis retinere  
possit. Malè, malè profectò Exquæstor  
principis suæ famæ consuluisse videtur.  
Gothicus ille, & Germanicus, & Vanda-  
licus



licus audit. Quid profunt speciosa nomina, si quos acie vicimus, ab iis ratione superamur? Victi mœchas mori iusserunt. Vetuit mœchas victor mori. Si verum amamus, tanti non erat aut Gothos vinci, aut Vandalis cæsis Africam recuperari, si cum Thracum imperio iniqua maritis lex erat accipienda. Hæc jam Cæsaris culpa erit, si conjugii nupta furtum faciat: nam sexum natura invalidum gladii metu solvere, nihil est aliud, quam eundem suo luxui, alienis cupidinibus exponere. Vix præsentis supplicio illæsa conjugia manent: quid futurum, si inter capitales fraudes adulterium legislator numerare recuset? Porro, quam illud à recta ratione abhorrens, mœcham virgis cæsam in monasterium detrudi: quid enim? sentinæ monasteria sunt, in quas confluat, quicquid ubique impudicarum est? Claustra continentiae impenetrabilia esse voluerunt, quicunque solitariae sectæ perhibentur auctores: qua ergò fronte lupas & prostibula penetrare patiemur? Quis adeo demens pastor est, qui scabiem pecudis contactu gregis sanari putet? qui ægra sanis, affecta capita integris misceat? Et repertus est aliquis pastor populorum, qui mœchas inter virgines degere iusserit?

rit? Nihil dictu, nihil visu foedum subire debet tectum, sub quo puer est: quid, sub quo tecto virgo cubat; adulteras cubare rectum est? quamque ætas sollicitudinem postulat, non sexus quoque à nobis flagitat? Quanto rectius vir sapientissimus Solon, qui, teste Demosthene, deprehensas in adulterio mundo omni ornamentisque spoliatas, non solum sacrorum aditu, sed etiam matronarum cœtu prohibuit, ne earum consuetudine honestæ matresfam. corrumpere-  
rentur. Romanorum verò tam anxia circa Vestales sollicitudo fuit, ut non solum incesti damnatas sub terram defoderent; verum etiam corpore ægras atrio Vestæ excedere juberent: tantum aberat, ut aut impudicam initiari, aut corruptam pedes inferre permitterent. Postremò, cui probri convictæ vitam concedimus, cur non præsidia quoque vivendi largimur? non enim incontinentibus expetenda vita est, si præcisa nuptiarum spe, cum cupiditatibus & libidine cotidie sit conflictandum. Quod si indignum visum est, nubendi potestatem ei fieri, quæ priores nuptias stupro polluit: cogitandum erat, longè absurdus fore, impudicam, incontinentem, impotentem animi foeminam asceterio includi:

di: nihil enim spurcius, nihil foedius est, quam in mediis amorum incendiis profiteri coelibatum. Dicit aliquis: Atquin etiam virgis mœcha cæditur. Cædatur sanè: dum ad necem usque. Cæterum, quis virgas inter capitalia supplicia numerat? Quis scutica cæditur, cum gladium meruit? Quem autem cædendi modum intemperans lictor faciet? Sæpè speculator forma damnatæ captus est. Sæpè mulier, dum ad supplicium ducitur, procum invenit. Quam diligenter ille verberavit! Quam timebit percussor, ne quid doleat! Credas amatoris manum esse, ita inter plagas & gemitus expalluit. Spectat interim judicem, & tanquam fortiter verberet, anxius est, ne mœcha deficiat inter virgas. Scilicet, his pœnarum terriculamentis reipublicæ satisfiet! Deterrebit hæc severitas quandoque similia ausuras! Vultis uno verbo dicam? Non metuet virgas, quæ famam contemnit: nec solitudo verecundam reddet, quæ in turba peccare non erubuit. Nisi infamiæ culleum, fascibus secures junxerimus, non desinet pervicacia majores spes quam metus in corde gerere. Hoc si considerasset Flavius, non Constantini gloriæ, non maritorum securitati quicquam detrudere sustinisset.

set. Nunc postquam naturæ concessit, fatoque satisfecit, qui pudicitiae noluit; ad vos, Quirites, oratio redit: vestram opem atque auxilium respublica implo- rat. Videtis quod seculum, quam cor- rupti mores sint. Experimini non solum longius provectam, sed penè in præcipi- ti stantem mulierum impotentiam. Pri- mum victa est domi libertas, dotatarum superbia; quæ tanta est, ut pauci jus & majestatem viri retinuerint. Tum autem libidinis irritamenta plurima sunt. Jam pridem filet Oppia lex, & quanquam Hannibal ante portas est, auro matronæ purpuraque fulgent: carpentis cotidie per urbem velut triumphantes vectan- tur. Sinè modo, sine fine, quasi certami- ne injecto, divites habere volunt, quod solæ possint: pauperes, ne ob hoc ipsum contemnantur, supra censum se exten- dunt. Pessimus utraque pudor stimulat; illas parsimoniae, has tenuitatis. Itaque quæ de suo potest, parat: quæ non potest, virum rogat. Miserum illum, & qui exo- ratus, & qui non exoratus erit; cum quod ipse non dederit, datum à moecheo cernet. Adhæc, quam corrupta juventutis disci- plina sit, quam omnes licentia fiant dete- riores, videmus. Vix fari virgo potest, jam Fescennina carmina, jam motus me- ditatur

ditatur Jonicos : sæpiusque in theatro,  
quam templo desidet. Ibi aut juvenem  
aliquem Lunæ amores suos narrantem  
miseratur : aut Bathyllum spectat & Flo-  
ralia : aut Myrrhæ incestum, & Deorum  
adulteria discit. Inter hæc libidinis fo-  
menta nutritæ, qui possint olim vitæ suæ  
tenere modum? Equidem, jam pridem  
in liberis non solum disciplinæ vim, sed  
etiam ipsa rerum vocabula amisimus:  
quia pro lepore lasciviam, pro liberalita-  
te luxuriam exosculamur : pro ludo & jo-  
co libido ducitur. Hæc ego, quo lætior  
indies fortuna maris est, quo magis opes  
crescunt, & jam in utrasque Indias tran-  
scendimus, omnibus voluptatum illece-  
bris repletas eo plus horreo, ne illæ ma-  
gis nos ceperint, quam nos illas. Infesta  
mihi credite signa sunt illata huic impe-  
rio ab oriente. Omnis jam ad luxum do-  
mus instruitur : Omnis ad pruritum cul-  
tus corporis tendit. Quoque magis do-  
leas, nihil interim Germaniæ, nihil Bri-  
tanniæ fortuna nos commovet. Sua quis-  
que cupiditate ducitur : laxatque libidini  
frænos, quicunque rogationis Iulix leni-  
tatem intelligit. Adversus hæc mala,  
Quirites, severitate opus est. Jam pri-  
dem flagitatur fortior sanctio, qua thoro  
pudor, penatibus securitas, reipublicæ  
decus

decus pristinum restituatur. Date, quaeso, pudicitiae praesidium: flagitiis incutite terrorem. Nullus hic Tribunus est, qui rogationi vestre intercessurus sit: nullum triste omen, quod diem comitiorum diffindi jubeat. Eja, eamus, Quirites, in suffragia. Ego legem Constantini M. omnibus modis in civitate retinendam censeo. Vos, quicquid ex usu reipublicae sciveritis, id Deum immortalem fortunare velim.



M ANTO-

ANTONII MATTHÆI  
ORATIO X.



MODESTIA VETERUM JURISCONSULTORUM.

Recitata VI. ID. Sept. M. DC. CXLIV.

*Cum Iuvenes Præstantissimos,*  
STEPHANUM vander HAGEN,  
CORNELIUM DEUVERDEN,

*Summis in Vtroque Iure honoribus  
ornaret.*



Ipsum studium, facile-  
que aures libenter ad eos  
adferimus, qui novi aliquid  
aut inexpectati ad nos ad-  
ferre videntur: adeste audi-  
tores; animumque, & aures  
faciles ad breve tempus mihi commodate!  
rem ego novam atque raram ad vos  
adduco, Modestiam. Non illam, quam  
philosophi barba & pallio simulant; sed  
quam veteres Jurisconsulti profiteban-  
tur: qui non supercilio, non lingua &  
verborum argutiis, sed opere ipso atque  
rerum

rerum experimentis mores tutabantur. Equidem sapientiæ magistros multa de hac virtute præclara, multa utilia præcepisse; nonnullos etiam modestè vixisse, facile concesserim: accuratius tamen calculo subducto, penulisque philosophantium diligentius excussis, in plerisque sub hoc nomine maxima vitia, & immensam ambitionem latuisse reperiemus. Quotusquisque enim virtute & studiis ut haberetur philosophus laborabat? pars maxima vultum, & tristitiam, & dissentientem à cæteris habitum pessimis moribus prætendebant. Itaque factum, ut Cynici, qui à civilis vitæ splendore remotissimi erant, superbissimi omnium haberentur; ac neque pallium Antisthenis, nec pera Diogenis: nec gibbus Crætetis tumoris nota caruerint. Romani verò prudentes, tametsi & in judiciis frequentes, & in concionibus clari, & in prætorio principis assidui essent, adeò non tradiderunt fortunæ animos, ut etiam in purpura, & mediis aulæ deliciis modestiæ laudem retinerent. Cujus rei fidem ut faciamus, non jam illos testes citabimus, qui aut maxima imperia singulari animi moderatione & æquitate gessere; aut cum ad summos honores pervenire potuissent, contemptis fascibus



intra dignitatem equestrem constitere: verum ablata sella, dimissisque lictoribus, ea solum in medium adducemus, quæ ad juris civilis sapientiam, & illustre docendi respondendique munus pertinent. Quanquam enim honores, tam fortiter sprete, quàm sanctè gesti, non leve, nec obscurum modestiæ argumentum sunt: tamen, quoniam is locus latissimè patet, & solus justum dicendi spatium postulat, idcirco à nobis præteribitur. Quantum verò ad ipsam juris civilis professionem attinet, partim communis cum aliis, partim propria quædam ac peculiaris modestiæ veteris probatio est. Etenim, aliarum artium & scientiarum magistros eo ferè videmus esse ingenio, ut difficulter suis se contineant finibus, spretoque Jove Terminali, audacter in aliena invadant heredia. Neque quisquam est alicujus scientiæ cognitione vel leviter imbutus, qui non de jure tam facile judicet, quàm aut canis exta edit, aut pyrum vulpes comest. Hoc, inquiunt, æquum est: hoc iniquum. Illud durum, est, Cæsar: istud verò lene nimis & remissum. Proinde, quasi nihil inter alias disciplinas & civilem intersit: quasi necesse sit, Alfenum esse, aut Varum, quisquis qualicunq; sapientiæ laude censetur.

setur. Jurisconsultorum verò tam religio-  
sa hac parte modestia fuit, tam sanctè suis  
se continuerunt finibus, ut cum experi-  
rentur difficile esse, ut quis excellat in u-  
na arte, nedum ut unus in omnibus; ita  
decernerent: Optimis disciplinarum ma-  
gistris credendum esse: Suæ verò quem-  
que artis magistrum esse optimum. Stul-  
titiæ imputandum, si quis postulet simul  
& viator & piscator esse: si medicus simul  
& magus, augur & schœnobates audire  
gestiat. Itaque ipsi, quoties extra leges &  
juris quæstionem quid inciderat, ad eos  
auctores causam remittebant, qui si vel-  
lent, interdicto retinere possessionem po-  
terant. Si de vulnere lethali quæstio ef-  
fet, medicos consulebant: si de partu le-  
gitimo, physicos: sin de finibus inter con-  
fines exorta controversia esset, geometras  
adeundos, & mensorum renuntiationi  
standum existimabant. Neq; verò iis so-  
lùm professoribus cōcedebant, qui libera-  
liores artes tractant, sed etiam his fidem  
adhibendam censuere, qui circa res mi-  
nus liberales, ac tantùm non sordidas oc-  
cupantur. Nā si divortio factò mulier præ-  
gnantem se esse neget, obstetrices mit-  
tunt, quæ ventrē inspiciant. Sin de opere  
facto lis inter redemptorem & locatorem  
nata sit, fabros & opifices in consilium

adhiberi jubent. Quod si arbor aliena fundo nostro coaluisse dicatur agricolarum iudicio standum decreverunt. Multum sanè alieni à sophistarum superbia, qui eo usque dementiæ & ineptiarum progressi sunt, ut omnia profiteri non erubescerent; atque etiam in conventu publicè polliceri, qua de re quisque vellet, de ea se dicturos. Pudendo profectò fastu: quis enim adeò sibi Suffenus est, qui, ut manticam fortasse à tergo pendentem non videat, communem tamen humani ingenii imbecillitatem non persentiscat. Ita namque natura comparatum est, ut non omnia possimus omnes: alius in alia re magis utilis est: idcirco arbitri comparantur, qui vicariam operam judici præstent, ut quibus in rebus ipse quod verum est invenire nequit, in his adsefforum ope atque consilio utatur. Hanc naturæ verecundiam qui dissimulat, qui- que unus arrogat sibi omnia, næ ille nescit, quantopere à vera sapientia aberret! Nisi fortè sapientes fuisse putat Græculos illos, qui cum esurirent, & Grammatici, & rhetores, & astrologi, & medici, & aliptæ, & quid non videri volebant: perinde ac si latrator venter tam facile omniscios, quam impudentes facere posset. Porro veterum prudentium mode-

stia

tia non solum erga aliarum artium magistros eluxit, verum etiam tanta invicem constitit reverentia, ut cum viderent, immensum jus civile esse, multas & amplissimas ejusdem partes; illud quoque sponte profiterentur, divinitatis magis quam humanitatis esse, meminisse omnium: alium publica, alium privata jura exactius callere: hunc de sacris, illum de bello & pace, tertium de stillicidio & aquis pluviis felicius responsurum. Ac licet plerique ex eis etiam viri facundi, & causarum agendarum peritissimi essent, ea tamen animi moderatio fuit, ut si in factum consisteret quaestio, ad patronos consultorem ablegarent, libenter operae cedentes, ne possessione alios depulsi viderentur. Quae aequitas & observantia tandiu valuit, donec sequioris seculi, negligentia dicam, an audacia? oratoris & advocati munus confusum est. Intelligebant enim, quam esset difficile, in aliqua arte ad rerum cognitionem parem adferre dicendi vim; quamque paucis obveniat Philonis illa felicitas: qui cum armamentarium Athenis fecisset, opus & sumptu & elegantia spectandum, ita facundè inventionis suae rationem in theatro reddidit, ut populus Atticus non architecti modo, sed & oratoris laudem ei tribue-

ret. Neque verò quisquam existimet, modestiam illam quam auctoribus nostris adferimus, à conscientia tenuitatis perfectam: non enim illi capite censi, sed adfidei & locupletes viri erant: quorum etsi imbecilla frons fuisset, magna tamen opum conscientia sustentaretur. Erat clarissimus & certissimus juris vates Q. Scævola: qui quotiescunque de jure prædicatorio consulerebatur, ad Furium & Casellium consultores rejiciebat; ab his id negotium aptius explicari posse confitendo, qui cotidiano ejus usu pollebant. Nec timuit vir sanctissimus ne auctoritatem minueret, cum animi candorem probaret. Sicut enim inter Grammatici virtutes habetur, quædam nescire: ita ad jurisperiti laudem pertinet, nonnulla ignorasse. Cajus quoque Aquilius Gallus, tametsi dicendi non imperitus esset, tamen quoniam in eo genere primas M. Tullius tenebat, si quando ad eum facti quaestio referretur: quia id nihil ad jus, inquebat, ad Ciceronem eundem est. Prudenter sanè Gallus, dum ei libenter cessit, qui Romæ loquentis caput erat: sed non minus modestè Servius ille Sulpitius, qui quanquam omnes sui ordinis arte superaret, ac literis humanioribus non leviter tinctus esset: non tamè dubitavit

tavit fasces suos grammaticorum ferulis  
 subicere, deque verbis obscurioribus M.  
 Varronem diligentissimè per literas in-  
 terrogare. Magna profectò omnis sa-  
 pientiæ atque æquitatis laude: quando-  
 quidem optimi artis suæ professores illi  
 judicantur, qui propria studia verecun-  
 de, aliena callidè æstimant. Ac nisi vhe-  
 menter fallor, non minor hac parte ju-  
 ris peritos, quam Græciæ sapientes glo-  
 ria manet; quorum tanta fuit aliorum er-  
 ga alios observantia, is respectus, ut cum  
 ex Apollinis oraculo mensa aurea pesca-  
 toribus Milesiis extracta sapientissimo  
 deberetur, nemo omnium præmium vi-  
 ri sapientissimi auferre sustinuerit. Nec  
 caruit fructu tam salutaris animi modera-  
 tio: hac enim effectum est, ut perquam  
 diu singularis inter eos concordia, & in-  
 dividua studiorum societas staret, nec ni-  
 si ferò, ac conversa jam republica in par-  
 tes discederent. Nam ex quo leges duo-  
 decim tabularum latæ sunt, & necessaria  
 foro prudentium interpretatio prodiit,  
 usque ad Augusti principatum, anni plus  
 minus quadringenti numerantur: tunc  
 primum diversarum sectarum audita no-  
 mina, cum Atejus Capito in iis quæ à  
 majoribus acceperat, perseverandum ex-  
 istimaret: Antistius Labeo fiducia ingenii

& doctrinæ multa innovaret. Neque tamen pudor eis & verecundia periit, simul atque concordia perisse visa est. nam & in dissentiendo eo utebantur temperamento, ut nec pertinaciter urgerent, nec acerbè reprehenderent: errorem magis, quàm adversarium nota dignum judicantes. Sciebant enim interesse aliquid inter sapientes & scurras debere: nec iisdem convitiis eruditos se approbare, quibus in biviis & triviis balatrones se approbant. Quocirca in disputationibus suis hujusmodi ferè formulis utebantur: *Non placere sibi: Non videri: Errare illos: Videndum esse: & similibus.* Atque etiam si quando incalescerent, erroris foeditatem verborum lenitate dissimulabant, ne acribus convitiis infamasse magis, quàm emendasse viderentur. Quod autem derisum alicubi Nervam legimus, qui per fenestram servos manumitti posse monstraverat, id nihil ad excusandam verborum petulantiam: non enim ad cachinnos & dicteriorum acerbicatem erupit illa contentio; sed, ut magnus Cujacius autumat, intra rationum pondus & argumentorum robur stetit, quibus quasi derisus & elusus est Nerva ab iis, qui non auctorem, sed cautionem ab eo inventam damnabant. At non eadem fortasse



tasse virtute in respondendo, qua in disputando conditores juris usi sunt: quoniam responsa imperitis dantur. disputatio cum peritis est, & mutuo metu coercetur. Imò ne hic quidem verborum modestiam, & æquabile orationis temperamentum desiderare possis. Cum enim perspicerent, multam inscientiam in vita humana versari, facileque errare, labi, mortalem posse: adeò religiosa in consulendo diligentia usi sunt, ut non, *esse*, sed, *videri sibi*, responderent; etiam cum certò cognovissent. Ejusque verbi verecundia postea in forum ad testimonia & sententias translata est, ut & testes pro testimonio, & judices ultima pronuntiatione, *Videri sibi reum fecisse*, dicerent. Nec injuria: tot enim in rebus mortalium errores versantur, tantum fraudis & calumniarum est, ut sæpè etiam bonus, & cautus, & religiosissimus judex improbitate litigantium, quasi sub hasta vendatur. Pertinacia quoque à Jureconsultis longissimè abfuit, nec cedere puduit rectiora monstranti. Præterquam enim quod nunquam sapientibus laudata est perpetua in una sententia permanensio: certi etiam erant, non parùm cognosse, sed in parùm cognito stultè ac diu perseverasse, turpe esse: propterea, quod alterum



communi mortalium imbecillitati, alterum singulari uniuscujusque pravitati est attribuendum. Atque hæc moderatio non tantum eorum fuit, qui in secundis & tertiis consistere se sentiebant: verum etiam excellentissimi ingenii vir Papinianus, cum scripsisset, non posse pœnam ab emptore peti, si servus sub lege exportandi venditus, in Italia mansisset; quod contra humanitatem ea videretur: non erubuit postea verso stylo, inductaque sententia Sabino cedere; qui idcirco pœnam arbitrabatur peti posse, quoniam hoc minoris homo venisset. Postremò, discendi quoque cupiditas, quam in veteribus Jureconsultis singularem deprehendimus, maximum verecundiæ eorum & modestiæ argumentum est. Nam cum cernerent, immensa esse juris civilis latifundia, tot legum aliarum super alias coacervatarum cumulos, tot Senatus consulta, tantum constitutionum imperialium, quibus evolvendis vix vita hominis sufficiat, cognoscendi quoque studium in extremam ætatem produxere, adeò ut non ante discere quàm vivere desierint. Insignis hac parte & illustis Salvii Juliani laus fuit; qui quam tantæ scientiæ peritiæque haberetur, ut ejus potissimum opera Hadrianus

in

in componendo edicto perpetuo uti voluerit, adeò tamen non indulsit sibi, ut semper in ore habuerit viri cujusdam sapientissimi dictum : *Esti alterum pedem in tumulto haberem, non pigeret aliquid addiscere.* Nec minor diligentia Pomponii fuit, qui discendi cupiditatem, quam ipse unam optimam vivendi rationem existimabat, in octavum & septuagesimum ætatis annum extendere sustinuit. Qua animi moderatione nihil majus, nihil admirabilius mihi videtur : homines juris peritissimos, & in summis honoribus constitutos, discendi tamen amorem in ea fortuna retinuisse. Quis enim nescit, plerosque ubi ad votorum summam & laboris scopum pervenisse se putant, ferè aviculas imitari, qui effectis nidis passim ac liberè solutæ volitant : ita ipsi negotiis studiisque defuncti, vacui cura atque sollicitudine vagantur. At non ita veteres Jureconsulti, qui quo longius erant progressi, eo plus sibi viæ restare putabant : hæc illorum præcipua prudentia, quod alios prudentiores arbitrabantur : hæc præcipua eruditio, quod discere volebant. Digna profectò virtus, quam studiosi juris omnibus modis excolant. Nam si spes eruditionis à diligentia dependet, modestia quoque ad

278 ANTON. MATTHÆI  
studiorum proventum summopere ne-  
cessaria est. Arrogantia enim ignaviam  
parit, ac velut tempestas deturbat om-  
nem virtutis modum. Modestia contra  
industriam gignit, qua nisi studia nostra  
alantur, vix unquam fama decusque nos  
respexerint. Verum, quantum mutati  
ab illis sumus; Quanta animorum studio-  
rumque diversitas atque dissimilitudo  
cernitur? Ecquis omnium est, cui pudor,  
cui modestia constet? Quis vel ætati al-  
terius, vel auctoritati ut minor cedit?  
Statim sapimus: statim scimus omnia: ne-  
minem veremur, imitamur neminem:  
quin ipsi nobis exempla sumus. Eo deni-  
que jam perniciofa juventutis festinatio  
evafit, ut non solum in cursu, sed & cir-  
ca initia studiorum gravissimè peccetur.  
Quotusquisque hodiè, antequam ad juris-  
prudentiam transeat, aut grammaticis o-  
peram dare, aut philosophorum placitis  
imbui sustinet? Cui autem historicorum  
fines ingredi, cui antiquitatis arculas scru-  
tari lubet? Illotis, quod ajunt, manibus  
festinamus ad edicta, & ediscimus Mal-  
furii rubricas, perinde ac si nihil inter le-  
gulejum & jurisperitum intersit; ac si nul-  
la re formularius à prudente distet; tene-  
atque civilis scientiæ arcem quidam cau-  
tus & acutus præco actionum, cantor for-  
mula-

mularum, auceps syllabarum. Atquin alia fuere adminicula, quæ priscis illis viris immortalitatem peperere: aliæ artes, quibus caput supra vulgus extulere. Orbem illi disciplinarum animo complectebantur, & assumtis philosophiæ atque antiquitatis rivulis, pleno quasi alveo ad patientem legum Oceanum decurrebant. Nec grammaticos adire pigrabantur, aut in rhetorum scholis conspici: quippe qui scirent, verborum proprietate multas quæstiones juris contineri: fundamenta autem civilis sapientiæ inferioribus disciplinis comprehendi. Quæ quanquam procul ab ostentatione videantur remotæ, non idcirco percipiendæ sunt: nisi fortè & architecto basis negligenda; quia operum fundamenta latent, fastigia à prætereuntibus spectantur. Nam sola legum carmina fuere, quibus Sulpitius Scævola, Labeo Capitonem vicit? nihil ne præter ingenii fiduciam, & exercitatum vultum? ac non potius provisa ante liberalium disciplinarum auxilia, quibus instructi multa à veteribus rudius tradita, feliciter innovare aggressi sunt? Nunc si Themidi placet, etiam pueri paradoxa somniant, & artis dialecticæ reliquarumque ignari, novandi libidine pruriunt; quodque indignissimum verborum & loquendi

quendi imperiti; rebus ipsis novas dare  
gestiunt formas. Quos quidem memores  
esse decuerat præclariissimæ Cretensium  
legis, Platoni quoque laudatæ; qua juve-  
nes reprehendere leges Minos vetuit: se-  
nem verò si quid excogitasset, principi-  
bus & æqualibus, nemine juvenum au-  
diente referre jussit. Verum, quid ego  
Platonem, quid Minoem adversus hos  
appello? qui ignorantiam suam tanta ar-  
mant impudentia, tam intolerando fastu,  
ut ne Themidi quidem, si præsens res-  
ponfa daret, concessuri videantur. Quo-  
rum ingenii scabiem, & desperatum ju-  
dicii morbum quoties intueor, vix quic-  
quam aptius aut accommodatius in eos  
dici posse videtur, quàm quod olim diser-  
tissimus rhetor tor sit in arrogantes pæ-  
dagogos. *Nihil, inquit, pejus est illis, qui paulum  
aliquid ultra primas literas progressi, falsam sibi  
scientia persuasionem induerunt. Nam & cedere  
præcipiendi peritis indignantur, & velut jure quo-  
dam potestatis, quo ferè hoc hominum genus intui-  
mescit, imperio atque interim savientes stultitiam  
suam perdacent.* Nec fanè fieri aliter potest,  
quin pessimi sint illi, qui in summa rerum  
optimarum ignorantia scientiæ laudem  
affectant. Quid enim pejus latrone nudo?  
Quid deterius malo poëta? Eo plerun que  
res eis redit, ut nisi fateri inscitiam ve-  
lint,

lint, necesse sit eis malis esse. Nam quid faciat homo festinatione præceps, qui docere voluit antequam didicisset? cui grave fuit cum Pythagoreis quinquenium silere? cui magis placuit militis gloriosi vox : *Quid ego hic adstabo tantisper cum hac forma & factis sic frustra?* Agnoscatne peccatum? emendet errorem? an potius ut in aliquo numero hæreat, aut aliis scriptoribus furtum facere, aut dicam grandem & calumnias impingere debet? Hic, inquit, ineptus est, fabulas narrat: hic tetricus, & scirpi fortunas laudat. Grammaticum ille agit, & critice superbit: historicum iste, & Evandri Sicano- rumque leges callet. Nullus denique tam consultus juris sit, cui non maculæ aliquid, aut æruginis aspergere norit. Dici vix potest, quantum his rebus fiat, quam compendiosum ad famam iter sit. Paucissimi enim ex juventute intelligentes sunt : pars maxima specie quadam eruditionis & pompa capitur. Hi proni atque succincti ad omnem ostentatoris clausulam plaudunt : nec exsurgunt modò, verùm etiam excurrunt, & cum indecora exultatione conclamant. hinc tumor docentium, & vana de se persuasio, usque adèd, ut illo discipulorum tumultu inflati, familiam in jure sibi

fibi ducere videantur. Quapropter non solum impune, sed etiam cum emolumento quosvis criminari possunt: nec errores duntaxat arguere, sed & rectè tradita fastidire. Licet eis hac parte coquum comicum imitari; qui quanquam videret cœnam rectè coqui, intrò tamen iturum se minabatur, ut quod aliis condiderat coquus, vicissim alio pacto condiret: ita ipsis quoque fas est in chartas invadere, ut alio modo intricent, quod alius jam extricaverat magister; ac si quid hætenus certum fuit, deinceps in introverso jure censeatur. At enim cujusmodi sunt illa, quæ tanto fastu, tantaque pompa jactare solent? quid est, quod ab omnibus neglectum, à se reprehensum venditent? Non in faba hilum, non in filice aquila: puerorum ista crepitacula sunt; grandius aliquid est, & dignum de quo magno hiatu, invenisse se, exclament. Cicilendrum est, & polindrum, & macides, cicimandrum, happalopsides, cataraëtria, & si qua alia veteris scenæ condimenta feruntur. Non enim jus illi condiunt, ut alii coqui faciunt, sed divinis condimentis utuntur, qui homines ex mortalibus immortales faciant. Has nugas, hæc veteris ægri somnia cum tradunt, non timent, ne in ludo tanquam

in



in flagitio deprehendantur. Clamore enim, & lateribus, & docendi obscuritate profecerunt, ut ne facile à tyrunculis argui possint. Sepiæ perquam similes: ut enim ea atri cujusdam cruoris effusione aquam turbat, ne piscatoribus prædæ sit: ita hi audacia, impudentia, calumniis se tegunt, ne juventuti ludibrium debeant. Verùm ut olim de Cæsaribus dictum: nullos magis magnitudine caruisse, quàm qui sibi majestatem vindicabant: ita de hac jurisperitorum fæce dicere possis; nullos magis notitia legum carere, quam qui sibi artem arrogant. Vera eruditio conscientia contenta est; nec ambit gloriam, sed trahit: ficta omnia mendaciis gaudent, & fucum facere satagunt: qui ubi semel spiritu doctrinæ solidioris fuerit discussus, illico tanquam fulmine tactus ostentator concidit, jacetque exanimum ac sinè sanguine corpus. Ut enim nullum simulatum longævum est, & tincta omnia celeriter tanquam flosculi decidunt: ita nihil minus durabile, quam eruditionis larva: nihil citius senescit ac emoritur, quam fama simulatione studiorum quæsitæ. Quapropter juvenus studiosa ab hac ingeniorum peste quam longissimè abesse, arrogantiamque quantum potest, odisse atque fugere debet.

Non



Non solum quod per se turpe sit, arrogare tibi quod abest, sed & quod breve plerumque superbię regnum, & exitus principis dissimillimus sit. Nam eorum quibus circulatorum imposturam facere cogitant, alii quidem cordati sunt, alii verò vecordes habentur. Cordatis statim & gravis & suspecta est illa fugitivorum magnificentia. Itaque cum audiunt Pyrgopolinicum aliquem aut Therapontigonum magna voce pugnas & facinora facientem, illicò: *nimum tinnis*, inquiunt, *non places*. Nec falli obscuritate possunt: sciunt enim verissimum esse illud viri facundissimi dictum: *Quo quisque obscurior, eo etiam deterior est*. Qui verò simplices sunt, his quidem imponit aliquandiu leo ille Cumanus, terretque pavidos horribili specie: verum ubi detractō spolio ad suam faciem, id est, ad asinum redierit, lascivi pueri aures ei & barbam vellunt. Neque sanè quisquàm aded aut obescenaris, aut abjectę patientiæ est, ut non ei fastidium tandem moveant toties repetita convicia, tam crebrò laudata inventa; ut non aliquando memoria sua deprehendat infelicem illam ostentatoris suppellectilem, quæ sicut apud pauperes ambitiosos pluribus conteritur officiis. Ego verò, studiosi juvenes, abesse à vobis velim,

velim, non solum illam agyrtarum vaniloquentiam; sed etiam omni loco, omnibusque horis modestiæ leges ad unguem tenere. Non enim Thrasones solum in extremo comœdiæ actu corruunt, sed viros quoque doctos interim nimius gloriæ ardor perculit. Non Thraso, non Pyrgopolinices Angelus Politianus fuit: fuit ille sui ævi decus, & illustre literatorum jubar: qua gloria non contentus, dum juris scientiam affectat, etiam literis partam famam penè perdidit. Jactaverat ille, se glossæmatis suis vel ipsum Accursium superaturum: incertum qua spe, quave fiducia: forte quod putaret, minimo periculo de jure responderi: si id quod oportet responderis, idem videre respondisse quod Servius: sin aliter, etiam controversum jus nosse & tractare videre. Nihil causæ esse, cur non literator triduo infulam mereri possit; cum orator, si bilem sibi movissent, triduo nomen inter Jurisperitos profiteri voluerit. Utcunque sit, non tulit inultam viri jactantiam Marianus Socinus, unicaque proposita quæstione ita literatorem perculit, ut ejus diei locique semper meminisse posset. At cujusmodi illa quæstio fuit? num ex intimo legum recessu depromptum ænigma? num Gordius nodus ex spinosis

inter-

interpretum disputationibus? Nihil horum: quid ergò? Sui heredis definitionem Socinus postulabat, quam tyrones cal-  
lent, quam dupondii tam facilè quàm suum nomen norunt; quæ certi, non controversi juris est: in hac reddenda Angelus ille Politianus obmutuit. Atque ut huic malè vertit alienorum finium injusta usurpatio, ita non desunt exempla eorum, qui suis in finibus turbantes, aut turpiter deprehensi, aut ut parcius loquamur, non eum quem speraverant plausum consecuti sunt. Venerat olim Papiam, ut Caccialupus narrat, juris docendi causa, quidam Philippus de Regio: is quod inaudisset, in novis cœptis famam validissimam esse, ut novo muneri decus adstrueret, publicè profiteri ausus est, de testamentis & supremo morientium elogio, ut cuique visum foret, subita & extemporali facultate se responsurum. Non tulit arrogantiam hominis Baldus, improvisaque interrogatiuncula ita virum tetigit, ut vox illi faucibus hæreret, nec quicquam restaret, nisi ut obvoluto capite, quantum posset, fugeret. Sed hujus quidem casus, quoniam vetus est, & oblitterata penè memoria, minus fortasse auditores afficere poterit: ad eos deveniamus, qui propius admoventur ævo nostro,

stro, quorumque recens memoria, ac cotidiana penè laudatio est. Quis nescit, quanta in foro Caroli Molinæi auctoritas sit, quàm læta fama, frequensque lector? ut alii summum pragmaticum, alii decus tribunalium appellēt, cui fori Gallici prudentia nihil par habeat: qui fit omni prædicatione longè superior; cujus denique lucubrationes tanti sint, ut Pontificii, licet hominem odissent religionis ergò, scriptis tamen uterentur doctrinæ causa, ficto Casparis Caballini nomine ea pro testimonio laudantes? Hic tamen talis tantusque vir, cum ingenio nimis fidens multa ex suo sensu innovaret atque corrigeret, justam aliorum reprehensionem non effugit, ut in multis pro bono & æquo suam quandam & cerebrinam æquitatem secutus dicatur. Bertrandi quoque Argentrei in explicandis Britanniae statutis quanta, quàm penè inimitabilis diligentia fuerit, non ignorat, nisi qui in commentariis ejus hospes est: multo tamen major atque illustrior gratia foret, si non suis inventis plus æquo tribuisset, nec genuinum legibus Romanis illidere tentasset, dum tanquam rixosa & absurda damnat, quæcunque à patriæ suæ consuetudine aliena videbantur. Sed his quidem viris facilè ignosci potest, qui aliis

liis rebus meruere, ut quicquid hac parte peccatum est meritorum magnitudine obtegatur. Sumit enim magna virtus aliquid sibi licentiæ, nec valdè irascimur, si quid mutantem ex prisca consuetudine defendat rerum gestarum gloria. Verum quid illis fiet, qui nulla meritorum fiducia, in summa rerum pulcherrimarum ignorantia novâdi sibi potestatem sumunt: nec animadvertunt, si quid Servius, & Labeo contra morem & consuetudinem veterum responderint, magnis & divinis bonis, ut sibi liceret, consecutos esse. At de ipsis quæ unquam opinio, quæ expectatio fuit? quis hætenus aut in patronorum, aut advocatorum numero vidit, qui tam impudenter censoriam sibi virgulam arrogant? An nesciunt, quàm turpiter flagitiosèque discesserit superiore ævo Bassus ille, cujus tanta libido, tam inconsultus furor fuit, ut cum celeberrimos quosque interpretes, Alciatos, Cujacios, Hotomannos, Viglios conviciis proscinderet, tum insigni orationis vanitate, grandique supercilio identidem jactaret, à se solo animadversum esse, quod multis seculis universos latuerat. est operæ pretium audire, quibus ille verbis, qua sententiarum pompa sua extulerit: quantum in docendo voce styloque  
potens

potens fulminarit. Pergo ad alia ipsis adhuc in-  
 cognita & inaudita doctoribus. Et: Mirum est, ac  
 plus mirum, doctores adeò oculatos, in re tam mani-  
 festa, tanto impegiſſe tempore. Item: Nunquam  
 intellexere doctores quid ſit ſuum heredem eſſe. Itē:  
 ſtudioſus lector hanc noſtram doctrinam diligenter  
 animo inſigat: quia eſſi trecentos in doctorum ſcri-  
 ptis evolueris falleret annos, nihil ſimile ac tam  
 ſolidum in hac materia eſt deprehenſurus. Hęc &  
 hujus farinæ alia magno conatu, pleniq;  
 buccis ille crepabat. Verùm quē tulit nu-  
 gator jactantiæ ſuæ fructū? quod nomen,  
 quę gloria ſcribentē conſecuta eſt? Quan-  
 tum quæſo hominū eſt, qui Baſium vixiſ-  
 ſe gaudent? Quam frequens lector terit e-  
 juſdem libellos? Latet, eheu, latet miſellus  
 cū obſcuris viris, nec quicquam Baſii poſt  
 rogū ſuperat. Penetravere libelli per iter  
 tenebricoſum, illuc, unde negant redire  
 quenquam: ubi ſunt Grylli lachrymoſa  
 carmina: ubi Neronis delphin, & Vo-  
 luſi annales, cacata charta: ubi Cæſii, A-  
 quini, Suffeni, & quantum eſt hominum  
 invenuſtiorum. O ſpes hominum falla-  
 ces! ô curas atque cogitationes inanes!  
 qui poſteritati ſcripſerat, penè poſte-  
 ris vixiſſe neſcitur: qui ſeculis prodeſ-  
 ſe voluit, etiam ſuo ſeculo materies ri-  
 dendi fuit. Ite viri magniloqui, lingua  
 fortes, ignavi opera atque grandilo-

N

quen-

quentia vestra stabilem gloriam vos consequi posse sperate. Eruditionis, non ostentationis præmium honor est; qui si cui iudicio studioque peritorum deferatur; is verè honestus & honoratus vir existimabitur: sin prava simulatione & inanibus verborum ludibriis honorem apud imperitos aucupabimur, non honor iste, sed falsi honoris brevis umbra erit. Quapropter ita existimare debetis, juvenes ornatissimi; nihil magis eruditos decere, quàm pudorem: nulla magis re imperitos à peritis discerni, quàm impudentia. Ut enim fortissimos plerunque viros, dum armantur, pallor occupat; & signo pugnae dato, ferocissimo militi paululùm genua tremunt: ita fieri non potest, quin optimis quibusque artium magistris, dum ad dicendum scribendumve componuntur summa rigeant. Multa enim illis cavenda, multa vitanda sunt, ne aut dicenda tacuisse, aut tacenda dixisse videantur. Ad singula cautos & sollicitos pudor facit: qui quo perniciosior audacia est, eo diligentius in possessione retinendus, ac si fieri possit, quovis interdicto defendendus venit. Pudor, sive rectus, sive nimius, semper extra noxam est: nam & rectum laudamus, & nimio facile ignoscimus: impudentia verò unquam non noxia, gravis, &

invisa



invisa cunctis habetur. Quæ enim honestior vox esse potest, quàm illa fortissimi viri Hectoris; *ἀνδρῶν τεύχος*? contra quæ turpior, quàm illa Caligule, qui impudentiam inter dotes naturæ numerabat? Quis autem omnium tam leni, tam patienti animo est, ut ostentatorem semper æquis auribus sufferat? Nam si alienæ quoque laudes parum æqua mente accipi solent, quanto gravius ad aures propriarum laudum buccinatio accidit? Et si præficarum nobis molesta atque odiosa oratio est, quis agyrtam pro rostris concionantem æquis oculis aspexerit? Non in præconis voce, sed in conscientia eruditionis fructus ponendus est: sequi scribentem, non appeti debet gloria: nam & quod magnificum referente alio fuisset, ipso qui gessit prædicante, evanescit. Quod si quis in hoc studiorum & modestiæ circo currentibus obstare videbitur, virtute ille, non calumniis dejiциendus est. Atque etiam si manifestus erroris & ineptiarum teneatur, nequaquam deprehenso insultandum. Omnium enim rerû vicissitudo est: nec quicumquam mortalium cunctis horis sapit. Cecidit ille: & tu cades qui sequeris; fortuna publica est. Deserit illa protervos, fugit impudentes: sola modestia est, quæ instabilem ac fugacem in potestate retinere possit.



# ANTONII MATTHÆI ORATIO XI.

DE

## ABSTINENTIA JU- RISCONSULTORUM.

Recitata VI. Maji Anni M. DC. XLV.

Cum CORN: ab HEEMSKERCK,

*I. V. D. pronuntiaretur.*



Militantium apud veteres Romanos eum fuisse favorem accepimus, ut non solum res eorum castrenses, patris in cujus erant potestate, censu & dominio eximerent; verum etiam profecturos in aciem parentes & propinqui rebus necessariis instruerent: aliis quidem vestem militarem, aliis mancipia, aliis jumenta & sarcinas dono dantibus. Hunc Romanorum morem mihi fortasse imitandum aliquis censuerit, qui hodie cum Deo opt. max. te, juvenis præstantissime, militiæ togatæ initiaturus sum, ut liberalitate nostra adjutus, instructior atque ornatior in aciem forenses prodire possis. Verum, alia

alia mihi in te ornando, nec tamen prorsus dispar aut dissimilis ratio constabit: nam neque aurum, neque argentum, neque vestem à me expectabis ullam, neque omninò quicquam earum rerum, quæ apud vulgus in admiratione sunt: donum tamen à me proficiscetur ejusmodi, quod signatum acceptumque adversus te fuerit, maximæ mihi voluptati, tibi vero honori, atque emolumento erit. Etenim, qui gemmas, qui vascula pretiosa, thoro sive pictos donant, hamatis suis & viscatis muneribus accipientes opprimunt verius, quam adjuvant: nostrum vero munus neque mihi sumtui, neque tibi oneri erit: decebit autem utrumque nostrum, me quidem, qui id offeram: te verò, qui oblatum libenter cupidèque acceptes. Cum enim insignibus honoris à nobis auctus, mox in forum processurus sis, ut facundia tua & peritia nocentibus terrori, probis saluti sis: quod majus, quod pulchrius à me proficisci munus poterit, quam si aures tuas ejusmodi præceptis imbuam, quibus instructus scopolos juris peritorum prudenter cavere, aliorumque naufragia securus è portu despicere possis. Sunt autem scopuli, in quos impingere proram imperiti solent, multi quidem, sed periculosissimi, avaritia

atq; intemperantia. Non fretum Siciliae, non saxa Cepharea, non Cilicum litora tam præfens exitium adferunt, quam infatiabilis caufidicorum furor atque cupiditas: quem dum omnibus modis alere atque explere conantur, in ambiguo disputantibus reliquerunt, utrum præstabilius sit, nullos omnino oratores in civitate esse, an dum imperitis patronum largimur, eorundem ingluvie & sordibus patrimonia civium exhauriri. Verum, hos tu scopulos ita commodissime vitare poteris, si cotidiè titulum tuum legas, teque identidem interroges, quam personam in civitate gerendam susceperis: qua fide, probitate, abstinencia eum esse deceat, qui partem aliquam reipublicæ studiis civilibus tueri atque defendere velit. Deinde ob oculos tibi pones exempla, tum illorum, qui virtute & abstinencia immortalem sibi gloriam peperere: tum istorum qui oppositis vitiis æternum nominis dedecus consecuti sunt. Tamen si enim dociles aures præcepta facile imbuunt, efficacius tamen exempla movent, validius nutantem animum impellunt, dum vita atque opere ipso approbant, quæ verbis atque oratione sapientes præcipere solent. Principiò itaque quemadmodum mathematicum doctores

quæ-

quædam ante sibi concedi postulant, quo  
 cætera facilius persequantur : sic ego  
 à te, mi Candidate, hoc mihi concedi  
 postulo, nisi qui vir bonus sit, Jurisperi-  
 tum esse aut dici posse neminem. Nam si  
 rhetores rectè senserunt, non posse ora-  
 torem esse, nisi vir idem bonus sit: quan-  
 to magis de Jureconsulto id asseveran-  
 dum, cujus persona utrasque hodie par-  
 tes, & oratoris, & advocati sustinet. Ve-  
 rus enim Jurisperitus non est sophista.  
 quidam Græculus, qui vanis verborum  
 argutiolis curtum torqueat enthymema,  
 aut captioso sorite circumfufis illudat di-  
 scipulis : sed est Romanus quidam sa-  
 piens, qui aut facundo ore leges & jura  
 docet, aut umbræ & pulveris scholastici  
 pertæsus, vera adit discrimina, & ambi-  
 gua causarum fata dirimens, interim rei-  
 publicæ, interim singulis patronam vo-  
 cem commodat. Quæ in re non tam suum  
 emolumentum, quam publicam utilita-  
 tem sectatur : nec animi libidinem & cu-  
 piditates pro norma habet, sed leges, &  
 plebiscita, & principum placita, & mo-  
 res populi pro regula observat. Quæ quan-  
 quam infinita & immensa esse videntur,  
 universa tamen quantacunque sint, sum-  
 mis quibusdam præceptis absolvuntur :  
 quibus primùm honestè vivere : dein ab

injuriis abstinere, postremò suum cuique tribuere jubemur. Hæc totius juris summa est: hoc legum innumerabilium compendium: quod si diurna nocturnaq; cura atque contentione versaveris, facile animadvertes, si quisquam in civitate est, non sibi sed aliis natus, hunc vel in primis Jurisconsultum esse: quippe cujus officiũ hoc præcipuum est, nocere nemini, cavere, consulere, prodesse quamplurimis. Est autem ita natura comparatum, ut nemo aliena rectè curare, aut jus suum cuiq; tribuere possit, nisi vitis immunis, virtutis studio totum se mancipet: nec rectè faciat, ut videatur facere, sed quia sentit, se facere aliter nullo modo posse. Qui vero Jurisperitum à viro bono dividunt, eumque esse putant, qui legibus, moribus, institutis civitatis imbutus rationem habeat rei familiaris; hi mihi cum Hecatonè illo Rhodio, Panætii discipulo, fenestram avaritiæ & cupiditatibus aperire videntur: nec enim possis facile rei familiaris curam mortali injungere, quin longius ille progressus, divitiarum studium sibi commendatum arbitretur. Ex eo autem studio, tanquam ex dolio Pandoræ, aliæ porro pestes uberi proventu pullulant: perjurium, peculatus, rapinæ, concussio, sacrilegium, seditio, perfidia: quæ  
mala,

mala, si cujus animo incubuerint, neque  
 jus ille, neque justitiam colet, sed hoc so-  
 lum justum arbitrabitur, quod utile sibi  
 fore perspexerit. Quod ut plenius faciam,  
 atq; ut ajunt, ad oculum tibi demonstrem,  
 paucis mihi, mi *Heemskercki*; ad ea quæ ro-  
 go, respondeas velim. Primum, cum in  
 forum transire nisi juratis non liceat, quo-  
 modo tu Jovem lapidem jurabis, si tibi  
 pro Jove aurum; pro fide cupiditas, pro  
 religione voluptas sit? Dein, ut fortè tran-  
 sferis, quomodo, quæso, civibus tuis vi-  
 gilare, cavere, consulere poteris, si nihil  
 civium, omnia tua causa facias? Qua au-  
 tem fronte concipies illam fidei & fidu-  
 ciæ formulam; *Inter bonos bene agier*;  
 item: *Dolum malum abesse, absuturum esse*,  
 &c. quis enim bonus? qui nihil facit,  
 nisi sua causa? Quod porro jus statues  
 communi dividundo, cum commune ni-  
 hil esse possit apud eos, qui omnia cupidi-  
 tate sua metiuntur? Quis familiæ erciscun-  
 dæ, quis finibus regundis adhibere te au-  
 sit, quem ubi semel admiserit, suis ipsi fi-  
 nibus & familia sit carendum? Taceo te-  
 stamēta, & ultimas moriturorum preces:  
 quibus dictandis, si quis malè consultum  
 & conciliatum advocaverit, facile pro suo  
 extraneum heredem habiturus est. Irre-  
 pere enim in ceras, aucupari legata avari-

tam facile norunt, quam sphæram per præcipitium mittere. Quod si hæc eos ipse decollet, jam gradus heredum, & modos, & conditiones conturbabunt, tantam litium jurgiorumq; materiam ferent, ut mors ante heredes occupatura sit, quam plena liberalitate testantis frui possint. In publicis vero & capitalibus causis quomodo aut accusatoris, aut advocati partibus defungi possunt, quorum animus immensa auri atque argenti cupiditate inardescit? Præterquam enim, quod nullo modo ferendum sit, rationem vitæ ab aliis poscere velle, qui ipse non possit reddere suæ: etiam verus firmusque accusator non erit, qui pectus scelerum conscientia innexum atque illigatum habuerit. Quam enim ridiculum, si Clodius mœchos, Hermogenes fures, Catilina seditiosos peragere velit: si in sicarios Fimbria, in parricidas Malleolus, in repetundarum reos Verrres iudex sedeat. Nulla profectò spes, nulla judiciorum expectatio erit, si tabellam judicandi causa porrectam, avara manus sumserit, infamibus notis redemptam pretio ceram impletura. Contra vero remedium hoc ægrote ac prope desperatæ reipublicæ unicum est, si ad legum defensionem judiciorumque auctoritatem quam honestissimi, & integerri-

mi,



mi, diligentissimique accedant: qui in consilio habeant legem, religionem, æquitatem, fidem: libidinem verò, avaritiam, odium, invidiam, cupiditatesque omnes procul amoveant. Cum igitur neq; cavere rectè, neq; causas defendere, neq; à prætore in consilium mitti incontinentes possint, perspicis, mi Candidate, Jurisperiti nomen nullo modo tueri eum posse, qui non oculos atque manus abstinentes in forum adferat: secus non præcolegum, sed caupo; non antistes, sed gurgēs: non doctor juris, sed decoctor & corruptor appellandus. Accedit quod immensum illud pecuniarium studium, & inexhausta quærendi cupiditas, cum dignitate quoque & existimatione jurisperitorum plurimum dissideat atque pugnet. Nam, ut M. Tullius ait, in universum in republica duo hominum genera sunt: alterum indoctum & agreste, quod antefert semper utilitatem honestati: alterum expolitum, quod rebus dignitatem anteposit. Siquis igitur reperitur ea amentia, ut cum avaritia summa, & indelebili auri fame scientiam juris sibi arroget, animadvertis facile, eum in ordine Jurisperitorum nullo modo consistere posse, sed in aliorum illum indoctorum & agrestium gregem rejiciendum esse. Qui verò ad lu-



cra illa diurna atque horaria idcirco attentiores se esse dicunt, quod dignitatem sine opibus neque parari, neque defendi posse putent; graviter labuntur: ac ne perspexisse quidem videntur, quæ sit vera dignitas, quæ nativa honoris species. Pecuniæ quippe communis est omnibus mortalibus possessio: honestas, ac decus, & quicquid ad laudem honoremque spectat, sapientibus proprium, ac peculiare bonum est. Quærant, corradant, quantumcunque velint: si opes possessorem astris admovent, jam propior cælo erit vilissimæ alicujus mercis institor, plusque voci suæ præco, quam patronus debebit. Vincet caufidici vigilantiam scortorum patientia, plusque in censum quotannis temo, quam toga referet. Procedat in medium nova Mathonis lectica: jactet se in circo quadriga Reguli: næ utrumque mulio aliquis cocco fulgens, aut amentarius auro squalens de via decedere coget. Veniat cum quindecim millibus ducatorum Baldus noster, quam ille summam solis heredum substitutionibus accepto tulisse dicitur: næ illi pudorem incutiet Phrynes aut Rhodopes opulentia, quibus vulgata pudicitia tam monstrosas peperit divitias, ut altera inter regias pyramides opus visendæ magnitudinis ponere:

nere: altera Thebanorum mœnia ab Alexandro everſa reſtituere potuerit. Quã turpiter, ut ipſius barbariſmo utar, hic ſe dabit Ludovici Romani cappa ſericea: quos riſus ſpectatoribus movebit Jaſonis Mayni toga inaurata: nihil enim habent, quod cum proſtitulorum elenchis comparari queat. Verum imperitæ hic plebis execrandus error eſt, divitias primo, bona animi ſecundo collocantis loco: ſapientes contra ita exiſtimant: divitias corporis, corpus autem animi gratia paratum eſſe. Pudoris multum, non auri liberis relinquendum. Cenſum vero foribus vacuum, & rerum neceſſariarum non indigentem in vita decentiſſimum habendum. Horum tu, præſtantiſſime *Heemſkerki*, monitis obtemperare, his deſerta Romuli ſeçe adhæreſcere debes: niſi forte exiſtimas, nihil Romæ dignitatis penes Tuberones fuiſſe, cum ſexdecim ejuſdem nominis viri unis ædibus, uno fundo in agro Vejenti contenti eſſent: nihil exiſtimationis in magno illo Catone, cū Hiſpaniæ proconſul pellibus hædinis pro ſtragulis uteretur, tribuſq; ſervis comitatus, & quingétorū aſſiū ſumtu tranſmarinam provinciam peteret, eodẽ cibo, eodemq; potu, quo nautæ cõtentus: nihil denique ſplendoris in Menenio Agrippa,

nihil in Cinnato fuisse, quorum alteri, quatuor tantum jugera aranti, dictatura delata: alter propter inopiam publico sumtu, collectis in capita assibus, funeratus est. Atquin alius longè priscis Jureconsultis sensus fuit: qui ut magni & illustres in civitate haberentur, non in sacculis & ambitu, sed in virtute spem & fiduciam collocare solebant: ac licet nonnulli ex eis in re tenui & angusta essent, principem tamen in republica locum integritate & abstinentia retinuerunt. Ex eadem enim Tuberonum familia, quæ paupertate & parsimonia laudatissima fuit, vir in disputando doctissimus Q. Ælius Tubero prodiit: cujus tanta fuit probitas, tam sancti mores, ut à Fabio Maximo epulum P. Africani nomine dante, triclinium sternere rogatus, non dubitaverit lectulos ligneos pellibus hædinis sternere, & pro argenteis vasis Samia exponere. Ac licet sciret populum Romanum privatim parsimoniam, publicè splendorem probare, facilius tamen se innoxiam paupertatem, quam opes foribus partas probaturum confidit. Quintus vero Mutius Scævola IC. & Pont. Max. cum Asiam proconsulari imperio obtineret, tametsi messem auream provincia locupletissima ostenderet, ea ta-

men .

men animi virtute atque moderatione fuit, ut & Asiæ salutem, & successoribus suis pro exemplo esset. Nec aliam ob causam inimicissimos publicanos habuit, quam quod sanctos viri mores rapax hominum genus non ferret. Idem tam insigni in contrahendo probitate, tam raro candore usus est, ut fundum emturus, cum pretium semel indicari sibi petiisset, emtorque minoris laudasset, ultro addiderit centum millia. Non enim ingenui, non aperti, sed vafri & fallacis viri existimavit, sui emolumentum causa aliquid celare eum, cuius id scire inter sit: quid enim id aliud, quam ex alterius inscitia prædam quærere? Nec Sabini Massurii nobis reticenda virtus, qui quanquam eques Romanus, multæ eruditionis, magnæque peritiæ esset, aded tamen scientiam juris in occasione quæstus non habuit, ut, cum amplæ facultates non superpetarent, ab auditoribus sustentari, quam quicquam professione indignum committere maluerit. Sciebat enim, rem esse sanctissimam juris civilis sapientiam, sed quæ pretio numario non sit æstimanda. Acceperat etiam haut dubiè magni Platonis oraculum: impossibile esse, ut divites valdè, simulque probi cives sint, cum natura ita comparatum sit, ut magnæ divitiæ

vitæ diversa simul vitia, luxuriam, avaritiam, atque superbiam progenerent. Verum nunquam magis emicuit, quantum inter cupidum & abstinentem interesset, quàm Augusto imperante, cum Antistius Labeo & Atejus Capito diversas, non in jure solum, sed & vitæ genere sectas ducere cœpissent. Capito honorum & fortunæ desiderio ardens, ita se Cæsaribus induit, ut grato obsequio fasces consulares ab Augusto acciperet. Labeo vero magna virtute, magnaue abstinentia, illo juris regno, quod habebat contentus, adeo non blandiri potentioribus sustinuit, ut oblatum ab Augusto consulatum, tanquam auctoramentum servitutis fortiter spreverit; studiisque suis mancipatus ita diviserit totum annum, ut Romæ sex mensibus cum studiosis esset: sex mensibus secederet, & libris conscribendis operam daret. Quare effectum est, ut viventibus illis insignia virtutis Atejus, virtutem ipsam Antistius possedisse videatur: defunctis verò, immane quantum lætior & illustrior hujus quàm illius fama fuerit! Quid Æmiliū Papinianum hic referam, virum omnibus animi ingenii-que dotibus cumulatissimum, qui principem in civitate locum, & prætorii amplissimam præfecturam, quam sub Septimio Severo

Severo virtute promeruerat, sub Caracalla eadem virtute & fortitudine deposuit. Cum enim parricidium Caracallę defendere pro concione iussus esset, vir sapiens & fortis, qui externa cuncta habebat, nec habebatur ab illis, cervicem securi præbere, quam gloriam ante partem defensione immanis sceleris contaminare maluit. Persuasum quippe ei erat, illa securi, neque sensum de se Populi Romani, neque existimationem Senatus, neque conscientiam generis humani aboleri posse. Nec degener Papiniani discipulus Domitius Ulpianus fuit, cujus consiliis Alexander Severus aded præclarè, aded feliciter rempublicā gessit, ut inter optimos principes, & Populi Romani delicias numerari meruerit. Ac licet non ignoraret, invisum propterea atq; infestum militibus caput suum esse, qui pro lege licentiam, pro disciplina lasciviam malebant; mortem tamen potius oppetere, quam vim castręsis disciplinę solvere voluit. Plura huiusmodi ex vetere historia exempla memorari poterant: in quæ tanquam in speculū intuens, vitam quisque suam & mores fingere feliciter atque emendare possit, habet enim ut in ætatibus senectus, sic in exemplis auctoritatem antiquitas. Sed, ne vetera tantum mirari videamur, recen-

recentium incuriosi; age Candidate, ad eos nunc descendamus, qui licet sequioribus seculis nati, insignia tamen virtutis decora, & posteris imitanda nomina reliquerunt. Prodeat in medium Raphaël ille Fulgosus, cujus corrupto jam Latio tanta pietas, tam tener conscientiae sensus fuit, ut cum juvenis, & jus ignorans pactum de quota litis cum cliente iniisset, dein matura jam ætate, auctaque scientia pactiones hujusmodi turpes & legibus prohibitas intellexisset: pecuniam acceptam cum usuris clienti non opinanti ultrò restituerit. Prodeat Philippus ille Corneus, cujus similiter animus ab avaritia alienissimus fuit: ita, ut non solum cognatis, adfinibus, amicis: sed & civibus suis Perusinis gratis de jure responderet: ab extraneis non peteret, sed acciperet, quod offerebatur: locis vero religiosis etiam suo cibo sumtuque patrocিনatus est. Prodeat magnus ille Alciatus, qui claritatem nominis sui eo usque intenderat, ut à Pontifice Romano luculentis conditionibus Romam evocaretur. Ac licet non exigua spes auri purpuræque affulgeret, pluris tamen suggestum suum, & circumstantis juventutis coronam, quam apicem pontificium æstimavit. Haud paulo profecto



fecto major & melior vir , quam Jafon  
 Maynus , qui non contentus Ludovici  
 XII Galliarum regis munificentia, à quo  
 & stipendio annuo mille coronatorum,  
 & toga inaurata cohonestatus erat , gale-  
 rum quoque , quem vocant , cardinali-  
 tium concupivit. Interrogatus enim à  
 rege, qui magno comitatu recitationi e-  
 jus solenni interfuerat ; cur cælebs æta-  
 tem degeret , ac non ducta conjuge par-  
 tum scientia decus in posteros transfer-  
 ret? perfricta fronte improbulè respondit:  
 idcirco id à se factum esse , ut quando-  
 que regis intercessione sacram illam in-  
 fulam impetrare posset. O turpem ambi-  
 tum! O deformes blanditias , & planè at-  
 tritis miserabiles labellis? Usque adeò ni-  
 hil erat, quod regi placeres , quod limina  
 populus , academiam lectissima juvenus  
 tereret, nisi etiam facerrimo filamine ca-  
 put cinctum gereres? Quanto te non so-  
 lum Alciatus , sed & Franciscus Hoto-  
 mannus major, qui fortunæ ridentis cre-  
 pitacula, & splendidam aulæ Gallicæ ser-  
 vitutem tam fortiter sprexit, ut exul &  
 extorris in Rauracorum finibus consene-  
 scere, quàm Lutetiæ inter primores viros  
 cenferi mallet : identidem in ore versans  
 vetus illud viri fortissimi dictum : *Habea-*  
*mus aquam : habemus polentam : cum love*  
*ipso*



*ipso de felicitate certabimus.* Udalricus quoq;  
Zasius, lumen illud Germaniæ, tametsi à  
multis viris principibus auro oppugnaretur,  
ea tamen animi moderatione, & continentia fuit, ut spreto omni honoris & opum incremento, in ludo suo Friburgensi emori, quàm in aula & purpurâ servitutem servire maluerit. Nam si libertas lepidâ visa est, quod nunquam pedem in navem una cum Hercule inferre voluerit: quanto lepidior nobis videri debet, quod nunquam inter moriones & parafitos in aulam penetrare sustinuerit. Quid Renatum Choppinum memorem, virum non patrii duntaxat, sed & peregrini juris peritissimum, magnumque: alpha togatorum Gallorum: quem victuris chartis intentum, cum affines & amici à stylo ad vocis quæstum retrahere conarentur, non solum non obtemperavit eorum cupiditatibus, sed & intentius in instituti lucubrationibus perrexit. Quid Carolum illum Molinæum, summi iudicii, laboris atque diligentiae virum: qui licet videret, ingrata sibi studia fuisse, magno tamen animo, altoque spiritu, nominis immortalitati opes posthabendas censuit. Certus enim erat, vir malarum artium insolens, non esse computandum quid studia referant, sed fructum

ctum ex animo & contemplatione mediandum. Nec minor Petri Pithœi probitas fuit, qui ut animum à lucri cupiditate alienum ostenderet, non nisi raro, & quod elaboratum esset, consulentibus respondebat: honoris magis sui & existimationis, quam quæstus curam gerens. Lucrum verò, si quod festis diebus fortè obtigisset, id egentibus universum distribuebat. Multum profecto dissidens ab eorum cupiditate, qui dum quæstum quæstu cumulare student, subita & cruda responsa in forum propellunt, magnaque festinatione à causis ad causas transilire solent, in quo non possunt non vehementer offendere: nam aut perfidiam in receptis, aut negligentiam in susceptis rebus suam ipsi produnt: nec animadvertunt, non quod multum est, bonum esse: sed multum esse, quod bonum est. Verùm ut contraria juxta se posita magis elucescant atque emineant, age mi *Heemskercki*, ex adverso jam intue-  
re turpem frontem, & deformia ora eorum, qui dum lucro avidius inhiant, & sanctissimas leges cupiditatibus suis servire postulant, aut pœnam scelerum ultri-  
cem, aut eternam nominis infamiam cō-  
secuti sunt Illuc sis vide, quanta seculi in-  
vidia, quibus famę conyiciis Tribonianus  
noster

noſter laceretur : à quo non avari homi-  
 nis genius vapulet : qui auri dira fame ſti-  
 mulatus leges pretio vendere , ac pro ar-  
 bitrio eorum qui largiebantur , figere at-  
 que refigere non erubuit. Quam foedus  
 Angeli Aretini exitus fuit , qui licet eſſet  
 magna in foro , & apud latruncultores  
 auctoritate , adeò ut in criminalibus cau-  
 ſis auriga optimus vulgo vocaretur : par-  
 tam tamen juris ſcientia famam crimine  
 fordido perdidit. Cum enim auro corru-  
 ptus venalem ſententiam pronuntiaſſet,  
 carceri mancipatus, capitis cauſam dixit,  
 ac niſi ſuffragiis celeberrimorum Italiae  
 Jurisperitorum abſolutus eſſet, gladio no-  
 xiam cervicem præbiturus erat. Quam  
 porrò deformis Andreæ Siculi ingluvies  
 fuit , quem gloriari non puduit , ex uno  
 conſilio, quo fratrum filios in ſtirpes ſuc-  
 cedere reſponderat, plus triginta ducatos  
 ſe emunxiſſe. Egregiam verò laudem, &  
 opima avari hominis ſpolia ! dignus ſcili-  
 cet, ob tam præclarum facinus, non ecu-  
 leo, ſed ſtatua: non carcere ſed Prytaneo.  
 Modetiſtor ſanè hac parte idem ille Jaſon  
 fuit : qui quanquam multum à conſulen-  
 tibus acciperet, hac tamen id lege & fidu-  
 cia faciebat , ut ſi contra judicatum eſſet,  
 condicere victi data ob cauſam victoriæ  
 poſſent. Nam qui ante eum de jure re-  
 ſpon-

spondebant, binis, ternis, summum quaternis aureolis honorabantur: primus Jason quinquagenos, centenos & amplius à clientibus exegit, minuente invidiam ea, quam diximus, pactione atque lege. Verum nullius, quod quidem sciam, major atque abjectior vilitas, quam Angeli Raji, JCti. Neapolitani fuit: qui cum oblatam à cliente pecuniam argento mutari jussisset, atque interim cliens cum adversario transigere, quam ab avvocato suo expilari maluisset, palo graviter ab ancilla verberari se jussit: dignus enim sibi fustuario supplicio videbatur, quod pecuniam, dum caleret, accipere distulisset. O sordes hominis turpissimas! O cupiditatem foedam & insatiabilem! fustibusne quenquam tergum præbere, quod conditione acquirendi usus non fuerit? Ubi, ubi estis validi valdè virgatores, qui pendentes verberare ad necem soletis. Cædatur loris liber Angelus Rajus: eja, quid statis? feriat fortiter! stridulum illud & flebile, tax, sax, edatur in tergo ejus: nihil enim in illo feriendo detrimenti fieri potest, qui raùdusculo se vitam, & libertatem suam addicere non erubuit. Has civitatis pestes, hæc reipublicæ ulcera, quis non cane pejus & angue oderit? quis non ad occursum eorum exclamet, fures! fures!

res!

res! quis autem non Corneum unum, aut Fulgosum centenis aliquot Rajis anteponat? Illi enim virtute & abſtinentia laudē ſibi: hi ſordibus ſuis dedecus æternum & infamiam invenerunt. Quapropter, præſtantiffime Canditate, ſi tibi vita, ſi fama atque gloria curæ eſt, cave tu Aretinis potius quam Molinæis ſimilior eſſe exoptes. Si exemplar, ſi ſpeculum tibi Platonis expetis, cave tu Rajos potius & Siculos, quàm Alciatos, Hotomannos, Pithœos intueare: noſti enim exempla niſi à probatiſſimis, ſumi non oportere: niſi forte ſtatuarum artifices plus prudentiæ habere credis; qui cum primulum fingere occipiunt, non obſcœnum aliquem hortorum cuſtodem, rudi villici manu male dolatum: ſed Jovem Phidiæ, aut Vulcanum Alcamenis, aut Venerem Praxitelis, aut canonem Lyſippi imitari ſolent. Quanquam quid ego exemplis congerendis diutius immoror, aut quid foris canonem quæro, quem domi habeas. Vides inter neceſſitudines tuas admirabili virtute & fortitudine virum *Iacobum ab Heemskercke*. Domitor ille Iberiæ, magnusque freti Gaditani terror, non auri, ſed gloriæ cupidine ardens, Herculeo auſu ingentes Hiſpanorum cercuros celocibus ſuis depreſſit, Mauroque ſanguine

guine & cadaveribus hostile complevit  
littus. Bellicum quidem hujus decus est,  
sed neque bello, neque pace inclarescere  
possis, nisi eandem quam ille virtutis &  
abstinentiæ semitam calcaveris. Vides  
præterea inter eos, qui honoris tui causa  
procefferunt, veneranda canicie avum  
tuum: qui quanquam sacris & religione  
a nobis dissidet, ea tamen religione, fide,  
æquitate, abstinentia est, ut non alterius  
magis, quam hujus consiliis incluta civi-  
tas usa fuerit. In hunc intuens, probum  
vitæ tuæ canonem habebis. Ab hujus ore  
pendens, ubi audieris illa: Hoc facito:  
Hoc fugito: Hoc laudi est: Hoc vitio da-  
tur: cave, tibi magis placuerint cerdonum  
dicta. Da mihi: atque, Affer mihi: & Ac-  
cipe dum calet: dum recens est &c: Hæc  
enim certa morum tabes est: hic hostis  
virtutis juratus & inexorabilis, quem ubi  
semel intra muros, id est, pectus tuum  
admiseris, non est quod a victo modū ac-  
cepturū speres. Sēties dehinc, sed magno  
tuo cum malo, nullum officium, nullam  
necessitudinem tam sanctam & solennē  
esse, quam non avaritia cōminuere atque  
violare soleat. Neq; verò circa auri dunta-  
xat & pecuniarum studium abstinentiam  
tuā probabis: verum etiam crapulā, quan-  
tū potes, fugere atq; averfari debes. Jā pri-  
dem

O

dem

dem isthæc pestis caufidicos invasit, ut nisi potos fari & sapere non posse existiment. Itaque plura, jam vadimonia ad ænopolam, quam ad prætorem fiunt. Ibi scribere, ibi cavere, atque transigere negotia volunt. Tunc rogante cliente: Dic, Hegio! repentè exclamat Cratinus: Heus puer! jam diu factum est quum bibi. bibitur. poscit matulam Cæditius. tum Crito, res, inquit, magna est: ego amplius deliberandum censeo. Turgente cliente, comperendinationem fieri caupo jubet. Quid multis? post mille tædia, mille moras, quicquid irarum in taberna conceptum est, in infelicis litigatoris caput effunditur. Atque hæc cum pessimo fiant exemplo, tamen jure defendere homines siticulosi volunt, multis Poëtarum testimoniis adductis. Proinde, quasi vitia umbone peccantium excusentur: aut latro furem, peculator sacrilegum, mœchus lenonem defendere possit. Adhæc, quasi nihil inter Poëtam & Jurisperitum intersit: quasi qui furor in vate laudatur, is idem in oratore excusandus sit. Scripserint sanè pervenusta ebrii Alcæus, Æschylus & Aristophanes. Nunquam nisi potus profilierit ad arma dicenda pater Ennius. Satur fuerit Horatius, cum exclamat Ohe, Ohe. Potuerit nihil sobrius



brius Martialis, cum bibenti succurre-  
rent quindecim Poëtæ. Quid id ad Juris-  
consultum? quid ad patronum attinet,  
quorum à vatibus & thyrsosecta toto cœ-  
lo discrepat? Illi campum: hi forum a-  
mant. Nemora illi & fontes: hi prætoria  
& urbes colunt. Secessu illi & otio: hi tur-  
ba & negotio gaudent. Illis ebriæ noctes  
ducuntur: his sol occasus suprema tempe-  
stas est. Illis in lucem dormire licet: hos  
sub Galli cantum consultor excitat. Po-  
stremò, si arbitros hujus rei capere Poetas  
libet, adeo forum sobrios amat, ut ipsi illi  
vates siccorum nomine Jurisperitos desi-  
gnaverint. Nec ullo fane modo fieri po-  
test, ut aut in studio civili, aut in causis o-  
randis excellant; qui mētis calorem vino  
obruunt, nec lege frugalitatis teneri vo-  
lunt. Nam ut milites ebrii nullo negotio  
in acie funduntur: ita in foro & disputa-  
tione madens vino orator exiguo moli-  
mine prosternitur. Quis enim nescit ur-  
bana illa militia quam sit laboriosa: quam  
solicitudinis ac stomachi plenissima: ut  
scribendum, ut respondendum cotidiè sit,  
tum autem multorū stultitia perpetiēda,  
multorum arrogantia peferenda est. Sur-  
gendum de nocte, ut ante lucem consul-  
torem dimittas: postremò ad alienum ar-  
bitrium vivendum, non tuum. Hæc non



ebrii, sed sobrii hominis officia sunt: qui levi somno recreatus, ad stylum & tabulas cum sole & die redire possit. Quo magis mirari Francisci Balduini rationem cogor; qui inter omina future magnitudinis scyphum Cæsaris à se puero constanter exhaustum, numerasse videtur. Illo nimirum poculo arcem legitimæ scientiæ, & præcipuum inter prudentes Christianos nomen portendi sibi ratus. Digna videlicet res novis annalibus, quæque in vitis virorum illustrium à Massono referretur. O quantum eruditorum in popinis latet, quos magnos calices fortiter siccantes invidia temporum famæ subtrahit. Speret jam melius Cicero pater de filio tricongio, si Balduino tantilla congii partio ad incrementa profuit. Scilicet, hic virtutis index est? Hoc famæ lætioris omen & augurium? Ergo inter illustres viros nobis plagiarius erit, familiamq; in jure ducet Ecebolius? Tūc ego te Massone insanisse credo, cum in eodem fastigio Atrebatem cū Tholosate collocare non pudit. Cujaci, inquit; Balduinus hic jacet. Hoc tecum reputa, & vale. Mortuis vobis Jurisprudentiæ gravis corripit sopor. Quasi vero nihil inter viburna & cupressos intersit: quasi fraxini gloriam humiles genistæ æquent, ancepsq; inter algam & oleam de proce-

ritate

ritate contetio sit. Verum, ut ab omine ad amphoram redeam, si siccis omnia dura sunt, & vinum armare caufidicos debet, quid de lucerna juris Bartolo dicemus, qui panē ad pondus, aquam ad mensuram sumfisse dicitur? Quid de Frácisco Hoto-manno, qui sola virtutis possessione contētus, lymphas suas & polentam vel Jovis nectari & ambrosiæ præponere non erubuit? Quid autē de Tholosate nostro, quē ad illud famæ & eruditionis culmen, non proclive voluptatis iter, sed asper & sentibus horridus clivus, & ut ipse ait, usus, longa meditatio, & in veste sudata obfirmatus animus deduxit? Stulta videlicet & misera diligentia fuit, cū otio, & boletis, & rubello pinguescere possis, continuato literato labore, corpori habitudinem detrachere, succum exsorbere, gratiam oris & colorem detergere. Non, non est profectò, quod tantos viros capitis accusemus, tanquam prodigi vitæ, & sui parricidæ extiterint. Quisquis in aliquo studio magnus haberi vult, frugalitate & abstinentia proficere debet. Tanti interest, utrum plus vini an olei cotidie in tabulas referas. Sexcentos in eum finem excitare testes poterá: verum neque soli face opus est, neque fas est, mi *Heemskercki*, vota tua meaque diutius morari. Itaq; vela oratio-

nis contraham, & ad reliqua hujus sacri peragenda properabo. Quod superest, enixis te precibus oro & obtestor, ut abstinentiam & frugalitatem omnibus modis tibi commendatam habeas, itaque existimes, eos, qui hanc nobis, qua utimur, jurisprudentiam reliquerunt, non madidos, sed siccos viros extitisse, quibus vita innocenter atque sobriè transacta, decus immortale, reipublicæ magnum salutis incrementum præbuit. Horum tu vestigia legens, ebrium ac petulans Tarentum suo, id est, malo genio relinques. Quod si ita, uti præcipimus, feceris, omnes boni benè scitèque à te factum arbitrabimur.



ANTONII MATTHÆI  
ORATIO XII.  
IN  
CARMELITAM.

Recitata 28. Septemb. M. DC. XLVII.  
Cum SIMONEM a VELSEN.

*Summis in Vtroque Iure honoribus  
ornaret.*

**S**I unquam dicenti favor vester adjumento fuit, tum ut hodie dicturo mihi præsidio sit, enixè oro atque obsecro. Rem enim novam & insolètem facturus sum, ut quibus in subfelliis togatos hætenus spectare consuevistis, iis nunc cucullatum intueamini. Carmelita is est, quem dixi: si gentem exigas Gallus: si ætatem, puer: si mores improbus: si exitum miserabilis. Ingenio ferocinatus anachoreta, cum necdum ex ephebis excessisset, atque inter æquales forte luderet, cultellum manu tenens pauca de occidendo rege verba fecerat. Raptus est illicò ad

O 4

magnè

magni consilii judices, variantibusque diu in confinio severitatis & clementia sententiis, tandem turpi suspendio additus est. Hujus spiritum utrum jure in injuria laqueus carnificis eliserit, vestra æquitate subnixus paucis putare constitui. Adeste igitur animis, qui adestis corporibus, politoque odio, amore invidia solam religionem in consilium adhiberi patiamini. Equidem cum ætatem aspicimus, cum linguæ temeritatem, & inanes damnati minas, crudele magis quam severum hoc judicium existimari poterat. Prætextati annos vix duodecim nati, quod tantum scelus cogitari potuit, ut esset ultimo supplicio vindicandum? Nam cum in universum adolescentes impetu magis quam proposito peccent, tum in primis impuberis is plerumque stupor est, ea consilii inopia, vix ut culpæ, nedum doli mali capax sit. Quicquid ille designat, sive alienum quid tollat, sive parentes cædat, aut sacris cupidas manus inferat, id eum nescientem facere sapientes dictitant. Nocere quidem potest ut ferrum, ut lapis, ut tegula: injuriam vero facere non potest; quia nulla est injuria, nisi à consilio, atque ab animo inferentis profecta. Ubi igitur damnati crimen? ubi capital infelicis pueri,

pueri, quod sine dolo malo admitti leges negant? Nonne etiam qui vesticipes jam habentur, atque fraudis capitalis capaces, tamen siquid gravius admitterint, ætatis commiseratione mitius plecti solent; nec laqueo strangulatur, cui emendando ferula par lesse poterat: nec iussu proconsulis lictor lege agit, ubi vox, nutus, virga magistri flagitantur? Quod si ab ætate ad crimen transire lubet, quæso, quæ fuit illa tam gravis bullati noxa, tam detestandum scelus, ut scelus alterum iudices putarent non graviter in reum animadvertisse: Num cum hostibus ille confilia communicaverat? Num ferrum adegerat in viscera principis, aut in perniciem reipublicæ certo indice conjuraverat? Nihil horum: nihil miser aut ausus, aut potuit: linguæ lubricum in crimen vocatur, hominisque infirmissimi minæ morte piandum nefas sunt. Cultrum enim manu tenens, ac Brutum, nescio quem, aut Collatinum somnians Jacobitæ illius factum renovare se posse dixerat, qui Henricum Tertium ad Clodovei pagum immani parricidio extinxerat. Scilicet atroces valdè minæ & plena præsentis exitii denuntiatio, quæ nisi morte vin-

dicetur, actum de salute regis regnique fuerit. Quis nescit, quo quis infirmior est, eo graviora plerumque minari solere, ac Manlios ferme Cassiosque loqui, qui ad speculum Othonis & Galbæ ornari solent? Quid, quod ne virorum quidem minas omnes & maledicta leges vindicent: multa diffimulant, alia contemnunt, quædam comminatione potius quam poena digna judicant. Etenim si ex levitate processerint, contemptu: si ex infania, commiseratione: quod si ab injuria profecta sint, venia digna pronunciant. Nulla autem harum causarum scelerum virorum ita obtendi potest, quin vel maximè lasciviæ puerili excusandæ atque defendendæ idonea sit. Nam si contemnenda, quæ ab animi levitate promanant, quid puero levius? Si commiseratione digna quæ infani delinquant, nonne tota fere adolescentia cujusque inter stultitiæ & furoris confinia transigitur? Quod si vero ab injuria profecta, venia tamen digna censentur: quanto magis veniam meretur petulantia ejus ætatis, in quam vix injuriæ, nedum formidabile criminis verbum cadit. Quamquam ne petulantia quidem dici posse videtur; si puero, qui rex erat, tyrannus visus est: querela ea fuit; & temporum obrecta.



obtrectatio, ab infirmitate animi & errore profecta. Est enim natura ita comparatum, ut invalidum omne querulum sit, viriumque vacivi loquaces potius, quam pugnaces deprehendantur. Hæc atque hujus generis multa scio obtendi posse ab iis, qui infidiosa oratione clementiæ laudem affectant magis quam assequuntur, pravoque studio supremam exagitant, & in hominibus impiis sceleris obliiti de pœnæ acerbitate queruntur. Verum si jugulum hujus causæ strictiore premamus nervo, & amota invidiæ nebula coruscum veritatis objecerimus jubar, facile apparebit, noxiam esse lenitatem, quæ vitam scelerati reipublicæ salutis anteponit. Primum enim non omnis impubes dolo caret; nec omnia absque dolo perpetrata dissimulanda: est & culpa quædam exemplo gravis: & quædam ab indole prava profecta divinatione futuri gravius animadvertuntur. Postremò non leve, sed atrox ab hoc puero admissum scelus: & illo quidem tempore, quo tot modis contempta, toties læsa ac proculcata majestas quovis terrore è manibus ficariorum erat asserenda. Has ego mihi defensionis partes præscribo, extra quas ut pedem ponam, neque temporis modus, neque amplissimi confessus



reverentia permittit. Itaque nec locum illum vulgatissimum de rerum judicatarum auctoritate attingam, sed demonstratis iis, quæ dixi, perorabo. Primum non omnem impuberem doli incapacem esse, cum jure civili planè perscriptum est; tum ratio atq; experientia confirmat. Ætatem enim illam pupillarem in tres partes civilis sapientia dividit: quarum primam, quæ septénio absolvitur, infantiam nuncupamus: quæ hanc excipit, infantia proxima dicitur: tertia prioribus robustior, proxima pubertati. Ex his infantes quidem & infantie proximos ab omni accusationis periculo consilii innocentia tueri; nec enim intelligunt, quod agunt: at qui proximi pubertati sunt, non solum intelligere, & ratiocinari; sed & prurire, & irasci, & odisse, & vindictam meditari experimur. Quare fit, ut hircuitalli isti non solum in venereis flagitiis, ad quæ fervore quodam nature maximè proni sunt; verum etià in iis sceleribus deprehendantur, quæ ab ira, odio, avaritia proficisci solent. Hujus ætatis puer ille est, quem cupiditas & affectus ita ducunt, agunt, rapiunt, ut non sine causa nature illud miraculum Aristoteles quavis bestia intractabiliore esse dixerit: Ut sapientissimus Plato non solum acerrimum, & petulantissimū, sed & insidio-

diosissimum omnium animalium iudicavit.  
 Quid enim? non puer Hercules fuit, cum  
 Athenis quinquaginta Thespii filias virgi-  
 nes stupro polluit? Non puer nostro ana-  
 choreta anno minor, qui, si qua Hierony-  
 mo fides incesta nutricis consuetudine  
 volutatus tam monstruosum ætatis cõpen-  
 dium fecit, ut pater ante fieret, quam per  
 leges maritus esse posset. Quartilla autem  
 infame illud Petronii scortum nonne sua-  
 met ipsa voce profiteretur, cū ætatis suę me-  
 moriam recordaretur ultimam, incertos  
 sibi & incognitos esse virginitatis annos;  
 infantem enim cum paribus inquinatam,  
 & procedēte ævo maioribus se pueris ap-  
 plicuisse. Mitto ista quæ libidinis sunt; ad  
 quam, ut dixi, vel maximè fertur puer in  
 flexu ætatis constitutus. Iræ, odii, avari-  
 tiæ argumenta si desideramus; puer utiq;  
 fuit, qui laminā ex Dianæ corona auream  
 sustulit; cumque iudices sententiæ incerti,  
 talos, crepundia, & illud funestū aurum  
 obtulissent, gnarus ille, quid æra lupinis  
 distent, aurum sibi præ crepundiis expe-  
 tendum iudicavit. Quid Alcibiades? num  
 puero major, cū Pericli auctor fuit, ut ex-  
 citato periculosissimo bello Peloponne-  
 siaco, sibi quidem impunitatem contur-  
 batarum rationum, patriæ vero funera  
 & extremam orbitatem quæreret? Quid

Hannibal? qua ætate fuit, cum adigente patre, altaria manu tenens, in excidium Romanæ gentis juravit? Qua ætate M. Cato, cum de occidendo sub specie salutationis P. Cornelio Sulla præceps consilium iniit? Quantulo autem puero Manlius adolescens major, cum legibus fraudem facere, strictoque pugione Tribunalis plebis accusationem patris ejerare coëgit? Atque ut ne ex peregrino duntaxat orbe præsidia hujus causæ petiisse videamur, vidit ipsa quoque Gallia prætextatos Cornelia de sicariis, Julia de sacrilegiis, legibus aliis causam dicentes: nec vidit duntaxat, sed & damnavit. Ex his quidam vix puer primum adversus parentes se impiavit: dein profugus domo herumque senem nactus concubinam ejus furtiva Venere polluit: ad extremum etiam in bona morientis, exclusis legitimis heredibus, per fraudem invasit. Alius quidam annos XI. natus, puellam ictu lapidis peremit, scelerisque sibi conscius, & gladium ultorem metuens, cadaver, qua poterat, occuluit: nec quicquam patrocinate etate ad furcam damnatus. Duo alii sacrilegii convicti, qui vasa sacra è templo sustulerant, eaque, ne signis proderentur, scelesto marculo comminuta venundederant: cæsi ob id bis per compi-

compita virgis: toties spectaculo plebi  
fuere, sola interula linea tecti, & restim  
collo, tædam lucentem manu gestantes,  
Dei hominumque misericordiam suppli-  
ces imploravere. Aqua me deficiat, si o-  
mnia ætatis hujus crimina colligere, &  
excussis non dicam historicorum, sed ut  
semibarbare loquar aretographorum ar-  
culis enarrare velim. Etiam quæ adduxi  
pauca facile fidem facient, non omnes  
impueres doli incapaces esse: callidita-  
tem quandam ad circumveniendum alios  
paratam. Quæ calliditas cum in pueris cu-  
juscunque cœli ac soli reperitur, tum vel  
inprimis in Gallorum pueris reperiri ne-  
cesse est; à quibus etiam Italos præcoci-  
tate ingenii superari curiosa quorundam  
observatio asserit. Verum enim verò, lar-  
giamur aliquid cucullato: fingamus non  
dolo sed culpa, non malitia sed infirmita-  
te peccatum esse: num propterea legum  
laqueos ille effugiat; absitque pœna, quo-  
tiescunque dolus & propositum nocendi  
abfuerit? Minimè gentium! est & culpa  
quædam ita aspectu gravis, ita exemplo  
perniciosa, ut acrioribus stimulis & ma-  
jore cruciatu necessario sit circumdan-  
da. Nam si poculum abortionis vel amo-  
ris propinatum sit, tametsi dolo malo fa-  
ctum non sit, tamen quia res pessimi ex-  
empli

empli est, ultimo supplicio vindicatur. In acie verò, si aut miles arma abjecerit, aut locum hosti cesserit, tametsi ignavia magis & metu, quam proditione, fustuario tamen supplicio necatur. Quod quanquam prima specie durum videtur, nec parum ex iniquo trahere, salute tamen publica & utilitate defenditur. Summo enim discrimine, & certissima civitatis pernicië, aut locus hosti ceditur, aut ordines in acie deseruntur, aut spes & seges populi futuri in herba necatur. Salus autë populi suprema civitatis lex esse debet: qua flagitante non solum in eodem gradu pœnë modus intendi, sed & superatis gradibus ad ultima supplicia transiri potest. Quid quod quidam sola quasi divinatione in crucem acti, dum indolem judices spectant, & patriæ quandoq; exitio futuram ominantur. Hac ratione impulsu sapientissimi illi Atheniensium judices puerum coturnicū oculos eruentem morte multarunt; quod sanguinariū ejus ingenium quandoque in civium cedes & perniciem erupturum crederent. Augustus autem Postumum Agrippam nepotem unicum, quanquam nullius dum flagitii sibi conscius, in Planasiam insulam projecit, quod vereretur, ne adolescens bonarum artium rudis, & robore corporis stolidè ferox,

ferox, imperio admotus regnum vixdum  
 forte firmatum rusticitate everteret. Et  
 sanè, quemadmodum in rectis & excel-  
 lentibus ingeniis nihil quod ad ultimum  
 sui finem perventurum est, non & ma-  
 turè & celeriter incipit: ita etiam in pra-  
 vis concepta improbitas maturè suis qui-  
 busdam signis & indiciis deprehenditur.  
 Nec enim ignotum, qua ætate fuerit C.  
 Julius Cæsar, cum multos in eo Marios  
 observaret Sylla. Quot annos habuerit  
 Alcibiades, cum Athenis Atticis exitio fu-  
 turum divinaret osor ille hominú Timon.  
 Et Tiberii, Caligulæ, Neronis, Domitia-  
 ni sâguinaria ingenia in pueris nequicquâ  
 execrati sût magistri. Qui postea rerú po-  
 tentes tanta cum generis humani regna-  
 runt pernicie, ut nemo sit, quinó fateatur,  
 optimú fuisse hos non nasci: natos, statim  
 mori. In hoc autem puero quam tandem  
 putabimus fuisse indolé, quos mores, quæ  
 consilia, qui annos non plus XII. natus de  
 republica queritur, & iniquus juris disce-  
 ptator legitimum regni heredem tan-  
 quam victimam sicæ destinat? Profe-  
 ctò, nisi vehementer fallor, auditores,  
 non solum protervo & petulanti ingenio  
 fuit, sed & animo ita crudeli, ita imma-  
 ni, ut sanguine potius humano, quam  
 lacte materno nutritus videatur. Quid  
 enim?



enim? num mediocris ingenii & mansueti pectoris est à ferulis transire ad sceptrà, à talis ad tænias, à nucibus ad neces & jugula imperatorum? frustra profecto infirmitatem ætatis obtendas: præcox hujus animo perfidia hæsit, qui non ante servuli alicujus aut collusoris cæde manus imbuit, quàm trucidandi regis partes sibi sumat. Solet enim improbitas eniti per certos gradus; & ne in magnis quandoquæ trepidet audacia, aliquandiu vires in minoribus colligit. Hujus verò tam citò adolevit audacia, ut ante in summo constiterit, quam progressum esse quisquam animadverteret. Puero illi Crateri non dissimilis, cujus tam velox ævum memoratur, ut eodem septennio & pusio fuerit, & adolescens, & vir, & senex, & maritus, & pater. Ita hic noster brevi illo ætatis mimo, & petulantis, & verberonis, & sicarii, & parricidæ, & furciferi partibus defunctus videtur. Perquàm fanè pravam hominis indolem fuisse, vel ex eo animadvertere possumus, quod non in convivio, non in taberna, non in circulo isthæc ausus sit, sed in solitudine illa, in quam qui secedunt, & mundo valedicunt, & terrestria exosi, soli cœlo intentos se profitentur. Habeat protervitas in aliis locis mediocrem reprehensionem:

in secessu verò illo, quem Deo consecra-  
 cratum ipse contendis, in quo verbis  
 parcere, animum componere, men-  
 tem tacitam custodire debes, rugire velut  
 in cavea, & votis absentes trucidare prin-  
 cipes, nullo modo est ferendum. Cum-  
 que in universum cum professione tua  
 pugnet seculi cura; tum vel inprimis cum  
 ea secta cui initiatus es, quæque à Car-  
 melo monte nomen habet, pugnat par-  
 tium studium, & in reges conjuratae fa-  
 ctionis amor. An nescis, cum præcessores  
 tui pallium versicolor ex albo & canusino  
 gestarent, Honorium Pontificem reli-  
 gione tactum discordiam illam coloris  
 albo mutasse, ut discerent, si qui essent fe-  
 rocioris spiritus, nihil purpuram ad cucul-  
 atos attinere: candoris multum, non ostri  
 religiosi possidendum. Tibi verò adeò  
 candoris & mansuetudinis expers pectus  
 fuit, ut vel regio cruore vestem tingere,  
 quam à purpura impias manus abstinere  
 mallet. Tenuerunt auctores ordinis ve-  
 stri eam disciplinæ rationem, ut si quis  
 frater paulo commotior in convitia, in  
 rixam exarsisset: si adversus antistitem  
 contumacia, adversus interdictum cupi-  
 ditate rerum minus necessariarum pec-  
 casset, inter atrocia delicta numerarent,  
 plagis vel deportatione vindicanda. Tu  
 verò



verò ad regnum turbandum non iracundiam solum & contumaciam, sed & perfidiam & crudelitatem attulisti: nec adversus magistratum procacia; sed adversus legitimum regem, optimum principem, fortissimum Imperatorem rebellionem te impiasti. Ah quam dissimilis aliis tui gregis symmystis: inter quos si etate quod rectum erat minus providebas, eximium vestri gregis virum Thomam Bellamicum consulisses, qui eodem illo efferato seculo, cum lituis & armis universæ perstreperent Galliæ publico asseruerat scripto; *ne religionem quidem justam rebellandi causam esse: non minus hæretico atque orthodoxo principi promptum obsequium deberi: ejusque violatoribus divina simul & humana majestatis reis præter securim æternos quoque cruciatus formidandos.* Hujus tu viri sapientissimi monitis si obtemperasses, nunquam profectò caput tuum tanto scelere obligasses. Nunc cum neque religio, neque fides, nec septus armatis cohortibus princeps ferociam illa mētis expectorare potuerint, facile existimaripotest, quo ingenio, qua indole fueris præditus, quid in omni reliqua vita fuerit à te expectandum. Nempè, facé te patriæ pepererat mater, qua ingēs cōflagaret Ilium, peremtoq; Hectore servitutē Poenis servirent Trojugenæ nobilissimi. Verum  
 enim

enimverò adhuc audire mihi videor. A-  
 qui ætatē miserantur, qui omen ad poenā  
 sufficere negant: ferula potius quam furca  
 miselli temeritatem castigaturi. Quibus ut  
 satisfaciam, etiam atque etiam contendo,  
 ut amota ætatis invidia, crimen ipsum an-  
 te iudicium oculos destituant: quod si lon-  
 gè gravissimum deprehenderimus, ni-  
 hil supererit causæ, quam obrem iudices  
 selectos malè pronuntiando litem suam  
 fecisse queramur. Crimen cuiusmodi in  
 iudicium deduxit accusator? Puer, Audi-  
 tores, puer religiosus minatus est mor-  
 tem regi Francorum. Atrox profectò &  
 nefarium facinus, minari cædem nondum  
 virum: minari religiosum: minari regi? Si  
 discipulus interminetur præceptori, si fili-  
 us parenti, nonne culeo infusus cum ca-  
 ne & vipera in proximum mare præcipi-  
 tandus videtur, ut cælum superstiti, terra  
 mortuo eripiatur. Quanto ergò gravius &  
 atrocius iudicandum, si puer patri patriæ  
 interminetur, si cucullatus immineat sa-  
 cro illi venerandoque corpori, pro cuius  
 incolumitate non modo vota concipi-  
 mus, sed & opes & vitam ipsam devove-  
 mus? Vtenim pietas parētibus debita non  
 solum nefaria manu, sed & verbis & vultu  
 solo læditur: ita quoque obsequiū princi-  
 pi debitū non vi & armis dūtaxat, verū  
 etiam

etiam maledicto, & contumacia, & consilio scelesto violatur. Ac licet in plerisque legibus perfectum crimen non conatus ultimo supplicio vindicetur, in atrocissimis tamen, quale citra controversiam majestatis crimen est, sufficit ad poenam meditatio. Est enim, ut sapientes docent, majestas imperii reip. tutela: cujus sacrosanctam & intemeratam venerationem esse perquam interest, quippe cum ad exemplum pertineat, & communem omnium causam, non impunè contemni eum, qui in terris Dei vice fungitur: qui vitæ cujusque & necis arbiter est, cujus jussu & nutu tot millia gladiatorum stringuntur. Itaque quemadmodum apud medicos nulla dura videtur curatio, cujus salutaris effectus est: sic in curandis reipublicæ malis non debet crudele videri, ultima supplicia sceleribus ultimis poni, nec solum eum perire qui facto, sed & qui dicto majestatem læserit. Ac nullius quidem criminis facile danda impunitas, tum inprimis si adversus rempublicam quid sit commissum, nullo modo id dissimulandum. Non enim ibi consistunt exempla unde coeperunt, sed quamlibet in tenuem recepta tramitem latius evagantur: & ubi semel à recto deerratum est, in præceps ruitur. Quare si usquam.

verum

verum in maleficiis etiam cogitata scelera puniri, cruentâ mente, purâ manu, in causa profectò majestatis verissimum est; nec legibus duntaxat constitutum, verum etiam communi gentium consensu comprobatum. Postremò, ut maximè etiam in majestatis causa ignosci potuisset, id tamen tempus, ea regni conditio fuit, ut omninò è re Gallorum fuerit, pulsatam à puero legitimi regis magnitudinem ultimo supplicio vindicari. Annus agebatur, A. supra millesimum quingentesimum nonagesimus primus, cum hic reus in judicium adductus est: tempore, siquod aliud, universæ Galliæ maximè luctuoso & exitiabili. Quis enim nescit, ea tempestate Pontificem Romanum ecclesiis, Hispanos Guisiosque regno Francorum insidias tetendisse: utrisque Palladium illud gentis Salicam legem, quod immensæ ipsorum ambitioni obstare videretur, omnibus modis extinctam atque sepultam cupientibus? Nec deerat vastæ cupiditati speciosus religionis prætextus, cujus supparo tecti plerosque in partes trahere, nutantes impellere, adversantes opprimere satagebant. Jamque bello civili excitato, tanquam religio in extremo ageret, puriori addictos armis persequi; vastitatem agris, solitudinem juven-

juventuti, periculum provinciis, ac propè exitium afferre. Inter hæc non regi minus atq; hæreticis infensi, cum pacis ille consilia bello potiora habere videretur, nec semel protervè patientiæ ejus illusum esset, tandem tondere miserum, atque in cœnobium aliquod tanquam in insulam relegare decreverant. Detectis consiliis, cum rex degeneres insidias insidiis aliis ultus esset, Guisiosque indagine cinctos immissis percussoribus ad orcum misisset, non solum præter spem & expectationem crebræ principum & civitatum defectiones secutæ sunt; verum etiam rex ipse, conducto à Lojolithis paricida, periit: eademque sica, quæ regem sustulit, tot martyrum sanguinem, & illam infamem cædibus noctem vindicavit. Itaque amplissimum regnum Rectore orbatum, instar ingentis cercuri, adversis ventis, iratoque mari huc illuc ferebatur, nihilque propius adfuit, quam ut illisa scopulis prora, Vandalorum Maurorumque sectoribus ad prædam exponeretur. Tunc omnium, qui patriam salvam volebant, & votis & precibus successor defuncto Henricus Navarrus destinabatur, unica spes populi; unicum regni præsidium; cujus virtute toties concussum, toties labefactatum, tot factionibus

bus divulsum rursus coalesceret : qui illa  
 seditionum monstra, tanquam hydræ Ler-  
 neæ capita alia ex aliis pullulantia, Her-  
 culis viribus elideret. De hoc occidendo  
 Carmelita noster verba facere, hunc sce-  
 lere & parricidio tollere cogitabat, cujus  
 natalis nisi pereunti Galliæ illuxisset, dul-  
 cis libertas extremum vale Senatui Popu-  
 loque Francorum dictura erat. Descive-  
 rāt ab obsequio principis non solū pro-  
 ceres multi, & nominatim illi de quibus  
 diximus Guisii, quique his necessitudine  
 aliqua vel beneficio obnoxii erant; verum  
 etiam plurimæ & potentissimæ civitates:  
 Lugdunū, Tholosa, Pictavium, Massilia,  
 Gratianopolis, Aurelianum, Ambiani,  
 Rotomagum, Avaricum, Biturigum,  
 Aquæ Sextiæ, Autricum Carnutum,  
 aliæque aut suis opibus subnixæ, aut au-  
 ctoritate supremarum curiarum formi-  
 datæ. Inprimis caput illud & compen-  
 dium totius Galliæ Lutetia, alumna re-  
 gum, pupilla principum, domicilium  
 majestatis, insigni perfidia & ingratitude  
 ne arma adversus nutritios suos sumse-  
 rat. Omnes verò hæc civitates, præter mi-  
 nora oppida, arces atque castella infini-  
 ta, aut ab Hispanis corruptæ, aut odio  
 purioris religionis cæcæ, in exitium sui  
 & patriæ ruebant. Sciebat enim vaser ille

Philippus, è Pyrenæis mōtibus tanquam è specula omniū inhians libertati, nullam nationū deleri funditus posse, nisi factionibus scissa se cōsumat: Esse civile odium ad perniciem præceps, ad utilitatem suæ defensionis incautum. Fatiscenti jam imperio Romanorum, nihil majus fortunam conferre potuisse, quam quod indidisset hostilibus nationibus odium sui. Itaq; his artibus divulsa & dissipata imperii mēbra in prædā corruptoris cessura videbantur; nec erat jam in toto regno, qui brachia contra torrentem dirigere, aut impetum ruentium umbone virtutis sustinere posset. Solus supererat Navarrus, qui tantam rerum molem componere posset, qui tot prædonū duces, tot sicariorum cohortes, tanta perduellium robora sternere: aded Galliaē salutare fidus, & tēpore suo necessario exoptandus soter, ut etsi neq; natura, neq; Salica lege ad regnum vocaretur, extrema tamē reipublicæ necessitas eum regem designare videretur. Hoc sublato cogitate quæso, A. quis miseræ Galliaē futurus fuerit status, qui civitatum motus; quæ hominum lanienæ, quanta agrorum vastitas, hinc improbas animo spes agitātibus Lotaringis, inde immensam regni ambitionem callidè tegentibus Hispanis. Jampridem profectò Rhodanum Mau-  
rus



rus biberet, & in Francorum cineres mē-  
 jerent Saraceni. Jam victricia lilia calca-  
 ret Astur equus, & Clodovæis Martellisq;  
 illuderent pueri Gothorum, nisi stator ille  
 regni ac servator, accisis Frācorum rebus  
 ex Beneami pago tanquam ex machina  
 subvenisset. Huic aliquis minari? de hoc  
 occidendo verba facere audet? Nihil'er-  
 gò patriæ amor, non libertas, non gloria,  
 non salus Franciæ te commovebit? Usq;  
 aded nihil est, quod nascentem hoc coelū  
 aspexerit, reptātem hæc terra sustinuerit,  
 ejulantem hic fundus educarit? Feræ uti-  
 que amant cubilia sua, & quamvis clamo-  
 re indagantium excitatæ, redeunt tamen  
 ad lustra illa, in quibus nātæ. Soli mo-  
 nachi non amant latibula sua, maluntque  
 vel terram coelo, ignem aquis miscere,  
 quàm sub legitimo principe pietatis clau-  
 stris coërceri. Verè enim legitimus ille  
 princeps, cui natura simul & leges regnū  
 addixerant: in cuius verba potior nobili-  
 tatis pars jurarat: qui mirabili Dēi provi-  
 dentia, ex ultima Aquitania evocatus, ad  
 regem brevi periturū quasi manu ductus  
 erat, nequis interim supposititiū heres in  
 tabulas irreperet, & sedē rectore vacuam  
 per vim & fraudem occuparet. Idem reg-  
 nū adeptus quanta erga victos deditosq;  
 usus est humanitate? quanta elementia?



Gladiū sanè vagina vacuū non vidit Gallia nisi in acie. Nullę proscriptionis tabulę: non hasta, non sector in foro: nō index in triclinio: non carnifex in carcere victis metuendus. Postremò, quicunq; hoc rerū motu amissi cives sunt, eos omnes irati Martis vis perculit, non ira victorię. Dignissimum planè diceret qui vinceret: ad eò reverèter fortunam habuit, nec vicit, ut se viret, sed ut saviendi finem victis faceret. Quapropter si Pop. Rom. eos execratus est, qui pignora coeli, delicias orbis, amores populi, Germanicum, Titum, & Severū veneficio ferroq; sustulerant: quo tandem supplicio, quibus diris Carmelitā nostrum dignum iudicabimus, qui Atlantum illum Gallię vulcrū ruentis imperiū, vindicem publicę securitatis sica præcidere voluit: Quo sublato afflictę longo ac difficili bello gentes, attritę mutuis claudibus civitates, exhausta nobilitas, amissa libertate necessariò in alterius & alienigenę ditionē ac potestatē erant concessurę. Nō est profecto, quod hic de clemētia verba faciamus, grādiq; oratione lenitatis in puniendo laudes in majus celebremus: lentus in suo quisq; dolore sit; rei publicę vero injurias cōvictis largiri, non jam clementis, sed sordidi & ingrati iudicis est. Profecerit quidē divina virtus apud eos, quo-

quorum pectus aliquo humanitatis sensu imbutum est: apud anchoretas verò, & totam illam Lojolitarum nationem, qui cum habitu humanitatē ipsam exuere solent, stulta est clementia deprehensis: non enim, ut olim milites in acie defēsi servatori herbā porrigere, ac tanquam parentē in omni vita observare sustinent. Impunitas his illecebra peccandi est: nec beneficiū injuriæ sinē, sed novæ injuriæ causam facit. Vel hic ipse, de quo verba facimus inter exēpla heros numerari poterit. Nutantibus factionis henoticæ rebus, victor Lutetiam ingressus, cū infamem sectam Scto. facto urbe regnoq; expellere posset, mitigatus tamen precibus eorum, qui assidui ad aures ejus excubabāt, diem decreti diffindi passus est. Quid, quæso, profecit civilis regnantis animus? Quam gratiam apud venerandos patres iniit infelix imperator? Immissus ei percussor, si quis unquam, execrandus Joannes Castellus, qui velut è ludo prodiens lanista, turbæ salutantium immixtus, directo in gulam ictu incautum regem occuparet. Ac nisi stupenda Dei Opt. Max. providentia, corpore inclinato, pestifer ictus objectu maxillæ elusus esset, cecidisset Hercules ille Franciæ, amor civium, hostium terror, & domitor tot monstrorū; pro summo bene-

ficio maxima obscœni gregis injuria atq;  
ingratitude confossus. Quid memorem  
scelera illa hominum Barrerios, Crucejos,  
Carpentarios, Audoœnos, Ridicovios, Vi-  
ardotos, totamque illam parricidarum  
phalangem, qui alii post alios tandiu saluti  
maximi principis infidiati sunt, donec fa-  
tali illa immanissimi Ravillaci sica occu-  
beret. Certissimo profectò documento;  
implacabile furiis istis odium esse; nec so-  
lùm ultra metum durare, sed ne beneficio  
quidem accepto obliterari posse. Quisquis  
in id incurrerit, nō ante invisum esse de-  
finere; quàm esse ipse desierit. Nemo igitur  
in hoc judicio sordes, nemo injuriam  
amplissimi ordinis accusare auit, fecere  
illi, quod viros graves & patriæ amantes  
facere equum fuit, cum vehementi illa tē-  
pestate, quæ Galliæ diu longumque incu-  
buit, de salute regis anxii, nefaria hominis  
impiissimi consilia laqueo disturbarunt,  
editoq; invulgus exemplo contemptam à  
vilissimis cerdonibus majestatem suppli-  
ciorū magnitudine vindicare annisi sunt.  
Sciebant enim sapiētissimi viri hujusmo-  
di flagitia ante conatum puniri oportere:  
serum esse legis auxilium implorare, post-  
quam execranda consilia ad votum par-  
ricidæ processerint. Cumque invicta  
præliis equestribus nobilitas, fortissimæ  
pedi-

peditum legiones, & pugnacissima focio-  
 rum auxilia, cotidie ferè pro regis regni-  
 que salute acie decertarent, ac quantum  
 in se erat, sudore ac sanguine tristissimum  
 servitutis jugum depellerent: iniquissi-  
 mum foret, residem domi Senatum pan-  
 diculari, ac tanquam in pace & otio fuc-  
 sam lenitatis laudem quærere, timidif-  
 que sententiis salutem regni prodere par-  
 ricidis. Vultis, credo, Auditores, jam al-  
 tiore voce loquar, ac verbis tandem exer-  
 citus perorem? Omnes illas, quæ circum-  
 steterant regem legiones, florem nobili-  
 tatis, civium fociorumq; robora, una voce  
 tum proclamasse existimate: Nemo no-  
 strum, judices, recusat itinerum laborem,  
 nec invisum super arma portare fascem.  
 Ferienda sit fatigatis fossa; pro vallo por-  
 tisque vigilandum, non æstivi solis ardor,  
 non sub pellibus deformis hyems deterre-  
 bit. Fortiter ancipites inibimus pugnas, &  
 vulnera pro republica accepta laude pen-  
 sabimus. Postremo si moriendû pro liber-  
 tate est, adversis pectoribus generosam  
 virorû fortium mortem oppetemus. Vos  
 modo, patricius sanguis, regni consilium,  
 decora pacis, principes judiciorum, com-  
 missam vobis regis optimi salutem suffra-  
 giorum severitate defendite, ne qui foris  
 præliamur, domi cadamus, amissoque im-

peratore, omni sudoris & victoriarum fructu per summum prodicionis scelus spollemus. Illuc este, ut reus læsæ majestatis in judicium ad vos adductus sit: ut testibus tabulisque impietatis convictus: nunc ad religionem, nunc ad exemplum pertinet, severas dici sententias, nec tam ætatis, quam reipublicæ periculo vos commoveri. Illud utique nec Aquitania parens, nec ordines hastati, & victricia lilia, nec vestra, judices, virtus & fides sinat, ut cujus incolumitatem nos sago huc usque proteximus, ei togæ perfidia sit occumbendum. Hoc si pati vos potestis, si adversus proditores calculum judicandi per ludibrium movere, potius castra capiantur, & iniquitatem statuentium præveniat gladius Hispanorum. Quicumque casus nos manet, etiamsi hostis campo pellat, & acie superatos ad internecionem deleat, satius est in vestigio pugnâtes mori, quam amoto judiciorum metu conductis sicariis latus aperire. Quin pereat tota illa percussorû cohors: moriantur immanes parricidæ, & quisquis aut pars aut cõscius factionis fuerit. Hoc fides illa, hoc jurisjurandi religio à vobis postulat: hoc regis regniq; securitas vel cum convicio flagrat. Nec vos deterreat, aut partium metus, aut odium ingrati seculi. Quamlibet

bet grave supplicium pro utilitate publica irrogaveritis, id ut præsens ævum culpet, quiescente livore, extinctisque factionum studiis, grata posteritas agnoscat, laudabit, extollet.

ANTONII MATTHÆI  
O R A T I O XIII.  
T R O  
C A R M E L I T A.

Recitata vi. Id. Februarii. M.DC. XLVIII.  
Cum A D R I A N O C L U Y T.  
*Summos Iuris Vtriusque honores conferret.*



redo equidem rem absurdam multis visam, quod cum nuper dicendi partes obvenissent, relictis superis ad inferos descendere, puerumque ante annos L. damnatum ad causam dicendam excire voluerim. Verum tanta tunc temporis vestra humanitas fuit, is sensus, ea erga me benevolentia, ut qui tunc rei judicæ auctoritatem asserui, quod populare erat, non dubitè nunc mutata oratione pueri quoque defensionem subire. Qua parte ne prævaricari videar, causamque judicium, quam tuendam suscepèrâ proderè, me quiescète, ipse pro se dānatus verba faciet. Is quoniā

intellexit, non satiatos supplicio suo inimicos hoc unicè agere, ut amissa vita memoria quoque post mortem damnetur, odium posteritatis hac oratione deprecari voluit. Benè atque sapienter constitutum est à majoribus, ut in dubia causa & ancipiti discrimine, Prætor quæstionis cum consilio collocutus, Non lique-  
re, pronuntiaret. Ita enim fiebat, ut ampliata cognitione nec infontes opprimi, nec fontes perruptis legum laqueis elabi facile possent. Hoc jus si in mea causa valuisset, non condemnatus fuisset ea ætate, quæ vix pœnam, nedum crimen suum intelligit. Nunc quoniam per sortem & urnam novo conflato iudicio, id agi sentio, ut jure damnatus videar, non committam, ut quisquam defensoris potius fidem, quam iudicis æquitatem defuisse mihi existimet. Ac quoniam omnis accusatoris oratio his ferè partibus consumpta est; ut & impuberes doli capaces ostenderet, & temeritati meæ gravissimum perduellionis crimen assueret: adhæc ea indole præditum, ea tempestate in iudicium adductum, ut omninò è re publica Gallorum fuerit, me quovis supplicio e medio tolli non discedam ab ejus vestigiis, sed pede collato singula quæ sunt ab eo adducta, qua potero brevitate con-

con-

convellam. Primum quidem quantum ad ætatem attinet, libenter hoc accusatori largiar: non omnem impuberem doli mali incapacem esse: esse etiam iis, qui ad pubertatem accedunt, propositum & voluntatem nocendi. Qua in re demonstranda cum ille efferret se ac dilataret, sanè & opera sua, & vestra, iudices, patientia abuti mihi visus est. Quis enim aut tam imperitus, ut id nesciat? aut impudens? ut cum certo jure constitutum sit, in controversiam vocare sustineat? Quod si hoc speravit, circumvenire se religionem judicantium posse, probataque ætate doli mali capace, fore ut omnes me dolo peccasse crederent; non hæc jam oratoris virtus, sed veteratoris calliditas atque fallacia est. Non enim illud probandum accusatori erat; fuisse me ea ætate, in quam dolus malus cadit; sed dolo malo me atque hostili animo principis majestatem violasse. Neque enim in legem perduellionis incidit, qui quoquomodo majestatem læserit; sed qui aut vitam principis, aut salutem reipublicæ nefario consilio appetierit. Tantum autem abest, ut id priore actione probatum sit, ut cōtrarium potius ex narratione actoris elucescat. Quod enim fuit tantum admissum meum, tam detestandum scelus, ut scelus alterum iudices pu-



quoque quis contra remp. arma ferat; live  
 quis hosti Pop. Romani nūtiū, literasve  
 miserit, signumve dederit, feceritve dolo  
 malo, quo hostes Pop. Rom. commeatu e-  
 quis, armis, cōsiliojuvetur adversus remp.  
 Sive quis milites sollicitaverit, concitave-  
 ritve, quo seditio, tumultusve adversus  
 rempublicam fiat: &c: Quid est horum  
 omnium, iudices, quod accusat or à me  
 admissum probaverit? Ego hominibus ar-  
 matis loca occupavi? Ego cœtus, conven-  
 tusque contra rempublicam coegi? meâ  
 operâ aliquis magistratus Pop. Rom. oc-  
 cusus est; per me hostes commeatu, equis,  
 armis, telis, consilio adjuti sunt? Facta lex  
 arguit: consilia dolo malo contra remp.  
 inita reprehendit: dicta impunè sunt. Me-  
 um autem consilium factumve in iudicio  
 nullum versatur. Siquid peccavi intra lin-  
 guæ temeritatem admissum stetit: virgis  
 aut scutica, nō laqueo expiandū. Hic tamē  
 cōstitit improbus accusator, ac tāquā ex e-  
 dito loco patentē campo hostem calūniæ  
 spiculis obruit. Voluntas, inquit, & cogita-  
 tio sceleris ad pœnam sufficit, tametli pu-  
 ra manu, cruento tamen pectore. Itaque  
 licet inclytus Francorū rex nō occubuerit  
 impia parricidæ dextra; cōsiliū tamē cæ-  
 dēdi solū morte piandū nefas est. Verū  
 si quis unquam salvis verbis circumvenit

jestatis eum apprehendit, qui hostilia cogitavit. Hic tu, egregius scilicet juris magister verba arripis, mentis atq; sententię securus. Cogitasse me dicis hostilia; tamen si neque cultrum strinxerim; neque locum, tempus, ordinem rei gerendę prepararim; ac ne pedem quide armatus posuerim extra cellam. Quod si equitate non verbis rem putasses, aliam profectò legislatoris deprehendisses mentē. Non enim eum notat, qui tantum cogitavit, sed qui ita cogitavit, ut aliquo assumpto actu cogitatum crimen inchoaret. Si cujus fidem sollicitavit; si quem in conscientiam assumpsit; si venenum miscuit; si arma comportavit; aut omnino quicquam eorum attigit, quę ad executionem futuri sceleris instrui atque destinari solent. Cæterum nudę cogitationis pœnam nemo patitur: timuit enim lex ex ea re crimen facere, quę non est in nostra potestate; quam nulla humana ope tenere, prehendere, castigare possumus: quę non solum invitis nobis & ignorantibus, verum etiam dormientibus cotidie obrepit. Itaque licet in philosophorum porticu fures, latrones, adulteros ex animi propositione sola designemus: in foro tamen & in judiciis fur vel adulter non est, qui nunquam rem alienam invito domino

con-

contrectavit, nunquam alienam matrem familias corruptit, tametsi ejus mentis sit, ut data occasione id videatur commissurus. Neque verò ab hac definitione excipitur uspiam majestatis crimen, quod quo gravius ac magis horrendum est, eo minus in occasionem sævitiae habendum, alioqui nemo adeò innocens & integer vitæ erit, quin inter tot humanos errores, vel ex sola cogitatione capitis periculum adire possit. Idque ita se habere etiam ex lege majestatis nova, quæ vetere longè adstrictior atque severior putatur, elucescit. De quo enim loquitur? De eo qui cum militibus privatis vel barbaris scelestam inierit factionem, aut ipsius factionis suscepit, vel dederit sacramentum. Hic si cogitatio ad poenam sufficit, cur factio, cur sacramentum desideratur? Num sola mentis cogitatione factio censetur? Num concepisce animo hostilia sacramentum est, tametsi neque Jovem lapidem juraveris, neque tesseram, aut signum aliquod conspiracyonis susceperis? Nunquid igitur aliud voluntatis verbo, quam conatus, & inchoatum scelus designatur? Ego verò quid molitus sum? quæ mea fuerunt consilia? quid aut ausus, aut potui? Factionem scilicet inii, puer natus annos duodecim, qui ne animo quidem, quid factio sit,

comprehendebam. Quam sit res prærupta, ac sollicita conspiratio: quam vigilantem ea ducem, quam fidos comites, quam tacita ac secreta desideret consilia? Ut eodem tempore & præterita colligenda, & instantia præparanda! Ubi verò locus, tempus, occasio rei gerendæ advenerint, ut signum dandū: ut circumeundæ cohortes: ut cohortandi percussores ad audendum. Duci vix potest, quā multa illis providenda sint, qui ad extremā hanc & periculosam factionis rationem descendunt. His autem præsidiis omnibus me destitutū, ac neque malitiæ satis ad excogitandum, neq; viriū ad audendū habuisse, ne accusator quidē, quanquam vehementer, infensus est, negare audeat. Superest ergo, cum auctor conspiracyonis nullo modo fuerim, ut sacramentum dedisse factioni arguar. Ne hoc quidem quisquā pro testimonio dixit, nō tabulæ, non carcer, non eculeus hanc confessionem expressere. Quæ autem illa factio? qui conscii, quis dux in cuius verba adactus sum? quo præmio auctoratus? quid mihi volui? quid speravi? Maleficiorum ea est ratio, ut nemo ad ea accedat sine aliquo emolumēto. Itaque scopulus ille reorum C. Cassius, siquem inter selectos iudices sedens, lege aliqua publicorum iudiciorum interrogaret, ante omnia causam admissi sceleris requirebat. Ego verò,

quid sperare potui, quid polliceri mihi, qui cum seculo omnia seculi irritamenta, opes, honores, imperia ejuraveram? Ut res ridicula simul & miseranda sit, me tanquam factionis partem damnari, cum neque factio ulla, neque duces partium, neque causa conjurationis ostendantur. Porro quis nescit, eos qui res novas moliantur, hac ferè uti ratione, ut neminem in conscientiam adhibeant, nisi quem odisse senserint præsentem reipublicæ statum. Si qui robore conspicui, si audacia insignes, si maleficiis infames; denique si perditis rebus salvi esse non possint, nisi bello civili excitato. Horum quoque nihil est, quod in meam ætatem cadat. Non luxus, non maleficiorum conscientia, non immensa honorum cupido præcipientem egere, ut factioni nomen darem: ac ne intererat quidem mea, qui seculo valedixeram, utrum Tros an Rutulus Francis imperaret. Robur verò & audacia adedò in me desiderabantur, ut opera mea nemo dux ne pro gregario quidem milite uti vellet: quippe qui nec dum militaris ætatis eram, ac neque manibus ad pugnandum, neque linguæ ad tacendum imperare possem. Hæc cum ita sint perspicua, ut infirmari nulla ratione, nullo dicendi artificio possint; perstat tamen

in proposito improbus accusator, ac perfricta fronte mortem me optimo fortissimoque regi minatum esse clamat. Næ ille suo potius odio, quàm reipublicæ commodis servit, dum minas vocat linguæ lubricum, verbaque temerè à puero prolata grande majestatis crimen facit. Minæ enim ab infirmo prolatae contemtu non supplicio vindicantur: virorum denuntiationes cavisse legislatori satis est, aut interdicto reddito, aut idonea satisfactione exacta. Quare si puer, si fœmina, si Thraſo aliquis aut Pyrgopolinices quamlibet atrocia interminati fuerint, risu solvuntur hominis meticulosi tabulæ: nec enim oratio; sed vis cujusque & robur formidatur. Nihil sanè levius, nihil minus metuendum, quam bullatorum minæ: momento temporis & sumunt iras & ponunt. Semper varii & mutabiles: modo aciem instruunt, hosticum populantur, urbes solo æquant: modo relictis regnis atque imperiis recurrunt ad arundinem & pupas. Fallitur enim, qui nos tantum aurigas & gladiatores, & spectacula loqui putat: etiam regna invadimus, & exercitus in Africam trajicimus, & loca opportuna præſidiis occupamus, & hosti justo prælio occurrimus. Verùm has cogitationes, hæc mentis molimina

limina unicus nucis jactus dissipat, tantus-  
que modò bellator abjectis armis redit  
statim ad mures suos & plostellum. Quis  
prætextatis propterea dicam scribat? quis  
impietatis eosdem aut sacrilegii accusare  
audeat? omnes enim sciunt, abesse dolum  
cum animus à studiorum contentione re-  
missus in risus & jocos solvitur: multa in-  
ter ludendum temerè atq; incogitanter  
effundi, quæ nō magis à proposito nocēdi  
proficiscatur, quā si amphora ex reticulo,  
aut tegulæ de summo tecto cadant. Quo  
magis pudenda profectò accusatoris est  
calumnia, qui cum inter æquales forte lu-  
dentem me narraverit, in crimen tamen  
trahere non erubescit nescio quæ luden-  
tis titillitia: nec animadverdit, sedentium  
ad tabulam nec indignationem nec læ-  
titiam moderatam esse: ad omnem fritilli  
sonitum impetu quodam animos rapi.  
Quid, quoddā ne virorum quidem convi-  
tia omnia & maledicta leges vindicent?  
nam quæ à temulentis inter pocula jaci-  
untur, infra animadversionem sunt: & si-  
quid inconsulto quodam calore prorupe-  
rit, vetant principes majestatis quæstio-  
nem referri. Itaque Pyrrhus Epiri rex  
Tarentinis illis libenter ignovit, à quibus  
furente Lyæo convitiis oneratus atque  
proscissus erat; cum unus ex his magna  
fiducia

fiducia profiteretur, multo atrociora dicturos fuisse, nisi lagena defecisset. Ac ne militibus quidem, tametsi severissima disciplina continentur, fraudi solet esse, si vel in agmine deficientis, vel in acie periclitantis, vel in tabernaculo vulnera curantis, vox aliqua in Imperatorem asperior fuerit excepta: tempori enim ista impuntur & fatigationi, non animo; nec quid, sed à quibus, & quo consilio admissum fuerit, spectatur. Haecenus ergo demonstrasse mihi videor, nihil esse à me designatum, quod aut in legem majestatis inciderit, aut ultimo supplicio fuerit expiandum. Transeo ad illam actionis partem, qua accusator divinator egit, ac licet neque extispex, neque astrologus sit, tamen ea me indole, iis moribus praeditum dixit, ut omnino è regno Gallorum fuerit, quovis supplicio abreptum è medio tolli. Enimvero, non possum hic, judices, fatis mirari hominis impudentiam, tam tristia, tam atrocia de me ominantis, cum nullum idoneum horrendae divinationis argumentum attulerit. Quid enim ille de moribus meis dixit, ex quo de reliqua vita conjectura fieri posset? Num infans equalium oculis genuinum infixi? num collusorum facies infesto ungue laceravi? num puer coturnicum oculos erui, aut in hortis ambulans summa



summa papaverum capita scipione percussi, aut secretum captans muscas stylo confodi cruento? Deus meliora nec fivit, ut adversarius quicquam gravius proferre possit, præterquam id ipsum dictum meum, quod huic iudicio causam præbuit. Unde ille papæ! quàm sollerter, quàm divinè futura conjicit! quàm sapienter ariolatur! Nihil sanum aut moderabile à me expectandum fuisse, qui repente transilierim à ferulis ad sceptrum, à talis ad neces & jugula imperatorum: Alios certis quibusdam gradibus ad summa scelerum eniti: me ante in præcipiti stetisse, quam quisquam progressum animadverteret. Vide, accusator, quam rem geras, quo progrediaris; vix ut pedem sine periculo infamis literæ referre possis. Tua enim argutatio si recta foret, quotusquisque puer à discrimine aberit? quæ spes generis, ac populi futuri, in tanta præsertim calumniantium multitudine? Nihil namque frequentius quàm pueros ludere regna, creare magistratus, jus dicere, poenas irrogare. Interdum etiam seculo irascuntur, & tyrannos odere, & successorem mittunt malè rem gerentibus. Quibus ex rebus tantum abest, ut pravæ indolis indicia colligantur, ut contrà sapientibus erectæ atque excellentis ingenii præfagæ sint.

sint. Quid enim num pravo tibi ingenio M. Cato fuit, quod puer L. Syllæ tyrannidem ferre non potuit? Num perversa indole C. Cassius præditus, quod Faustum Felicis filium patris dictatura tumentem colapho percussit? Quid autem de Alexandro illo magno judicas, quem tu, si ad nuncium paternæ victoriæ flentem fortè conspicatus esses, Phaëtonem scilicet mundi diceres, fulmine ante Jovis feriendum, quam adulta ambitionis face orbem terrarum incendere posset. Atque utne Alcibiadem illum tuum præteream, quem osor hominum Timon exosculari solebat; hunc tu solus credo divinatione quadam futuri furca strangulandum censuisses, cum tot secula, tot illustres scriptores dubio hætenus mentis judicio inter admirationem & execrationem fluctuent, nec constituere possint, atrone an albo lapillo natalis ejus signandus sit. Etiam atque etiam vide, quos tu viros, quanta impudentia damnaturus sis, ac tandem aliquando desine divinando gravis esse prætextæ. Quid quod prorsus incerta atq; fallax est illa de futuris hominum moribus divinatio: multi enim spem de se conceptam progressu ætatis fefellerunt: alii, positis cum prætexta vitiis in summos viros evaserunt. An quisquam est,

est, cui ignota sit Polæmonis intemperans adolescentia, Themistoclis luxus, Cimonis stoliditas, Manlii Torquati stupor, Scipionis Africani mollicies, C. Valerii Flacci furor, Quinti Fabii Maximi Allobrogici flagitia? Atqui hi ipsi, multi-que cum his alii, mutatis postea moribus firmataque judicio ætate, & fortissimi Imperatores, & abstinentissimi viri facti sunt. Insigni profecto documento: duos sæpe in uno corpore homines habitare; dissolutum adolescentem, & probatum virtute virum: stultum esse eisdem perpetuæ infelicitatis damnare, aut spem, quæ etiam incerta rectè fovetur, in certam desperationem convertere. Venio nunc ad tempus illud necessarium Galliæ tantopere inimica accusatoris voce exaggeratum: quod tamen si pressius contem-plemur, adeò salutis meæ officere non potuit, ut vel maximè præsidio esse debuerit. Cujusmodi enim fuit illa tempestas? quanta malorum procella? Horrenda profecto, ac toti Galliæ penè suprema quum cæso per scelus nefarium rege, totæ provinciæ immani distraherentur bello: cum de successione non interdicto, non injure conferta manu, sed solida vi ferroque sæpè ambigno, nunquam non damno Marte dimicaretur; hinc improbas

bas spes agitantibus Guisfis, illinc immensam habendi cupiditatē malè tegentibus Hispanis: donec ringētibus utrifq; victricia tandem lilia circumferret Navarrus. Hæc ego singula libenter non solum cōfiteor, sed & profiteor: neq; nego corruptissimis moribus, atq; conculcata pene à cerdonibus imperii majestate, fuisse opus exemplo; verū in aliis non in me statuendo. Ego enim si aliter de repub. sensi atq; oportuit, nō meapte spōte feci, sed aliorū impetu atq; ruina impulsus sum. Etenim eo ipso tempore pervaserat plerorumque mentes perniciosus iste error; fas nō esse heretico atq; excommunicato regnum addire, aut populos Romanis sacris addictos imperio premere. Sic sacer ordo, sic principes & nobilitas, sic denique plebes facti, imbuti, instituti erāt, ut nequaquam paucorū hæc infania, sed popularis potius furor esset. Sequebatur enim quisque priores malè iter ingressos; nec religioni cuiquam erat publica errare via. Hac tempestate, hoc tu anfracto, si quem puerum cespitantem offenderis, is confestim tibi læsæ majestatis reus erit; quemque erroris admonitum in viam reducere debuēras, huic tu laqueo gulam frangere sustineas. O os hominis ferreum! ô frontem exanguem! ô pectus immite

Q

&

& inexorabile! Quàm nequiter diffimulas puerorú mores! quàm impudenter damnas imitationé illam à natura his inditam, qua tam recta quàm prava docili mente imbuunt. Nam cum in civitate aliqua seditio cooritur, cum jam fasces, & saxa volant, ministratque ira viris arma; nonne videmus eandem insaniam pueros imitari; ducém quærere, signa statuere, parvis in armis discurrere per urbem, nunc has, nunc illas partes sequi? Quis propterea his diem dicit? quis majestatis eosdem reos defert? Contenta est ultio virorum supplicio; ac ne viris quidem omnibus pœna infligitur, sed laudabili æquitatis temperamento in auctores duntaxat seditionis animadvertitur. Causa enim & origo furoris fere penes paucos est: reliqui contagione insaniunt, ducesque periculosum æquor ingressi, immemores discriminis quasi remulco trabunt. Quare sæpe fit, ut in tanta multitudine plerique nesciant, quo amentiae progrediantur, quid facinoris in patriam, quid adversus summi imperii majestatem exorsi sint. Neque adeo sine causa sapientes multitudinem mari comparant: quod uti sua natura tranquillum est, sed ventis agitatum intumescit: ita populus quoque sua natura lenis est, verum à pravis oratoribus

toribus tanquam violenta tempestate commoveretur. Ac licet castrensis disciplina severissima, & penè inexorabilis sit; tamen ne militari seditione coorta toti manipuli perirent, sortio comparata est; ut metus ad omnes, poena ad paucos perveniret. Si igitur in castris atque in severissima disciplina decimus quisque aut centesimus duntaxat fustibus mulctatur: Si domi multitudini parcitur, soli seditionis auctores luunt: cur mihi imputatur commune vitium? cur damner ob publicum errorem? Postremò si viris ignoscitur, qui non sua sponte, sed contagione insanierunt: cur puero mihi majestatis quæstio refertur? cur quæ in factiosos Tribunos cudenda erat, in me faba cuditur? Num infelix usquam suggestum conscendi? num ex ambone vox aliqua mea acerbior audita est? aut scriptum aliquod meum perniciosum in vulgus exivit? Quid ergo feci, quid commerui? Enimverò quanquam invitum id facio, non possum tamen, quin de illa judicantium decuria querar, quæ linguæ puerilis lubricum, & inconsulto calore prolata verba, tam contumelioso mortis genere punire non erubuit. Quoque magis puer doleam, viri faciunt, necquicquam in invidiam meam ab adversario adducti: ipsi illi

Barrerii, Cruceji, Carpentarii, Audoëni, Ridicovii, Viardoti, alique non homines, sed monstra hominum: qui cum voce, calamo, sica Navarri causam oppugnassent, & quicquid incautum sexu aut ætate erat, in consensum furoris traxissent; paucissimi tamen ultimo supplicio affecti, nonnulli relegati, plerique ad solam palinodiam adacti sunt. Neque his duntaxat ignotum est, quos vitæ genus, conditionis humilitas minus metuendos effecerat: verum etiam magna illa nomina, & formitati bellatores, Guisius, Aumalius, Mercurianus, alii non solum in gratiam recepti, sed & amplissimis provinciarum præfecturis honorati sunt. Ego verò puer, qui crimen non intelligebam, qui ceu obsequentem discipulum decet, secutus eram meos magistros, qui publica erraveram via, & erraveram tamen ita, ut error intra verba staret, infami furcæ addictus sum, pependique heu litera longa, qui vix prima literarum elementa didiceram. Ac licet flebili voce deprecarer: Ignoscite, iudices, erravi, lapsus sum, non putavi, si unquam posthac: efficacior tamen in animis eorum accusatoris erat obtestatio: Cave prætor puero ignoscas! principem ille scalpello feriet: & prava indole natus est.

Ita

Ita celeriter pueriles inaruerunt lachry-  
mæ; quæque ætas parentes quoque suos  
ab exilio vindicare solet; in hoc judicio  
ne sibi quidem ad salutem prodesse po-  
tuit. O homines crudeles! ô immanes sy-  
cophantas! quid est calumnia, si hæc non  
est. Si justæ ætatis, & quæ admissi magni-  
tudinem capit, impietate adversarium  
circumventus essem, justissimus tamen  
dolor foret, querentis de iniquitate cal-  
culi: nunc cum puer, & innocens à viris  
oppressus sim, non possum non exclama-  
re, ô coelum! ô terra! ô maria? Ubi fides  
illa, ubi religio, quam tabellam sumtu-  
ri in consilium adhibere solent? Usque  
adèd nemo ex illa decuria fuit, qui con-  
scientiam suam revereretur, qui legem,  
qui æquitatem consuleret; qui compo-  
sitis affectibus posset quem odisset absol-  
vere, quem non odisset condemnare.  
Quid moror ulterius? aut ad quæ me  
majora reservo? Vitam amisi, antequam  
vivendi rationes intelligerem: verum-  
tamen laqueus extrema malorum linea  
fit: non est: etiam ultra mortem pro-  
gredi crudelitas inimicorum parat. Dam-  
netur pueri memoria: hoc si luctuosum  
est, dicat iterum causam: Hei mihi,  
quo adigor cui ne sub furca quidem se-  
curo quiescer licet. Unicum malorum



folatium est, quod novo constituto iudicio, eos video confedisse viros, qui non recentibus odiis, sed extincto jamdudum livore de fama mea iudicaturi sunt: qui ea virtutis atque integritatis opinione animos omnium implevere, ut non tam sorte ducti, quam iudicio sapientum lecti videantur. Qua propter relicto tandem accusatore ad vos me iudices converto, vestram fidem, religionem, æquitatem appello! Opprimite, quæso, non nascentem in herba, sed adultam jam ferè calumniam: ferte opem innoxia ætati, quæ nisi vestrae humanitatis præsidio recreetur, improbißimis quadruplatoribus ludibrio atque prædæ erit. Jam diu est, quum lex Memmia dormit, nec metuunt talionem crudeles in foro vultures. Adversus hos iudices severitate opus est: spectent paria præmio damna, nec majores spes quam metus foveant, tantumque timeant, quantum ipsi timeantur. Ac quoniam his libuit totas in me legiones commovere, & voce totius exercitus perorare; ego contra, iudices, puerorum vobis turmas sisto, quorum ploratus justiores ad ignoscendum, quam barbarus militum clamor ad damnandum causas habere debet. Hi suam quisque vicem solliciti orant, obsecrant, ut ætatem

ætatem respiciatis cives, cui hostes quoque  
 parcere solent: ut si quid per ludum,  
 per jocum, per lasciviam admissum sit,  
 puerili supplicio defungi liceat; nec ver-  
 borum petulantia capital, aut maledi-  
 ctum calore prolatum gravissimum per-  
 duellionis crimen sit. Hebescet aliqui  
 adolescentiæ virtus, & erecta ingenia  
 pravus honesti magister furca debilita-  
 bit. Quis enim puer in hoc tam brevi æ-  
 vo excitare mentem, quis attollere ocu-  
 los ad summa auit, si non modò viros,  
 sed etiam adolescentes ad summa natos  
 scelere potius quàm iudicio tolli videat?  
 Nec vos præcipites agat aut regis amor,  
 aut offensionis metus, & odium ingrati  
 seculi. Ea enim est principis nostri civi-  
 litas, ea animi mansuetudo, ut fortiter  
 amari velit, & libertatem temporum  
 suorum intelligi. Non ille majestatis cri-  
 mina in ludo colligit: nec cultellos pue-  
 riles tanquam aciem hostilem formidat.  
 Magnitudine sua contentus est, quam  
 violabit, quisquis prætextatos læsæ ma-  
 jestatis reos in iudiciũ adduxerit. Po-  
 stremò si neque ætate nostra, neque ma-  
 gnitudine principis commovemini, sal-  
 tem vestros annos, vestramque existi-  
 mationem intueamini: ne dum suppli-  
 ciorum severitate obsequium principi

approbare vultis, omnes existiment non tam imperatoris salutem, quam largitoris gratiam vobis curæ atque cordi fuisse.

## ANTONII MATTHÆI ORATIO XIV.

### PRO LEGIBUS SUM- TUARIIS.

Recitata VI. Id. Julij Anni M. DC. L.

Cum THEOD. à VELTHUYSEN.

*Summos in Vtroque Iure honores  
conferret.*



In dicendo, quantum amplissimus hic vester confessus postulat, tantum in me esset artis & usus; non verer, ut exorator discederem, qui orator ad vos missus sum. Ut autem verear, non solum tenuitatis meæ conscientia, verum etiam causæ susceptæ magnitudo facit. Leges enim sumtuarias, unicum reip. jam deficientis subsi-

subsidium, suafurus surrexi: quas quoniam perditæ luxu juvenus cane pejus & angue odit, haut exiguæ molis provinciam suscepisse me sentio. Ac tamen si quo minus ingenio possum, subsidio mihi diligentiam comparavi, tamen cum ipsius actionis difficultatem intueor, non finè causa pertimesco. Blandum enim malum luxuria est: quod, quia sub specie humanitatis fallit, accusare facilius, quàm damnare licet. Quanquam ne accusatio quidem omnis finè periculo: ita namque vitia sua seculum amat, ut ea non solum vi summa defendere, sed, etiam verbulo læsa crudeliter vindicare norit. Verùm quicumque tandem orationis nostræ exitus futurus sit, sustentabimur præclara conscientia, nos & sensitse rectè de republica, &, si minus feliciter, piè tamen atque salubriter in commune consuluisse. Quis enim non videt, quo tandem evasura sit illa legibus soluta gula, & latè patente rictu ingluvies? tum autem in veste, ac reliquo corporis cultu licentia tanta, ut omnes propè civium ordines commixti atque confusi videantur. Funditus hæc pestis tractura est rempublicam, nisi nova lex epulis modum, libidini pudorem, superbix metum inje-

cērit. Nam si vitii edictum opponas, alios quidē laudis amor, alios prętoris æquitas, pessimos etiam formido pœnæ continēbit. At amota lege, neque pudor ingēnitus, neque ratio sola obstare poterit, quo minus jure fieri vulgus putet, quod nulla peculiari sanctione notatum atq; prohibitum invenerit. Verū quoniam ne adversa quidem factio diffitetur, rem pulcherrimam atque utilissimam in civitate esse sumtuarias leges; pugnat tamen seditionis terrore, atque in libera civitate obtineri posse negat, hac de causa, seposito legum pręconio, illud solū ostendemus, neque libertatem civitatis, neque incolarum ingenia, neque ipsius vitii vim atque pertinaciam impedimento esse, quo minus aut máximo comitiatu rogari, aut legitimis judiciis constitutis exerceri possint. Hæc ubi singula, qua potero fide ac brevitate, demonstravero, quod pace & æquanimitate vestra liceat, perorabo. Qui igitur rogationi nostræ intercedunt, primum quidem contumaciam humani generis obtendunt, quod cum aliis legibus iniquum, tum in primis sumtuariis infestum sit; utpote voluptatibus suis, ad quas à labore maximè proclive est, adversas atque inimicas. Adhæc libertatem civitatis ingerunt, in qua cum animi, lin-

guæ,

guæ, corpora tyranni metu soluta sint, etiam genio atque voluptatibus aliquid sit indulgendum: Non omnia ad Curii alicujus, aut Catonis frontem exigenda: in magno populo, amplis patrimoniis, re placida atque otiosa, splendide potius quàm sordide vivendum. Postremò a-  
dulta jam ac prævalida vitia esse, quæ rapi in judicium sinè magno civitatis motu non possint. Tiberium Neronem, re in consilium orbis terrarum missa, diuque variantibus sententiis agitata, satius tandem existimasse, non tangere in possessione jam positos mores, quàm nequicquam irritatis succumbere, illamque licentiam, quam sibi quisque timide sumit, victis legibus audacia armare atque securitate. Enimverò, cum hos luxuriæ patronos audio, non possum satis mirari, quid illis in mentem venerit, ut non solum ingenium humanum contumaciæ damnarent, verum etiam animal illud rationis plenum longè infra bestiam deprimerent. Ecquid est in omni animantium genere adeò immane aut intractabile, quod non hominum industria subigi positaque feritate exarmari possit. Mitescunt tauri pastoris cura, nec ullus tam ferox sonipes, qui non frenum ore, fessorem tergo admittere discat, Quinetiam cameli

nobis

nobis & elephantes parent, colloque domiti sarcinas nostras jumentorum instar ferunt. Postremò leonem, pardum, tigrim, quanquam inter bestias feritate insignes, vox tamen atque manus assidua magistri ita permulcet, ut ejerata sævitia docentis nutum observent, & passim inter aulæ, omnia vulgaria fastidientis, oblectamenta conspiciantur. Quid ni humanum quoque ingenium, tametsi ad luxum & voluptates corporis proclive, partim præmiorum spe, partim pœnæ metu, partim exemplis à vitiorum consuetudine abstrahi atque avelli possit? An minus rationis nobis, quam catulis Lycurgi inesse dicemus; quorum alter in otio atque deliciis, alter in silvis atque inter truces venantium clamores enutriti, documento Spartanis fuere, quantum in utramque partem possit adfuetudo? Neque enim semper eadem Lacedæmoniis virtus, iidem mores fuere. nihil ante Lycurgum solutius, nihil petulantius: quos tamen unius legislatoris solertia ad virtutis & temperantiæ studium ita traduxit, ut dignos tandem Hercule gentis conditore se præbuerint. Quid Persas, quid Carthaginenses, quid Gallos, Hispanosque veteres memorem, vino olim & comestationibus ad infamiam usque dedi-

deditos; qui nunc sub eodem sole, iisdemque fervoribus, siccitatis laude nullis gentibus aut nationibus temerè cesserint. Sexcenta hujus generis adduci poterant exempla: sed ne quis existimet hanc sequacis ingenii laudem penes externos stetit; nostros vero homines ita à coelo suo animari, ut quod semel prava consuetudine imbuerint, pertinaciter tueri quàm relinquere malint, eripiendus est cunctis popularis error. Id autem ita fiet commodissimè, si ab ipso quasi Batone exorsi demonstremus, neque coelum, neque solum nobis adeò infestum atq; iratum contigisse, quin & rectè monètib; parere, & prompto studio præeuntes assequi valeamus. Elementis illud à vetustate tributum inveniemus, ut quibus aër crassior, solum pingue atq; depressū habitatur, hos tardo ingenio atq; obeso nasci censuerint: verū ut contumaciam iisdē atq; malitiam impingerēt, sanæ mentis, quod quidē sciam, repertus est nemo. Hinc Græcis Beotorū tarditas, Romanis Batavorum aures, Italis Hispanisque Alemannorum crudelitas in proverbium abiēre: contumacia verò, calliditas, perfidia Poenis, Liguribus Circassibus, Epirotis, Cretensis, tenui licet sub aère, puroque coelo, perspicaces ingeniorum arbitri adscribere visi

Q 7

sunt.



sunt. Verum ut ad Batavos revertar, originem gentis ab ultima repetentes memoria, atque inde ad nostrum usque descendentes ævum, nihil inveniemus, quamobrem contumaciæ jure meritoque damnari possint. Cattorum quondam populus exorta dissensione domi, in has oras non vi atque armis expulsus, sed sponte sua transgressus est. Nihil opus astrologis, nihil metoposcopis, aut si quæ aliæ divinatorum sectæ sunt: vel sola hæc migratio & manu, & fronte, & astris certiora nuntiat. Cum enim pugnare læta bello juvenus pro patria, proque penatibus posset, rara pietate novas potius sedes quærere, quam avitas civili cruore respergere maluit. Quirites si tam pios generis sui laudare possent auctores, quantum historicis, quantum poëtis atque oratoribus imputarent! quam læta utriusque dicendi materies! qui in illa latronum atque pastorum casa, tanquam in simpulo tantos excitarunt fluctus. Quoniam Batavis hæc prærogativa nascendi contigit, parco ac invidenti stylo indicium magis quam famam posteritas debet. Subinde cum victrices aquilæ ad Danubium & Rhenum usque progressæ essent, neque morum barbaries, neque ingenii contumacia ea in Batavis fuit, quæ

aditum

aditum ad amicitiam & societatem Populi Romani eis intercluderet. Itaque foedere non iniquo in societatem recepti; honosque habitus, ut nec tributis succumberent, nec publicanus attereretur; sed oneribus & collationibus exempti; ad auxilia duntaxat arma vocarentur. Postquam nutare imperium, aliisq; post alias deficientibus provinciis Franci rerum potiri cœperunt, non minus fidum in hos obsequium, atque amicitia cum Pop. Rom. fuerat. Mox fluctuantibus inter Gallos Germanosque Belgis, partim ut liberi, partim ut pars alieni imperii atque limes egere; donec volente ita Numine Burgundis, per hos deficiente virili stirpe Hispanis cessere. Ac ne horum quidem imperium contumacia quadam parendi abjecerunt, sed multis ante injuriis exasperati, atque intolerabili servitute pressi, ad extremam hanc & necessariam salutis rationem confugerunt. Est omnino hic regnantium dolus, ut, ubi nobilitatem cœdibus, plebem direptionibus efferarint, contumaciam populi accusent, bellumq; sævitia sua accensum ferociæ civium imputent & rebellionem. Batavos verò ab ea culpa nō solum fides historiæ liberat, verum etiam hostis ipsius confessio absolvit. Tametsi enim recenti defectione, cujus

sensus

sensus acerrimus erat, totas provincias atque civitates majestatis damnarit, Albanoque duce immisso crudeliter executus sit: tamen postquam ad se rediit, populum quidem sacrilegii atque impietatis crimine liberavit, exuti vero obsequii fraudem paucis quibusdam, à quibus ille circumageretur, impegit. Quod cum aliis documentis, tum inprimis edicto anni supra millesimum quingentesimum nonagesimi noni ostendi potest. Terribilis pagina, sublatis funditus commerciis, uno quasi ictu confectura bellum, cui tot Imperatores, tot legiones, tanta auxiliorum, navium, jumentorum vis succubuerat, commemoratis invidiosè odiorum causis, nihil asperius in gentem nostram, nihil inclementius dixit: quin contra cum ingenii mansuetudinem, naturæ bonitatem, morum suavitatem laudasset; invidiam omnem civilis sanguinis in demagogos, & seditionum incentores derivavit. Quis nescit; quàm gravatè hostis verum dicat; quàm invitus virtutem, qua premitur, laudet: ut non armis magis, quàm obtreptione pugnet: quasi is demum superior sit causa, qui graviolem adversario calumniam imposuerit. Quare si cujus virtutis palma, si rectè factorum testimonium, ab hoste nobis fuerit tributum, id tan-

quam ab ipsa rerum veritate expressum  
censeri debet. Absolvunt ergò nos à cri-  
mine contumaciæ Romani absolvunt  
Franci atque Burgundi; absolvunt infen-  
sissimi nuper hostes Hispani quid restat  
adversariis, quamobrem ingenii nostri  
duritiem saluberrimæ rogationi oppo-  
nant? Num assertor civitatis impedi-  
mento est, & libertas quidem cum utili-  
tate pugnat, quosque tantis dispendiis  
virtus manumisit, eos legibus servire in-  
dignum & probrosum est? Enimverò,  
qui hoc obtendunt, ne speciem quidem,  
aut umbram veræ libertatis unquam  
perspexisse mihi videntur. Non enim  
libertas, sed licentia est, posse quem-  
que in civitate quod lubet; quæ nisi legi-  
bus coërceatur, primum quidem senio-  
rum ac parentum reverentiam exuet:  
dein magistratibus obsequium denega-  
bit: ad extremum etiam fidem, jus juran-  
dum, atque ipsum rerum omnium con-  
ditorem Deum immortalem contem-  
net. Vera autem libertas & genitores co-  
lit, & iis qui cum imperio sunt se sum-  
mittit, & promptam legibus reveren-  
tiam exhibet. Videt enim, nisi leges in  
civitate sacrosanctæ sint, nihil esse, qua-  
mobrem quisquam liberum se esse putet.  
qui à potentiore, & publica indulgentia  
pacto cive impune opprimi atque everti

possit. Quid est, amplissimi Consules, cur vos pro tribunali sedeatis? vos autem Scabini, quamobrem ex tam magna multitudine civium tam pauci de capite & fortunis nostris sententiam fertis? quid sibi autem viatores, quid lictores, quid cæteri, quos apparere cernimus volunt? Num idcirco minus liberi sumus, quod sit aliquis in civitate judiciorum metus, & rebus judicatis condemnati parere cogimur? an verò ministri vos legum atque custodes estis, ut ne libertas civium cujusquam opibus labefactari atque convelli possit? Quid autem? legibus de furto duntaxat, & peculatu, & parricidio, & reliquis ejusdem notæ criminibus caveri oportuit? an quoniam hæc ex aliis nascuntur, altius surgere legislator debet, & ipsos fontes, ex quibus ista scaturiunt, recidere? Profectò, si rectè mentem vestram sapientiamque perspexi, non est in obscuro, quid ea de re sitis existimaturi: nempe, frustra summas arborum frondes velli, nisi ipsa roboramentis convulsa radicibus cadant: frustra medicam admoveri morbis manum, nisi causæ quoque morborum è medio tollantur. Hæc quæ diximus maleficia, omnia ex avaritia existunt: avaritiam verò inopia; inopiam comesis patrimoniiis luxu-

luxuries parit: quam qui è civitate excindi non patitur, næ ille libidini honestius, quàm legibus servire se autumat. Nos verò, qui libertatem non libidine sed ratione metimur, libenter legum servi erimus, ut libertatem à maioribus relictam tueri, eodemque jure quo accepimus ad posteros nostros transmittere valeamus. Nec tamen cum edictum urgemus, acerbitate pœnarum in civitate grassabimur: non delator in cubiculo, non tortor in carcere, non carnifex in foro erit formidandus: Mitissimum pœnæ genus multa est, quam irrogent Censores iis, qui libidini & cupiditatibus suis modum ipsi statuere recusant. Hæc legem à contemtu vindicet. Hæc cives alea perditos, poculis immerfos, voluptatibus sepultos in lucem revocet: ab auro ad lanam, à vino ad fontes, à boletis ad polentam transferat. Ad hanc si bonorum accesserint exempla, non est quod pervicaciam ipsius vitii metuamus. Optimus enim disciplinæ magister exemplum est; cum id quod aliis præcipimus fieri posse approbamus: quod interminamur nobis licere non patimur. Inde natus æmulandi ardor non solum obsequentes trahit, sed & impetu quodam contumaces rapit: qui quam rationi repugnant, consensu tamen plurium

plurium se vinci patiuntur. Denique exempli tanta vis, tam efficax incitatio est, ut si vel princeps castus, & sanctus, & temperans Dei Opt. Max. beneficio reip. contigerit, frangi illicò luxus impetum, ac tanquam animalia quedam amisso aculeo torpere necesse sit. Multis id experimentis confirmari potest, nullum tamen illustrius extare videtur, quam quod rogata historia suppetit. Ec cui unquam civitati gravior incubuit luxuria quàm Romæ? Quis populus aut mensæ sumtu profusior, aut corporis cultu indulgentior, aut signorum & pretiosæ suppellectilis cupidior, aut hortorum amœnitate, & vastis substructionum molibus insanior? Quicquid privi cœlum, terra, mare intulerat macello, id Gurgites, & Apitii, & Nepotes pretio avertebant immenso; in tricliniis turpius, quam in acie vinci se putantes. Atque hæc cum faciebant, neque custodem, neque edilem, ac ne principem quidem metuebant: palàm & inspectante populo obsonabantur, abolitis jam dudum contemptu quodam Oppiis, Fanniis, Liciniis, Æmiliis, Juliis rogationibus. Cumque Varrone teste, ad victum optima ferret ager, Campanus frumentum, Falernus vinum, Cassinas oleum, Tusculanus ficum, mel Tarentinus, piscem Tiberis:

beris: tamen exhausta quasi assiduo scrutatore Italia, nullus è Corfica, murena ex Sicilia, tubera ex Africa, vinum ex Græcia, ostrea ex Britannia advehebantur. Neque stetit intra obsoniorum pretia cænarum gloria: hæc ipsa quæ magno constiterant, longè pluris condiebantur, & gravior aliquanto coquus domino, quam piscator erat. Ad summam eo perventum erat scelerum, ut ex luxu fama quæreretur, ac prodigalitas sermonibus vulgi celebrari vellet, perisse sibi sumtum dolens, si lateret. Quid enim ageres in tam occupata civitate? ubi multi bona comedunt, multi coronati bibunt, & amicas habent, ibi vulgaris nequitia fabulas non invenit. Ut inter catillones nomen invenias, non tantum delicatam rem, sed & notabilem designare necesse est. Quinq; milibus sestertium emit mullum Octavius: sex millibus Crispinus. Aceto liquatos uniones hausit Æsopus. Auro ventris onus excepit Bassus. Novies millies sestertium non toto vertente anno dissipavit Vitellius: Vicies septies millies Caligula: Atque ut ad foeminas quoq; illustres transeamus; centies sestertium uno cyatho sorbuit Cleopatra. Quadringenties sestertium in ornamenti habuit Lollia. Quingentarum asinarum lacte lavit Poppæa. Quid referam, quot eunuchos

Plau-



Plautia, quot mœchos Hippia, quantum  
 subsefforum habuerit Messalina? O for-  
 tunati Numitoris nepotes neptesque! ve-  
 strum nomen in popinis cluet! vos circu-  
 li, & theatra, & convivia loquuntur! quic-  
 quid usquam picarum & corvorum est,  
 vestras laudes in tabernis canit. Estne ali-  
 quid amplius, quo progredi vestra nequi-  
 tia possit? Est: nam si gratiam novitatis in-  
 ventio perdiderit, faciemus aliquid con-  
 tra naturæ consuetudinem, & temporis  
 dispositione separabimur, qui jam cultus  
 licentia, elegantia cœnarum, mundicie  
 vehiculorum à cæteris distincti sumus.  
 Diem somno, noctem conviviis extra-  
 hemus. Sitientes platanos rigabimus me-  
 ro; plusque vini umbra, quam poeta bi-  
 bet. Serentur pomaria in summis turri-  
 bus, & ingentes silvæ nutabunt in tectis  
 domorum ac fastigiis. Fundamenta ther-  
 marum in mare jaciemus, & calentia sta-  
 gna fluctus simul feriet & tempestas. Dici  
 vix potest, quam sit compendiosa ad fa-  
 mam via, fastiditis vitiis quæ in mores  
 transferunt, facinus aliquod virgis aut la-  
 tumiis dignum in vulgus edidisse. Hæc  
 quota pars scelerum, quibus annales fati-  
 gantur: quæ ne historia quidē sinè rubore  
 narrare potest. Quis potuit sperare, affore  
 aliquando diem illum, quo pestis reip.

tam

tam gravis, tam exulcerata; adhæc tot annis confirmata, tot lustrorum impunitate defensa, exolefceret? Nam ex quo Asiæ primùm atque Europæ spoliis locupletati Quirites, ab armis ad voluptates, à negotiis in otium conversi sunt, ad extrema usque Neronis, anni plus ducenti sunt: Tam diu urbs non orbis domina, sed magna popina fuit, in quam perinde atque in sentinam conflueret, quicquid usquam infame, intemperans aut impudicum esset. Postquam Vespasianus orbi Romano tanquam salutare sydus illuxit, tunc demum amentiam ratio, libidinem pudor, cupiditates abstinentia frenare cœpit, luxusque ille tot annis tam profusè exercitus primulùm erubuit; dein repressus est: ad extremum labente spiritu concidit. Cujus rei laudem non fatum, non astra, & peractus naturaliter vitiorum orbis sibi vindicant: exemplum est, quod ex perditis & abjectis cives abstinentes fecit. Ut enim civilis sapientiæ magister firmat, præcipuus adstricti moris auctor Vespasianus fuit, qui cum antiquo esset cultu victuque, frugalitate principis imitatio accensa est, & æmulandi amor validior, quam poena ex legibus atque metus. Quis enim eum imitari non sustineat, cui omnes maximè placere volunt;

ex

ex cuius vultu quisque suum fingit: cuius mores pro speculo, vitam pro regula habet. Non, non est profectò, quod vafer ille dissimulatur Tiberius nobis objiciatur: ignovit ille amico sibi vitio, & emendationis difficultate prælata damnandos absolvit mores. Quid enim novo principii utilius, quid ad securitatem opportunius, quàm luxu marcere patres, plebemque lustris immersam suæ oblivisci libertatis? Hæc imperantium strophæ est: hic dolus retinendæ tyrannidi paratus. Hac arte Cyrus olim Lydos, Xerxes Babylo-nios, Phalaris Leontinos perdomuere: ademptis equis atque armis in tabernis præliari, scorta alere, lenocinia ac ludicras artes exercere iussi: ita populi manu strenui, & industria pollentes, mollicie luxuriaque celeriter effœminati sunt: & quos ante invictos Mars reddiderat, in nequitiam lapsos Liber atque Venus superavit. Eadem arte, sed dissimulatione majore Britanni circumventi: homines bello prompti ut voluptatibus enervarentur, primum templa, fora, domos extruere iussi: mox à duricie illa vitæ, atque à re militari quasi ad studia humanitatis traducti. Inde præcipiti gradu decursum ad delinimenta vitiorum, porticus, & balnea, & conviviorum elegantiam:

tiam: quod, ut ille ait, apud imperitos humanitas vocabatur, cum pars servitutis esset. Nec dubium, quin Transrhenanæ quoque gentes, quanquam cœlo ac solo suo acrius animarentur, eandem fuerint subituræ fortunam, nisi liberator ille Germaniæ Arminius, ingenti ausu, nec minore fortuna, cæsis Quintilii Vari legionibus, imminens servitutis jugum excussisset, ac rei militaris gloriam à majoribus acceptam, posteris conservasset. Ex his A. O. jam planum ac perspicuum fit, nullam tantam civitatis corruptelam esse, cui non legislatoris prudentia mederi possit: ac neque pravitatem ingeniorum, neque populi libertatem, neque ipsius vitii vim emendandis seculi moribus impedimento esse. Quid igitur restat, quo minus quàm primum comitia calentur, & bonis auspiciis sumtuarias leges Consul roget, Senatus populusque velit, jubeat? longè profectò utiliores, quàm aut Cinciæ leges, aut Aquilia scita, aut tristes illæ de tricesima & quadragesima rogationes, quæ lachrymas nostras vectigales faciunt, & commercia prædiorum tributis impediunt. Sanè jamdudum id petit pietas, quam nec quicquam obnitentem perditissimi homines è civitate profliga-

runt. Postulat id fides illa, qua reip. obstricti sumus, quam obscœni ventres cotidie perjuriis, peculatu, sacrilegiis violare non verentur. Flagitat denique ipsius reip. necessitas, cui nisi celeriter succurratur, actum erit de vita, de libertate, de fortunis nostris. Stat enim in præcipiti luxuria, & ingenti rictu, haustis singulorum patrimoniiis, agro, oppidis, ærario nostro vastitatem minatur. Instruitas pulchrè in perniciem publicam rationes habet: nihil Græca, nihil Romana commenta est nequitia, quod non finibus nostris intulerit. Boleti, mugiles, ostrea, squillæ, apri, pavones, ficedulæ mensas onerant: Stupent triclinia infanis utensilium fulgoribus, & explosis pauperis vetustatis catinis ligneis, vascula selecta interim materia, interim manus pretium commendat. Vestes auro argentoque squalent, nec ulla tam vilis materia, cujus non accessio gemma sit. Morio, parasitus, aleator, nauta, caupo, quis non in purpura cubat? Tum autem lenonum & scortorum tanta copia, quanta muscarum olim cum sudum est. Postremò, ne tricliniis inviderent stabula, auro & argento etiam muliones rigent, & frena, sellæ, calcaria, pilenta tota rutilo fulgore superbiunt. Omnia

omnia adeò, ubi in unum quasi locum contracta, curioso oculo lustraveris, a-  
ctores duntaxat mutatos; cæterùm eos-  
dem cornuburnos, eadem scenæ argumen-  
ta dixeris. Ac ne quis existimet, ad sum-  
mam flagitiorum Quirites pervenisse,  
nos imitatione duntaxat & exemplo  
peccare: habet, eheu! habet & nostra  
ætas quod Græciæ opponat: habet quod  
attonita stupeat Roma: nec adeò lassæ &  
effœta petulantia fuit, quin novum ali-  
quod & inauditum facinus eniti posset.  
Quid enim? num mediocris ingenii fuit  
Cererem docere fulloniam, & illa cœli-  
tus data vitæ subsidia transferre ad ina-  
nem vestis candorem? Quid est ex omni  
frugum genere, quas aut arista munit,  
aut siliqua tegit, tritico nobilius? quid ad  
vitæ sustentationem & humani corporis  
alimentum præstantius? Quicquamne o-  
litor habet, aut auceps, aut venator, aut  
piscator, quod cum divino munere con-  
tendere possit? Hunc tamen desideratissi-  
mum agri fructum, hoc amabile cœli  
pignus, luxuria nostra perinde ac lutum  
argutis figuli subjecit pedibus. Calcatur  
opima siligo, quam ne in sacrificiis qui-  
dem aspernabatur Numen, & admixto  
humore liquatur in viscum; non unde  
lippis collyrium, faucibus emplastrum, æ-

gris medicamentum fiat; verum unde nebulæ matronarum lineæ tingantur, & textiles venti pellucidas ostendant papillas, clarorque merus constet promiscuis virorum foeminarumque lobis. O tempora! ô mores! Ubi nunc lex Julia, quæ pestem reip. Dardanarios atque curculiones coërces? En unquam gravior reip. pestis, unquam major ægrorum calamitas excogitari potuit? Num grando, num uredo, num sturnorum, graculorum, prædonum vis tam est cerdonibus pertimescenda? Quot illam messes, quantam annonæ copiam in singulos annos deglutire putabimus, cum unius vici Batavici cerdones, singulis hebdomadis tritici optimi modios plus minus octingentos haurirent. Libet exclamare: O cerdo, cerdo! cibus est, quem planta calcas: cibus hominis; imo homo! Cur fame quisquam te argutante moritur? Cur exercitus ingentes in expeditione laborant, & obsessis ab hoste commeatus inopia deditionis necessitatem exprimit? An parum est, quod vita populi per incerta maris & tempestatû volvitur, nisi quod reliquum fortuna fecit, id prædones isti tanquam commissum cum pulvisculo everrant? Profectò, aut hæc animadvertenda calamitas est, aut hac ommissa curâ, conturba-

re remp. necesse est. Ac si cui adhuc dubium fuisset, utrum leges sumtuariæ ferendæ sint, an expectandum donec principes pudor, divites satietas, pauperes necessitas in melius mutet: nunc tamen deliberationem omnem præterita tempestas sustulit, noxiumque Cereri alienis mensibus gelu, & conjuratæ in perniciem nostram pluvix, quas nuper iratum flagitiis Numē, terris nostris propè trimestres immisit. Sternebantur aquarum ruentiū impetu segetes, & abjectis votis irritum anni laborem deplorabant coloni. Pectora quoque muta, quod solum poterant, stagnantibus pratis ad cœlum traxere suspiria, & corruptis humore nimio alimentis, destituere spes pascentium. Tunc certè tristis annus ebrias damnavit noctes, & occultatum diu solis jubar corruptam vindicavit Cererem. Pudet heu! sed cur pudet fateri? Gens, quæ negotiatoribus suis omnes reclusit vias, omnes patefecit portus, & nationes toto orbe dispersas ita sibi junxit commercio, ut quod genitum est usquam, id apud unā natum esse videatur, inopina aquarum vi oppressa, frustra cœlum, frustra mare suum & classes respexit, cum ipse ubertatis auctor & parēs, annuū ruris proventum, iisdē nubibus, quibus solem cohiberet. Quare, si qua pietatis



scintilla, si quis conscientiae sensus nobis  
 reliquus est, revereamur tandem aliquan-  
 do praesentem Deum, & minante famem  
 coelo, luxuriam strangulemus edictis, to-  
 tamque illam liguritorum nationem op-  
 primamus ante quam opprimant. Saepe  
 cum malis moriuntur, qui cum ipsis de-  
 gunt; poenaeque scelerum auctores juxta  
 ac dissimulatores manent. Neque nos  
 inanis seditionis metus moretur, aut of-  
 fensiones delicatorum ab instituto deter-  
 reant: dici enim non potest, quam sint  
 nonnulla primo aspectu ardua, quae usu  
 ipso atque tractatione facilia experiare.  
 Cumque tam multa inoleverint, quae i-  
 psls qui referebant, duriora videbantur:  
 speremus etiam has leges inveterascere  
 posse; quibus non rigor ipsarum, non ini-  
 quitas, sed principum dissimulatio vene-  
 rationem detraxerat. Praevaricator est,  
 quisquis causam reip. inimicis donat, &  
 desertis partibus inanem offensus me-  
 tum obtendit: quae quo plerunque bre-  
 viores existunt, eo certe minus sunt for-  
 midandae. Ac si ullum tempus est, quo  
 in causa publica tergiversari licet: in hac  
 profecto omnem haesitationem necessi-  
 tas abrumpit: ubi numen adest, & tem-  
 pestas minatur, & conjurati in nos im-  
 bres praeliantur. Veniet tempus, quo  
 lau-

laudabit posteritas factum: mirabuntur  
 idem exteræ nationes; quantumque  
 mortali augurari licet, majorem vobis  
 gloriam addet defenſa frugalitas, quam  
 pulſus hoſtis campo, exactus mari, oriens  
 occidenſque triumphis luſtratus. Quanto  
 enim pulchrius eſt civem conſervare,  
 quam hoſtem ferire: tanto etiam excel-  
 lentior gloria vos manebit, ſi compreſſo  
 luxu, proſtigata libidine, extinctis cupidi-  
 tatibus temperantiam civitati reſtitueri-  
 tis. Ita fiet, ut nec deſidia longa pacis  
 frangamur, & incommoda brevioris for-  
 titer toleremus: crescente ærario, au-  
 ctisque ſingulorum patrimoniis vires  
 reip. ad reſiſtendum firmiores reddituri.



ANTONII MATTHÆI  
ORATIO XV.

DE

PRÆSTANTIA & PRÆ-  
ROGATIVIS JURISPE-  
RITORUM.

Recitata vi. Id. Septemb. M. DC. LI.  
Cum ALBERTUM BECKER,  
*I. V. D. renunciaret.*

**C**um de modestia & abstinentia Jurisperitotū ex hoc loco verba fecissem, occæpi mecum dubitare; nunquid etiam de præstantia & prærogativis eorundem esset dicendum. Verebar enim ne illa præstantiæ deprædicatio invidiosa esset, ac cum modestia nostra pugnare videretur, tantumque apud me valuit hujus cogitationis verecundia, ut dilata, non abjecta causa, ad Carmelitam nostrum & sumtuarias leges animum adjicerem. Nunc autem deposito metu, confirmatoque adversus invidiam animo, idem illud argumentum exequi constitui: præterquam  
enim

enim quod non sine exemplo id facturum, etiam invidiæ timorem utilitas discerentium superat. Quorum hunc fere sensum, eam in cursu studiorum rationem animadvertimus, ut intellecta præmiorum magnitudine vehemētius inflammentur ad discendum. Adeste igitur animis, qui adestis corporibus, & mihi de dignitate, præstantia, & prærogativis Jurisperitorū dicenti, benevolas aures præbete. Vos imprimis, optimi juvenes, quos aut parentū pietas, aut amor reip. civili sapientiæ mancipat, oculos, aures, animumque advertite. Magna vobis proposita sunt præmia: excellens dignitas est, ad quā invito. Quo attentius vos audituros, quæque in dicente non est persuadendi vis, eam in ipso argumento fore confido. Quis enim est ex omni hominum numero tam humanitatis expers, cui adeò de luto factum pectus, ut non genere honestus, sapientia præclarus, virtute egregius haberi desideret? Est enim natura unicuique nostrum hic innatus sensus, ut contemptum sui inter mala: contra dignitatē, existimationem, & inter suos auctoritatem inter bona numeret. Inde adeò fit, ut honorem, gloriam, nominis decus strenuus & ignavus æque sibi exoptent: sed ille asperam ac difficilem virtutis calcet semitam: hunc desperatio

industriæ malis artibus grassari cogit. Plerique fanè, quoniam vident corruptis moribus sanctissimam esse divitiarum majestatem, eas gloriam, imperium, potentiam sequi: abjecto tristi ac difficili virtutis certamine ad opes & latifundia magno conatu, magnisque machinis contendunt. Surgit faber ante lucem, multaquæ fuligine deformis, duram fatigat incudem, ut tandem aliquando, faventibus marculis, ex illo cinere suo & carbonibus emergat. Perdius ac pernox subulam versat sutor, sordidasque pelles mordaci dente vellicat; abjecto olim instrumento, dimissis pueris, & occlusa taberna novum fastis municipalibus additurus nomen. Majores animo spes mercator agit, & municipum vota egressus, novas arces, nova oppida, novos principatus somniat. Tollitur ingenti plenus fiducia à Flevo ad Gades, inde ad Gangem: unde reversus, abjectis licet culullis, piperis tamen odorem transfert ad redemptam pretio purpuram. Postremò, adeò pectora mortalium ambitio versat, agit, rapit, ut etiam sceleribus multi, peculatu, perjuriis, veneficio, ad claritatem nominis contenderint. Qui tamen omnes voti compotes, ut maximè nomen, vultum, vestitum, reliquamque

que vitæ consuetudinem mutarint, nil nisi vulgus fuere. Non enim agri, non mancipia, non æris aurique acervus natalium pudorem eluere possunt: sola est virtutis possessio, quæ claros homines ex obscuris facit. Itaque illi plebi quidem honesti, parasitis etiam visi sunt beati: sapientibus non nisi fortunæ pila sunt: quæ cum rebus humanis illudere decrevit, quosdam ex humili fæce ad magna rerum fastigia evehere solet. At jurisperitos non lingua venalis, non parasitus venter, non plausus sportula redemptus, sed ipsa lex à vulgo segregat, & ingenti honoris incremento auctos, clarissimorum virorum numero inserit. Cujus nominis is respectus, ea amplitudo est, ut non solum cum pedario Senatore, sed & cum curuli nobis sit commune. Nulla enim potestas reperitur, nullum post principem imperium, quod non clarissimi nominis ambitu contineatur. Ædilis, prætor, præfectus, consul, proconsul, ac si qui alii majores magistratus sunt, clarissimi tamen ordinis viri sunt. Cum his felici societate Jurisperiti jungimur, ac licet imperii exsortes, ordinis tamen confortio gaudemus. Quàm vellet his aleator misceri! quàm miserè cupit pellio! ut ringitur regulus ille cerdonum! Ego, in-

quit, plus possideo, quam decem togati: intra mea rura milvi fatigantur, agrique modus vix ipsi villico fatis notus est. Tum autem in mancipiis, in supellectile, in certis nominibus tanta vis pecuniarum est, ut vel solus laboranti reip. succurrere possim. Expectent ergo togati: me ante signare, me thoro meliore fulciri decet. O fullo, fullo, quæ te intemperiarum agitant? quis oculus tibi mentem fascinat? ut oblitus humilitatis tuæ togatis anteferri postules? Non hic fortunæ, sed virtutis certamen cernitur. Te, quia virtute cares, à præmiis virtutis leges arcent, & edictum theatrale in extrema cavea spectare jubet. Vides innuentem tibi Lectum? Vides ad te properantem Occanum? Surge cerdo, hic Senatores sedent! Etiam hinc concede, hæc equitum subfellia sunt! Non tu Cornelias, non Vifellias legestimes, qui cum ex retrimentis Romuli sis, per dolum ac fraudem in alienum ordinem irrepseris. Quid tibi cum Scævola? quid cum Cæfello, cur Trebatiis es molestus! Spectant hi in quatuordecim; spectant in ipsa orchestra; nec quisquam fuscitorem timet. Meruerunt enim in podio locum magna virtute, & infracto labori cessit in theatro spectandi prærogativa. Et sanè si bonos virtutis præ-

præmium est, & ubi ingentia in rempublicam merita sunt, ibi dignitatis apex esse debet, quis Jurisperitis poterit anteferri? Hi enim sunt, ex quorum consilio non solum privati testamēta condūt, pacta conventiona, stipulationes, compromissa, transactiones firmant: verum etiam magistratus jura dicunt, restituunt in integrum, mittunt in possessionem, bonis præmia, malis pœnas irrogant. Iisdem dictantibus publicæ sponfiones fiunt, fœdera sanciantur, domi civibus, foris sociis ac hostibus leges scribuntur. Quæ omnia cū amplissima sint, cum in his vita reip. ac salus consistat, quis dubitet amplissimis quoque honoribus afficiendos eos esse, per quos hæc ex commodo atq; dignitate civitatis administratur? Benè igitur & sapienter principes faciunt, quorū lateri comes heret assiduus Jurisperitus aliquis, qui cōsilia ipsis gloriosa, reip. utilia suggerat, & effervescentē in prava animū prudenti moderatione admitiora flectat Sapiētius tamē illi, quibus nō solum in cornu tribunalis veteris prudentiæ magister sedet, sed & in provincias cū imperio ac potestate mittitur. Uno enim eodēq; codicillo & sociorū saluti, & suæ cōsulūt existimationi. Nā provinciarū salus ex fide & integritate administrantiū depēdet; quos si optimos integerrimosq;



princeps elegerit, facile vitabit illam Persarum reprehensionem, qui cum cerne-  
rent doctos assessores post terga Præsi-  
dum indoctorum collocatos, vehemen-  
ter preposteram illam Romanorum con-  
suetudinem riserunt. Quàm enim defor-  
me hærere in causa iudicem, respectare  
ad assessores, identidem rogare, quid opus  
sit factu: perinde ac si tribunus aliquis aut  
centurio vite superbus, stantem à tergo  
militem roget identidem, quemadmo-  
dum in acie ferendus sit hostis. Quan-  
quam non Persis solùm, & iis qui cum  
Populo Rom. de gloria, aut de salute con-  
tenderunt, verum etiam optimis quibus-  
que civibus id deforme visum. Ex quibus  
C. Figulus SC. etiam irasci sibi populo Ro-  
mano permisit, quod se Consulem non fe-  
cisset. Repulsam enim passus, cum postri-  
diè comitiorum cives Romani pro more  
consulendi causa ad eum venissent, incer-  
tos juris & inanes dimisit. Abite, abite, in-  
quit, Quirites: consulere scitis, sed consulé  
facere nescitis. Arrogans quidem facinus,  
privum hominē populo irasci, nec tamen  
valdè vituperandum, si à magna consci-  
entia proficiscatur. Etenim si à consulen-  
do consul dictus est, quis dignior consu-  
latu, quam is, qui cum singulis, tum uni-  
versis plurimùm consulit; cujus domus  
tem-

templum , vox oraculum civitatis est? Quid enim sibi volebat Pop. Romanus, cum Scipioni Nasicæ ædes publicè in sacra via præbuit? quid spectabat? Nonne una in domo mentem & consilium civitatis habitare censuit? cujus calor ut per omnes diffusus partes universis ac singulis prodesse posset, ita Nasicam consulentibus, ac Jovem in Capitolio salutantibus patere voluit. Neque tamen hæc perinde accipi velim, ac si impudenti oratione omnia imperia, omnes magistratus seu urbanos, seu provinciales solis Jurisperitis asseramus. Fatemur enim esse duo quasi Reip. tempora: alterum pacis & otii, alterum belli gerendi. Illud togatis artibus & civili sapientia optimè temperatur: hoc verò animi fortitudinem, & rei militaris scientiam in comitiis spectari flagitat. Igitur si quando aut nostræ, aut sociorum injuriæ armis sint vindicandæ; tum quidem virum aliquem militari laude inclytum cum exercitu in provinciam destinabimus: sin autem victis hostibus, clausoque Iano, in summa pace atque otio degamus, parta bello gloria per togatos homines optimè retinebitur. Itaque stante republ. cum Populus Rom. primum in Italia, dein in Sicilia & Hispania, postremò in Asia & Africa,

Africa, reliquaque Europa bellum gereret, non injustè fortasse Figulus aliquis spe Consulatus dejiceretur. At postquam cum reliqua republica belli quoque cura & administratio ad Cæsares rediit, Consulum jurisdictio tota urbana fuit, nullius civis justior, nullius æquior petitio videri potuit, quam Jurisperitorum. Intellexit id Augustus Cæsar, qui pacato terrarum orbe, Atejo Capitoni fasces cōsulares dedit, Antistio Labeoni & Q. Mucio obtulit. Intellexit Tiberius, qui quanquā neq; ingenio, neq; virtute vitrici gloriam æquaret, tamen C. Cassium Longinum iisdē honoribus extulit. Vespasianus verò Imperator Celsum & Neratium, Hadrianus Salvium Julianū consules viderunt. Quinetiam urbis præfectura Pegaso, prætorii vero excellentis ingenii viris Papiniano, Ulpiano atq; Paulo cessit. Ac nequis existimet solos Cæsares honores in civitate Jurisconsultis detulisse, etiam Martiis illis seculis, quibus crebra cū finitimis, dein cū barbaris gesta fuere bella, non exiguū eorū in comitiis rationē habitam legimus. Ex eo enim ordine Appius Claudius decemvir, P. Mutius pontifex maximus, duo Ælii, Sextus & Publius; item Brutus & Manilius, P. Rutilius Rufus, Servius Sulpitius Romæ Coss. postremi etiam in  
pro-

provinciis proconsules fuerunt. Longum denique esset commemorare, qui, quibus comitiis, quos honores, quanta cum gloria aut acceperint, aut gesserint: quēadmodum nonnulli ex his imperium Pop. Romani non jure solum defenderint, sed & armis amplificarint. Nequē sane quicquam attinet, dignitatē ab imperiō quod gesseris mutuari, si non virtuti aut sapientiæ fuerit delatum. Ipsa illa urbana militia, quæ in cavendo, respondendo, consulendo consistit, satis per se dignitatis habet, nec desiderat adventitium jurisdictionis ornamentum, cum imperiis & potestatibus ipsa ornamento sit: Cujus rei testimoniū idem ille Salvius Julianus nobis præbet, qui sub Hadriano bis Consul fuit, bis, inquam, Consul: sed ut historiæ Augustæ scriptor monet, fuit & J. C. quod magis eum nobilem fecit, quàm Consulatus. Et sanè si verum fateri licet (licere autem puto in civitate libera) brevia, inania, & caduca sunt splendoris insignia: purpura, latus clavus, sella curulis, secures, atque viminei illi fasces virgarum, nisi virtute & sapientia muniantur. Proconsul denique quamlibet ingenti civium socio- rumque stipatus comitatu, imperium in provincia penè regium exerceat, si  
tamen

tamen à civili sapientia minus sit instructus, vastum quoddam corpus videtur, cujus oculus & mens est æqui bonique consultus adfessor. Quo autem præstantior corpore mens est, eo etiam majus consulendi munus quàm exequendi potestas videtur. Ipsi fanè Imperatores tantum huic assidendi consulendique peritiæ detulerunt, ut Jurisconsultos non solum viros illustres, magnificos, clarissimos dixerint, verum etiam amicos atque parentes suos nuncuparint. Grandia profectò nomina, & invidenda felicitas! quid enim majus cuiquam in vita obtingere potest, quàm Cæsaris amicum atque parentem appellari? Quam multi in cœlo sibi visi sunt, quod à sene & orbo heredes instituti essent; quod humiles ipsi in nomen & familiam viri clarissimi essent adoptati. Magna nimis loquimur: quanti plerisque fuit, innotuisse principis nomenclatori? quanti quod liberto Cæsaris amico uterentur? quod se clauso labello respexisset comitrix Augustæ? Quid si iidem in consilium conscripti, quid si non in filii, sed in parentis nomen essent adoptati? quantos derepentè se ex humilibus factos putarent! Equidem sub Caligula provincialem quendam locupletem vocatoribus ejus ducenta sestertia numerasse

rasse legimus, id est, quinque aureorum millia, ut per fallaciam convivio Cæsaris interponeretur: tanti estimavit ille honorem principalis cœnæ! Rideat hunc hominem Jurisperitorum natio; subsannent æqui bonique sacerdotes; qui, siquid in regali mensa felicitatis est, in triclinio principis non solum gratis cœnant, sed & sæpius, & ab ipso vocati. Eja! quid statis juvenes Themidi initiati? quin dies noctesq; legitimo studio incumbitis? Num parva vobis præmia videntur, in quibus alii maximam felicitatis partem posuerunt? an anxios & suspensos vos habet incertus comitiorum exitus, & stulta sæpè populi suffragia morantur? Quin confiditis affore aliquando diem illum, quo alius vestrum prætor, alius consul renuntiabitur: hic annonæ, ille urbi, iste etiam prætorio præfectus audiet. Ut nihil horum, in consilio tamen eritis eorum, qui amplissimis imperiis cohonestati sunt. Atque ut hæc quoque spes decollet, respondendi atque interpretandi provincia poteritis esse contenti. *Fuit enim*, ut M. Tullius ait, *semper pulchrum in urbe jus civile docere, hominumque clarissimorum domus discipulorum concursu, etiam tenui valetudine & affecta jam aetate à solitudine vindicabantur.* Verum enim verò, videor mihi jam satis verborum de

de dignitate Jurisperitorum fecisse: ostendamus nunc quæ præterea commoda hanc dignitatis prærogativam consequantur. Quaparte ita obruimur rerum pulcherrimarum copia, ut propè incertus hæream, unde orationis transgressio sit facienda. Sed quoniam laudantur, qui jucunda utilibus tempestivè miscent, ordiar à re, studiosi juvenes, ætati vestræ vehementer grata, quam uxoriæ nuncupamus. Quid enim magis in votis juveni cupido, quam uxor generis nobilitate, formæ gratia, & dotis amplitudine excellens? Hanc sibi docti indoctique juxta expetunt: in hac propè votorum suorum summam collocant. Itaque ardens ingenti cupidine animus magnâ cura, magna-que sollicitudine ambit, orat, prensat: omnia non modò quæ reprehendi palàm, sed & quæ obscure cogitari possunt, diligenter vitat. Quid enim curiositas parentis non animadvertit? quæ domus secreta non rimantur nutritrix, propinqui, affines, amici? Quibus tamen deceptis (tantum potest cura & ars amandi) trahitur in partes virgo cruda, indomita, & verbis conceptis adacta, sociam se thori & utriusq; fortunæ fore spondet. Verùm tormentum miseris ingens hæret, patris dissensus, qui multos affectus, multa matrimonia jam coales-

coalescentia vi potestatis disturbavit. Queritur senex aridus & difficilis, impares fore nuptias, & inæquales aratro juvenecos jungi: nefas esse puellam domi nobilem plebejis nuptiis contaminari. Neque invitis hæc auribus prætor audit: sed proco ex stipulatione agente judicium cum illa exceptione reddit. Extra quam si sponsus genere sponse indignus videatur. Hæc parentis querela, hoc prudens prætoris consilium, nihil sanè Jurisconsulto obest, quem civilis sapientia plebeji sanguinis opprobrio liberatum interim tribunali admovet, atque objectæ exceptionis rigorem sola inficiationis constantia repellit. Ehem, quid restas pater? quin despondes gnatam egregio juveni? cur diutius moraris amantium vota? Quin mavis virum pecunia, quàm pecuniam viro indigentem! Tuæne opes cum sapientiæ possessione sunt comparandæ? Tibi ignobilis aut indignus videbitur, quem ipsa Themis pileo, toga & anulo cohonestavit? Quin Saliceti testimonium audis, qui negat *indigno eam nupsisse, quæ juris antistiti nupsit, etiamsi, inquit, esset comitissa*. Tu autem virgo: quid adhuc dubitas? quid times? cur tandiu te juvenemque torques! Liceat hic tibi occinere ex Catullianis aliquid:

*Bella*



*Bella es, novimus, & puella, verum est:*

*Et dives; quis enim potest negare?*

*Sed dum tu nimium Fabulla spernis,*

*Civilis sapientia magistros,*

*Nec dives, neque bella, nec puella es.*

Nescis enim, inepta, nescis quem virum spernas: malè subducta tibi sunt ordinum dignitatumque discrimina. Nempe filiginea tu puella es: quid, furfuraceus tibi juris magister videtur? Torquem & armillas gestas aureas? Etiam torquatus tibi maritus erit. In dote ceras numeras, & antiqua stemmata? Ignosce virgo, tanto plus in hypobolo quam in dote est, quanto majus atque pulchrius est, propria quam aliena virtute splendere. Atque etiam si lubet, mulier, ascende per gradus cognationis; demonstra nobis generis tui auctores? Reperies forte Jurisperitum aliquem, cujus opera & indefesso labore & opes hæ partæ, & claritas nominis tradita est posteritati. Sed si adhuc dubitas utrum plebejo, an equestris ordinis viro nuptura sis, testemque omni exceptione majorem desideras, quis aut gravior, aut major laudari potest, quam Sigismundus Cæsar: qui conventu utriusque ordinis coacto, doctorem eundemque equitem de loco ambigentem ita affatus dicitur: *Quin tu inter doctores potius quam equites sedes:*  
*mibi*

*mihî enim facile est ex plebe multos equites creare: ex multis equitibus ne unū quidem doctorem.* Verum quid ago? quo delabor? qui inter viros verba facio, penè cum colo rixari cœpi. Itaq; refero gradū. & ad alias ordinis nostri prærogativas transeo. Quanti illud existimabimus, Aud. quod Jurisperitos à tributis & vectigalibus immunes esse, seu lex seu lege potior consuetudo voluit. Nam si fiscus à publicis pensitationibus immunis est, cujus locupletandi causa eæ inducuntur: quid ni & illi immunes sint, qui fisci commoda scientia sua atque facundia tueri solent? Et si equitum agros olim immunes esse, placuit idcirco, quod suis armis, suoque sumtu rempublicam tuerentur: qui minus Italico jure consulti gaudeant, quorum vox atque stylus haut paulo plus reip. præstat, quam hastæ & gladii militum. Multis quidem & illustribus exemplis id doceri posset, sed vereor ne aquæ modus ante deficiat, quàm historiam novam & antiquam excusserim. Itaque nihil nunc dicam, quid anterioribus seculis in Gallia, quid in Germania gestum sit: quàm fortiter Jurisperiti pro Fredericis, pro Henricis, pro Philippis, pro Ludovicis adversus tyrannidem Pontificiam depugnarint: unus nobis instar omnium erit Carolus Molinæus: qui liberta-

bertatem ecclesiæ simul ac regni Gallici, perennibus ingenii sui monumentis, adversus vim atque usurpationem hostium ita tutatus est, ut invidia quidem eum in exilium pepulerit, virtus autem majore quam abierat gloria in patriam revocarit. Quem ab illa peregrinatione reversum, cum magnus equitum magister Momorantius Henrico II. regi commendaret: *En tibi, rex, inquit, hominem, qui quod triginta bellatorum millibus perficere non potuisti, ut Iulium Pontificem placatum haberes, unico in publicum edito libello effectum dedit.* Digna sanè res cedro, & tabulis adversus edacis vetustatis injurias munitis! Libertatem Francorum hinc Pontifex, illinc Cæsar oppugnabant: parati ad defensionem sterere rex Galliæ & Carolus Molinæus: ille gladio, hic calamo ille tormentis, hic argumentis: ille exercitu hic exercitationibus instructus. Vultis præliorum exitum audire? Quem triginta millia virorum non domuere, hunc invictus Molinæi calamus expugnavit. O memorabilem victoriam! ô triumphum admirandum! Nunc tandem arma togæ cedant! nunc laurea concedat stylo. Habent, habent Jurisperiti, quo ferociæ militari os occludere, quo togam à contumeliis sagi vindicare possint. Hanc adeò laudem tibi, Molinæe, debe-

debemus: vivis, vivesque extento ævo, & disiectis ducum trophæis, arente lauro, everfis statuis, tua gloria in æternum virescet. Desino nunc mirari, quid Carolus IV. Imperatorem moverit; ut cum magnum illud Perusinae civitatis lumen Bartolum insignito honore beare vellet, leonem ei rubrum, bifida cauda in scuto inaurato ferocientem indulserit. Leones enim, aquilæ, tigres, & si quod animal dente, rostro, ungue, cornu nocet, viro- rum militantium deliciæ videbantur: his gaudent & gloriantur: pro his tanquam pro aris & focis pugnant. Nunc demum intelligo quid Cæsar senserit; nempe in uno aliquo Bartoli responso plus sibi opis atque præsidii esse, quam in multis equitum peditumque turmis. Dignum adeo viri fortis scuto, cuius pectus civili prudentia ita sit instructum, ut innumeris hostium millibus opponi possit. Eat nunc aliquis cerdonum tribunus! roget, quamobrem ab excubiis agendis Jurisconsultos placuerit esse immunes! Aliæ sunt stationes, aliæ excubiæ, quas ICI obeunt: Vigilant de nocte, ut manè causas orent. In atrio suo tanquam in statione collocati sunt, ut populo consulenti de jure respondeant. Idem domi adversus malos ci-

S

ves,

ves, foris adversus hostes excubant: causam belli jure tuentur: leges victis, conditiones obsessis scribunt: ubique dolum malum abesse, abfuturum esse cavent. Ardua sanè ac laboriosa militia! & plena stomachi ac sollicitudinis! Qui enim cavet ne decipiatur, vix cavet, cum etiam cavet, etiam cum cavisse ratus est, sæpè tamen is cautor captus est: tanta in cavendo, tamque diligenti cautione opus est. Venio nunc ad illud molestum ac suspiciosum hospitis suscipiendi munus, à quo similiter antistites juris excusatos esse placuit. In ea excusatione quid commodi, quantum felicitatis sit, prima quidem facie latet: in usu, atque ubi periculum feceris, manifestum fiet. Quis enim libertati locus relinquitur, si hospitem domi tuæ habeas, censorem secretorum & arbitrum? qui quanquam malus non est, tamen eo ipso quo invocatus venit, non potest non gravis videri. Quod si idem malus, petulans, protervus sit, ac neque manus, neque oculos habeat abstinentes, domi autem uxor sit ætate integra, aut filia grandis, ac formæ venustate excellens: nonne res plena timoris, plena suspicionum, & occulti cujusdam æstus est? Quàm multi enim aulæ inprimis indulgentioris alumni, similes Verri sunt,

sunt, qui publico diplomate iter facientes, quamcunque in urbem venerint, statim per emissarios suos, nequissimos turpissimosque homines investigant, ecquæ virgo sit, aut mulier digna, quamobrem plures ipsi dies in civitate commorentur. Quod simulatque nuntiatum erit, tanquam parùm lautè alibi diversentur, ad parentes puellæ commigrare volent. O gravem hospitem, ac quovis hoste truculentior! Quod ille audierit, quod viderit, quod concupierit, nisi ad nutum præstò fuerit, nisi libidini ejus cupiditati-que paruerit, dato signo immittentur homines armati, expugnabitur domus, paterfamilias ipse ad mortem usque mulctabitur. Aude tunc tu Quiritium fidem implorare! aude ad leges ac judicia provocare: Quem tu reum facies, is in te testimonium dicet: in cujus crimen inscripseris, is idem judici in consilio erit, & rogatus de capite tuo sententiam dicet. Tota præsidis cohors, comites, accensi, lictores, præco, cocus, mulio, omnes infesti atque irati erunt. Postremò cum illo Philodamo Lampfaceno spectaculum civitati fies acerbum & miserum: quod famam uxoris, pudicitiam liberorum, vitam parentum defenderis, pro ea re in medio foro virgis cæsus securi ferieris.

O triste supplicium ! O sortem sociorum intolerandam ! Felices contra Jurisperitos , quos ab hac tyrannide clementia Cæsarum liberavit ! Veniat ad nos metator ! instet hospitiorum divisor ! nuntiet magna cum trepidatione gravem Præsidis adventum ! Adversus terrorem & ingentes minas firmissimum hoc nobis præsidium erit , quod Jurisperiti sumus : quo non solum in urbe , sed & in provincia : nec in continenti duntaxat , sed & in transmarina , atque in extrema solitudine tuti esse poterimus . Magna hæc , Aud. & solido auro expendenda præmia sunt : estne aliquid amplius , quo Jurisperiti se jactare possint ? Sunt profectò alia multa ; sed ne necesse sit omnia confectari , agite , ad judicia transgrediamur : quæ cum aliis soleant esse terrori , Iuris tamen aut optanda , aut certè declinanda magis , quam metuenda videntur . Primum quidem nullæ ferè hodiè crebriores querelæ , nullum frequentius judicium quam de injuriis . Ac licet nemini contumelia sua parva videtur , non perinde tamen eam lex æstimat , atque animus ejus , qui dicto factove læsum se esse queritur . Verum si qua Juris sacerdoti injuria facta sit , acrius lex insurgit , & gravio-  
rem poenam damnato irrogare solet .

Nam

Nam si atrocem injuriam persona facit, quæ magis atrox cogitari potest, quam juris antistiti facta, qui vim atque contumeliam ab aliis arcere solet, cujusque vel solum nomen magno ab injuria divortio separatur. Crescat igitur æstimatio pro contumeliæ magnitudine, quemque personæ reverentia cohibere non potuit, eum acerbitas poenæ mansuetiorem reddat. Quæ parte, tametsi propero, non possum mihi temperare, quin vel in transitu Mediolanenses laudem, quorum legibus præclare cautum est, ut si quis doctori publico injuriam intulerit, præter poenam ordinariam ducentis aureis extra ordinem mulctetur illata ejusdem mulctæ parte collegio Jurisconsultorum; quoniam injuria uni ex collegis facta, totum quodammodo collegium infamare videtur. Porro si cui in judicio testibus fortè opus sit, ex alia provincia producendis, constat evocari etiam invitos posse: qui licet sumtu producentis iter faciant, ipsa tamen profectio plus satis molestiæ, sæpè etiam periculi habet. Pro ut enim varii sunt rerum humanarum casus, interim fluminis inundatio, interim tempestas vexat, nunc pirata litora legit, nunc prædo viarum latera obsidet. Horum gladios ubi effugeris,



compositum lecto perfidia hospitis ne-  
 bit. His periculis, quibus vitandis vix ul-  
 la diligentia, ullus comitatus satis est, Ju-  
 risperitos dignitas liberat: nam neque e-  
 vocari, neque iter ingredi testimonii di-  
 cendi gratia coguntur. Iniquissimum e-  
 nim foret, homines publicis commodis  
 invigilantes abstrahere à studiorum con-  
 tentione, tædioque peregrinationis con-  
 fectos, quos integros acceperis, fractis  
 viribus amittere domum. Quod si mili-  
 tem fas non est avocare à signis, ne ope-  
 ra ejus tempore suo necessario respublica  
 careat: quanto minus fas erit, Jurispru-  
 dentes avocari à foro & curia: quippe,  
 qui plus domi consilio, quàm foris mili-  
 tes armis reipublicæ præstent. Quid igi-  
 tur, inquis, fiet? egone tuæ dignitatis  
 gratia causa cadam, & quia testem evo-  
 care non licuit, judicio me succumbere  
 æquum est? Minimè gentium: ita enim  
 subducta est legislatori ratio, ut & testis  
 dignitati, & litigantis necessitati prospe-  
 xerit. Proficiscere ipse in provinciam,  
 quemque leges evocari non patiuntur,  
 hunc suo judici interrogandum exhibeto.  
 Non deerit diligentiae tuæ fructus: testi-  
 monio enim obsignato instructus perin-  
 de vinces, ac si testis coram in judicio in-  
 terrogatus fuisset. Hoc amplius si quando

usus

usus venerit, ut Jurisconsultus sua sponte  
 iudicio sistat, aut iubente lege parere co-  
 gatur, non leve tamen inter plebejum &  
 prudentem conditionis discrimen repe-  
 ries. Ille nudo capite stare, revereri insi-  
 gnia Prætoris tenetur: huic verò & salu-  
 tationis reverentia, & sedendi cum iudice  
 honor deferitur. An æquum erat, stare vi-  
 rum ad pedes præsidis, qui in cornu tri-  
 bunalis assidere solet? quemque lex eque-  
 stri honore clarum esse voluit, huic de-  
 repente rem, quasi ademto equo, ad pe-  
 des redire? Sanè quantum ad causam atti-  
 net, quæ in iudicium deducta est, durus  
 quodammodo & inexorabilis iudex esse  
 debet, nec quicquam aut gratia, aut am-  
 bitioni indulgere: verum si ordinem atq;  
 processum iudiciorum spectes, non vetat  
 diva illa iudicantium præses, quo minus  
 honori atq; dignitati personarum aliquid  
 deferatur. Est igitur non leve dignitatis  
 argumentum, sedere te, cum litiges; cum  
 reus sis, salutationis reverentiam tibi de-  
 beri: sed multo majus atq; illustrius, mea  
 quidè opinione, quod quæ in iudiciis aliis  
 terrori sunt, ea iurisperitus non extime-  
 scat. Quis enim non timet pœnales actio-  
 nes? quis non carcerem horret & vincula?  
 cui adeò ferox ac ferreus animus, ut non  
 exanimetur ad conspectum eculei, virga-

rum, & securis. Et pœnales quidē actione:  
præterquā quod patrimonio graves sunt,  
etiā hanc adjunctam acerbitatē habent, ut  
exhausto cēsu, si qui fortē minus idonei re-  
periantur, corporis coercionē extra or-  
dinem sustineant. Hujus acerbitatis metu  
nos dignitatis reverentia solvit, quę tanta  
est, ut penē sacrosanctum corpus Jurispe-  
riti sit: quippe, quod nec virgis cædi, nec  
cruciatu aliquo distendi possit. Nā si rectē  
Porcia lex à tergo civium Romanorū vir-  
gas removet: quanto rectius ab iis remo-  
ventur, quos non solum toga cives, sed  
& annulus equites Romanos arguit. Car-  
cerem verò & vincula aded Jurisperitus  
non timet, ut sive improbus eum dela-  
tor arguat, sive justus accusator in cri-  
men inscribat, non tamen Tulliano aut  
latumiis sit mancipandus. Quin contra  
datis vadibus, aut repromissione de sisten-  
do facta, ire ei licet, causæque defensio-  
nem domi adjuvantibus amicis meditari.  
Locus tenebris obscurus, situ deformis,  
odore teter eos teneat inclusos, quos aut  
suspicio, aut mores, & vita licenter ac fla-  
gitiosè acta propius admovent reatui. Ju-  
risprudentes ab hac suspicione non solum  
vitæ dignitas, sed & ipsa professio vindic-  
cat. Qui enim æqui bonique profitetur  
artem, quo teste, quo iudice causæ premi-  
solent,

solent, is nisi tabulis, testibus, argumentis vehementer urgeatur, non facile ita vixisse creditur, ut mores cum professione pugnarent. Itaque, si quando usus venerit, ut de custodia Jurisperiti nobis sit decernendum, magnum illum plebis tribunum Gracchum imitabimur, qui cum L. Cornelius Scipio Asiaticus ob repetendas pecunias in carcerem esset rapiendus, secedens à collegis cum plerique grave ac horrendum carmen expectarent; quippe qui scirent, inimicitias ei cum Scipionibus intercedere: hujusmodi decretum cōposuit: CUM L. CORNELIUS SCIPIO DIE TRIUMPHI SUI, ANTE CURRUM ACTOS HOSTIUM, DUCES IN CARCEREM CONJECERIT, INDIGNUM ET ALIENŪ A MAJESTATE POP. ROMANI VIDERI, EODEM IPSŪ DUCI. ITAQ; ID SE NON PASSURŪ FIERI. O virū admirabilem! ō decretū omni cōvo de prædicandū! tuo nobis Gracche stylo, tua disciplina opus est. En rapitur in carcerē ille equi bonique sacerdos; quin stylus stringitur! quin decretū interponitur: CŪ SERVIUS ILLE SULPITIUS TEMPORE VITÆ SUÆ MULTORŪ CIVIŪ BONA, FAMAM, VITAM, AB INJURIA DEFENDERIT, VINCTAQUE ANTE SE SCELERA, VIM, CÆDEM, LIBIDINEM, RAPINAM IN CARCEREM EGERIT, INDIGNUM MAJESTATE VIRI VIDERI IPSŪ IN CARCE-

CONJICI. Quis est, cui injustum decretum, aut gratiosa intercessio videri possit: nisi forte qui ignorat non minorem reverentiam togæ atque fago deberi. Quod si is togæ honos, ea debetur reverentia, ut qui hanc indefesso studio meruit, à carceris squalore immunis sit; quis eculeo imponi, quis fidiculis distendi, quis ardentibus laminis latera fulcari sustinuerit? Quid enim gravius viro egregio, quam tortor & carnifex, quem leges Censoriæ non modò foro, sed etiam cœlo ac spiritu eodem, atque urbis domicilio carere jusserunt? Quid autem barbarum magis & immane, quam cruciatu distendi os illud venerandum, quo Themis loquitur, per quod princeps imperat, & judex decernit; ex quo tanquam ex sacro tripode, quot responsa, tot oracula prodeunt? At terreri fortè Jurisconsultus poterit! Non, non est profectò, quod accusator sibi ludibrium deberi putet, aut oculos suos trepidantis inimici spectaculo pascere velit. Habet enim & metus mali non futuri suam indignitatem. Rectè aded parasiti filia: *Hærus si malum servo suo minatus est, tamen si id futurum non est, dum tunica ponit, dum virga expediuntur, quanta afficitur miseria?* Quod si terreri servo grave est, qui do-  
mi

mi tergum habet, & virgas ruri natas  
 contemnere solet: quanto gravius erit  
 homini libero, atque dignitate con-  
 spicuo, si carnifex ante oculos oberret,  
 si virgas expediri, catasta, fidiculas, &  
 reliqua sævitiae instrumenta apparari vi-  
 deat; incertus & anxius, quo hæc omnia  
 sint evasura. Cesset ergo cruciatus?  
 Cesset etiam metus atque expectatio  
 futuræ calamitatis. Postremò, etiamsi  
 fortè Jurisconsultus aut in crimine de-  
 prehensus, aut testibus, tabulis, argu-  
 mentis convictus sit, non tamen qua-  
 vis pœna est plectendus. Benè enim &  
 sapienter à majoribus nostris constitu-  
 tum est, ut quia finis pœnæ emendatio  
 peccantis est, non omnes eodem modo  
 puniantur. Sunt qui verbis, sunt qui non  
 nisi verberibus ac sensu aliquo doloris  
 mitescunt. Itaque aliter servorum contu-  
 maciam frangimus, aliter liberorum las-  
 civiam coercemus. Tum autem ex liberis  
 severius cum plebe, remissius cum hone-  
 stis agimus: illos enim, quoniam servili  
 ingenio sunt, non nisi formido pœnæ  
 continet: hos verò, non tam pœnæ me-  
 tus, quam admissi pudor, & recti con-  
 scientia emendare solet. Cum autem in-  
 ter honestos familiam Jurisperiti ducant,  
 diligenter cavendum judici, ne aut liber-

tate, aut existimatione sua aliquid indignum patiantur. Abesse debent à corpora virorum ornatissimorum servilia illa supplicia, ludus, virgæ, crux, & infames laquei. Non securi, sed gladio, non bestiis, sed exilio Juriconsulti sunt plectendi. Meretur enim excellens eorum virtus & sapientia, ut quemadmodum in vita à plebe segregantur, ita etiam in morte suppliciorum lenitate discriminentur. Plura quidem hujus generis privilegia conqueri atq; commemorari possent, sed vereor ne in immensum excreseat oratio. simul autem nobis cavendū, ne dum omnia persequimur, vera falsis miscuisse videamur. Dissimulari enim non potest, fuisse auctores nostros, dum in possessione scribendi se vident esse constitutos, in congerendis prærogativis plus satis faciles atq; liberales. In quo vitio ne deprehendamus, satius est aliquando pausam facere, quàm finem modo, atq; sine dubia pro certis obtrudere. Hæc ipsa quæ memoravimus tanta sunt, ut eos quos civilis sapiëntiæ amplitudo hætenus à studio deterruit, facile impellere, atque ad audendū excitare possint: quandoquidem natura ita comparatum est, ut honos alat artes, omnesq; ad studia præmiorū magnitudine incendantur. Quare ad vos, juvenes præstantissimi, revertor, quo-

quorū causa hanc orationē exorsifumus? Audivistis quę vobis proposita sint com-  
moda, quot honorum pręrogativę: tot  
profectò, tantęque, quantę non temerè  
alterius sectę magistris propositas repe-  
riemus. Nam, si pulchrum est, hominem  
obscurum deterfis natalium fordibus in-  
clarefcere, juris civilis scientia vos red-  
det clarissimos. Si magnificum videtur à  
plebe ad equites, ab equestri ordine ad  
Senatum transire, nulla est cõpendiosior  
via, quàm quę per juris tramites deducit.  
Si humanis propè bonis majora, fasces,  
purpura, lictor, sella curulis, hæc quoque  
civilis sapientia vobis largietur. Postremò  
si regium videtur primas agere in foro,  
in comitiis, in concione, in palatio, hoc  
regnum legitimę scientiæ feretis accep-  
tum. Agite ergò, agite juvenes, ad ady-  
ta Themidis, & intima civilis sapien-  
tię penetralia magnis animis contendi-  
te. Erit tempus, quo nomen vestrum,  
nunc vix vicinię satis notum, in factis le-  
get posteritas; laudabunt responsa fu-  
tura secula; quique nunc clientium cau-  
sas nominatis auctoribus defendere so-  
letis, ipsimet olim inter auctores & ex-  
empla eritis. Quod si fortè deficere spi-  
ritum in contentionis ardore senseri-  
tis, tum vos nomen hoc nostrum, no-



men cum astris natum, nomen quod ju-  
bar solis & lucem emulatur, quod purpu-  
ram olet, & imperia spirat, quo pars opti-  
ma civitatis nuncupatur: nomen, inquam  
clarissimum ex alto suspensum, labentem  
jam spiritum revocet, atque è carceri-  
bus emissos ad extremam studiorum me-  
tam deducat. Quod quanquam assequi  
difficile est, cogitandum tamen, nihil  
omnino rerum naturam facile simul ac  
magnum fecisse, pulcherrimisque rebus  
adnexam esse efficiendi difficultatem.  
Hanc tamen ipsam vincit alacer indu-  
striae spiritus, nec quicquam tam ar-  
duum, ad quod non virtus indefessa eniti  
possit. Audeamus modò; nec despere-  
mus assequi nos posse antecedentes: qui  
si ipsi desperassent, praterite nullo modo  
eos potuissent, quos nunc à tergo desti-  
tutos ac derelictos videmus.



ANTO-

ANTONII MATTHÆI  
ORATIO XVI.  
IN  
CURIONEM.

Recitata XVI. Kal. Junji. M. DC. LIII.

*Cum Iuvenes Doctissimos*  
JOHANNEM STRICK;  
RUMOLDUM MODE,  
*Summis in Vtroque Iure honoribus*  
*ornaret.*



Uoties ex hoc loco verba mihi facienda esse video, toties ferè tenuitatis conscientia anxium atque suspensum me tenet. Non solum enim dicendi facultatem deesse mihi sentio; verum etiam crebræ panegyres, consumtis penè materiis in angustum coegerunt copias nostras. Nam quæ citra cuiusquam invidiam atque odium dici potuerunt, de his & sæpè & à multis verba jam facta sunt. Quæ verò cum aliquo perorantis discrimine conjuncta sunt, ea omnes, quantum datur, libenter declinamus. Sic fit, ut neque

que tacere finè dedecore, neque declamare finè periculo liceat. Verùm quoniam video, nulla ratione fieri posse, ut in hoc amplissimo confesso fileam, vos, Auditores, majorem in modum rogo, ut non solum in cognoscendo æquitas, sed & in ignoscendo humanitas vestra præsidium sit meæ tenuitati. Etenim si pace vestra licuerit, C. Curionem hodie apud vos rerum peragam: cujus crimina quanquam morte auctoris olim abolita atque extincta sunt, interest tamen reip. memoriam mali civis etiam post mortem damnari. Multi enim curiones hodie in civitate grassantur: quos nisi ex illius ingenio caverimus, nihil causæ video, cur quisquam vitæ suæ, rerum ac fortunarum securitatem aliquam sperare possit. Nec est, aud. cur ejerato judicandi munere, de hominis nobilis capite cognoscere formidetis: non rex fuit Curio, neq; gentium imperator: ac ne opibus quidem insignis, quandoquidem has quoque venerari avaritia docuit, utpote qui nihil in censu habuerit præter discordiam principum. Hujus ego non adolescentiam flagitiosè actam, non honores contra legem gestos, non provincias spoliatas querar, sed hominē novi planè & inscripti criminis arguam. Agite, judices, in hanc enim horam nomen

vobis

vobis mutandum est; animum advertite: digna est hæc causa vestro calculo: quandoquidem in ea incidimus tempora, quibus expedit mores præsentis præjudicio jugulare vetustatis. C. Curio iudices, cum jam alia quædam in republica pravè & consulisset, & fecisset, quorû nomine si leges valerêt, dies ei ad populû dici poterat: tum invitâte impunitatis illecebra, eo ambitionis atq; amentię progressus est, ut vitæ Pop. Rom. ac securitati civitatis protervè illuderet. Patri enim defuncto funebre editurus munus, cû opibus apparatuq; non posset, ingenio principes civitatis æquâdos sibi cêsuit. Quippe, ut olim virtutis, ita sequiori seculo ostentationis æmulatio quædam esse cœpit: perindeq; turpe habitum ludis vinci, atq; acie superari: nec minus flagitii scenâ civi, quam hosti campû atq; castra cêssisse. Fecerat M. Scaurus in ædilitate sua opus maximum omnium, quæ unquam fuere humana facta manu: non tēporaria mora, verûm etiam eternitatis destinatione. Theatrû hoc fuit scena triplici in altitudinem, cccLx. columnarum. Imma pars scenę è marmore fuit: media è vitro, inaudito etiam postea luxurię genere. Summę tabulis inauratis colûnę: imæ duodequadragenum pedû. Signa ænea inter columnas tria millia numero.

Cavea

Cavea ipsa cepit hominum LXXX. millia. Reliquus apparatus tantus Attalica veste, tabulis pictis, cæteroque choragio fuit, ut in Thufculanam villam reportatis quæ superfuerant quotidiani usus deliciis, incensa villa ab iratis servis ad festerium millies concremaretur. Quid huic opponeret Curio? cui neque vitricus Sylla, neque Metella mater, proscriptionum sectrix, neque M. Scaurus pater, toties princeps civitatis, & Marianis sodalitiis rapinarum provincialium sinus. Sciebat ille pessimum esse, quicquid geritur à desperantibus: contra ingenium ipsa plerumque contentione gliscere, nec esse difficile præterire antecedentes, si cursus duramento sui confirmetur. Itaque cum neque marmore, neque signis, neque veste Attalica Scaurum superare posset, minori impensa vincere, hominemque ligneo ariete expugnare decrevit. Theatra juxta duo fecit è robore, cærdinum singulorum versatili suspensa libramento: in quibus utrisque antemeridiano ludorum spectaculo edito inter se averfis, ne invicem obstreperent scenæ, & repente circumactis ut cōtractarent, postremo jam die descendentibus tabulis, & cornibus inter se coëuntibus fecit amphitheatrum, & gladiatorum spectacula edidit.

Quid

Quid primum hic querar? quid accussem? auctorem, an artificem? ausum aliquem hoc opus locare, an redimere? parere, an jubere? Nemo equidem inficias ibit, magnam fuisse artificis improbitatem, qui tanto cum civitatis discrimine ambitioni unius Tribuni inservire sustinuit. Vilius esurire faber debuit, quæstumque cum salute potius, quam cum periculo multitudinis conjunctum instituere. Verum longè improbior architecto Tribunus fuit, qui hoc invenire, qui inventum exequi ausus est. Quid enim ille sibi volebat? quid spectabat? Præclarum aded facinus, si Parthis infidam parasset machinam: Si pensili cavere aut truces Cimbro, aut immanes inclusisset Scytharum catervas. Non hæc est fortuna Pop. Romani. Adit ipse per ludum mortis discrimen, dumque pugnas auctoratorum spectat, nescit miser, nescit inquam, se magis auctoratum quam gladiatores. Pendere enim ex nutanti specula, atque immemorem periculi, neque prospicere quicquam, neque cavere sibi adversus imminentem mortem, morte ipsa tristius mihi videtur. Etenim milites tametsi gravia pro republica sustineant expeditionum momenta, tamen gnari discriminis antequam

quam in hostem eant, & testamenta conduunt, & suprema ad uxores liberosque mandata scribunt. Longè deterior est spectatorum fors, qui ignari periculi neque heredem nuncupare, neque supremum vale charissimis suis dicere possunt: similes illis qui à tyrannis ad cœnam, atque inter ipsa mensæ sacra à cœna ad cippum rapiuntur. At quis tandem populus terrarum ista passus est? num viles Cappadoces? aut ad servitia Syri, ad ludum & arenam Thraces nati? Non sunt tanti Curioni barbaræ gentes: nobilitate auctororum inclarescere satagit. Depugnavit ei populus ille terrarum victor, & domitor totius orbis: qui gentes & regna diribebat: qui jura externis dabat: is in machina pendens plauit ad suum periculum, nec sensit brevem voluptatem discrimine salutis se redemisse. Atque hoc tametsi sua natura gravissimum est, levius tamen videri poterat, si brevis fuisset munerantis furor, dimissis spectatoribus, antequam crudum opus cederet ponderi. Est enim & mora quædam improvisi casus, nec semper ruit infida moles: sæpè sensim dehiscens cavendi spatium

lar-

largitur deprehenfis. Curio verò non contentus periculo unius diei, variavit improbus feralem fuam magnificentiam, feflis turbatifque ordinibus, & amphitheatri forma cuftodita, noviffimo die victores è gladiatoribus fuis produxit. Quæ vilitas animarum ifta? Quis lufus, depositis ad tabulam tot civium capitibus? Et querimur adhuc de furculis Caudinis: odimus Thrafymenum lacum, & tinctas cruore Quiritium Cannas. Quafi verò Pœnorum gladii quicquam ad ludos Curionis. Tot amiffis oppidis, tot cœfis legionibus, tanta defectione fociorum, cum jam agrum muris proximum infideret Hannibal, ac fiducia victoriæ argentarias urbis tabernas haftæ fubjeciffet, non tamen despondet animum Popul. Romanus: fed cladibus fuis erectior, præter occidentis imperium, orientis quoque habenas vafto pectore amplexus eft. Curioni verò tam inftrumtum ad perniciem civitatis ingenium eft, tam efficax inventio, ut tota vita nihil aliud quàm interitum patriæ meditatus videatur. Huic fi vel joculario libuerit, luxata machina totus exoffabitur Popul. Romanus, ac quem neque truces Galli, neque per-

fidi



perfidī Pœni, nec immanes Teutoni delere potuerunt, hunc universum uno quasi ictu Tribunus plebis ad orcum demittet. Athenis, iudices, Demetrio regnante, hominem impurum atque scurrili impudentia Stratoclem fuisse legimus: cui cum aliquando focaria obsonatum missa, cerebra & colla in foro emta ad cœnam apportaret: Papæ! inquit, hæc tu nobis Philacium obsonia adfers, quæ nos rerum publicarum gubernatores ludimus pila? Quid planius obsonanti coquo Curio dicere potuisset? Tu nobis avium cerebella, tu clunes gallinarum adfers? nugæ sunt magnæ scari viscera, anseris jecur, & siquæ aliæ catillorum cupedia memorantur. Mihi capita civium Romanorum pro pila sunt: pro disco ego dorſa, pro nucibus crurifragia ludo. Fritillus noster hæc cavea est: inde ego tibiaſ atque brachia tanquam talos mitto. Ex hac machina hominum viscera perinde ac missilia spargo. O Cai, Cai! quam tu nullius pretii princeps fuisti, qui ut Pop. Romanus unam cervicem haberet, optare soles! Quanto te ingeniosior Curio noster, qui tot cervices unius populi cavea sua veluti carceri includit, perituras illicò, si fessi cardines impositum effuderint onus. Non exiliis, non ſica,  
non

non veneno grassandum ; singulorum hæc civium fata anticipant : universos si delere velis, ludi Curionis imitandi sunt: nihil his efficacius : brevi momento illos orbis dominos trabium tabulatorumque sepeliet ruina. Quàm tristis ibi rerum facies ! quàm deformes corporum acervi ! ubi videas alios è ruina tanquam è prælio auferri ; alios quibus casus pepercit pondere incumbentium intercepto spiritu strangulari : alios, quos vita necdum deseruit, abrupta parte corporis perdios atque pernoctes ululatibus omnia ac gemitu complere. Pugnant interea superstites ad commune bustum, ac dum quisque pignora sua voce, vestitu, signisque aliis noscitat, auget cæsorum cumulum scrutantium discordia. In hoc tantum reip. discrimen quis tribus triginta quinque coniecit ? Curio. Quis de vita Pop. Romani tanquam de victo hoste triumphavit ? Curio. Quis tyrannis ostendit, quemadmodum Pop. una morte perire possit ? Idem Curio. At quo tempore, iudices, hoc eum ausum existimatis ? Credo florentibus civitatis rebus, cum jam plebs in immensum aucta Janiculum circumspectaret, aut montem Aventinum : cum tabulas novas, aut legem agrariam, aut colonias per seditionem flagitaret, homo

homo cautus & providus ostendere voluit, quemadmodum sinè bello civili, exonerari posset gravis jam reip. sentina. Equidem foeta civium urbs, & prospera imperii fortuna, tametsi magnitudinem sceleris nequaquam elevare potest, non repugnabo tamen, judices, quo minus reus absolvatur, si ille reipubl. quoquo modò prodesse voluit. Verùm ita res est, ut neque seditionis metus, neque belli civilis periculum, sed sola atque unica ambitio hominem ad id facius impulerit. Videbat enim multos spectaculorum magnificentia inter principes civitatis numerari, & in pari dignitate disparem tamen candidatorum sortem excludi pendere. Meminerat enim quid patrum memoria Q. Tuberoni contigisset: quemadmodum ille cum esset L. Pauli nepos, P. Africani sororis filius, nimia parsimonia prætura excidisset, cum triclinium sternere populo jussus, pelliculas hædinas, & vasa Samia exposuisset. Itaque tametsi Epicuri de grege porcus esset Curio, ne tenuior ludorum apparatus Stoicum argueret, rem ejusmodi aggressus est, quæ si populus periculum suum intellexisset, ipsa trepidatione exitium ei erat allatura. Temporis autem delectum adeò ille susque deque habuit, ut alienis-

fima

fima tempeſtate, cum civitas multis jam cladibus attrita atque exhausta eſſet, ludos non tam patri, quam Pop. Romano funebres celebraret. Erat tunc in recenti memoria ſanguine ſcriptum Mithridatis edictum, quo is in Aſia centum & quinquaginta millia civium jugularat. Verſabantur adhuc in oculis Pop. Romani immanes illi Cimbri, qui ſuperatis Alpibus quinque conſulares exercitus deleverant. Tum autem Spartacus & fugitivorum cohortes, & bellum ſociale, poſtremo civile Mario & Sylla ducibus geſtum tantum hauſerant Latini ſanguinis, ut ſi vel ex terra armati Quirites naſcerentur, vel, ut in fabulis Poëtarum eſt, fatis dentibus provenirent, non tamen tam brevi temporis ſpatio, tanta imperii jactura potuerit ſarciri. Ex his igitur cladibus cum nondum reſpiraffet Pop. Rom. cum adhuc ſaucii curarent vulnera, multique velut naufragi in ſcopulis hererent, uvida in ſole ſiccantes veſtimenta, Curio populum, duobus veluti navigiis impoſitum, tam propè exitio admovit, ut ab inferis non longius abeſſe videretur, quam ipſa machina à ſuperficie ſoli aberat. Enim verò multis modis hic nobis reprehendendus eſt: neq; ſolùm viris ſapientibus, ſed & ipſis illis, quorum opera in ſcena

T

uſus

usus est, comœdis nimirum ejus rem atrocem visam arbitror. Quid enim senex ille sub Demæ persona, cum adolescentes, eorumque ad prava magister Syrus, peracto flagitio potassent? *In ipsa turba, inquit, atque in peccato maximo, quod vix sedatum satius est, potastis scelus, quasi re bene gesta.* Senatus verò Romani, quæ fuerit de his rebus existimatio, quod judicium, vel solus L. Fulvius argentarius docere potest, qui cum forte bello Punico secundo, interdiu cum corona rosacea è pergula in forum prospexisset, ex autoritate Senatus in carcerem ductus, nec ante finem belli emissus est. Tam grave videbatur, in calamitate communi, quemquam privatim inter rosas & flores deliciari velle. Tu verò Curio in maximis Populi Rom. calamitatibus, vixdum funeratis qui ceciderant, non solum sæpe coronatus potasti, verum etiam ludos, quasi re benè genè gesta, cum perniciæ civitatis exhibuisti. Libet hîc rogare: quis tibi satisfecerat operis nomine? vitam Populi Romani salvam fore quis sponderat? Num solidius hoc theatrum tuum, quam Attillii fuit Fidenis factum: cujus ruina, Tiberio imperante, quinquaginta millia hominum vel obtrita, vel debilitata sunt; Tanti imperio constat munerantium a-

mentia:

mentia : nec fatis eis multa paria gladiatorum jugulasse : ipsum populum in arena laniare gestiunt. Spectent jam ludos securi Quirites, & pendente ruina plaudant furori editoris. Eja, quid trepidatis? Curionis hæc cavea est; qui pietate sua meruit, ut cœlum vetet ruere fluctuantem orchestram! Sed næ ego ineptus, qui in re seria joculari sustineam. Exclamationes rei atrocitas desiderat. Ostultos Romuli ac Remi nepotes! tanta vos spectaculorum voluptas tenet, ut neque volantem caveam, neque insidentis multitudinis pondus formiditis. Neque verò spectatis solum, sed etiam plauditis auctori feralis muneris. Enimverò facitis, Quirites, rem vehementer absurdam: nam si quis vel arcem hosti cesserit, vel civem eidem tradiderit, aut alio quo modo securitatem populi læserit, gravissimum in eum majestatis judicium redditur. Si quis verò totum penè populum ambulanti caveæ incluserit, ac præsentissimo exitio per ambitionem admoverit, scelere solutus etiam plausu & honore donabitur. Ac ne illud quidem pensi habetis, quis sit iste tam audax, tam impudens perniciosi muneris auctor? Num Appius aliquis, innata generi superbia plebi infensus? Num ex Camillorum aut Coriolano-

rum gente, aut ob exilium tribubus iratus Livius aliquis vel Africanus? Minime gentium. Quo magis indignemur, Tribunus plebis est: quem magistratum majores nostri idcirco sacrosanctum esse voluerunt, ut plebis libertatem ac vitam adversus patritiorum injurias tueretur. Hac ille potestate sic abusus est, ac si non ad auxilium singulorum, sed ad perniciem universorum instituta esset. Considerate, quæso, quam sit hoc indignum, quam nullo modo ferendum. Tribunum plebis si quisquam nostrum digitulo attigerit, caput ejus sacrum judicari: interfici à quovis impunè posse. Contra si idem Tribunus populum in theatro pensili, tanquam damnatum in saxo Tarpejo collocaverit, non solum nullam poenam esse, sed etiam calatis comitis fasces ei atque provinciam deferri. Atqui quo sanctior cujusque potestas est, eo minus in alios licentię habere debet: nullo certè modò in eos stringenda, quibus tuendis non oppugnandis cõparata est. Ad summam autem quid interest, utrum populum vi aperta oppugnes, an ita dementes, ut sciens prudensq; in caveam se, tanquam in aliquas furculas includi patiatur? Si verum amamus longè gravius atque periculosius est in insidias præcipitare, quàm in mucro-

nem

nem hostilem incidere. Vim enim vi facile repellimus : insidias verò cavere , atque ubi incideris explicare posse , hoc fanè opus , hic labor est. Verùm enim verò dicet forte aliquis , frustra nos Curionis crimen exaggerare , cum non dolo , sed culpa admissum sit , nec impietate & furore , sed imprudentia quadam peccasse videatur : Itaque Censorum quidem notam meruisse : capitis verò nequaquam anquirendum. Quasi verò culpa omnis criminis expers sit , ac non poenariæ leges lascivos quoq; apprehendant. Multos eo nomine virgis cæsos , multos in vincula ductos , alios in insulam relegatos legimus. Quin etiam gravius leges insurgunt , atque capitale supplicium delinquentibus irrogant , ubi finè dolo quidem , sed pessimo exemplo peccatum animadvertunt. Itaque si quis per lasciviam homini mortis causam præbuerit , proximam exilio poenam sustinebit. Si abortionis vel amoris poculum præbuerit , eo que mulier aut homo perierit , summo supplicio afficitur. Quãvis enim dolo malo factum non sit , est tamen exèplo grave , ad libidinè alterius civè de morte periclitari : gravius ad libidinè unius periclitari multos : illud morte dignum , ex libidine unius totam prope civitatem inter mortis ac vitæ con-



finia perdere. Quapropter si Attilius ille, qui Fidentinæ cladis auctor fuit, ob eam rem in exilium actus est, tametsi non dolo, sed culpa deliquisset, quis Curioni nostro parcendum duxerit? Quanquam enim illius culpam ruina approbavit, inter utriusque tamen admissum multum interesse deprehendimus. Attilium quæstus, Curionem ambitio ad opus impulit. Ille fundamenta non per solidum; hic nulla omnino subdiderat. Libertinus Attilius, Tribunus plebis Curio fuit. Huic salus populi, illi conductoris diligentia commissa fuit. Et ausit aliquis Attilio comparare Curionem? Curionem istum? istum Curionem, qui ut tribunitiis suis concionibus gratiam conciliaret, tribus triginta quinque ex infida machina securas ruinæ pendere iussit? Qualis hic in rostris? Quid non ausurus apud eos quibus hoc persuaserat? Verum, ne quis existimet unicum hoc esse Curionis admissum, condonandum homini nobili, in cuius familia tres continua serie oratores numerabantur: cum tertius esset ipse ingenio perspicaci, magna-que dicendi vi præditus: agite, iudices, reliquam quoque vitam ejus, sed breviter cognoscite, ut quo animo ad remp. gerendam accesserit, penitus perspiciatis. Meministis haut dubie, quemadmodum

Verrem

Verrem repetundarum postulaverint Siculi: pendente lite cum Hortensius forte Verris patronus Cos. designatus esset, ac homini nocentissimo ad fornicem Fabianum occurrisset Curio, magna voce, & in turba quidem gratulatus est ei victoriam; tanquam causa illa non in iudicum religione, non in testium tabularumque fide, sed in comitiis consularibus esset constituta. Quis furi, nisi fur gratulatur? Quis mœchum amat, nisi mœchus? crudelem quis non odit, nisi ipse crudelis? Plus Siculis damni Verres dederat, quam centum fugitivorum cohortes: libidinis autem & crudelitatis vestigia tot ac tanta reliquerat, ut non poenas inde, sed præmium aliquod expectasse videretur. Hunc tu Curio in turba appellare, huic victoriam magna voce gratulari audes? Nempe dissipatis luxu bonis, cum in magno ære alieno esses, dignus tibi laude, dignus imitatione videbatur, qui viam monstraverat, quemadmodum quod stupris prodegeras, per peculatum & scelera suppleres. Ostendisti sanè te non pluris vitam, quam famam & existimationem Pop. Rom. facere. Hæc enim absoluto Verre omninò peritura erāt: illam infida illa machina tua in æternum discrimen adduxisti. Idem hic Curio est, iudices, qui

Antonium facem illam imperii Romani, & pessimum Cæsaris in invadenda tyrannide satellitem corrumpit. Is enim sanctè primùm educatus est à Julia matre, virtutis & pudicitiae laude eo seculo nulli Romanorum secunda. Sed postquam Curionis familiaritate & consuetudine uti cœpit, tanquam pestilentis fideiis afflatu combustus est. Ab hoc enim à virtutis studio ad voluptates abductus, obsonare, scortari bona fide, æs alienum ingens conflare didicit. Ab hoc magistro idem ad Clodium, à Clodio ad Gabinium, inde ad Cæsarem emissus est: quo à conjuratis in curia oppresso, triumvir primùm, deinde duumvir, tanta reip. vulnera, tot clades intulit, ut alterutrum Romanis fuerit optandum, aut hunc omninò natum non fuisse, aut non dedisse se in disciplinam Curioni. Multa hujus generis alia, judices, arguere poteram; sed ne diutius abutar vestra patientia, non est omittendum insigne perfidiæ crimen, quod is adversus Magnum illum Pompejum, ac per latus Magni in ipsam Rempub. commisit. Gliscente enim inter hunc & Cæsarem dissidio, cum ab initio Pompeji causam, quæ cum republica conjuncta videbatur, defendisset: mox largitione

cor-

corruptus optimates deseruit, ac dignitatem Senatus, libertatem plebis, salutem denique civium Cæsari nefariè prodidit. Qua in re ille si suo quodam iudicio usus esset, aut dissensione civili exorta, antequam ad arma deveniatur, meliori parti, simul ac classicum cecinerit, firmiori adhærendum censuisset, utcunque ignosci posset: fecit enim idem M. Cælius, fecerunt alii, melius id statuentes, quod tutius erat, cum in Pompeji castris speciosa, in Cæsaris exercitu valida omnia atque ad vim instructa viderent. Nihil horum Curio obtendere poterat: antequam Cæsar Rubiconem transisset, cum adhuc sententiis in Senatu, non armis in campo certaretur, cum ante amicus Pompejo, inimicus Cæsari fuisset, atque illius beneficio Tribunus plebis factus esset, violato amicitiae iurè, pro summo beneficio injuriam maximam rependit, potestate quam accepit in auctorem abusus. O hominem impurum atque ingratum! Usque adeò te nec sacrosancta amicitiae iura, nec fides reip. debita, nec religio jurisjurandi quo populo obstrictus eras, permovere potuerunt, ut hæc omnia largitionibus & promissis Cæsaris posthaberes. At videte, quæso iudices,

os hominis & insignem perfidiam: non enim vulgariter improbus fuit, sed artem adhibuit ad fallendum. Corruptus jam à tyranno diu id dissimulavit: cum inimicis ejus ut inimicus egit: nec solum in conviviis & circulis hominem infectatus est, verum etiam pro rostris multa graviter in ambitionem ejus & audaciam dixit. Quare illud consecutus est, ut non modò alios falleret, sed & intimos Pompeji sensus, & recondita optimatum consilia penetraret. Quæ cum satis jam perspexisse sibi videretur, colorem transeundi ad Cæsarem & prætextum quærens, multas iniquissimas rogationes adversus Senatum tulit: quæ cum repudiarentur, tanquam injuria provocatus, in Galliam ad magistrum suum confugit. Ehem, hic ille, judices, Curio est, de quo patronus ejus dicere possit. Ignoscite judices! erravit: lapsus est: si unquam posthac. Hic ille est, cujus culpa, non dolo malo perpetratum crimen dicas. Quasi verò culpa simplex sit, ludos facere tam præsentis periculo spectatorum: Quasi leve peccatum sit ambitioni tuæ plebis commoda, gloriæ salutem populi posthac. Nihil profectò nobis Catone opus est, nihil Cassio judice: vel Bulbus aliquis aut Gutta tabellam sumat: faxo pudeat hominem

nem intam manifesto crimine herentem legibus eripere. Non enim semper pretio cera venit : est quædam ita perspicua veritas, ut ipsi illi, qui aut numos accipere, aut noctes pacisci solent, erubescant absolvere tabulis, testibus, argumentis convictos. Verum enim verò, videor adhuc nescio quos oggannientes audire, frustra in eum me concionari, qui dignum vita & moribus exitum jam olim fortitus sit. Missum enim à Cæsare in Africam, superveniente Juba rege cæsum esse, eademque clade & naturæ & reipublicæ satisfecisse. His ego ita respondeo: alia quidem crimina morte extinguere : ejus verò qui securitatem populi læferit, memoriam etiam post mortem damnandam. Ita enim fiet, ut qui præsentis fiduciæ judiciorum expectationem eludere solent, hi ipsis rerum experimentis cognoscant, nullas esse tantas opes, nullam potentiam, ac ne temporis quidem præscriptionem ullam, quæ ipsos à futuri ævi censura defendere atque tueri possit. Atque ut nihil aliud consequamur, saltem pudorem seculo iniecisse videbimur, in quo tot Catilinas, tot Clodios, tantum Gabiniarum & Curionum grassari videmus; quorum alii veterem civitatis disciplinam luxu solvunt; alii sa-

re, atque in cervicem puellæ invadere: nec majori mole Britannos in Oceano, atque ficedulas in jure mergi. Longè tamen illi deteriores, qui miseram plebem pravis de Deo opinionibus imbuunt, solutamque omni sacrorum reverentia, aut numen non esse, aut humana non curare, aut quavis hostia litari posse dictitant. Eadem, inquiunt, spectamus astra; commune cœlum est; idem nos mundus involvit. Quid interest, qua quis prudentia verum inquirat. Cur angustissimis finibus coërceamus immensum sapientiæ pelagus? uno itinere non potest perveniri ad tam grande secretum. Hi quid aliud, quam Curionem imitantur? populum salutis cupidum collocant in instabili cavea: unde fluctuans de vitæ extremis, modò meritorum fiducia tumet: modò scelerum conscius ad sacrificia & indulgentias aspicit: postremò damnatis vadibus, terram simul & cœlum desperat. In republ. verò quantum Curionum est, qui populum æstuantem manu potius, quàm certo jure gubernari malunt. Vident enim leges suis obstare cupiditatibus, neque pati, ut civibus versatili machina inclusis, ipsi pro libitu & avertant scenas, & convertant. Itaque si qua

nè periiimus, dum adhuc aliqua nobis est respubl. nec omninò decoxit par-  
ta à majoribus virtutis gloria, infurga-  
mus ultore calculo, ac Curiones istos,  
qui remp. simul & sacra omnia eunt per-  
ditum, ultra Sauromatas & Garamantas  
exterminemus. Sic Cato, sic Catulus,  
sic Cicero censent, pedibusque in eorum  
sententiam eunt, quicunque boni cives  
esse, quàm videri malunt. Faxit Deus  
Opt. Max. ut vos quoque, iudices, quæ  
ex usu reip. sunt, ea concordibus suffra-  
giis rata atque sancta esse jubeatis.





# ANTONII MATTHÆI O R A T I O XVII.

C O N T R A

## JUS PATRONATUS.

Recitata XVII. Kal. Maji, Anni  
M. DC. LIV.

Cum JACOBO Vanden HELM,

*Summos Iuris Vtriusque honores  
conferret.*

**L**us nostrum civile multos  
quidem obtrectatores ha-  
bet; nescio tamen an ulli  
impensius inviderint, quam  
Pontifices Romani. His e-  
nim cum certum atque ju-  
dicatum esset, excusso Cæsarum impe-  
rio, tyrannidem orbis Christiani invade-  
re, non solum potestati eorum per ca-  
lumniam obtrectarunt, verum etiam  
in jure constituendo æquitatem pas-  
sim suggillarunt: tantumque valuit cu-  
ra quædam & ars nocendi, ut non mo-  
do pauca animadversione digna nota-  
rint, sed & multa æquissime consti-  
tuta

tuta incesto stylo corruperint. Utque solet odium ubi semel inflammatum est, in præceps ruere: ita Præfules illi dum nihil antiquius habent quam Imperatores pessundare, eo invidiæ atque furoris progressi sunt, ut minuta quædam sectantes alia majoris momenti præterierint, & quod minimè ferendum erat, autoritatis suæ præscriptione corroboraverint. Hujus rei plurima quidem specimina adduci possent, sed quia neque præsens institutum, neque temporis angustia patitur, ut omnia persequamur; in præsentiarum sufficiet nobis patronatus jus: non illud, quo ex communi gentium consensu dominus in servum manumissum utebatur, sed quod contrario prorsus modo ac more ingrati liberti in patronum exercent. Hoc jus, siue potius, hanc contra naturam injuriam, tantum abest, ut coërcuerint Pontifices Romani, ut etiam multis rescriptis confirmarint, & emissam carceribus latius grassari siverint. Cum enim Imp. Justinianus novissima constitutione ad Menam Patriarcham sanxisset, ut si quis profeucham seu oratorium ædificasset, aut ministrantibus ecclesiæ alimenta annua constituisset, non quidem ordina-

ordinare, præsentare tamen clericos posset, ab episcopo, si dignos repererit ordinandos: Pontifices aucta injuria non solum minores clericos, sed ipsos quoque episcopos ex hac causa præsentari permiserunt. Qua re quantum pietati, quantum libertati ecclesiarum detractum sit, dici vix satis dignè potest, meritòque dolendum eos, qui omnibus penè paginis de tunica Christi rixantur, hanc tantam ejusdem intertrituram tam facile dissimulasse. Verum non recesserunt illi ab ingenio & institutis suis, quibus non tam Christi, quam tunica sua curæ est: nisi enim hæc ecclesiæ servitus emolumento eis fuisset, nunquam profecto adduci potuissent, ut eam plumbeo illo piscatoris annulo obsignarent. Nam qui septem testes in testamentis non ferunt, qui pubertatem malitia non annis æstimari volunt, qui præscriptionem nullam absque jugi bona fide procedere sanxerunt, qui testimonium laici in clericum repudiarunt, hi scilicet pateantur clericos à laicis nominari, si non illa nominatio pulchrè eis proveniret. Itaque nimio verum experimur illud sapientis: *Ad mercedem pii sumus, ad mercedem impii.* Honesta quandiu aliqua illis spes inest, sequimur; in contrarium transi-

ri, si plus scelera promittant. Jupiter ille Romanus, quantas iras gerit, quæ non fulmina minatur, cum in discrimen aliquod, seu capitis, seu ventris vocatur. Idem ille quàm leni, quàm remisso animo injurias ecclesiæ ferre solet, quoties plus lucri servitus, quam libertas ejusdem promittit. Verum ne præpoſtera oratione infatiabilis aulæ fordes ante damnaſſe, quam cauſam noſtram probaſſe videamur, agite auditores, paucis oſtendamus, quam juſ illud præſentandi; & literis ſacris, & apoſtolorum inſtitutis, & libertati eccleſiarum adverſum atque inimicum ſit: quo patefacto ſua ſponte eluceſcet, quid aut de Juſtiniani conſtitutione, aut Pontificum decretis ſit judicandum. Ac literarum quidem ſacrarum autoritas in primis exigitur: laudanda enim fides, quæ ante diſcere cupit, quod crèditura eſt. In eo tamen blanditur ſibi humana calliditas, quod ubi aliquid de voluptate aut commodis ſuis metuit amittere, nominatim & ſignificanter id ſibi velit oſtendi. Non occides, non mœchaberis, non idolum coles; hæc, inquiunt, apertè in ſacris prohibita ſunt: non præſentabis miniſtrū eccleſiæ vacanti, nuſquam nominatim interdicitum deprehenditur. Næ illi non tam ſacrorum interpretes, quam aucupes qui-

quidā syllabarū sunt! qui dissimulant verbum, *Ex legibus*, ita accipiendum, ut non solum orationem, sed vel inprimis mentē & sententiam legum spectare jubeamur. Quid enim cū sacra pagina à regno sacerdotiū separat, nonne hanc mētē atq; sententiā legislatoris deprehēdimus, ut neq; regno sacerdotes neque sacerdotio reges intercedere voluerit. Dissimulari scilicet potest Aaronis crimen qui infula non cōtentus & Moyse convitiū fēcit, & populū à Deo deficientē converfis agminibus in Ægyptū reducere voluit. Dissimulari potest regis Uffiæ pæna, qui sceptro nō cōtētus pedū quoq; invadere, Deoque thus adolere ausus, pretiū temeritatis lepram incurabilē abstulit. Nonne triste supplicium documento est, non esse cujusvis intercedere apud Deum pro populo. Suam ille sibi peculiarem tribum, atque ex ipsa illa tribu familiam operādis sacris legerat. Quod si intercedere non est cujusvis hominis, ne nominare quidem intercessorē cujusvis erit, quandoquidem ipsa laudatio speciem quandā intercessionis continet. Periculum sane nominatoris est, si forte laudaverit indignū. Quod si dignū, quoniam hunc institui necesse est, quantum abest, quo minus ipse instituisse, atq; ordinasse videre? Ut enim in rep. si forte

cen-

centumviri nominandi, tresviri eligendi habeant potestaté; penes utrosq; non penes alteros solos creatio magistratuú esse dicitur: ita etiam in ecclesia, si penes patronú nominádi, penes episcopú probádi sit facultas, penes utrumq; quodammodo sacrorú comitiorum potestas erit. Tanto certè magis, quanto minor eligendi libertas, nominato uno. Id auté qua fronte privati usurpét, cum ab eo reges & primores populi abstinerint, viderint, qui defendunt. In sumtú tabernaculi multi cótulerant multa: devictis Midianitis legati, tribuni, ac centuriones legionú non modicam prædæ partem consecrarant Deo: in templum porro & sacrificiorú apparatus, quantam auri, argenti, æris, marmorum vim congefserat Salomon rex, ejusq; pater David: Ecquis unquam inventus, qui pro ea liberalitate sibi hæredibusque suis jus præsentandi stipulari sustineret? Nunc qui fundum forte, aut aream cum superficie dederit, aut decumas aliquas assignarit, is pro eo munere patronus ecclesię audiet, & libertatem fidelis coetus prærogativa suffragii sui onerabit? Non donum hoc, sed viscus est, hamum tegit liberalitas tua, majore cum præda abiturum, quam advenerit. Verum ne quis existimet hæc veteris paginæ scita ad sacerdotium,

dotium, non ad ministerium pertinere, pressius ex novo codice nobis urgendi sunt. Itaque illud dico non minus apostolica atque Mosaica lege definitum esse, & qui, & à quibus & quemadmodum ecclesiæ ministri sint ordinandi: dummodò fateamur, definitionem non solum verba facere, sed & mentem, & exempla, atque instituta eorum, qui divinitus ad colligendas ecclesias missi erant. Et primis quidem nascentis ecclesiæ temporibus episcopos ac presbyteros ab apostolis institutos legimus: ab his porro in locum decedentium alios substitutos: non tamen sine coetus Christiani suffragiis. Quæ quidem suffragandi potestas ita diu libera atque illibata penes populum Christianum fuit, ut aliquot à Soterenato seculis nulla omnino præsentationum mentio reperiatur: ac nescio, an non prima atque antiquissima sit, apertissima sane est, quæ in novellis Imp. Justiniani fit: qui cum seculo restitutæ salutis quinto imperitarit, cum multum jam puritas religionis decoxisset, facile animadverti potest, quid de hac usurpatione sit judicandum. Ac ne in decreto quidem suo alios adversarii adduxerunt auctores, nisi patres Toleti congregatos sub Martino I. cum jam Constantinus III.

Orienti

Orienti præesset, nec non concilium Romanum Eugenio II. ac Leone I V. institutum, cum jam Franci rerum potirentur, atque ad tyrannidem jam tum grandi gradu grassarentur mitrati. Itaque noncentum, non ducenti fuerunt anni, quibus patroni isti ignorabantur: quinto demum & sexto seculo, cum jam omnia in pejus ruerent, nova ac perniciofa nomina audita sunt, pestisque ista præsentandi ecclesias invasit. Quis credat tot seculis neminem fuisse, qui ecclesiam, ut verbis istorum utar, aut fundaret, aut ex redditu prædiorum suorum dotem daret? An nescimus, liberalitatem fere cum orbe senuisse, virtutemque istam adolescentis magis quam deficientis seculi fuisse? Cur ergo cum prisci illi Christiani & amplas dotes dicerent, & omnia bona, ac vitam ipsam Christo impenderent, nemo unquam repertus est, qui pacto convento jus præsentandi sibi reciperet? Num fas est, aliam existimari causam, quam quod pietas eis dictaret, non esse temerè audendum, quod à primis illis ecclesiarum institutis abhorreret. Satius esse, pauperi ecclesiæ suam constare libertatem, quam dotatae subeundam esse speciem aliquam servitutis. Nam si libertas singulorum res inæstimabilis est, nec regno Persarum



456 ANTON. MATTHÆI  
rum mutatur: quanti æstimabimus liber-  
tatem ecclesiæ, quam sponsæ honore  
Deus dignatur, quam perinde ac pupil-  
lam oculi sui tuetur; cujus causa reges ca-  
stigmat, ac tyrannos æterno exitio mactat.  
Scilicet, huic tu herediolum aliquod, vel  
reditum, vel decumas pretium ponas, ti-  
bi illa pro dote serviat, quam liberali ma-  
nu Christus asseruit: pro cujus capite non  
æs, non aurum solvit, sed pretiosum san-  
guinem suum in cruce profudit. Habe-  
mus igitur, auditores, præjudicia aposto-  
lorum: dederunt exemplum judicaturis  
quod sequantur proximi apostolis viri  
pietate, religione, ac fide in Deum pro-  
bati: aureis istis seculis, quæ catinis lig-  
neis non pudebat administrare sacramen-  
ta. Et sunt adhuc lignei sacerdotes, qui ut  
aureis vasis ministrent, audent dotes ca-  
ptare, & præsentationes defendere. Quasi  
vero à deterioribus, ac non à probatissi-  
mis oporteat exempla sumi, ne quod a-  
liud confirmare debeat, egeat ipsum con-  
firmationis. Statuas facturis non tyrones  
consult, non artificis pueros sectatur; sed  
ipsum Lysippum adit, Myronis, Praxite-  
lis, Polycleti opera considerat: dotem  
vero ecclesiæ dicturus stupeat ad cano-  
nes Martini, nec quid principes veteris  
ecclesiæ, sed quid Leo aliquis, aut Sylve-  
ster,

ster, aut Malifacius decreverint, spectet. Atqui siquid illis auctoribus reverentiæ deberetur, fecit tamen decretorum repugnātia, ut in hac causa nihil omnino sit deferendū. Quam pulchrè enim sibi constāt rigidi isti juris civilis censores! quanta eorum in decernendo constantia, quæ autē perspicacia! qui cum Simoniā multis sanctionibus ferierint, cōdemnaverint, proscripserint, hanc tamen Simonię speciem perfricta fronte tueri audent. Quid enim Simonia? Nihil sanè hic opus nostra definitione: adversæ factionis verbis tam detestandum crimen arguemus. Simonia, inquiunt, est rei spiritualis, vel spiritali annexe cum aliqua temporali facta commutatio. Contrahitur enim, inquiūt, quoties quis sacra quodammodo in commercium deducit. Itaque episcopus pro ordinatione, & minister pro voce, & notarius pro stylo aliquid capientes, haut dubiè in hunc reatum incidunt. Sed & qui pro electione præmia largitur, perinde illis Simoniacus habetur, ac si pro consecratione munera accepisset, quoniam per electionem ad consecrationem pervenitur. Simon deniq; magus, qui primus huic sceleris nomē dedit, idcirco notatus est, quod commutationem quādam donorum spiritalium cum pecuniis instituere voluisset

set. Dicite nunc Pontifices, qua via, quove defensionis commento hanc accusationem effugituri sint, qui jus præsentandi fundo, decumisve agrorum mutant? Nonne ut vestra oratione utar, per præsentationem ad acceptationem, ab hac porro ad consecrationem pervenitur? Quid? libertas ecclesiæ in eligendis atque ordinandis ministris, nonne res sacra est? Atqui hæc in commutationem quandam deducitur, cū pro dote pars non exilis patrono mancipatur. Jam tabellionis stylus nihil sanè sacri habet, mercenaria manus, tametsi fortè sanctissima Dei oracula describat, externis tamen literarum figuris occupatur, quas argutus calamus, quo celerius pingit, eo facilius librarii laudem, non religiosi gloriam assequitur. Si igitur Simoniam committit tabellio, quāto magis patronus, qui præsentandi jus pretio præstina-  
& episcopus, qui id quod nullius in bonis est, perinde ac fundum aut vestem, aut suppellectilis aliquid per æs & libram mancipat! Sed esto! non sit res sacra præsentare clericum! quanquā est etiam sola quodammodo oblatio sacra, attamen ipsi fatemini esse re spirituali annexam. Unde necesse est, non tantum Simoniacos esse, qui id jus emunt ac vendunt, sed & ipsos Pontifices, qui patiuntur istos præsen-

sentationum mercatores, nec injecto fulminis sui terrore eosdem emendant. Hoc fanè, auditores, ita planum ac perspicuum est, ut quanquam sint illi exercitatissimi præscriptionum fabricandarum magistri, nullâ tamè exceptione elidi aut declinari possit. Ac vel ex hoc solo apparet, non minus verè, quam falsè quosdam dixisse, *tametsi inter juris Pontificii rubricas cocco etiam minore fulgeat de Simonia titulus, usum tamen ejusdem ab aula recessisse.* Hactenus igitur demòstravimus, neque sacris literis, neque apostolicis institutis, ac ne ipsorum quidem Pontificû decretis jus patronatus convenire: enumeremus nunc incòmoda, quæ & quanta ex isto Pandoræ vasculo ad ecclesiam redundare soleant. Primùm quidem, dum deliberat patronus, dum cum eligentibus disputat, dignus an indignus laudatus sit, dum certant inter se aut plures patroni, aut ipsi illi, qui nominati sunt; quot dies, ah quid dies queror? quot menses, quot anni elabuntur, antequâ calculos in urnam index mittat? ubi exierint, protinus nova acies, novum prælii discrimen subeundum, sententia judicantis appellatione forte suspensa. Interim oves neglectæ aut suis cupiditatibus irretiuntur, aut grato hostibus spectaculo lupis in prædam cedût: quæ si gregi sua constaret libertas,

dato sine mora custode, neque vim in se ullam metuerent, neque in insidias facile præcipitarent? ambrosiâ autem, ac nectare divini verbi, non interpellatis mensis jugiter replerentur. Tum autê quam grave est, quam nullo modo ferendum, servitutem hanc ecclesię fundo magis, quam personæ cohærere, ac cum universitate bonorum in heredes patroni transire! Itaque qua in adversis spe singuli sustētare se solent: Non si malè nunc, & olim sic erit: ea spes ecclesiæ prorsus præcisa est. Moritur patronus: quid sperent fideles? præsto est illicò hæres, non solum ille legitimus, cui & natura, & sanguinis, atque sacrorum communio hereditatem addicit: sed extraneus, quem stulto fortè iudicio supremis tabulis testator sibi nuncupavit. Atqui nullum hæreditarijū munus ecclesia agnoscit: non episcopi dignitas, non presbyteri honor, non diaconi ratio, non lectoris liber, nō ostiarii clavis in successorem bonorum transit: & transibit prærogativa illa præsentandi? Quid igitur futurum censes, si patrono stultus hæres natus sit? si ferox admodum, & barbara immanitate præditus? nonne vehemēter miserum, cum istac bellua oviculis Christi esse conflictandum? De heredibus porro qui scrupuli! quâ anxietate disputationes!

legi-

legitimine duntaxat liberi, an & nothi præsentare possint? integri, an & manci, & mutili, & herniosi, quandoquidem hos ab altari lex Mosaica arcet? Et quid si legitimi quidem liberi, sed à patre exheredati sint: utrum bona duntaxat, an & nomen patroni perdant? Quid si necdum perfectæ ætatis sint, utrum sine tutoris auctoritate, an non nisi cum ejusdem consensu præsentare possint? Porro autem si patronus forte testamento facto plures heredum gradus fecerit, atque aliis hereditatem ex causa fideicommissi restitui jusserit, nova disputationis materia nascitur, penes heredem jus præsentandi maneat, an transeat in fideicommissarium? Sed majore discrimine de uxore pugnatur, cui maritus ususfructum omnium bonorum reliquit, an in fructu præsentandi quoque facultas sit computanda? Quod quidem plerique adfirmant, sed & pravo consilio, & eventu ecclesiæ vehementer pernicioso. Nam præter fragilitatem sexus, nonne gravissimum hoc est, scēminam, cui in coetu fidelium ne loqui quidem fas est, præsentare ecclesiæ pastorem, & publicè sapere, quæ privatim vix sapit, domestici doctoris ope atq; consilio sublevanda? Nec lætior exitus, si scēmina patrona nupserit, maritoque bona sua in dotem dederit, in

dote jus patroni numerari. Quid enim, si forte hæretico, aut apostatæ nupserit, aut Epicuri de grege porco? Nominabit ille, credo, dignissimum quemque, ac non potius lupum aliqué summittit, vellere ovis tectum, aut sui gregis porcellum, cui venter pro Deo sit, qui cantharum pro codice sacro tractet, pro hymnis hymenæum, pro psalmis Fescennina cætitet. Quantam ille ovibus suis scabiem, quantam porriginē toti cætui affricabit? In triclinio primus, in profeucha postremus: segnis ad preces, strenuus ad pocula: expers fraterni amoris, sed pronus ac promptus in sorores. Hæc scilicet ille vitia solus possidebit, nec admittet in consortiū libidinis, creditos suæ curæ? Quasi non plures ad exēpla vivant, & cōsuetudine potius abducantur, quam ratione. Itaque si recte olim Plato: *ubi senes minus pudici sunt, ibi juvenes impudentissimos esse necesse est*: quid futurum, si pastor forte impudicus sit, nonne oves impudicissimas fieri necesse est? efficacissimum enim exemplum est, quoties is unde sumitur, religionis opinione ac reverentia est munitus. Tum sane, licet mare coelo misceas, non ante sanctis vivetur moribus, quam sanctitatem vitæ præstent magistri morum. Verum enim verò, dicet aliquis; frustra nos hæc presentationum objectare

re incommoda, cum vitium nominationis emendare ecclesia possit, nec laudatū suscipere teneatur, nisi mores, vitam, eruditionem omnibus approbarit. Si igitur hæreticus, si moribus inhonestus sit, aliū eundemque probum ab episcopis substituendum. Quasi vero decipi non possit eligentium sollicitudo tegente scelus hominis vultu! Et princeps tenebrarum angelum lucis mentitur, nivæque candor stolæ incautos decipit arbitros. Ut autem noti sint hominis mores, ac tota pelluceat præsentati hypocrisis, quis nescit, quàm iniqua plerunque sit ecclesiæ cum validiore patrono concertatio. Alii potentiæ metu, alii promissorum spe, alii sua credulitate impulsī de sententia decedunt: sunt etiam quos tenuitatis conscientia fortiter inceptum urgere vetat: non enim audent omnia homines pertusa læna. Postremò, adeo validus ambitus est, tam efficaces divisoris preces, ut & devotionem fidelium, & zelum martyrum, & pietatem confessorum numero suffragiorum facile vincat. Fuit quondam id crimen sæculi: nunc commune factum est seculo & ecclesiæ; nec ullus tam sanctus cœtus est, quem non possint ad stipulatorum sordes contaminare. Quorum improbitati ut obviam eatur, frustra legis au-



xilium implores: ipsa enim quæ auxiliari  
 debebat, vi, ambitu, pecunia turbatur.  
 Longè rectius vindicias secundum libe-  
 ratem dederis, ut neque divites fraus, ne-  
 que pauperes metus, neque cupidos spes,  
 neque imperitos credulitas à recta sen-  
 tētia dimovere possit. Etenim omnia quæ  
 hætenus enumeravimus mala, ex isto  
 pestilenti fonte manant, quod in bonis &  
 patrimonio nostro Pontifices jū patron-  
 natus censerī permiserunt. Huic igitur  
 fonti intercidenda vena est: hic ductus  
 mortiferæ aquæ strangulandus, ne toties  
 cum patrono, cum heredibus patroni,  
 marito, uxore sit conflictandum. Quan-  
 quam quid heredibus, marito, uxori con-  
 vitium facimus? creditores potius accu-  
 semus, qui patrono latitante in possessio-  
 nem bonorum missi, & ipsi ecclesiæ litem  
 movent, ac per curatorem bonis datum  
 præsentare volunt. Quinetiam eo pravi-  
 tatis deventum est, ut in poenæ partem  
 nominatio cedat. Nam si vasallus forte  
 feudo cadat, cuius præsentandi adhære-  
 scit, in dominum cum fundo feudali tran-  
 sibat. Et si investitura non petita dominus  
 manum injecerit in prædia, donec satis-  
 fiat, ipse prærogativa nominationis gau-  
 debit. Postremò si forte capital admiserit  
 patronus, & bona ejus in fiscum redigan-  
 tur,

tur, jam fiscus in locum ejus succedet. O miseram ecclesiam, cui cum fisco sit litigandum. Quis enim durior, quis potentior fisco adversarius est, cujus mala causa nūquam habetur, nisi sub bono principe. Audebit nimirum coetus aliquis in agro fisco contradicere, cujus executores perinde ac milvius, omnia mapalia, omnes villæ tremunt. Incrementum autem malorum, ut si forte fiscus redditus suos posita hasta locaverit, jam publicanus patroni titulo superbiat, quandoquidem multis placuit, etiam in conductorem jus hoc præsentandi transire. Publicanum igitur ecclesia patronū habebit? Patronus ecclesiæ erit publicanus? quàm gravis, quàm iniquus, quam invisus simul atque infensus! Pastorem ecclesiæ redemptor dabit, quem sacra pagina peccatoribus adjungere solet: quod ipsi quoque Romani dixere: *Ubiunque publicanus, ibi aut jus publicum vanum, aut libertas sociis nullam esse.* Nonne ad extremum jam malorum deventum est, an aliquid amplius memorari potest, quod ad cumulum istum miseriarum accedat? Etiam: non enim cum universitate duntaxat bonorum transibit præsentandi, jus in liberos, in heredes, in conjugem, in creditores & fiscum, sed & in singularem successorem, accedente episcopi consensu. Igitur si le-

gatum si fideicommissum, si donatio, seu inter vivos seu mortis causa, si venditio, ac permutatio celebratae fuerint, episcopo dispensante, efficient ecclesiae patronum. O rem vehementer indignam! O Simoniam impiam atque detestandam. Quisquis es licitator, qui ad infelicem hastam properas, non times, si minus religionis vim & ecclesiae suspiria, at certe Dei immortalis ultionem. Tu autem episcope, qui custos & conservator ecclesiae clues tu hastam ponere, tu pretium legitimis tabellis obsignare ausis? Atqui nefisci quidem procuratori decidere aliquid de commodis aëarii licet, & licebit Praefuli de commodis ecclesiae? Nefas est principi minuere reipublicae jura: & fas erit pastori accidere gregis jura? Nescis nimirum emtor, hanc rem extra commercium, ac nullis in bonis esse? tu autem venditor, non dominum te ecclesiae, sed ministrum, non herum rerum divinarum, sed dispensatorem duntaxat esse. Væ isti atriensi, qui absente domino bibit, comest, heluatur, gravis est familiae, injurius in conservos! Momento temporis securum sui vindicta opprimet, ac reliquatores istum æterno exitio damnabit. Quare cum jus hoc patronatus neque sacris literis, neque institutis primitivae eccle-

ecclesiæ conveniat : cum incidat in detestandum Simoniae crimen, turpemque sacrorum cum profanis commutationem contineat ; cum denique infinitæ inde lites, ac plurima ecclesiarum incommoda nascantur; quid restat aliud, auditores, nisi ut hanc usurpationem magis, quàm jus ac potestatem, summota omni temporis præscriptione, primùm quidem ex animis nostris, tum etiam ex provinciis exterminemus. Non enim fas est, aut mortales adversus Deum immortalem, aut privatos adversus publica commodum præscribere velle. Neque metuumdum, ne damnato hoc monstro nemo in posterum fundare, nemo dotare ecclesiam velit. Gratuita enim ac liberalis pietas est, nec mercedem largitionis expectat in Christum amor : quippe, qui sciat, longè majorem sibi mercedem in coelis repositam, nec pulchrius scenerari pecunias, quàm quæ sunt indigentibus locatæ. Quanquam quid opus hac formidine? satis jam lautum ecclesiæ patrimonium est : utinam hæc ipsa quæ habet bona, sanctus semper administret œconomus, nec majorem partem rapiant aquilæ & accipitres, ac si qua alia avidior prædæ ales est. Nunc ferè pro episcopo comestor, pro pastore leno, pro diacono

concubina alitur, decumamq; pauperum otiosi ventres condunt. Quo magis metuendum, ne tandem aliquando expergefiat dominus, tanquam fortis de vino, ac sacrilegos bonorum suorum vindicet, non Julia, sed sua ac horrendi carminis lege, quæ non tantum temporale exitium, sed & æternum scelcratis minatur. Persequitur enim ultor oculus peccatorem, celeremque cognitionem præfens supplicium expectat: quo nisi sponte cupimus perire, & alia multa sunt nobis emendanda, & summotis patronis in libertatem ecclesia est vindicanda. Postremo, nisi & Deo dederimus, quæ Dei sunt & Cæsari, quæ Cæsaris, non est quod deprecatores nobis paremus. Quid ille furis moram, nec inultam finit prædonis tergiversationem: Quare, ut Prophetæ verbis desinam, ascendamus celeriter montem Libanum, ac cæsis cedris domum domini instauremus. Ita demum & ecclesias habituri sumus florentes, & hostium securi summa reipublicæ tranquillitate fruemur.

D I X I.





ANTONII MATTHÆI  
POËMA INAUGURALE,

H O N O R I

*Amplissimi Ordinis Senatorii in Inclita  
civitate Ultrajectina,*

OB DEDICATAM BONIS  
AUSPICIIS ILLUSTREM  
ACADEMIAM.

**Q**uanquam multiplici distractū Astræa labore  
Sevocat à Musis, & pro Permesside lymphæ,  
Assiduū versat Masuri prudentia pectus,  
Raraque placato nascuntur carmina Phæbo:  
Pauca tamen patria proceres, Sanctique Senatus  
Culmina, patricio quos nunc beat aurea clavo,  
Aureæ divisi Trajectum gloria Rhæni,  
Vobis pauca canam; sed quæ legat arbiter aquæ  
Mente, nec ad legem morosa ponderet artis:  
Quandoquidem ~~stet~~ a procul ambitione remotum,

V 7

Difficiles

*Difficiles numeros, tardamque laceffere venam  
Vester honos, annique decus, seclique cœgit.*

*Orbem jam totum nostra compleverat urbe  
Fama: ferebantur niveis sublimia pennis,  
Qua mare, qua tellus, cœlam quacunque pateret,  
Cum prisca virtutis honos, populique Batavi  
Gloria: tum nova gens, provit aque emula laudis  
Posteritas, purum qua nunc bibit ultima Rhenum,  
Virtutisque decus tantum natalibus æquat,  
Iudicio vix, ut possis discernere recto,  
Plus veteri nostrum, nostro plus debeat ævum  
Antiquum: usque ad eò dubiis contenditur armis,  
Anxiaque incerto restat victoria Marte.  
Nec minus insigni celebrabat carmine rumor  
Ampla per excultos pomœria condita fines,  
Magnificique operis muros; quos advena longis  
E mensus gradibus vallum, fossasque, minantesque  
In cœlum turres, & tot sacraria Divum  
Suspexit, famamque ipsis concedere rebus  
Obstupuit patriis è sedibus excitus hospes.  
Quid memorem telluris opes, magnasque beati  
Delicias ruris? fundos, pratoria, villas.*

*Pascua,*

*Pascua, & irriguos undis fluvialibus hortos ?  
 Ut lascivirent saturi per prata juvenci,  
 Grandia distentadum præbent ubera vacca,  
 Omnis uti latis turgeret foetibus arbor,  
 Pomaque felices curvarent mitia ramos.  
 Nil aliud tanta deerat cultoribus urbis,  
 Nil votis hominum, vitæque ex asse beata,  
 Quam sophia studia, & condignæ civibus artes,  
 Quæis cœlesti fruimur, quæis Diis conjungimur ipsis,  
 Atque capax docto succincti pectus honesto  
 Aurea securæ componimus otia pacis.  
 Non tulit ulterius damnum tam grande senatus,  
 Consulioque patrum, quo non præstantius ullum  
 Imbuerant aures doctæ, prælustro Lyceum  
 Conditur ominibus faustis, atque augure lato.  
 Res memoranda! situ squalentia recta pudendo  
 Lustrat, & antiquo rursus donata nitere  
 Dedicat illatis procerum clementia Musis:  
 Vestigatque viros, quorum præcordia Titan  
 De meliore luto sinxit; qui pectore puro  
 Quas capiunt artes, & quæ præcepta, rotundo  
 Possent ore loqui, faciliq; evolvere sensu*

*Historias,*



*Historias, critice, leges, inventa sophorum,  
Quaque sacra nobis pangunt oracula charta.  
Ne tamen ingrato vires, animique labore  
Conciderent, sterileſve darent decreta palaſtras,  
Additus eſt cenſus, quo ſe facunda ſeneſtus,  
Haredeſque ſuos, tunc cum decoxerit ardor  
Ille ſtyli patiens, intempeſtaque lucerna,  
Laſſet & inſani contemnat vota popelli.  
O formoſe dies! o lux inſignis, & hora!  
Qua tulit hæc nobis ſuffragia; quaque ſubinde  
Feſta coronatis ſtabant anabachra tigillis,  
Velarent cum picta novas aulae cathedras,  
Audirentque ſuos procerum ſubſellia myſtas.  
Quid potuit plebi majus præſtare Senatus?  
Quidve pater patria? quid nutrix majus alumniſ?  
Quàm ſari, & ſapere, & pravo diſcernere rectum,  
Et cuius dare poſſe ſuum, pulſiſque tenebris  
Peſtoris, erectas ad ſydera tollere mentes?  
Hoc optandum unū eſt! hæc ſunt digniſſima magno  
Vota Deo! faciunt cives hæc ſola beatos!  
Imperio timeant alii, quos Martia virtus  
Terrarum dominos, quæ ſunt à Gadibus uſque*

Ad Gangem facit: at cedunt fera praelia Musis,  
 Cedunt arma toge; virtusque est tanta tribunum,  
 Tanta ducis, quantam volet esse oratio: famam  
 Sola dat. obscuro periisses inclute fati  
 Æacide, doctus nisi te servasset Homerus:  
 Quo tanto minor est, quanto tibi plura Poëta  
 Imputat, & vitam donat post funera factis.  
 Pars bona divitias, & magnam laudet opum vim,  
 Pascuaque & milvos intra sua pradia lassos:  
 Hi bona summa putent tenuae habitasse feraces,  
 Credita qua reddunt magno cum fœnore latas  
 Agricolis: ubi sit formosum littus, amœni  
 Secessus, & rura oculis gratissima nostris:  
 Sistat ubi fessas statio tutissima puppes,  
 Ingentemque beet peregrinis mercibus urbem  
 Decolor eois veniens mercator ab Indis.  
 Ecquid habes, nostris quod scæva negaverit oris  
 Natura, aut melius natura numen? abesse  
 Quid quereris votis? toto pulcherrima tractu  
 Nostra cliet regio, placidique tepentibus auris  
 Corpora demulcent Zephyri; nec latior usquam  
 Annus, & assiduus semper spes certa colonis.

Mille

Mille capit Rhenus naves, multasque secundo,  
Adverso multas summittit flumine merces;  
Nec metuit scopulos, aut sevam nauta charybdin  
Qui piger in molli figit retinacula ripâ.  
Laudet Roma suas infami littore Bajas,  
Garrula Thessalia collaudet Gracia tempe,  
Aut urbes Asia cœli regionibus æquet:  
Nil habet ad nostrum Danaorum fabula sensum  
Incluta famosi quod vincat mœnia Rheni:  
Noster ager Bais longè præluceat amœnis,  
Et superant Latias pinguiſſima jugera glebas,  
Siqua solent aliis cœlestia numina terris  
Singula largiri, parcâque ostendere dextrâ:  
Cuncta Deus nobis confert, ac prodiga pleno  
Effundit natura sinu, metuensque nocere  
Nomen, inexhausto justos alit uberematos.  
His superadde decus Musarum, & Pallados artes,  
Historiam veterem atque novam, civilia jura,  
Et quæ divinus referat mysteria codex:  
Queis evocata bonis res publica sydera tangit,  
Sublimisque alias tantum nunc despicit urbes,  
Quantum parva solent alta virgulta cupressi.

*Nec tamen his potuit virtus invicta Senatus  
 Includi metis; sed aperto libera campo  
 Grassata est per iter laudis, dum turpe putavit,  
 Defessos residere animos, ubi gloria cœpto  
 Defit adhuc operi, & colophonem tecta requirunt.  
 Restabant fasces; deerant academica jura;  
 Nominaque, & stimuli generosa mentis honores:  
 Queis alitur virtus; queis pratextata inventus  
 Ardens recta cupit, pravaque libidinis expers  
 Nil plebis, nil vile sapit; sed ad ardua crebris  
 Impetibus ruit, & Phæbo prævertit Amorem.  
 Ergo Palatinas orator vadit ad ades,  
 Majestas ubi Trajæcti, gentisque supremum  
 Concilium, & sacris habitant diplomata thecis.  
 Nec mora, cum facili patuisset janua claustris,  
 Auditaque preces, procerum suffragia princeps  
 Vir rogat, UTQUE ROGAS, uno omnes ore reponit.  
 Res miranda! brevi rescripto academia surgit,  
 Quaque prius medicis, iterum majoribus orta  
 Auspiciis, sublime caput tantum extulit urbe;  
 Quantum aurora polo, quantum solet Hesperus, undis  
 Conspicuum quoties jubar extulit. hic licet orbem*

Excii-

*Excutias, tabulasque omnes, atque acta diurna,  
Nil tale invenies usquam! vix credimus ipsi  
Tam raptim potuisse scholam succrescere; Phœbem  
Desisse in Phœbum; & nugis, nucibusque relictis,  
Quæ modo pupa fuit, robur sumsisse juventa.  
Pugnat enim ratio; sed vincit sensus, & aures  
Objicit atque oculos dubitanti: vidimus, inquit,  
Vidimus ingenti pompa strepituque per urbem  
Ducier, irato frustra livore, locatam.  
Quoque magis stupeas, non est sine dote locata,  
Tanquam si modicis foret orta parentibus, & quos  
Res angusta vetet virtutem extendere censu;  
Dii melius! data dos, quam nec Casonia quondam  
Nec magno sata Fabricio tulit; his licet ipsam  
Adjicias, quæ tunc meruit dotata vocari.  
Securos onerum proceres, grandique tributo  
Immunes nos esse jubent, & flore Lysi  
Puro illibatoque frui. Secedite vulgus  
Invasum, quique pretio portoria, ripas,  
Et venale forum domina conducitis hasta:  
Ius nullum in Musas vobis, non ulla potestas  
Vexandi loculos, doctæque pecunia turba:*

*O pulchra edicti forma ! o sententia soldo  
 Expendenda auro ! superant beneficia nostri  
 Penè fidem secli : nam fines Cantaber hostis  
 Acri urget bello, & magna suffultus opum vi  
 Excidium sociis minitatur perfidus oris.  
 Arma patres contra expediunt, & finibus hostem  
 Magnis propellunt animis, & sanguine multo.  
 Interea tamen & Musas, & sacra Minerva  
 Impenso curant studio : licet alea Martis  
 Ærari frangat fiscos, Bellonaque censum  
 Conturbet; tamen exhaustis propè pullulat arcis  
 Numus, & in doctos non parçè spargitur usus.  
 Dii patribus magni dent hostimenta laboris !  
 Fortem animum, ingenuas vires, corpusq; salubre;  
 Et serum functis cœlum, tardamque senectam:  
 Doctus ab integro queis nunc autoribus ordo  
 Incaluit, vinique potens, & viribus auctus  
 Pectoris, ingentes in prœlia colligit iras,  
 Ardentemq; novis studiis illuminat oram. (quet?  
 Singula quis memoret ? quis prosa aut versibus a-  
 Qua sitis & sordes, qua turpis araneus ade  
 Regnabant; hanc Pallas amat, doctæque sorores  
 Nunc*

Nunc habitant, opici modò quæ laquearia mures:  
Nunc Themis est, ubi cerdo fuit; nunc præco Galeno  
Cedit, & ejectis celebrantur sacra tabernis.

Nec tamen inducto mendicant pulpita vate,

• Nec curta sophus in togula laudatur, & alget:

Qui dedit hospitium Musis, dedit æra Senatus  
Annua, quæis fatui spernant chrysendeta Pluti;

Quæis instructa minas fortune serior atas

Rideat, & totos laudet domicœnia menses.

Quem Nasidieni capiat jam squilla beati?

Vina foris sitiens quis sanus capiet Opimi?

Cum liceat propriis hæræum diffundere vasis.

Hoc opera præcium est! hac emolumenta laborum?

Nullus jam parasitus erit, nec limina doctus

Divitis indocti teret; esuriensve Latinus

Conducet foricas, pistrinum, balnea, furnos;

Aut vendet rauca præconis voce libellos

Creditor, ac nudi proscribet frivola Codri.

Parte alia, o mores! o tempora! scurra tæmento,

Scurra minis gaudet: rauduscula curta sophorum

Premia sunt: sed & hæc quanto cum murmure  
dantur?

Inde

*Inde libri miseris, tripodes, toga, calceus, atque  
 Pulmentum fumusque domi. Sed quantulacunque  
 Sit merces, tamē hinc decuma est pēdenda, recusas?  
 Ipse sibi partem decidet Accenitus acer.  
 Quid facias? aliquid perdundū, dummodo quæstor.  
 Ne siet iratus, sexta quod noctis ab hora  
 Surrexis, quā nemo faber, quā nemo solebat  
 Surgere, qui tenues percurrit pectine telas.  
 Æterna mentis non inficianda propago,  
 Corporis ò nostri comes, & fidissima custos!  
 Siqua aliunde putas rerum incrementa tuarum  
 Posse peti, atque idē nigrā loligine chartas  
 Illinis; hesternos tibi suscitet ocylus ignes  
 Follis, & infelix urat tuā somnia lignum  
 Nil habet ulterius, quod nobis imputet avum;  
 Sed spes, & ratio studiorum est una Senatus,  
 Et procures: nunquā dabit histrio, quod dedit ordo.  
 Ille chori nostri pater est! ille auctor honoris!*

F I N I S.



## Errata sic emendanda.

**P** 12. 6. lin 7. sons, fons. p. 8. l. 7. dominum, dominium  
 p. 23 l. 15. pensantis, pensatis. l. 16. utilitatem, uti-  
 litate. p. 36 l. 9. convertit, converterit. p. 45 l. 14. istac,  
 ista ac. p. 48. l. 26. rax, ferax p. 50. l. 7. fago, fago. p. 94.  
 l. 11. nullius, nulliusque. p. 203. l. 9. vir summi, viri  
 summi. p. 113. l. 2. nihil summo, nihil in summo. p.  
 143. l. 11. advenitii, adventitii. p. 168 l. 13. virorem,  
 virum. p. 172. l. 1. vindicare, vindicari. p. 179. l. 21. sua-  
 met, suamet, trasire, transire, p. 187. l. 2. brachii,  
 brabii, p. 200. l. 2. Erat, Eat. p. 203 l. 16. inulti semper  
 &c. nec inulti. p. 232. l. 13. Oceanus, Oceanus. p. 250.  
 l. 5. timer concussorem &c. nec timer p. 266. l. 3. ad-  
 ferimus, adferimus. p. 305. l. partem, partam. p. 335.  
 l. 9. fuerit, fuerit. p. 344. l. 3. spoliemus, spoliemur. p. 373  
 l. 27. contumacia verò, calliditas, perfidia, contuma-  
 ciam verò, calliditatem, perfidiam p. 396. l. ult. bonos,  
 honos, p. 409. Idem, lidem, p. 420 l. 2. corpora, corpo-  
 re p. 438. l. perdere, pendere. p. 462. l. 5. summittit,  
 summitter. p. 466. nullis, nullius.

*Reliqua aquì lectores per se facile corrigent.*



